




948

por





*Serenissimus et Potentissimus Princeps Dominus, Dñs
FRIDERICKS IV. D. G. REX DANIE. Norvegiæ, Vandalorum, Gothorumque
Dux, Slesvici, Holstatiæ, Stormariæ et Ditmarsici Comes in Oldenburg et Delmenhorst etc.*

UNIVERSI SEPTENTRIONIS
ANTIQUITATES,

SERIE M
DYNASTARUM

ET

REGUM DANIÆ,
A PRIMO EORUM SCKIOLDO

ODINI FILIO

AD GORMUM GRANDÆVUM

HARALDI CÆRULIDENTIS PATREM,

EXHIBENTES,

SUB AUGUSTISSIMI REGIS
FRIDERICI QVARTI

AUSPICIIIS

IN PUBLICAM LUCEM EMISSÆ

PER

THORMODUM TORFFÆUM,
HISTORIOGRAPHUM REGIUM.

H A F N I Æ,

apud **JOH. MELCHIOREM LIEBEN,**

ANNO M DCC V.

THE UNIVERSITY OF CHICAGO

LIBRARY

1900

1900

1900

1900

1900

1900

1900

1900

1900

1900

1900

1900

1900

1900

1900

1900

AUGUSTISSIMO
SEPTENTRIONIS MONAR-
CHÆ,
FRIDERICO
Q V A R T O,
DANORUM, NORVEGORUM,
VANDALORUM AC GO-
THORUM REGI,
SLESVICI, HOLSATIÆ, STOR-
MARIÆ ET DITHMARSIAE
DUCI,
OLDENBURGI ET DELMEN-
HORSTÆ COMITI,
Domino meo Clementissimo.

AUGUSTISSIME REX, Clementissime Domine,



Vod Sacrae Majestatis Tuæ No-
men præsentì libro præfixerim, non
illius, nec mei, sed magni manda-
toris & argumenti fiducià factum est.
Avus enim Tuus, omni laude ma-
jor, Divus FRIDERICUS TER-
TIUS, Septentrionalium, quæ jam,
Tua sunt, Regnorum quondam mo-
derator, Dominus meus in terris primus, idemque & sem-
per clementissimus, cognito, vetusta Islandorum monumenta,
in antiquissimorum Daniarum Regum ordine à Saxone Grammatico
aliisque antiquitatum Danicarum consultis haud parum discre-
pare, Danumque Principum illorum, ut vulgò creditur, antesi-
gnanum non agnoscere: mihi ut Principum Regumque, qui à pri-
mà memoriâ Danici Regni sceptrâ tenuerunt, ordinem ex iisdem
monumentis colligerem, ac secundum eorundem asserta literis
proderem, mandavit. Fuit enim, uti in omni genere eruditio-
nis, supra quam in Principe, nisi rarissimè, compertum est,
versatus, ita etiam omnis avi historiæ peritissimus: patriæ
præsertim, atque ideo illorum, quæ ad eam illustrandam
facere videbantur, cognoscendorum valde cupidus. Ego,
utì par erat, Regio mandato mox obtemperavi, lectisque,
quæ tum ad manus erant, nostratium monumentis, de
prædicto argumento Librum confeci, qui in ea, quæ ad
Regiam Tuam Majestatem nunc pertinet, instruatissima Bibli-
otheca locum deinde invenit. Postea, accedentibus an-
nis, cum plura ad hanc materiam idonea monumenta in
manus venirent, multa libro isti deesse animadverti. Ita-
que

quæ ut tanti Domini mandatis, etiam post cineres illius, quantum in me esset, satisfacerem, semper mihi curæ fuit, ut memoratum opus, illius jussu inchoatum magis quam perfectum, emendatius fieret, tandemque aliquando in publicam lucem prodiret: quo Optimi Regis memoria, cæteroquin non immortalis solum, sed in singula etiam secula crescens, iterata illa opera renovaretur. Merebatur id ille, cujus non solum viventis tot evidentissima gratiæ pignora habeo, sed etiam à nobis ad beatorum sedes transvecti quasi imaginem usque in hodiernum diem venerari licuit. Etenim quæ ab incomparabilis clementiæ summæque munificentiæ Rege, gloriosissimæ memoriæ Patre Tuo, beneficia postea consecutus sum, ab isto fonte profluxere. Sunt autem illa multa, meæque pro fortunæ captu magna: ac inter ea non minimum, Historiæ Norvegicæ conscribendæ demandatum munus, adjectumque Regiæ liberalitate dignum stipendium. Sed & supplices meas preces, nec illas infrequentes, Clementissimus Rex benignè semper & sine repulsâ admisit. Utriusque Parentis ac Avi, exemplum, Tu quoque, REGUM OPTIME, nuper imitatus, quæcunque paternæ indulgentiæ concesserat, pari benignitate & munificentiâ rata esse voluisti; ut heic etiam Divorum CHRISTIANI & FRIDERICI monumenta in Tuò favore agnoscere liceat. Hæc toties ac tam cumulatè collata in me beneficia faciunt, ut nisi summa cum mentis reverentiâ Regionum horum Nominum nunquam reminiscar. Caterùm submissi erga gloriosissimæ memoriæ Patrem Tuum affectus testimonium exstat Orcadensium Rerum Historia. Divo FRIDERICO, Avo Tuo, præsens Regum Daniæ Series olim consecrata est. Quæ cum hætenus typorum beneficio in publicum non prodierit, Tu vero, REGUM AUGUSTISSIME, in auspiciatissimum illius nomen dudum successeris, futurus porro (quod nunc factum esse omnes læti vident) amplissimi illius imperii, virtutumque universarum, omni seculo maximarum, ex asse-

hæres, dictum opus, denuo ad limam revocatum, sub Augustissimi Tui Nominis auspiciis in lucem emittere diu meditatus sum. Illud nunc tandem plus mediâ parte auctum, pluribusque ac fortioribus argumentis roboratum, ad Majestatis Tuæ pedes humillimè depono, mentemque subjectissimam per hunc interpretem denuncio. Adjungo etiam (quod Majestatem Tuam ægrè non laturam confido) Epistolum, quo gloriosissimæ memoriæ Avo Tuo obsequii mei rationem subjectissimè olim reddidi: ut sicut in beneficiis in me erogandis utriusque Vestrûm munificentia & bonitas concurrerunt, ita quoque singulorum memoria simul hac ratione in posteros derivetur. Ad ipsum libri argumentum quod attinet, istud perquam illustre est, Regiâque Tuâ Majestate haud indignum. Hic enim Regnorum Tuorum initia demonstrantur, non à fabulosâ antiquitate ementitisve originibus repetita, sed ab eo principio deducta, in quo nostrates cum optimæ notæ Romanorum historicis, sine eorum inspectione, velut fortuito conveniunt. Hic successionum ordo a prima stirpe explicatur, justaque generationum ac temporum proportionem firmatur. Hic denique ostenditur, non ex civium arbitrio regnorum conferendorum potestatem seu jus electionis dependisse, sed hereditario jure imperia in successores à primâ memoriâ fuisse translata; id quod pluribus quoque testimoniis, si lubet, facillè poterit adstrui. Horum cognitio cum sapientissimo Regi Majestatis Tuæ Avo, se digna visa fuerit, quin etiam Tuæ Majestati grata sit futura nullus dubito. Accipe igitur, REX AUGUSTISSIME, sereno vultu, in affectatâ meâ devotionis tesseram hancce, quâ solâ, quantis quam indissolubilibus nominibus Majestati Tuæ Regiæque Domui obstrictus tenear, in præsens testor, uberius aliquando idem testaturus, si Deus vitam ac incolumitatem, Tuâ quoque Majestate cœptis annuente, eòtenus prorogaverit, donec Historiæ Norvegicæ, quæ sub manibus habeo, volumina lucem viderint publicam. Interea Rectorem universi Deum suppliciter veneror,

ut

ut in benefactorum mihi retributionem, laxato
bonitatis suæ sinu, Te, REX AUGUSTISSIME, Tu-
osque omnimodâ benedictione perfundat: faciat-
que clementer, ut sis ubique felix, ubique victor,
hostibus terror, amicis solatium, subditis præsi-
dium, afflictis asyllum, omnibus virtutum ex-
emplum, gloriâ super omnes prælustis; tan-
demque Te, cum Augusta Coniuge in perpetuo
rerum flore ad Nestoreos annos conservet, ut
natos ac natorum natos, thiaris redimitos, Ma-
jestatisque throno destinatos affatim videas: et
tum demum, mortalis vitæ gloriæque fatur, ad
coelestem beatitudinem transveharis, perpetuâ
prudenter beneque gesti imperii famâ, nullis ter-
minis coercitâ, ac longo Tui desiderio, in hoc
orbe relictis. Ita ex animo precatur ac vovet
Divorum Avi Patrisque Tui quondam, nunc vero

Sacræ Majestatis Tuæ

Veteranus & humillimâ subjectione
addictissimus Servus

Thormodus Torfaus.

SERENISSIMO ET POTENTIS-
SIMO PRINCIPI,
FRIDERICO
TERTIO,
DANIÆ, NORVEGIÆ, VAN-
DALORUM, GOTHORUMQUE REGI, SLES-
VICI, HOLSATIÆ, STORMARIÆ ET
DITHMARSIAE DUCI, COMITI IN OL-
DENBORG ET DELMENHORST:
Domino & Regi meo Clementissi-
mo, Optimo.

Prodit tandem, Regum Optime, quam impe-
râsti, ut juxta Annalium Islandicorum teno-
rem & normam conficerem, Dynastarum &
Regum, qui summum in Daniâ à seculo im-
perium tenuerunt, quâ potui diligentiâ, con-
cinnata Series; quæ multum ab aliorum scriptorum tra-
ditione & methodo deflectit. Neque enim Serenissi-
mæ Majestatis Tuæ mandatis simul obtempera-
re, & ab illorum relationis autoritate dependere aut po-
tui

tui aut debui. Sed adeo me hujus qualiscunque Tractatus compositio torfit & exercuit, ut planè diffidere cœperim, an unquam meâ operâ in justum ordinem reduci posset. Dispersa enim, eaqve nimis & nimis quidem pauca antiquitatum nostrarum monumenta ad manus habui. Quædam ante quindecim annos, semel tantum in totâ vitâ, ex aliorum perfunctoriâ recitatione audita, in subsidium advocavi; idque in illis locis, qui mihi maximum negotium facessiebant. Et quamvis scripta illa nobilissima, & dignissima quæ lucem videant publicam, in Serenissimæ Majestatis Tuæ Archivis referventur, tamen veritus sum, ne Regias occupationes, eorum copiam expetendo, intempestivâ interpellatione læderem. Quod si aliquando scripta illa videre contigerit, accuratè observabo, an illic se aliquid, quod Tractatui huic contradicat, offerat; quod tamen, si memoriæ fides, vix futurum credam. Islandorum Annales semper secutus sum: nec ad aliorum ordinem me accommodavi. Sic enim Tractatus, id quod pollicetur, non præstitisset. Sed & annotavi, sicubi Annales illi sibi non consentirent; id quod semel aut bis tantum occurrit. Animus enim erat, ut ea quæ vera sunt exponerem: gnarus, exiguam fidem mereri, cui in tantillo negotio veritatem confiteri grave esset. Quod vero profundè illius Antiquitatis laus & gloria Regno derogata videatur, displicere posse non credo. Nam & vicinorum regnorum epocha ab eodem temporis articulo nobis deducitur. Antiquioribus etiam Gloriosissimæ memoriæ Regem CHRISTIANUM QVARTUM parum tribuisse animadverto, eò quod Historiam Regni à Christi tempore ad sua usque confici mandaverit; quam à traditionum certitudine celebrari,

quam ob affectatam ab antiquitate laudem ambitionis insimulari maluit. Quod si Annales nostros à Majestate Tua approbari contigerit, fortunati censendi sunt, & meritò, cum Poëta, *sublimi ferient sidera vertice*. Sin vero tristiori fato obnoxii (quod abominor) omninò improbantur, tamen solatio erit, abs Te id potissimum fieri. Nam Æneæ Magni dextrâ cadunt. Neque enim rubori erit, ab illo corripì, cui soli & præter quem nulli subjici possunt. Quod si quædam Majestati Tuæ probantur, quædam non item, bellè quidem rem celsissè existimabo. Nam hoc modo duo extrema declinârunt: hominum videlicet invidiam & contemptum. Nec enim se naturæ legibus exemptos agnoscunt; nam *nihil est ab omni parte beatum*. Accipe igitur, Invictissime Princeps, vultu, quo soles, qualemque omnes exoptant, clementissimo, hoc qualecumque opusculum; quod non eo fine conscripsi, ut celeberrimorum scriptorum fidem suspectam redderem, sed magis ut voluntatem meam cognosceres: quam etiam ad ea, Te imperante aut volente, propensus essem, quibus præstandis minus sufficerem. Tu interim, magnum Regii Nominis decus & ornamentum, eam quam pro singulari Tuâ clementiâ gratiam mihi, quantum vis indigno, benignissimè indulxisti, porrò participare, inque Tuæ Majestatis tutelâ manere clementer concede. Deus Optimus Maximus Serenissimam Majestatem Tuam salvam & florentem cum universâ Regiâ familiâ multum diuque conservet.

Serenissimam Majestatem Tuam

Omni subjectione & veneratione devotè colens

Thormodus Torfaeus Islandus.

Thormodus Torfæus

Lectori Benevolo Salutem.

Vetustissimorum Dania Regum Seriem Tibi, Benevole Lector, heic offéro. Quid, Seriem, inquires? Quasi verò post tot Saxonis Grammatici transcriptiones epitomasque talibus libris opus habeamus. Imò Seriem, ajo, sed diversam nonnihil ab illis, quas Saxo ejusque sectatores hæcenus nobis exhibuerunt. Miraberis forsitan, talia nunc primum publico sisti, tot bucusque seculis orbè ignota. Verum cave ne ignota putes. Ego Tibi rem strictim narrabo. Quadraginta ferè anni sunt, ex quo Gloriosissima memoria Rex FRIDERICUS TERTIUS, acceptis ex patriâ meâ Islandiâ antiquis quibusdam libris manu exaratis, Septentrionisque historias continentibus, iis ex Islandicâ in Danicam linguam convertendis me admovit. Iste meæ translationes Optimo Regi haud displicere: qui & eas oculis lustrare non semel dignatus est. Hæc occasione tam Ipsi quam magnis in aulâ viris innotescere, gratiamque eorum & favorem adipisci cæpi. Accidit vero interea, ut cum Procerum uno, qui me paulo familiarius admittere solebat, de vetustis hisce rebus forte colloquens, dicerem, satis validè ex Islandorum monumentis probari posse, primum Danorum Principem non Danum, sed Skioldum fuisse. Is hæc meâ verba ad Regem (qui successivis horis, post absoluta Regni negotia, de literariis rebus loqui sæpè gaudebat) retulit. Schismati aut verius nugis simillima res primò videbatur, aliam nunc Principum istorum germini basin supponere, quam quæ à Saxone ante tot secula jacta, atque ab omnibus pro genuinâ hæcenus ha-

bita esset. Verum cum ego Svenonem Aggonis, natione Danum, Saxonique coeum scriptorem proferrem, monstraremque, Skioldum ibi, non secus ac apud nostrates, primum in Dania Regum serie collocari, de Dani jure dubitari ceptum est. Mibi itaque Clementissimus Rex in mandatis dedit, ut controversorum Danie Principum Regumque ordinem, ex predictis monumentis collectum, Latino sermone describerem. Ego, ut praecepto illi satisfacere, omnes, qui tunc ad manus erant, vetustos nostratium libros diligenter mox perlegi, dictorum Regum seriem inde digesti, singulaque ad hanc materiam pertinentia, quantum in tanta documentorum penuria juvenilis ingenii vires suppetebant, in librum contuli; quem per me humillime oblatum Clementissimus Rex perbenigne accepit, sibi que non displicuisse variis gratiae Regalis notis postea ostendit. Argumenti novitate factum est, ut nonnulli viri docti memoratum meum opus describi (manu enim exaratum, non vero typis impressum erat) mox curarent; quibus ex apographis alia iterum derivata sunt; ut dictus liber hac ratione in plura exemplaria, quae & hodie superant, brevi sit diffusus. Quin & nonnulla illius in Danicam linguam translata esse, ex amici cujusdam literis didici. Insequentibus annis, quam in memorato opere laboranti ad manus fuerant, nostratium vetusta monumenta adeptus, judicio quoque maturiore facto, errores nonnullos à me hic commissos deprehendi, eosque in meo exemplari emendavi. Maximam vero saepedicti operis revidendi occasionem nactus sum, postquam Gloriosissima memorie Rex, Divus CHRISTIANUS QUINTUS, ante hos quindecim annos, Historia Norvegica conscribende munus mihi clementissime demandavit. Ab illo enim tempore nostratium codices antiqui, quotquot haberi poterant, studiosissime conquirendi seduloque perlegendi erant. Ex dictis itaque codicibus ea excerpti, quae ad memoratum Norvegica Historie opus pertinere,

varia simul occurrebant, quæ prædictæ Regum Dania Seriei ulterius emendandæ, plura adhuc quæ eidem locupletandæ inservire videbantur. Hæc omnia postquam suis locis annotasset, tandem de accuratiore Seriei hujus revisione editioneque serio cogitare cœpi; præsertim cum apographa illa, quæ, uti nuper dictum est, ex exemplari, Regi per me primitus oblato, dimanarant, tam ob inauditorum antea nominum, rerumque inibi contentarum, quam ob idiomatis Islandici (quo varia scriptorum loca ibi adducta fuere) ignorantiam, vitiosè ut plurimum exarata esse scirem: id quod mihi postea ab ignavis facile imputari posse prævidi. Succisivis igitur horis sæpeditum opus diligenter pervolvi: perperam vel minus commodè inibi dicta emendavi: supplementa innumeris locis inserui: duosque anteriores libros & binas in calce Appendices de novo addidi. Quemadmodum autem memoratam Seriem tot tantisque accessionibus auxi, ut ultra dimidiam partem seipsa major nunc prodeat, ita vicissim nonnullis locis ea inde rescui ac expunxi, quæ superflua aliòve pertinentia videbantur. Hinc factum est, ut quæ in Magno Bono ejusque in Dania Regno successore Sveno, quem vulgò Estridium cognominant, antea finiebatur, nunc in Gormo Grandævo desinat. Neque enim nisi controversarum Dania Regum ordo hic excutiendus erat. Ea igitur, quæ in sapius memorato opere olim dicta, heis vero omissa sunt & eliminata, pro meis posthac haberi omninò nolo: multo minus illa, quæ, mutata sententiâ, aliter hic quam in priori Serie proponuntur. Quod si quem, manuscripti istius libri possessorem, eorum nonnulla sub meo nomine in posterum allegare contingat, illa in juvenilibus retractatisque à legentibus haberi peto. Ceterum erunt fortè nonnulli, qui pro præsentì operâ exiguam mihi gratiam reddent, rebusque minus perpensis dicent, me Saxoni Grammatico hand leve vulnus illa intentasse, & consequenter vetustissimas Danorum

res, contra boni civis officium, dubias reddidisse. Is respon-
deo: nullam mihi succensendi causam Saxonis patronos habere,
nec unquam (absit jactantia) librum prodiisse, qui scriptoris isti-
us relationes tam validè quam hicce meus suffulciat. Quippe
qui nostratum & Saxonis, illis penitus ignoti, harmoniam tot
locis exhibet, simulque contra Andream Fossium aliosque Saxo-
Mastiges evidenter ostendit, dictum scriptorem illa, quæ de anti-
quissimis Dania rebus habet, è proprio cerebro neutiquam protu-
lisse, aut à se primitus efficta in lucem emisisse. Restat itaque
solum, quod displicere poterit, me præsentì opere non semel asseru-
isse, Saxonem haud rarò errasse, ac itaque in multis emendari
debere. Id vero est, quod nec mihi nec ulli, puto, alteri dicere
religio crit. Quod reliquum est, Benevole Lector, obnixè à te con-
tendo speroque, ut laboris hujusce mei æquum te censorem geras,
leviora, quæ forsitan commisi, menda mihi condones, de graviori-
bus autem, sicubi occurrerint, erroribus me amice monere quam
acerbè traducere malis. Vale & studiis meis fave. Scripsi

Hafniæ, mense Julio, Anno Christi

M DC XCVIL



Viro

Viro Nobilissimo & Celeber-
rimo,
THORMODO TORFÆO,
Historiographo Regio,
amico integerrimo,
Eruditissimam
SERIEM REGUM DANIÆ
in lucem proferenti,

ita gratulatur
Arngrimus Widalinus
A. L. M. & Rector Scholæ
Naschoviensis.

Anno Christi
1700.

Jam ter benignum mitibus pomis caput
Ostendit autumnus tibi,
Et ter minacis annus hybernus Jovis
Decussit arbutis comas;
Ex quo beati factus ingenî tuus,
Amice, lucem viderat,
Qvô Stromsæ faxis, qvô Ranalsæ squalidis,
Et quicquid amplexu fovet
Britannis unda, luce splendescit novâ,
Fulgente & historiâ face
Obducta quondam noctis invidæ sinu,
Erroris & caligine.

Liber bonô nunc alter exit alite,
 Regum dicatus laudibus,
 Qvos Dana tellus aluit, & qvorum potens
 Europa fasces suspicit.
 O macte tantis, grate Musarum choro
 THORMODE noster, ausibus,
 Qveis vectus ultra Solis orbitam & Poli
 Flammantis igneas faces,
 Seris tuum nomen verendum seculis
 Transmittis: ulla nec dies
 Obliterabit scripta, qvæ perfectius
 Tuæ laborarunt manus.
 Non, si trecentis excitata sibilis
 Invidia, supplicium sui,
 Attollat ora, dente sordido tuis
 Morsum laboribus feret:
 Sed exsoluta corporis mens vinculo,
 Domos Tonantis ut tenet,
 Ibis per orbem, donec igneam facem
 Diana terris imputat.



Thormodi



THORMODI TORFÆI
SERIES DYNASTARUM ET REGUM DANIÆ.

LIBER. I.

De Antiquitatum Documentorum-
que, quæ Conditores Historiarum Septentri-
onalium secuti sunt, auctoritate & fide.

CAPUT I.

De Antiquitatibus Islandorum.



eriem Dynastarum Regumque, qui ab
ultimâ memoriâ Clarissimæ Danorum
genti summâ cum potestate præfue-
runt, secundum Islandorum placita,
mandatasque scriptis eorum traditio-
nes conscribere institui. Hæc cum
ab eo ordine numeroque, quem Scri-
ptores historiæ Danicæ Svedicæque hætenus secuti sunt,
multum abitura sit, necessario in antecessum dispicien-
dum erit de documentorum, quæ singulæ partes secutæ
A sunt,

sunt, auctoritate & fide: Islandica primò discutienda. De iis rectè monuit magnæ vir doctrinæ *Thomas Bartholinus*, amicus noster, dum vixit, insignis, nunc magno rei antiquariæ detrimento mortalibus ereptus, eruditissimi operis, quod Antiquitates Danicas in scripsit, Libro I. Cap. XI. pag. 199. ita inqviens: *Plurimâ cautelâ in libris veteribus Islandicis utendum est, & verâ historia à falsis magnâ circumspeditione discernenda.* Et verè Islandorum monumentis applicari possunt verba *Roderici O-Flaherty* Prologvii in Ogygiam pag. 34. *Sed de Codicum Hibernicorum (Islandicorum) delectu nunc maxima est habenda cura & acere iudicium; nam aliqui planè apocryphi sunt aut fabulosi, ad oblectamentum conficti, alii exemplarium varietate, & ignorantia amanuensium vitiiati, alii adulatione & ambitione hyperbolicis commentis aucti; in quibus sparsim indubitata veritas elucet unanimi traditione & antiquariorum consensu elicienda.* Cum igitur mihi ex officio incumbat, omnia sincerè & bona fide explicare, in primis curandum est, ne ipsè adulterinarum mercium specioso quantumvis colore mihi imponi patiar; Deinde ne alios decipiam. Id verò me potissimum affecuturum spero, si à studiis partium alienus, soli veritati indagandæ operam impendam, nec intempestivo amore abreptus patriæ documenta nimis extollam, aut eorum vitia reticendo auctoritate in iis debito majorem in extraneorum mentibus, quibus de iis parum constat, præstruere satagam; Sed nec ut ea, quæ pondus habent, elevem. Dicam igitur quod sentio, nimirum: quod si quis iis omnibus par pretium statuatur, eum admodum falli. Sed antequam ulterius progrediar, Catalogum Islandico-Latinum hæc dabo monumentorum Islandicorum, quæ vel ipse vidi, vel aliàs extare ex fideli amicorum relatione didici.

Ado.

A.

Adonius Saga. - - i. e.

Alaslecks saga.

Alexandri Mikla saga.

Amloda saga.

Andra rimur.

Ans saga.

Asmundar oc Tryggva rimur.

Arna Biskups saga.

Arons saga Hiorleifs Sonar.

Amicus oc Amilius rimur.

B.

Bandamanna Saga.

Bardar saga Snæfells af.

Barlaams saga.

Befus saga.

Biorns saga Hitdæla kappa.

Blomstrvalla saga.

Bosa oc Herrauds saga.

Bua saga.

Bærings saga fagra.

Broddhelga saga.

Brandkrossa pattr.

Bodvars Biarka saga.

Breta Sogur.

*Adonii vita.**Alaslecki vita.**Alexandri Magni vita.**Amlodi (vel Amlethi) vita.**de Andrio Carmina.**Ani vita.**de Asmundo & Tryggvio carmina.**Arnii Episcopi vita.**Aronis Hiorleifi filii vita.**de Amico & Amilio Carmina.**Banda mannorum (v: Consecratorum) vita.**Bardi Nivei Montis Deastris vita.**Barlaami vita.**Befi vita.**Biorni Hitdalenfium pugilis vita.**de Floridis (in Africa) Campis Relatio.**Bosi & Herraudi vita.**Buii vita.**Beringi Venusti vita.**Helgii cum Cuspide vita.**de Brandkrosso (bove) Narratio.**Bodvaris Biarkii vita.**Britannorum Historia.*

D.

Damusta saga. - - - i. e.
 Droplaugar Sona saga.
 Dinus saga Dramblata.
 Drauma Jons saga.

E.

Egils saga Einhendta.
 Egils saga Skallagrims Sonar.
 Elis saga.
 Erreks saga.
 Eyrbyggja saga.

Eiriks saga Vidforla.
 Edda.
 Eiriks Rauda saga.
 Edvardar saga hins helga.

F.

Fertrams saga oc Plato.
 Finnboga Ramma saga.
 Flateyjar Annall.
 Floamanna saga.
 Flores oc Leo saga.
 Flovents saga Fracka Konungs.
 Fridþiofs saga frækna.
 Flores Konungs saga oc Sonar hans.

G.

Gibbons saga.
 Gaungu Hrolfs saga.

Damustii vita.
Droplaugis filiorum vita.
Dionysii Superbi vita.
Jonis Somniatoris vita.

Egillis Unimani vita.
Egillis Scallagrими filii vita.

Elis vita.
Errici vita.
Eyrbyggiorum (u Eyrensium) Historia.

Eirici Peregrinatoris vita.
Edda (liber Poëticus.)
Eirici Russi vita.
S. Edvardi (Anglia R.) vita.

Fertrami & Platonis vita.
Finnbogii Robusti vita.
Flateyenses Annales.
Floanorum Historia.
Floris & Leonis vita.
Floventis Francorum Regis vita.

Fridthiofi Vegeti vita.
Floris Regis & filiorum illius vita.

Gibbons vita.
Rolfi Pedestris vita.

Geiralldz patr. - - i. e.

Gisla saga Surs Sonar.

Grettis saga Sterka.

Gvimars saga.

Gudmundar Biskups saga.

Grænlandinga patr.

Gunnars saga Keldugnups
fifis.Gunnars saga þidrandaba-
na.Gunnlaugs saga Ormstun-
gu.

Gullþoris saga.

Grims oc Hialmars rimur.

H.

Halfsrecca saga.

Halfdanar saga Bronufotra.

Halfdanar saga Eyfsteins So-
nar.

Haralldz saga Hringsbana.

Hektors saga.

Hrolfs Kraka saga.

Hemings saga.

Hervarar saga.

Hialmpers oc Olvers saga.

Hogna oc Hedins patr.

Holmveria saga.

Hrafinkels Goda saga.

Hrings oc Tryggva rimur.

Hrolfs saga Gautreks So-
nar.

Geiraldi vita.

Gislí Suris filii vita.

Gretteris Robusti vita.

Gvimaris vita.

S. Gudmundi Episcopi vita.

Gronlandensium Rerum historia.

Gunnaris Keldugnupensis fatuē
vita.

Gunnaris Þidrandicide vita.

Gunnlaugi Ormstunge (2: lin-
gue Serpentine) vita.

Thoreris Aurei vita.

de Grimo & Hialmare Carmina.

Halfr Regis militum historia.

Halfrdani Brane Alumni vita.

Halfrdani Eyfsteini filii vita.

Haraldi Ringicide vita.

Hectoris vita.

Hrolfr Krakii vita.

Hemingi vita.

Hervare vita.

Hialmtheris & Olveris vita.

Hogni & Hedin vita.

Holmensium historia.

Hrafinkelis Curionis vita.

de Hringo & Tryggvio Carmina.

Hrolfr Gautreki filii vita.

Hrolfs saga Skugga fífls.
Hromundar saga Grips so-
nar.

Hungrvaka.

Hænfa þoris saga.
Hrafnar saga Sveinbiarnar
sonar.

Hallfredar saga Vandræda
skaldz.

Hakonar Konungs saga Ha-
konar sonar.

Huga Skaplars saga.
Hakonar saga Hareks sonar.
Haralldz rimur Kvenngiar-
na.

Hermodar rimur.

I.

Islendinga bok Ara froða.

Isfirdinga saga.
Jarlmanns saga.
Illuga saga Gridarfosstra.
Jokuls saga Bua sonar.
Jomsvikinga saga.

Jons Biskups saga.
Jvents saga.
Jons saga Leikfveins.
Jonatas rimur.
Jons saga Baptista.

Hrolfi Skuggensis fatui vita.
Hromundi Gripi filii vita.

*Hungrvaca (Chronicon Episcopo-
rum Islandie.)*

Thororis Gallinacci vita.
Hrafní Sveinbiorni filii vita.

Halfredi periculosi Poëte vita.

Haconis Regis Haconis filii vita.

Hugonis Scapularii vita.
Haconis Hareci filii vita.
*de Haraldo veneridedito Carmi-
na.*

de Hermodo Carmina.

*Islandorum liber, auctore Aria
Polyhistore.*

Isfirdensium historia.
Jarlmanni vita.

Illugii Gridis alumni vita.
Jocullis Buii filii vita.

*Jomsvikingorum (Julinensium)
historia.*

S. Jonis Episcopi vita.
Jventis vita.

Jonis Luforis vita.
de Jonatâ Carmina.

S. Johannis Baptiste vita.

Jons

Jons saga Gudspialla mannz.	S. Johannis Evangelista vita.
K.	
Karlamagnus saga.	Caroli Magni vita.
Ketils saga Hængs.	Ketillis Hengi (æ Esfocis) vita.
Knytlunga saga.	Knytlungorum (Canutiorum) historia.
Konrads saga Keyfara sonar.	Comradæ Cesaris filii vita.
Kormaks saga.	Cormaki vita.
Kroka refs saga.	Refi Astuti vita.
Klarus saga Keyfara sonar.	Clari Cesaris filii vita.
Kotludraunn.	Catle Somnium.
Kristindoms saga.	Christianismi (in Islandia) historia.
Kirialax saga.	Kirialacis (æ Alexi) vita.
Kallinius rimur.	de Callinio Carmina.
Kruks Spa.	Krucki (Jonis) vaticinium.
L.	
Landnama.	Landnama (æ: liber originum Islandiæ.)
Langfedgatal.	Langfedgatal. (æ: Series Principum Septentrionis.)
Laxdæla saga.	Laxdalensium historia.
Liosvetninga saga.	Liosvatnensium historia.
Laurentius Biskups saga.	Laurentii Episcopi vita.
M.	
Mabels sterku rimur.	de Mabele forti carmina.
Mariu saga.	Marie (virginis) vita.
Margretar saga.	S. Margarete vita.
Magus Jarls saga.	Magi Comitæ vita.
Murmants saga.	Mirmantis vita.

Magnus saga Orkneyia
Jarls.

Mottuls saga.
N.

Nials saga.
Nikolafs saga leikara.
Nitida frægu saga.
Nornageftz pattr.

Nikulafs saga Erkibiskups.

O.

Orvarodds saga.
Olkofra saga.
Olvers rimur.
Odda Annalar.
Olafs saga Tryggva sonar.
Olafs saga Helga.
Orkneyinga saga.
Orms saga Storolfs sonar.
Ormars rimur.

P.

Pontus rimur.
Petr's saga postula.
Partalopa saga.
Polistutors rimur.
Philippi sagra rimur.
Pals Biskups saga.
Parcevals saga.

R.

Ragnars saga Lodbrokar.

*S. Magni Comitum Orcadensis vi-
ta.
de Pallio (magico) historia.*

*Nialis vita.
Nicolai lusoris vita.
Nitide Famosa vita.
Nornagesti, vel Gestii à Parcisi de-
nominati, vita.
S. Nicolai Archiepiscopi (Lycie)
vita.*

*Oddi Faculatoris vita.
Olkofrii vita.
de Olvere Carmina.
Oddenses Annales.
Olafi Tryggvini vita.
S. Olafi Regis vita.
Orcadensium Rerum historia.
Ormi Storolfi filii vita.
de Ormare Carmina.*

*de Ponto Carmina.
Petri Apostoli vita.
Partalopi vita.
de Polistutore Carmina.
de Philippo Venusto Carmina.
Pauli Episcopi vita.
Parcevalis vita.*

Ragnaris Lodbrochis vita.

Re-

Remundar faga.
Reinalldz oc Rosurimur.

S.

Sigurdar faga þogla.
Sturlunga faga.

Saulus faga oc Nicanors.
Sorla sterka faga.
Sigurdar fotz faga.
Sigurdar faga Turnara.
Sveins rimur Muks sonar.
Sigrgardz faga frækna.
Skida rima.
Sturlaug's faga starflama.
Sverris faga.
Stufs þattr Kattar sonar.
Skallðhelga rimur.
Svarðæla faga.
Samsonar faga fagra.
Stiornu odda draumr.

T.

Troiomanna faga.
Thomas faga Erkibiskups.

Tyodels faga Riddara.

V.

Ulfars faga sterka oc Onun-
dar faga.
Vatzdæla faga.
Valldemars faga.
Vallna Liots faga.

Remundi vita.
de Reinaldo & Rosa Carmina.

Sigurdi Taciturni vita.
*Sturlungorum (familie Islandi-
ce) historia.*

Sauli & Nicanoris vita.
Sorlii Robusti vita.
Sigurdi Pedis vita.
Sigurdi Torneatoris vita.
de Sveino Monachi filio Carmina.
Sigurgardi Vegeti vita.
de Skidio Carmen.
Sturlaugi Laboriosi vita.
Sverreris Norveg. Regis vita.
Stusi, Catti filii, vita.
de Helgio Poeta Carmina.
Svarfdalensium historia.
Samsonis Venusti vita.
Oddii Astronomi Somnium.

Troianorum historia.
*S. Thome Archi-Episcopi (Cantu-
ariens.) vita.*
Tiodelis Equitis vita.

*Ulfaris Robusti & Onundi Venu-
sti vita.*
Vatzdalensium historia.
Valdemari vita.
Lioti Vallensis vita.

B

Vi-

Victors saga oc Blaus.	<i>Victoris & Blai vita.</i>
Vigaglums saga.	<i>Glumi Occisoris vita.</i>
Vighundar saga.	<i>Viglundi vita.</i>
Vilhialms saga siods.	<i>Vilhialmi Siodi (i: thesauri) vita.</i>
Vilmundar saga.	<i>Vilmundi vita.</i>
Ulf's saga Ugga sonar.	<i>Ulf'i Uggii filii vita.</i>
Vemundar saga oc Vigaskutu.	<i>Vemundi & Scute Occisoris vita.</i>
Ulfhams rimur.	<i>de Ulfhamo Carmina.</i>
Valvers pattr.	<i>Valveris vita.</i>
Y.	
Yngvars saga Vidforla.	<i>Ingvaris Multivagi vita.</i>
p.	
pialar Jons saga.	<i>Jonis Limatoris vita.</i>
pidreks saga af Bern.	<i>Theoderici de Berna vita.</i>
pordar hredu saga.	<i>Thordi Metuendi vita.</i>
poris Haleggs rimur.	<i>de Thorere Altipede Carmina.</i>
porsteins saga fiduhallz sonar.	<i>Thorsteyni, Halli de Sidu filii, vita.</i>
porsteins saga Vikings sonar.	<i>Thorsteyni Vikingi filii vita.</i>
pormodar saga Kolbrunar Skalldz.	<i>Thormodi Colbruna Poëta vita.</i>
porsteins saga Uxafots.	<i>Thorsteyni Tauripedis vita.</i>
porlaks Biskups saga.	<i>S. Thorlaci Episcopi vita.</i>
porleifs saga Jarlaskalldz.	<i>Thorleifi Comitum Poëta vita.</i>
porsteins saga Bæiarmagns.	<i>Thorsteyni Urbis Raboris vita.</i>

His adde *Fragmentum historicum* de Ivare Vidfadmio, Hræreco Slaungvanbaugio, Helgio Acuto, & Bello Bravallensi; *Origines Norvegiae*, quæ Codice Regio, à celebri fatis Islandiæ insulâ Flateyensi dicto, continentur; *Breviarium Historiæ Norvegiæ* ab Halfdano Nigro ad Sverrerem, quod *Fagrskinnam* & *Compendium Chronicorum* vocare soleo; ut & *Gesta* quædam *Poëtarum Haraldi Pulchricomi*, Extant etiam, præter supra recensitos Oddenses & Flateyenses, alii vetusti *Annales*, quos, cum anepigraphi sint, distinctius nominare nequimus. De *Snorrii Sturlæi* Historiâ Norvegicâ, & *Oddi Monachi* vitâ Olafi Tryggvini, hujus libri Caput V. vide, ubi plura istiusmodi huc pertinentia habentur.

Nunc obiter adjungemus indicem historiarum, quæ à fide dignis auctoribus citantur, sed nobis planè perierunt: *Einaris Gislis filii*, ejus qui Gialfaldum, Regis Magni Nudipedis aulicum, in Thrandiâ interfecit, *historia* in fine vitæ Sancti Jonis Holensis Episcopi memoratur. *Sigurdi Cervi historia* citatur à Snorrio Sturlæo in vita Halfdani Nigri. *Alfgeiris vita* in Holmensium historia allegatur. *Historiæ Grimi de Kroppio*, qui filium Eydi, filii Skeggii Midfiordensis, interfecit, meminit Gretteris Robusti vitâ. *Thorgilfs Halle filii* vitam, ut & *Niardvikensium historiam* adducit Laxdalensium historia. *Bodmodi, Gerpis & Grimolfs historiæ* Landnama meminit, ut & *vite Thordi Gelleris*. In eadem quoque mentio fit *Thorskiordensium historiæ*, ut & *Vite Vebiorni*, unius eorum qui Islandiam adhuc incultam occuparunt. *Hraungvædi Berserki & Vikingii Historiam*, Olafi etiam *Lidsmannorum* (i. exercituum) Regis, *Hræki Nigri* ac *Ormi Poëtæ Bareyensis* vitas olim extitisse; fidem facit Sturlungorum historia. *Skioldungorum* (id est Daniæ Regum) *historiam* Snorrium legisse, ex illius prolegomenis ad Historiam Norvegicam in vita

Adilfis Sveciæ Regis discimus. *Thoreris Canipedis vitam* Hrolfi Krakii vita adducit, ut & *Agnaris Hroaris Daniæ Regis filii vitam*. *Hiadningorum historiam* nominat Hrolfi Pedestris vita. *Skioldi*, Dagi filii, & *Hermanni historia* in Illugi Gridis alumni vita citatur. *Sigurdi Hringi vitam* Bosii vita meminit Cap. VIII. edit. Svecicæ. *Ulfsebbis filii & Comitis Kvikii historia* mentio injicitur in Historica Relatione de gestis quibusdam poetarum Haraldi Pulchricomi. *Espbolensium historia* citatur in Historia Liofvatnensium. De *Sæmundi & Arii* Polyhistorum scriptis deperditis hujus libri Capite V. plenius dicitur.

Nunc ad ea quæ superant Islandorum monumenta regrediar. Hæc si inter se conferantur, quadruplex discrimen, ut mihi observatur, resultat.

Primum genus eorum aliud verbis profitetur, aliud sensu recondit, unde tamen, si nulla historiæ series, at prisce ritus & religio magnam partem cognoscuntur, quædam etiam vera deprehenduntur. Tales sunt fabulæ Eddicæ ac Vilhialmi Siodi vita; forte & plures, quarum principia, causas aut etiam occasiones nescimus.

Secundum genus confictas tantum narrationes continet, sine ullo recondito sensu. Estque artificiosum, vel rude & insulsum. Ad prius vitæ Bardi Snæfellzæ & Krokarefi referuntur: item Buii, quæ aliàs Kialarnesensium historia appellatur. Ad posterius Ionis Limatoris vita, Sveni Monachi filii, Magi Comitæ, Sigrardi Vegeti, Nicolai Luforis, Ponti, Halfdani Branzæ alumni, Halfdani Ringicidæ, & infinitæ aliæ ejusdem furfuris.

Tertium historias ex veris principiis deductas fabulis interspersis obscurat. Estque iterum duplex. Unum quando per universum contextum fabulæ ita sparguntur,
ut

ut verum à falso ægrè discerni queat. Talis est vita Thorsteini Vikingii, & plures aliæ. Alterum, ubi figmenta à vero separari facile possunt, veluti in historiis Regum Norvegiæ Olaforum, Tryggvini & Sancti illius, quibus aniles passim fabulæ intermischentur. Huc etiam referri possunt illa monumenta, quæ gesta diversorum hominum in unum congerendo historiam confundunt; qualis est Orvaroddi seu Oddi Jaculatoris vita. Similia sunt quæ de Starcado & Ragnaris Lodbrochis filiis nostri indistinctè narrant; nec confusionis vitio penitus carent illa, quæ de Odino iidem referunt.

Quartum genus historiæ authenticas exhibet, sed duplici discriminine. Quædam enim res diu ante gestas commemorant, ut Snorrii Historia Norvegica & Arii Polyhistoris libellus superstes. Id quod de Sæmundi & Arii Polyhistorum scriptis deperditis etiam dicere possumus, ut & Skioldungorum historiâ, quæ à Skioldo, primo Daniæ Regis, narrationem, sine dubio, ordiebatur. Quo etiam petinet Tractatus antedictus, qui Origines Norvegiæ, à Fornio-to quodam, verustissimo rege, deductas, fastuoso titulo proficitur. Aliæ res auctori suo æquales complectuntur; uti Sturlungorum historia, vitæ Sverreris & Haconis Senioris Norvegiæ Regum, & similes. Ceterum nostram hancce divisionem quasi secundum subtilitates Logicas concinnatam nemo accipiat, cum multa hic pluribus communia sint; Quod in singulis præponderat, saltem observare animus fuit.

CAPUT II.

De mythologicis Islandorum Relationibus.

Vetustissimas Septentrionis mythologias Islandi binis libris conservârunt; uterqve vulgò *Edda* dicitur. Alter illorum, qui variis odis constat, *Samundo Poëthistori* communiter adscribitur; alterius auctor fuisse existimatur *Snorrius Sturlaus*, supremus Islandiæ Judex. De fabulis istis Eddicis tale est judicium *Petri Huetii*, quod ex libro illius de Origine Fabularum Romanensium *Bartholinus* Antiquitatum Danicarum libro I. Cap. XI. pag. 193. in medium producit: *Norvegorum*, ait, *coloni, qui transfretarunt in Islandiam, illuc & ingenium suum & fabulas intulerunt. Qui in hac insula magis ingenio valebant, ii novis comminiscendis animum applicabant. Recentiores eas collectas in volumen redegerunt, atque has figmentorum congeries Edda & Voluspæ nominibus affecerunt, quæ ab annis circiter sexcentis, ad hanc diem servatæ sunt.* SuffICIENTER ad ista laudatissimus Bartholinus dicto loco respondit, eoqve ulteriori horum refellendorum labore alios levavit; non nihil tamen adjiciam. Quod ad fabulas Eddicas attinet, verissime dicitur, colonos Norvegiæ & ingenium & illas in Islandiam secum importasse. Sexcentis itaqve annis antiquiores sunt. Iis autem comminiscendis & augendis Islandos postea animum applicuisse, ideo minus puto, quod singulæ odæ, eundem poeseos genium, eandem sensus occultandi artem, eandem methodum, eundem verborum delectum præ se ferant. De illis odis loquor, quæ ex professo illum orationis intricandæ scopum sibi proponunt, ut cum verborum corticem, ferrea duritie obvolutum, desperando pene labore freris, nucleumqve gustaveris, quid sapiat, ne tum quidem assequaris. Dabo unum exemplum à quo cetera capias: *Brynhildis Budlina*, procum *Sigurdum Fafnericidam* edoctura, præmissò pleno majestatis prologo, ubi

ubi ad ultimam speciem pervenit, Runas cardiales incisas retulit Arvakri auri, & Alsvidi ungulæ. Quid iis significet, Eddæ mythologia nona abunde docet; his nimirum nominibus eqvos, qui currui Solis præfiguntur denotari. Adhuc tamen obscurum est, quid sibi incisæ auri & ungulæ Runæ velint. Consului aliquando de hac re poetam in patria lingua incomparabilem, Dn. Hallgrimum Petrarum Ecclesiæ primum Hvalsnesensis in Islandia me puero presbyterum, exinde paræciæ Saurbænsis, ad sinum Hvalfiord, pastorem dignissimum, senem nunc pie mortuum, qui pietate, doctrinâ, sententiisque refertissimos in universam Christi passionem hymnos admirabili vena composuit, typis in patria vulgatos. Arvakur, respondit, & Alsvidur, matutinus & optime moratus (id nomina significant) Solis equi sunt. Per aurem, quæ in eqvo summum, & ungulam, quæ inum, auroram & crepusculum, temporum momenta, Sole oriente vel occidente, Runis cum effectum incidendis accomodatissima, denotat, hac metalepsi occultata. Quod si his talibus recentiores, quæ ipsi excogitassent adfuisse, valde vereor, ne illum tenorem assequi potuissent. Quin longe facilius rem difficillimam aggressi, Homeri versum in aliam materiam sine ulla decoris jactura transulissent, id quod Virgilius æque difficile pronuntiabat, ac si quis conaretur Jovi fulmen extorquere. Temerè itaque de ignotæ gentis exercitiis, ut & mysteriis fabulis hisce reconditis, primisq; in septentrionem translatis coloniis antiquioribus, quorum ne corticem unquam delibabat, sententiam præcipitabat Huetius. Quod vero recentiores ista in justum volumen congegesserint, iis vitio vertendum non erit, quum reprehensionis notam, & quidem severiorem, alias non effugissent.

Sincerus
Hue-

Huetio, ait Bartholinus citati operis pag. 194. de nobilissimis antiquitatis Ethnicæ monumentis, Edda utraqve, qui eas accurata enucleavit lima, judicat Robertus Sheringhamus, de Anglorum gentis origine Cap. 12. vocans Eddam monumentum antiquissimum, quod theologiam, religionem, plurimasque antiquitates Gothorum & Anglorum exhibeat. Tunc acrius in laudes ejus insurgit: In ipsis vero fabulis, nihil aut parum inest quod vitiatum aut mutatum videatur, multa etiam ut in fabulis Homeri, Hesiodi & Græcorum vera esse creduntur. Et meretur omnino integrum hic adscribi exactum Doctissimi illius Sheringhami judicium ex Notis ejus ad prædictum Caput XII. citati libri pag. 265. quod scriptum istud aureum, paucis apud nos cognitum, pauciorum adhuc manibus teratur: Primam illam Eddam, ait, cujus ea, quæ nunc extat, exigua quædam pars est, Asarum aliquis, ut creditur, statim post prædictas migrationes compegerit, dum recens adhuc calensque rerum gestarum memoria fuit. Unde de autoritas ejus magni pendenda est, cum author omnium conscius erat, quæ a Wodeno cæterisque Asis agebantur. Sæmundus certe aut Sturlæsonius fabulas Eddicas de suo ingenio nunquam sinxerint. Sed ab antiquioribus acceptas, posteritati transmiserint, ut patrias antiquitates ab interitu conservarent. Certe si Edda non fuisset, majorum nostrorum facta obscuritate & caligine obruta oblivioni traderentur. Nam ad historię seriem inutilis ut sit, in eadem tamen eorū Theologia, religio, mores & consuetudines verissime describuntur. Antiquitatem insuper Eddæ multa testantur, illud imprimis, quod circa tempora ista, quibus Wodenus boreales plagas adiit, omnis historia fabulis involuta erat.

rat. Haud procul hâc ætate Homerus vixerit, qui bel-
lum Trojanum, & Ulyssis errores fabulis & allegoriis
expressit. De fabulis & allegoriis Homeri librum scri-
psit Heraclides Ponticus, qui hodie extat, quibus eum
a detractoribus quibusdam liberare conatur, qui illum
fabulas istas pro veris historiis edidisse clamabant. Ex
antiquis Hesiodus quoque, & post illum Olympiodorus
genealogias Deorum, & alii multi alias historias fabu-
lis velârunt, quas veteres olim omnes ad Theologiam
& Deorum naturam explicandam, ad Philosophiam pa-
riter, & clarorum virorum res gestas illustrandas ma-
xime utiles habilesque putarunt. Salustius Philosophus
de Diis & mundo Cap. III. *Quamnam igitur ob causam his-
ce sermonibus neglectis, veteres fabulis usi sint, non indignum
fuerit investigatione: & prima ex fabulis utilitas progignetur,
investigare nempe, nec segnem, sed exercitatum intellectum
habere. Divinas itaque fabulas esse ex illis, qui eas usurpa-
runt, explicatu non admodum difficile est. Ex poetis enim,
numine afflati, & ex Philosophis optimi quique, & qui sacra &
ceremonias divulgaverunt; Diis etiam ipsi in fundendis oraculis,
fabulis usi sunt. Ne gentilium ritibus diutius insistant, ipsi
Hebræi magnam Theologiæ suæ partem fabulis obdu-
xerunt, quibus scripta Talmudica ubique scatent. Para-
bolis etiam & allegoriis ipsa sacra scriptura abundat, qua-
rum partem aliquam ex parabolis & allegoriis Talmudi-
cis decerptam esse, nos in præfatione nostra ad Iomam
monstravimus, an omnes, curiosius rimari nolo. Id sa-
ne non est inverisimile, nec magis id Christo indecorum,
quam ex sacra scriptura aut ratione conciones & dicta
sua confirmasse, cum in illis prudentia insignis, & in-*
C *teme*

“temerata veritas existat, quibus sub fictis personis, re-
 “busque non gestis, reconditus sensus, latet. Atque id
 “forte instituto Christi convenientius, ut scribas & Pha-
 “risæos antiquis, notisque, potius quam novis, & à se
 “ipso excogitatis parabolis reos perageret, ut quos suâ
 “non poterat, rerum saltem ipsarum autoritate vince-
 “ret. Qui tamen si Deus esset, & inexhaustos sapientiæ
 “thesauros possideret, id tamen a Iudæis non est vulgò
 “creditum. Cum igitur condendarum fabularum con-
 “suetudo illa tam vetus fuerit, & nuperis, nisi in quan-
 “tum veteribus utantur, prorsus insolens, magnam esse
 “Eddæ autoritatem, negare non possumus. Scripse-
 “runt nuperi apologos quosdam, id est fabulas, quibus
 “bruta animalia introducuntur, & fabulas etiam, qui-
 “bus hominum actiones moresque, tectis fictisque no-
 “minibus exprimuntur; sed quales in Edda sunt, quales
 “apud Homerum, Hesiodum & veteres, quibus religio
 “gentis, Heroum genealogiæ & res gestæ, propriis ip-
 “sorum nominibus recensentur, nemo forte nisi ante bis
 “mille ab hinc retro annos scripserit; recentius licet non-
 “nulli, ut Apollonius Rhodius, Cointus Smyrnæus, Va-
 “lerius Flaccus & alii fabulas antiquas interpolârunt,
 “& novis quasi vestibus ornarunt. De antiquitate por-
 “ro fabularum apud Gothos, lubet Iornandem attesta-
 “ri, imperatoris Iustiniani ætate celebrem Gothorum E-
 “piscopum. Refert is Gothos antiquis fabulis usos (Ed-
 “dicas ni fallor intelligit) iisdemque genealogias suas
 “conservâsse. Sic enim ille de Amalorum prosapia Rer.
 “Getic. cap. 14. Horum ergo (ut ipsi suis fabulis ferunt) pri-
 “mus fuit Gapt, qui genuit Halmal, Halmal vero genuit Augis,
 “Augis genuit eum qui dictus est Amala, a quo est origo Ama-
 “lorum

lorum decurrit. Iornandes in hoc loco veram Amalorum profapiam, licet ex fabulis desumptam attexit, ut superiore capite satis clarâ assèveratione ipsemet affirmat, plurima enim sunt fabularum genera, quæ mendacia dici non possunt; Rumores vulgi, quavis veri, quandoque fabulæ vocantur, itemque comædiæ, Trægiæ, Parabolæ, Allegoriæ & anigmata fabulæ sunt, quæ non corticibus verborum hærentem, sed intus latentem, clausamque veritatem exhibent.

Nunc de Vilhialmi Siodi vita nonnulla monebo. Is Richardi cujusdam, Angliæ Regis, filius fuisse perhibetur, qui peregre profectus, a Trollis seu monstrosis gigantibus antrum quoddam incolentibus, interceptus, captivusque detentus fuerit, ac cum aliis Regibus pariter captis, ad arbitrium Trollorum, spectaculi gratia, ludum, *Skinmleik* dictum (quo ludentes alternatis ictibus, se invicem flagellis incessere tenebantur) quotidie nudus exercere compulsus. Processu temporis, quidam ex Trollis istis in Angliam transfretasse dicitur, ac cum captivi Regis filio Vilhialmo, ad ludum latrunculorum, seu Schackidis provocato ea lege luisse, ut victus collusoris iussa exsequi teneretur. Regis itaque filio tandem superato, gigas iniunxisse fertur, ut intra definiti temporis spatium, omnium Trollorum nomina, iis audientibus coram velut ex nomenclatore recitaret, (recensum autem illum Trollis fatalem fuisse.) Hinc Vilhialmum post longos itinerum viarumque anfractus, laborumque tædia tandem ad memoratum antrum pervenisse, ac singulorum nominum indicem, sacro ad id usque tempus silentio conditum, & velut Angeronæ Deæ consecratum, percepisse, abstrusæ virtutis aurum ori pueri gigantei

ingerendo, quo ad immensos ploratus profusioresque lacrymas provocatus puer, nullum nisi gigantum nomenclaturam solamen admittere voluerit. Matrem itaque medicinam laboranti filio adhibituram, singulorum nomina retexisse, quæ Vilhialmus, ipse crypta quodam non procul abditus, exceperit, atque protinus clara voce recensuerit. Quibus Trolli auditis mox furore perciti in mutua vulnera mortemque ruentes, se invicem confecerint, Rege Richardo cum sociis calamitatis a filio libertati sortique pristinae restituto.

Planum est captivitatem Richardi, id nominis primi, Angliæ Regis, his involucris contineri, qui profectus in Syriam, obseffa captaque Ptolemaide, Cyprum insulam, titulo Regis Hierosolymitani permutavit, urbemque ipsam longa obsidione pressit. Verum cum expugnata Ptolemaide, Leopoldum Austriæ Ducem, cujus signa muris dejecit, offendisset, in reditu, dum transitum per ditionem ejus molitur, captus, ad imperatorem Henricum deductus, atque in carcerem conjectus est, ubi menses quindecim exegit, donec ingenti æris summâ a populo Anglicano redimeretur. Carcerem auctor noster antro assimilavit, haud illepidè, calamitatem ludo, quem descripsi; Cæsaris aulam Trollis seu gigantibus, quod mensuram modumque aliorum excedat. Per nomina gigantum occultata, maloque eorum nudata, avaritiam intelligit, quod avari haberi nollent; sed ubi satiati pecunia, quam unice esuriebant, Regem dimiserunt, appareretque reverâ tales fuisse, concidit tota eorum vis & potentia in eum, eoque sibi invicem manus intulisse dicuntur. Per filium Regis cives ejus, populusque Anglicanus adumbratur, id quod nomen denotat. *Vilhialmus*
enim

enim, licet primariam significationem ex Odini nomine *Vili* traxerit, tamen per *faventem galeam* explicari potest. Sic cognomen *Siodus*, *thesaurum* significat, qui in redemptionem impensus est. Collusor filii Regis, Legatus, ad imperandam pecuniam a Rege Richardo missus, intelligitur.

Consimilis fabulæ de Henrico Leone, Bavariæ Saxoniarque Duce, peregrinationis ejus & cognominis occasione effictæ, meminit *Crantzius* Saxoniar Lib. VI. Cap. XXXIII. & Lib. VII. Cap. VIII. ut scilicet errabunda navigatione diu jactatus, socios inedia vel alia occasione amiserit, corio infusus per gryphum deportatus fuerit, & leonem cum dracone pugnantem liberaverit, qui exinde Principem in Germaniam secutus, demortui sepulcrum custodierit. Quæ hoc loco commemorare ea propter convenit. quod de leone à Vilhialmo liberato, illiusque in hospitatore suum fide, dicta Vilhialmi vita similia ferè referat.

Talia in Islandorum monumentis sæpius fortè occurrunt.

CAPUT III.

De fabulis Islandorum.

Secundum confictarum narrationum genus, a fabulis Eddicis diversum, animi quidem gratia, ad levanda laborum temporisque tædia molestiasque excogitatum est. De talibus assertio est *Verelii*, Not. ad historiam Gothrici & Rolfi pag. 4. quod soleant *fictarum narrationum auctores*, ingenue fateri, *fabulam compositam esse: til skemtunar oc gamans* (id est ad exhilarandos auditores, tempusque fallendum) *ut auctor Hugons Sage.* Quod tamen

ubique non obtinet. Nec omnino constat, an *Hervaudz Saga*, quam his talibus exemplum opponit, id quod in limine promittit, etiam in processu præstet. Auctor illius ab hoc præmio narrationem orditur: Sa-
 “ga þessi hefz ecki aflokkeisu þeirri semkatir menn srau-
 “kva fer til scemtunar oc gamans, helldr sannar hon sic
 “sialf med rettu ættar tali oc fornum ordzkvidum, er
 “meñ hafa ipuliga af þessum hlutum sem i þessu æfin-
 “tyri ero scrifadir. h. e. *Historia hæc baudqraqvam ex illa*
vanitate concinnata est, quam jocosí homines fingunt, temporis
terendi seqre oblectandi gratia, quin vera deductione genealogi-
ca & rerum hæc historia perscriptarum, proverbiiis priscais, quæ
semper hic citari solent, se ipsam satis probat. Quasi vero ar-
duum sit vel genealogias confingere, vel prisca proverbialia
factæ narrationi inserere. Id quoque hic suspectum vi-
deri poterit, quod ipse auctor fidem sibi suo stylo præ-
struat. Interea totam hanc narrationem confictam esse
temere non statuam, nec ad hanc classẽ referam.

Est autem fabularum hocce genus, de quo nobis sermo, vel artificiosum, vel plane rude & insulsum. Artis opus præcipuum cernitur in contextu vitæ Bardi cujusdã Snæfellsæ, quæ tanta verisimilitudine vel facta vel texta, ut etiam in ea evisceranda oculatissimi *Arngrimi* oculi caligasse videantur, ubi Crymogeæ Libro II. Bardum huncce inter ceteros reipublicæ Islandicæ conditores aborigines, familiã ejus ceteris genealogiis præmissã, retulit. Eam tamen suspectam postea habuisse ex eo colligitur, quod in Specimine Islandicæ, ubi de origine gentis, prædiorumq; fundatione ex professo tractat, nullam Bardi sociorumve ejus mentionem faciat. Quin & *Ario Polyhistori*, qui hæc de industria exsequitur, ceterisque Polyhistoribus, *Kolskeggo* ni-
 mi-

mirum, *Sturla* legifero, *Styrmero* multæ lectionis, & qui horum omnia collegit, *Hauko* Legifero nihil de hoc Bar-do constituisse videtur. Coloniarum enim seriem, primosque tractus istius incolas, prædiorumque nomina, & unde evenerint, ex fide recensent, omnia iis repugnanti-
a, quæ Biographus ille tradidit; quos summæ auctorita-
tis scriptores cum in dicto Specimine Islandiæ secutus sit Arngrimus, non potuit non animadvertere scripti hujus imposturam, etiamsi aliis ista indicare, suæque priora re-tractare neglexerit.

Non est mihi propositum, siue hoc, siue alia idgenus scripta ad unguem examinare, singulaque malè cohæren-
tia elicere & publicare; id enim esset opus non unius vo-
luminis, nec in publicum utile, cum plurima eorum nec in alias linguas translata sint, nec in patria quidem impres-
sa, Pauca de memorata vitâ addam, tametsi ex dictis aucto-
ritatem illi satis derogatam arbitror.

Bardus natus perhibetur annos decem, cum ad Dofri-
um gigantem educandus missus esset ubi octennium re-
mansit. Paulo post ejus discessum dicitur Haraldus Pul-
chricomus, Norvegiæ primus Monarcha, puer quinque-
nnis, in nutricatum ejusdem Dofrii receptus. Natus
autem, siue anno gratiæ DCCCLIII, vel anno posterius;
octodecim ergo annis ætatem ejus Bardus ante-
vertit, natus anno DCCCXXXV, aut eo, qui proximè se-
quitur. Superasse autem fertur fere usque ad Olafi
Tryggvini Norvegiæ Regis tempora, ut CLX circiter an-
nos vixerit; Quod etiamsi aliorum exemplis fulciri pos-
sit, indubitatam tamen fidem non meretur. Adhuc mi-
nus consistit, filiam ejus Helgam, liberorum natu maxi-
mam, ex priore conjugio, & quidem in monte Dofrino,
ante

ante annum DCCCLIX, uti haud obscure indicatur, anno DCCCCLXXXIII, cum pueriles ludos ad ripam maris exerceret, in glaciem, quæ sæpius littora Islandiæ obfideret, detrufam, ferente vento in Gronlandiam intra septem dies provectam, Erici Rufi, qui unicum tunc annum Gronlandiam incoluerat, hospitio receptam fuisse, & tunc quidem formâ adeo speciosâ, ut illam famigeratissimus athleta Skeggjus de Midfiordo deperiret, ætate ad minimum in annum CXXXVIII. producta. Quid memorem Trollorum, ex omnibus insulæ Islandicæ antris angulisque in cryptam giganteæ fæminæ Hitis ad convivium evocatorum, monstrosum confessum? quid potulenta, ibidem affatim exhibita? cum idgenus monstra, nullos agros, quos sererent, nullas, quas meterent fruges, nulla horrea haberent, antris quippe, uti fabulantur, mancipata. Sed nec specus ista, (quam ipse ingressus lustravi) vel unus gigantis capax est, nedum tot Æthnæorum fratrum sororumque, aut tanti apparatus. Taceo Solrunem virginem ex Gronlandiæ prædio Solarfioll appellato, trans vastissimum mare, non navigiis, ut credo, sed magicis artibus in Islandiam travectam, a gigante Kolbiorno raptam, quo mendacio nihil crudius excogitari potest; ut de itinere Gestii Bardi filii, in suppolarem regionem ab Olaso Tryggvino Norvegiæ Rege missi, nihil dicam. Id certe optimo Regi turpiter affectum est, duos ab eo comites Gestio datos veneficos homines, Vejovis sacrificulos, quod genus hominum ille, quantum potuit, delevit & extirpavit, Christianæ religioni plantandæ, unice deditus. Occurrunt hic, fateor, nonnulla, cum *Libro Originum Islandiæ* convenientia, sed quæ huic scripto, ad fidem fucō conciliandam, inserta esse adparet. Nec loca, quæ à viris mulieribus.

busq; inibi descriptis, eadem nomina sortita esse memorantur quæ hodieq; tenent, rem magis confirmant. His enim, me iudice, tota narratio superstructa est; ut cum extent: Canticorum antrum, Bardi lavacrum, Kneifæ promontorium, & plura ejusmodi; Bardum hunc, ejusque comites, à quibus hæc loca denominationem acceperint, auctor finxit. Adde quod Biographus hicce à veterum scriptorum nullo allegetur, id quod ejus fidem non mediocriter elevat. Jam vero parentes, qui illi tribuuntur, facile fucum produnt. Dumbi enim filius fuisse dicitur, à quo mare Dumbicum, *Dumbs-haf* nomen traxerit. Id vero, si illo primum tempore ab eo sit denominatum, mirum tantillo tempore tam celebre factum esse, ut sub initia cultæ Islandiæ, eodem fere tempore, omnibus nomen illius innotuerit. Helgius enim Macer, Aboriginum unus, Hæbudis in Islandiam navigans, cum oraculo Thoris monebatur, ne à præscripto cursu declinaret, à filio interrogatus est, num & in mare Dumbicum navigaturus esset, si Thor juberet. Mater quoque Bardi Mioll appellatur, filia Snæris Antiqvi, Qyenix Regis; qui, uti in aliis venerandæ antiquitatis documentis dicitur, Noris, qui Norvegiæ de suo nomen imposuit; (& ut ego hinc colligo, Visburis, Sexti Sveciæ Dynastæ,) avus fuit; cum tamen Bardus, post annum demum salutis DCCCL. natus tradatur. Sed de hoc commento satis actum est.

Cum Bardi vita pari passu Kroka Refi historia mihi videtur ambulare. Tantam quidem auctoritatem ac fidem ei tribuit vir in antiquitatibus patriis non male versatus, Poëtaq; in utraq; lingua felicissimus, *Magnus Olaf*, quondam Laufasensis in Islandia Pastor, ut dignatus fuerit logogryphos illos confictos, qui ibi leguntur, commentario

illustrare in Lexico suo Runico, quod Celeberrimus *Olaus Wormius* postea edidit. Sed non animadvertibat ea, quæ conjector ænigmatum, Rex Norvegiæ *Haraldus Strenuus*, ex consuetudine Islandorū explicasse dicitur, non Islandis magis quam Norvegis in usu fuisse. Consule, si placet, vocē *viglysing*, & inibi vocolas *saupfattir*, *storkeralldat*, *fagrragnadi* & *vodvirkt*, in quibus enodandis minime opus erat ad Islandorum sive usum sive idioma provocare, cum hæc ipsis cum Norvegis cōmunia fuerint. Rerum Norvegarum ignorantia hunc virum sane egregium, imò ipsum commentum architectum, decepisse videtur. Sed propius ad ipsum opus oculos admoveamus. Extra Islandiam scriptam esse hanc historiam, initium illius suggerere videtur, quod tale est: A dogum *Haconar Konungs Adalsteins*, *Foftra bio* sa maþr ut a *Islandi* a *Kvennabrecku* er, *Steinn* het. h. e. *Tempore Haconis Adalsteini alumni, in exteris (sive peregre) in Islandià pradium Kvennabreckam inhabitavit pater quidam familias nomine Steinn*. His operis auctor persuadere conatus est, illud in Dania aut alibi contextum esse & conscriptum, idque ipso *Refo* vivo, ex consilio avunculi ejus, *Gesti Oddleifi filii*, Sapientis dicti, qui discedenti à se *Refo* injunxisse dicitur, ut gesta sua, quæ memorabilia fore jam animo præfagebat, scripto prodi curaret. Novit forte Arium Polyhistorem omnium primum, qui in Islandia historias conscripserit, vulgo haberi; Cujus ætatem cum hanc historiam, quam *Refo* vivo conscriptam esse omnino persuadere voluit, ea ratione longè superare animadverteret, quasi extra Islandiam scriptam proponere consultum duxit. Sed facile fucum produnt dictio & stylus, diversa ab iis monumentis, quæ sive in Dania, sive Norvegia concinnata sunt. Ex adverso idioma Islandicum,

cum, omnino incorruptum, intra Islandiam conscriptam esse arguit; non tamen ante Arii tempora; vetustiore enim genium ejus dictio præfert. Cum itaque nec extra Islandiam, nec ante Arii tempora in Islandia scripta sit, pro genuina haberi non potest, quippe quæ auctoritatem suam ipsa subvertit. Res quæ traditur, à nullo alio scriptore, quorum mihi magna copia, memoratur, sed nec, quod scio, ipsius Kroka Refi nomen. Addo & tam aliena à ratione hic proponi, ut figmenta vel palpari possint. Etenim, ut illi, qui Homerum cæcum natum perhibent, cæcitatem suam prius produnt, quam se vera tradere persvadent, (nec enim tanta rerum peritia, regionum locorumque cognitio, ab homine, æternis tenebris damnato, expectanda est, quam Homeri scripta ostendunt) sic, qui ab educatione Refi, culinam nunquam egressi, nec rebus addiscendis satis apti, tantas virtutes artificiaque statim educunt, qualia hic describuntur, res suas haud satis conficiunt. A prima juventute ad focum prostratus, in cineribus juxta lebetes ollasque se volutans, nulla sanæ indolis signa dabat, fatuus ab omnibus judicatus, tanquam indocilis spiritus, ne occasionem quidem ullius rei addiscendæ acceperat, quam nec parentes desperato ingenio adhibendam censuerunt. Nihilominus derepente artifex, navem, cujus ne speciem unquam viderat, ad parvæ mercenariæ navis, in puerilem usum factæ, exemplar seu simulachrum formavit & extruxit; mox ædificia, castella, & aquæ ductus, ad quos ipse Dædalus obstupesceret. Quod si ætatem ejus exactius computaverimus, innuit auctor eum tempore Haconis Adalsteini alumni natum, qui anno DCCCC LXI. vita excessit. Haraldo tamen Strenuo Rege, qui anno MXLVI, ad sceptra Norvegiæ provectus est, post an-

nos LXXXI. & amplius, barbam sibi caprinam affixisse, atque sub hac larva, senectutem simulando latuisse dicitur. Nihil dicam de domicilio, in extrema Gronlandiæ in boream protensæ solitudine tot annis electo, quasi nulla amœnior habitatio suppeteret, nullus locus, sive ad conquirenda quibus indigebat, sive ad societatis commoda commerciaque, tum publica, tum privata, aptior, quam perpetua nive damnatus frigidiæ zonæ angulus. Quin & ridiculum est, quod traditur de longo illo, per defossas sub terra fistulas, aquæ ductu, quæ in castrum canaliculatim derivata admotos ignes jugi fluxu sopiret. Nam si hyberno tempore ad habitaculum ejus per constrictos glacie sinus, itinere commodissimo proVecti hostes, oppugnationem tentassent, nihil ab aquis istis præsidii sperandum erat. His argumentis persuasus, scriptum illud omnino ex historiarum albo expungendum, adque inutiles fabulas relegandum censeo.

Sunt equidem plura ejusdem generis, sed non est mihi hoc loco propositum ea omnia evolvere. Ad secundum fabularum genus progrediar, fatuum nempe illud & plane rusticum; in quo nihil sanum, nullus lepor aut artificium. Ista fabulas *Bartolinus* posteriorum seculorum Islandis adscribit, seculumque illud *infelicissimum* jure appellat, quo pura puta figmenta, rudes homines, & historiarum & rituum cognitione vacui, pro veris obtruserunt. Tot enim enormia monstra, suo crebro concepta gesta que, tandem infelici partu, obstetricante Moria, enixi, in stultissimi cujusvis nutricatum sinumque effuderunt, ac per universam suam patriam sparserunt, ut prope infinitus horum numerus, & omnino erubescendus surerit. Nec tamen quenquam inter doctos tam obtusi ingenii fuisse credide-

diderim, quin adulterinos illos fætus facile agnoverit, falsaque à veris monumentis nullo negotio discernere potuerit; præsertim quæ ineptissima: uti sunt ea, quæ de Eirico illo peregrinatore, Paradisi sedulo inquisitore repertoreque circumferuntur: de Ione Limatore, qui montes limâ terebrabat; de Sveno, monachi cujusdam filio, qui uno jactu arborem tam longè protrusit, ut expedito rectâ proficiscenti triennium ad assequendum conficeretur; de Conrado Germaniæ Cæsaris filio, qui terram, solis serpentibus habitatam ingressus, illorum generis Regem coronatum, nec nisi festi Pentecostes prima die dormientem, offendit; de Bove Brandkrosso, qui ex Islandia, per vastissimum æqvorum, in Norvegiam enatavit; & id genus alia vanissimorum hominum putidissima deliramenta, quæ commemorare pudet. Hæc tamen ab ejusdem furfuris hominibus alacriter arrepta, aliis animum & audaciam, imò alacritatem, ad plura ejusmodi comminiscenda addiderunt. Nec defuere, qui talibus in rhythmos transferendis vanam operam impenderent. Hinc ingentia volumina quisquiliis hisce repleta, subactioris licet ingenii hominibus invisa semper & contempta, in sinceriorum documentorum dedecus & opprobrium adhuc supersunt. Cujus & generis est Amlodi seu Amlethi vita, (quam per longum tempus magno studio quæsitam, ante aliquos annos primum consecutus sum) conficta, ut apparet, post Tamerlanis tempora. Nam quæ de eo & Bajazethe aliàs traduntur, huc congesta sunt. Ita pruritus decipiendi, Islandos quoque, gentem ceteroquin simplicem, sed fecem tantum illius, incescit.

CAPUT IV.

*De fabulosis Islandorum monu-
mentis.*

Fabulis succedant historiæ, ex veris principiis desumptæ, sed figmentis interpolatæ: Earum quoque genus duplex est. Nam aut sparsæ per universum opus fabulæ, tum personas, tum etiam gesta usque adeo confundunt, ut haud facile discerni queat, quid factum, quid fictum, quid huic, quid illi personæ, nominis licet communione conjunctissimæ, gestorum tamen gloriæque societate disjunctissimæ, competat; aut certis tantum locis insertæ, nullo negotio dignoscuntur, quippe quæ à cetero contextu alienæ, argumentum quod tractant nequaquam persvadent. Inter ea monumenta, quæ rebus verè gestis fabulas ubique indiscriminatim ingerunt, Thorsteini Vikingii, Gothrici & Rolfi, ac Herraudi & Bosii historiæ numerari merentur. Diverforum hominum gesta confundit, unique soli applicat Orvaroddi vita. Cui & adjungi meretur Ragnaris Lodbrochis vita, ratione eorum, quæ de Lodbrochis filiis confuse inibi narrantur. Fabulis, sed quasi separatim positis, ac itaque à vero facile discernendis, Olafi Tryggvini & Olafi Sancti historiæ non carent, quæ tamen nobis alias classicæ sunt. Et certè ad hanc ultimam classem nostrorum monumentorum permulta jure referri possunt, cum in eorum plurimis fabularum nonnihil occurrat, sed quod sine labore à veris eorum assertis dignosci potest.

Ad Thorsteini Vikingii vitam, à Reenhielms in Sve-
cia evulgatam, quod attinet, nos paulo mitius de ea senti-
endum

endum putamus, quam existimavit *Bartholinus*, qui Antiquitatum Danicarum lib. II. Cap. I. omnes historiae notas ei adimendas judicat. Fatemur quidem multa illic plane absurda tractari, & Indiae mentionem, protectosque illinc pugiles, linguae commercio Svecis familiares, insaniam auctoris, si ita scripserit, satis arguere. Sed verisimile est, pro aliqua Norvegiae, Gothiae aut Sveciae provincia, nominis similitudine deceptos librarios, *Indiam* scripsisse, cui conjecturae favet, quod *India* (ut ibi habetur) Regis filia, *Jarnberia* (ita enim meum exemplar, ubi in Reenhielmii editione pag. 15. *Marsia* extat) Regulo nupuisse dicatur, quam provinciam Svedicae ditionis esse omnes norunt. Nisi quis statuere malit, Indiae appellatione vicinas Asiae terras nostris intellectas; id quod *Plinio* forte lucem adferre potest, qui *Cornelii Nepotis* auctoritate lib. II. Cap. 67. scribit Svevorum Regem Metello Celeri, tum Galliae Proconsuli, Indos ex patria commercii causa navigantes, tempestatibus ad se abreptos, dono dedisse. Quicquid illius sit, de Thorsteini existentia abunde testantur genealogiae, graduumque in paterno & materno illius genere aequalitas, ut & eorundem à communi stirpe usque ad illius aequales par ratio. Thorsteini pater Vikingus natus est Eimyrîa, quam peperit Gloda, filia Alfvoris, cujus frater Alfus Grandævus, secundum *Thorsteini vitam*, Bryngerdem Raumi Raumarikiae Regis filiam in matrimonio habuit. Raumum Nore Norvegiae Eponymo natum esse *Origines Norvegiae* testantur, quae & Alfum illum Grandævum, Raumi non generum, sed filium fuisse verius forte perhibent. Thorsteini matrem vita illius Finnam vocat, filiam Refilis,

lis, neptemque Mæflis piratæ. Mæflis pater in *Originib. Norveg.* Meitius nominatur, filius Goris, qui Noris Norvegiæ Eponymi frater fuit. Thorsteini uxor Ingibiorgis Skatio Sogniæ Regi prognata est, Skatium Eckill genuerat, Eckilem Myndill, Meitilis filius. Meitill iste absque omni dubio ille est, qui in *Originibus Norvegiæ* Meitius dicitur, & prædicti Goris filius fuisse perhibetur. Thorsteinus itaque sex gradibus Nore inferior est; Idem cum uxore suâ quinque generationibus à Gore, Noris fratre, descendit; quæ secum invicem optimè concordant, cum fragmenta ut plurimum nec secum invicem nec cum aliis documentis convenire soleant. Ceterum illa, quæ de monstroso gigantum habitu, nanisque & variis præstigiis in dictâ historiâ memorantur, à vanis hominibus adjecta esse nemo negabit; si modo ea secundum verba intelligenda sunt, & non, aliarum vetustatis fabularum instar, ad alium sensum trahenda. Quicquid sit, longe melius ejusmodi scriptores fecissent, si, remotis fabulis, res gestas sincerius literis mandassent, nec tantam earum partem ad damnatos genios, virtutesque magicas retulissent. Etenim dum res monstro similes, (quales in hac Thorsteini Vikingii vitâ de Kolo quodam Krappio, Disa Lycantropa, Ingialdo Trana, Ogautano, Ingiborge filia Regis Skatii, Otulfaxio, Sindrio Pygmæo, & Joculle Niorfi filio copiose describuntur) tam prolixè commemorant, suspectos sese faciunt, hoc præcipuè seculo, ubi talia exiguam fidem inveniunt, licet ea in commentariis suis *Reenhielmus* illustraverit, adductis non solum multis ex rerum Septentrionalium scriptoribus exemplis, sed etiam extraneorum testimoniis, qui similia ad-

adferunt. Et certè cui indubiè persuasum est, immortales illos genios, & tanta potestate præditos esse, quanta in his monumentis describitur, & mortalibus ad talia obsequia vel pronos vel mancipatos, ei proclive erit, omnia credere chartisque committere, etiam enormia quæque figmenta, diviniore potestatis velo oblecta, qualia Poëtarum principesque eorum, inter Græcos Homerus, Latinos Virgilius, commenti sunt. Interea omnium confessione planum est, abstrusioris istius artis, nescio an vanissimorum ingeniorum delirii, professionem ubique terrarum in usu fuisse. Et introductam in septentrionem ante Odini Upsalensis adventum, si non publicam, magnam tamen ejus notitiam, Gylfi Sveciæ Regis, harum rerum haud imperiti, exemplo probari potest. Odino vero publicum infamis istius doctrinæ collegium instituente, haud mirum, eam per universum arctici orbis circuitum temporum decursu dispersam fuisse; confluentibus scilicet ad ejus illecebras, vel ex devictarum gentium, vel sociarum, sed obsequio destinatarum, provinciarum, nobilissimis quibusque ingeniis; quæ tanto præsidio, per compendia quæsito, quicquid votis expeterent, sibi intrepidè pollicebantur. Spei an eventus responderit, vel non, quisque prout libitum fuerit per me credito vel negato; certe res magnas nefariis hisce artibus patratas esse, cordatissimi quique omnium penè nationum historici tradiderunt, ac in illis optimæ notæ scriptor Snorrius Sturlæus, qui luculentissimam rerum Norvegicarum historiam veraciter scripturus, istiusmodi multa de Odini incantamentis, præstigiis & inauditis successibus, similesque de aliis relationes operi

fuo passim inferuit; illa scilicet sine insigni veritatis jacketura posteritatisque dispendio omitti non posse autumans. Invaluit autem frequentioribus exercitiis excultum scelestum hocce, deoque extremè invisum dogma, multisque seculis usque ad Christianam institutionem apud majores nostros duravit. Nam & Gunnhildis, Regis Eirici Blodoxii postea uxor, tandemque in Anglia Christianam religionem amplexa, juvencula in Finnmarkiam ad hæc Vejovis mysteria percipienda missa est, nec finè magnis succëssibus rediisse dicitur. Mea itaque de fabulosis hujusmodi scriptis sententia est: magnum in iis dijudicandis temperamentum requiri, eaque ob solam præstigiarum commemorationem, licet frequentiore, si cetera proba, temerè rejicienda non esse.

Personarum confusionis exemplum ingens præbet Orvaroddi, seu Oddi Jaculatoris vita, opus multis figmentis iisque absurdissimis refertum. Exhibetur ibi Oddus ille, nunc Angantyri, qui seculo III. ineunte vixit, synchronus; nunc in prælio Bravallensi pugnans, quod circa annum Christi DCCXXXV. stetisse inferius dicitur; nunc cum patre Grimo Hirsutigenâ, qui post octavi seculi medium natus est, conversans; quæquam malè uni homini competant, omnes vident. Interea relationem istam ex verâ origine fluxisse, planissimè evincit per manus à primo rei gestæ tempore, ad eos qui hodie vivunt, firmior memoria. Nam incolæ paræciæ Sokndalensis in Norvègia, quorum nemo unquam scriptam in Islandiâ historiam illam audivit, eadem de illo perhibent, quæ illic habentur, sepulcrumque
ejus

ejus apud se monstrant; deque fatali ei eqvo (quem, veluti nostrates, Faxium nominant) & aliis circumstantiis eadem referunt. Ostenditur præterea in Samo Balthica ingens tumultus, quem ab illo excitatum, eo-que undecim athletas (quos ipse eodem certamine solus occidit) illorumque antesignanum Angantyræ, à socio ejus prostratum, conditos esse, ista illius vita perhibet.

Ragnaris Lodbrochis vitam, ubi de filiis illius aggit, confusam esse, ac binos commiscere Lodbroches, nuper innuimus, & inferius planum faciemus. Ceterum magnam historiæ isti auctoritatem conciliat, quod eadem illa traditio, quæ literis Islandorum consignata apud eos solos tot annorum centuriis delituit, in Norvegiæ isthmo Spangareidenfi etiam hodie magnam partem incorrupta vigeat. Etenim tractus illius incolæ constanter referunt, seque à majoribus suis accepisse perhibent, inventam apud se in exiguo quodam sinu angulove maris citharam auream, cujus cavitati inclusa fuerit parvula virgo, quæ paulo adultior pecora ibidem postmodum paverit, tandemque Daniæ cuidam Regi nuperit. Otlougam (vel Aatlougam) dictam fuisse ajunt; cujus nominis scæmina in eodem tractu nuper vixit, quæ nominis sui originem ad eandem Reginam referebat, idque ab illius tempore in suâ familiâ conservatum esse dictitabat. Monstratur adhuc in hoc eodem tractu colliculus, quem accolæ *Otloug-* vel *Aatloug-höjen* i. e. *Otlouge collem* appellant, atque ex illo commissum sibi gregem prospectasse eam asserunt. Et sinus ille, in quo auream istam citharam inventam esse di-

cunt, *Gullviken* i. e. *aureus sinus* etiamnum nuncupatur, Hæc partim ipse olim didici, cum in Diœcesi Stafangriensi reddituum Regionum curatoris, seu Camerarii officio fungerer: nonnulla eorum me docuit, ac quæ ipse observaveram confirmavit Spectatissimus vir Nicolaus Toldorpius, Regius apud Listenses & Mandalenses Quæstor, qui de singulis mei causâ accuratè denuò inquisivit. Hæc si cum ipsa Ragnaris historia conferantur, ad veritatem seu fundamentum illius stabiliendum abundè sufficiunt. Aslaugis namque nomine celebris fuit illa Sigurdi Fasnericidæ filia, quæ à materteræ suæ marito, Rege & ipso, nomine Heimero, ob internecinam familiæ cladem è Germaniâ profugo, in Spangareidam Norvegiæ, ad sitam promontorio Lindesnesiæ parœciam, alvo citharæ inclusa transportata est; cujus nomen, paululum licet depravatam, in certa dicti tractus familia, uti dictum est, ab interitu vindicatum perpetuaque successione per plura secula in neptes transfusum mansit. Nec omitti debet rivulus, aureo isti sinui propinquus, *Kraakebecken* i. e. *Krake rivulus* etiamnum dictus, cujus etymon etiam si accolæ nunc ignorent, Ragnaris tamen historia clarè satis aperit, ubi Reginam istam, dum in memorato sæpius loco pecora custodiret, Kracam sese nuncupasse nos docet.

Pergo jam ad historias fabulis ita interspersas, ut hæc sine magno negotio discerni possint à vera narratione. Talium magna copia; & certè admodum paucae isto vitio vacant. Nec ipsum Snorrium Sturlæum, qui in expurganda historia plurimum laboris inpendit, excipiam. Nam propè in limine historiæ suæ, fabulam Eddicam, de translatâ è lacu magno Sveciæ Logo (hodie Melero) in mare Bal-

Balthicum, inter Fioniam & Scaniam, totâ insula Sialandiâ, adfert; quam Petrus Undalinus, historiæ istius per Wormium editæ interpres, tanquam lectu indignam, ex sua versione exclusit; cum tamen subtilius aliquid hic occultari appareat, de quo suo loco aliquid differendum. Præterea Snorrius, de primis Sveciæ Principibus nonnulla retulit, præsentî seculo fidem haud inventura. Huc referenda est Rolfi Krakii, Daniæ Regis vita, à Magistro quodam Gualtero concinnata, quam ex certiorum documentorum numero nemo sine injuria proscripserit; cum Saxoni in describendis Rolfi rebus gestis cum illâ sæpius conveniat. Tales quoque sunt Olafi Tryggvini, & Sancti Olafi Norvegiæ Regum, vitæ, quas continet codex Flateyensis; hujus enim confarcinatori unicè propositum fuisse videtur, quicquid antiquarum relationum inveniret, sine ullo delectu in vastum illud volumen congerere, atque ab interitu vindicare, securo quid tandem pretii singulis statuendum esset. Omnia hujus generis nostratum monumenta enumerare, nimis foret prolixum; plurima enim illorum, etiam ea, quæ aliàs pro bonis habentur, ad hanc classem quodammodo referri possent, nuper dictum est: quibus ea propter in reliquis fidem derogare non sustinebitis, qui legerit ea, quæ pro Saxone adversus Saxo-mastigas congeffit clarissimus olim Historiographus *Stephanus Stephanus*, aut illa, quæ pro defensione Herodoti ingens *Henricus Stephanus* historiæ ejus à se editæ præmisit; quorum rationes hic exscribere non vacat.

CAPUT V.

De authenticis Islandorum historiis.

DUcentos & quadraginta annos Islandica steterat Respublica, cum septentrionalis orbis historia caput extollere cœpisset, adjutore Ario Polyhistore, qui circa annum Christi MCXVII. primus eam literis commendare cœpit, teste *Olafr Saga* in præfatione, quam citat Bartholinus Antiquit: Danicarum libro I. cap. XI. p. 191. ut & Originum Islandiæ libro, qui *Landnæma* inscribitur, & de prima Islandiæ occupatione ex professo agit; ubi de rebus in eo contentis primus scripsisse dicitur. Idem in præmio Chronici Norvegici *Snorrius Sturlaus* scripsit. Hic itaq; omnium primus gesta Regum Norvegiæ, mox etiam Daniæ & Angliæ, resque majoris momenti, quæ in patriâ sua inciderunt, in literas retulisse traditur. Valde igitur hallucinatur Doctissimus aliàs *Olaus Verelius*, in notis ad historiæ Hervorianæ Cap. XIX. p. 178. dum eam ab homine, qui longe ante receptum in septentrione Christianismum conscriptam esse statuit. Etenim genium Islandicæ lingvæ penitus spirat; nec refert, quod illius auctor se ex *fornum Bokum* i.e. veteribus libris, decerpta tradere, initio operis sui dicat; cum ea, quæ Arii tempore scripta fuere, ipsi satis vetusta videri potuerint. His tamen de Ario contraria sunt, quæ *Petrus Claudii* parœciæ Undalinæ quondam Presbyter, Lystrensiūmqve Ecclesiæ Præpositus, in suâ Norvegiæ Descriptione pag. m. 167. perhibet: nempe Isleifum, primum Islandiæ Episcopum, (qui ab Adalberto Archi-Episcopo Bremenſi consecratus est

est anno gratiæ MLVI. obiitque MLXXX.) conscripissē vitam Haraldi Pulchricomi, primi Norvegiæ Monarchæ, ejusq; filiorum & successorum, usque ad Magnum Bonum Sancti Olafi filiū, (qui anno MXLVII. obiit,) de rebus autem domesticis sedulo annotasse, suoq; Chronico inseruisse eorum nomina, qui dicti Pulchricomi tempore ē Norvegia in Islandiam migrarunt, eorumq; familias, locaque ab iis occupata & inhabitata, qualiterque sinus, amnes, freta, scopuli, promontoria, montes, colles, valles, planities, prata, villæ, & id genus alia, nomina ab iis sortita sint, qui primi ea occuparunt, aut quæ iis in istis locis acciderint. *Qvin & Biornus de Skardza* in præfatione annalium suorum, quorum exemplar MStum possideō, tum Isleifum, tum filium ejus Gissurem Episcopum, historias contexuisse, quædam etiam per alios contexi, vel ex aliis lingvis in suam vernaculam converti curasse disertis verbis testatur. Stabilit horum quoque assertionem *Arngrimi Iona* haud exigui momenti testimonium, in libro, quem Specimen Islandiæ inscripsit, pag. 79. ubi de Hrollaugo Ragnvaldi Mæralleri filio agit, his verbis: *Hujus viri prosapia, magnatum Islandiæ familias majorem in modum auxit, quarum series Annalibus continetur. In his est Semundus binu Frode, Arrias binu Frode, uterq; officio Sacerdotis laudatus, uterq; Annalium N. historiæq; Norveg: cum Isleifo primo insula Episcopo, nec non Snorrone Sturle filio, Islandiæ nomophylace, concinnator, cum compluribus aliis, alias nominatis, ex quibus Hauko, sui temporis nomophylax, meo judicio palmam tenet. Hos nempe auctores habent annales nostri & Norvegici, majorum suorum monumentis, relatione, & diligenti observatione de rebus nostrat: & Norveg: satis edoctos: qui tamen annales hodie adeo parvi sunt à quibusdam, ut exterorum conjecturis, incertisq; & variis ima-*
gina-

ginationibus postponantur. His animadversis nonnemo cum Celeberrimo *Olao Wormio* in præfat. ad Chron. Norveg. Snorrii, Danicè editum, judicabit, Ario primatum in historia condendâ falso tribui, si Isleifus in eo scribendi genere eum anticipaverit; erat enim duodecim annorum cum Isleifus diem suum obiit, nec illa ætate tanti oneris capax. Nos ista conciliari posse arbitramur, si Arium ex Isleifi conjectaneis, acceptis fortè à filio ejus Teito, in cujus nutritu adolescentiam partemq; juventutis exegit, multa hausisse statuamus, quæ posterum memoriæ consecravit. Neque enim credendum famam hanc de Isleifo vanam penitus fuisse.

Proximè occurrit Celeberrimus Vir Sæmundus, similiter Frodius seu Polyhistor dictus, cujus vitam ex variis fide dignorum virorum scriptis quantum licuit alibi collegimus, hic brevitatis studio omittendam; tantum in præsens monstraturi, quod scripta etiam haud pauca reliquerit. Editus est in lucem anno gratiæ MLVI. ex institutione scholastica, quâ in patriâ excultus est, vigesimo ætatis anno, qui Christi MLXXVI. est, dimissus. Turbulentissimis deinde temporibus, in variis Germaniæ locis, studiis operatus est; cum videlicet inter Imperatorem Henricum IV. & Romanum Pontificem Gregorium VII. inauditum in eum usque diem de principatu certamen exortum, universum imperii statum convelleret. In Gallias deinde studiorum causa profectus, inde in patriam, teste *Ario Polyhistore* in libello de Islandiâ, circa annū MLXXXIII. rediit, *Biornus de Skardza* annales eum conscripsisse perhibet, à prædiò ejus Odda, quod sibi sedem pastorem, ipse Presbyter, elegit, Oddenses appellatos; quos posterius ejus, eorumque discipuli postea continuaverint: testimoniaq;
ex

ex iis tanquam authentica aliquoties allegat. Vir insignis doctrinæ Bryniolfus Spenonius, Diœceseos Scalholt. in Islandia Episcopus, sequentia de Sæmundo scripsit, quæ in Stephan. Notis ad Saxonem pag. 17. leguntur: *Ubi ingentes thesauri totius humanæ sapientiæ conscriptæ à Sæmundo sapiente. Et inprimis nobilissima illa Edda, cujus vix millefimam partem reliquam nunc præter nomen habemus. Atq; id ipsum quod habemus, omnino fuisset deperditum, nisi Snorronis Sturlonii Epitome umbram potius & vestigia, quam verum corpus Edda illius antiquæ reliqua fecisset.* Liqvet hinc aliis de Sæmundi scriptis plura, aliis pauciora constituisse. Et Oddus quidem Monachus, (cujus genealogiam liber Originum Islandiæ pag. 81. & 88. exhibet) in vita Regis Olafi Tryggvini, à se concinnatâ, dissensum aliorum cum Ario in annis vitæ ejusdem Regis notat, ac ad Sæmundi judicium provocat; alibi eum libris historici auctorem disertis verbis prædicat, atqve de eodem Rege scripsisse testatur. Vixit autem Oddus seculo duodecimo; nam Ioni Lopti filio, Sæmundi nepoti, scripta sua obtulit. Decessit autem Ion anno MCXCVII. Qvin & Auctor Anonymus, eidem æqualis, qui dicto Ioni carmen honorificum, in codice Flateyensi ad calcem historiæ Orcadenſium conservatū inscripsit, postquam majores ejus qui sceptrâ Norvegica tenuerant, ab ipso Pulchricomo repetiisset, se singulorum successiones & imperii annos digessisse profitetur ad calculum Sæmundi. Præterea Annales nostri vetusti Sæmundi auctoritate testantur: mare anno MXLVIII. inter Daniam & Norvegiam adeo congelatum fuisse, ut lupi hinc inde intermearent. Atqve hæc abunde stabiliunt historias Regum Norvegorum & Annales scripsisse Sæmundum; cujus tamen labores historicos ego juvenis aliorum relationibus haud satis provide auscultans, nimis quondam

dam celebravi. Itaque locum illum, quem ex priori mea Regum Daniæ Serie allegat *Bartholinus* Antiquit. Danic. libro I. Cap. XI. pag. 139. ex hoc opere jam expungo. Ceterum cum Anonymi hujus computatio in Regum Norvegorum annis à calculo Arii non semel diffideat, suspicor scripta Sæmundi non satis accuratè eum excussisse. Nam ipse Arius testatur se ea, quæ de Islandia scripserat, ei recognoscenda commississe, adjecisseque ea, quæ tum ipsi, tum etiam duobus Episcopis, Thorlaco & Ketilli, quorum etiam censuram requisiverat, addenda videbantur. Cujus de seipso suisque scriptis testimonium, omni exceptione majus, facile persuadet, Sæmundum cum Ario amicè consensisse, & proinde Arii scripta tantorum virorum auctoritate confirmata, nobis imprimis suspicienda esse, & cynosuræ loco habenda. At inquires: calculus Anonymi istius, nepoti Sæmundi, Ioni Loptio oblatus, arguit de Regibus Norvegicis nihil scripsisse Sæmundum. Si enim scripsisset, certè in Archivis nepotis ejus, tanti viri, cujus mater Regis Magni Nudipedis filia erat, extitissent diligenter conservata; ita ut superfluum fuisset, illi suggerere, quod avus ejus reliquerat; præsertim cum successor ejus, filius Loptus, itidem Presbyter, & ipse Ion, paternis vestigiis in conservandis ab interitu veterum rebus gestis gnaviter insisterent, quippe qui ea, quæ pater in Historiis & Annalibus colligendis & consignandis orsus erat, diu continuârunt, teste laudato *Biorno de Skardza* in citatâ Annalium suorum præfatione. Ad hæc facilis est responsio: Non enim eo fine Regum Norvegorum Seriem notavit Ioni que obtulit poetaster ille, ut ipsum doceret, quæ avus ejus hac de re sensisset. Nam si vel maximè nihil scripsisset, tamen quæ super his statuisset, nepos ejus ignore

rare

rare non potuisset; sed ideo poema istud ei inscripsit, ut laudes illius à prosapiæ nataliumque splendore quam maxime celebraret. Omnes enim populares suos, opibus, potentia & auctoritate suo tempore longè anteibat, nec humanitate & munificentia, opibus minor. Decessit Sæmundus anno MCXXXIII; cum ætatem in annum septuagesimum septimum produxisset. Atque hæc de eo pro instituto hoc loco dicta sunt; ad Arium redeo.

Is, ut ipse profitetur, natus est anno MLXVIII. (cum enim anno MLXXX, quo in fata concessit Episcopus Isleifus, duodecennis esset, errat Snorrius in prologo in Chronicon Norvegicum, dum eum anno post cædem Haraldi Strenui natum colligit.) Librum de Islandia, qui etiamnum superest, proximo post obitum Sæmundi anno, id est MCXXXIV. scripsisse videtur. Nam legiferorum ultimum Gudmundum memorat, duodecim annos isto officio functum, qui calculo ipsius in hunc annum desinunt, quamvis *Annales* eum in proximum producant. Scripsit tamen alium librum prius de eadem materia, quem Episcopis Islandiæ Thorlaco Schalholtiensi & Ketilli Holfensi inscripsit, & censuræ eorum, ut & Sæmundi Polyhistoris, subjecit, quem deinde ex sententia eorum, prout sese nunc habet, emendavit & auxit. Ante vero annum MCXXII. istum primum non concinnasse, vel inde patet, quod tunc primum Ketill in Episcopum sit consecratus. De Regibus autem Norvegorum, Danorum & Anglorum prius scripsisse colligitur ex ipsius præfatiuncula in hunc eundem librum, ubi præteritas sibi genealogias, & Regum vitas memorat, cum tamen constet ex citata præfatione *Snorrii*, utrasque conscripsisse. *Biornus de Skardza* annalium Flateyensium fundatorem eum fuisse, ut Sæmundum Od-

denſum, citato loco tradit. Anno MCXLVIII, diem ſuum obiit octogenarius.

Ario Synchronus vixit Kolskeggus, Polyhiſtor ſeu Multiſcius quoque dictus. Etenim frater erat aviæ paternæ Finni legiferi, qvi MCXXXIX. iſti officio admotus eſt, ſeptimusq; ab illo, qvi inter primos Islandiæ Aborigines recenſetur *Landnæma* pag. 131. Hic etiam poſt Arium librum Originum Islandiæ compoſuiſſe perhibetur, occupationeſq; per quadrantes orientalem & australem conſignaffe. Ario autem tribuitur recensuſ earum per occidentalem & ſeptentrionalem inſulæ qvartas, teſte *Biorno de Skardze*, præſatione in ſæpeditos ſuos Annales, qvos ab anno Chriſti MCD. uſqve ad ſua tempora continuavit.

Huic proximus eſt Brandus, qvartus Holanæ diœceſeos Antifteſ, ordinatuſ anno MCLXIII, denatuſ anno MCCL. qvi teſte eodem *Biorno*, multa qvæ in Islandia e- venerunt, collegit, ſcriptiſq; conſecrari curavit. Hic Saxo- ni Grammatico ſynchronuſ fuit.

Nec prætereundus Eiricus Oddi filiuſ, (Chronicon Norvegicum Danicis typis exſcriptum pag. 448. perpetram Olafi filium nominat) qvi filiorum Haraldi Gillii geſta, uſq; ad ſingulorum exceſſum, literis tradidit, ut & Magni Cæci & Sigurdi Slemmbidiaconi vitas, eorumq; geſta, ex relatione Halli (filii Thorgeiris, filii Steini medici) Islandi, qvi Regiſ Ingii ſatelleſ purpuratuſ ſupplicio dicti Slemmbidiaconi anno MCXXXIX. adſtitit. Cumq; Rex Ingiuſ, eorum ultimuſ, bello caſuſ fuerit anno MCLXI. Eiricum poſt illum annum hitoriã ſuã, qvã *Ryggiaſtycki*, ſeu *Dorſiparticulam*, inſcripſit, contexuiſſe planum eſt.

Hiſ æqualiſ erat Karl (ſeu Caroluſ) Abbas monaſterii Thingeyrenſiſ, in ſeptentrionali Islandia, ordinatuſ anno
MC

MCLXIX. denatus anno MCCXIII. Hic Regis Sverre-
ris vitam enunciatissimè scripsit, quam nos utcumque
Romana toga induimus.

Proximus his vel etiam æqualis extitit Oddus Mona-
chus & Presbyter, etiam Polyhistor appellatus, de quo su-
pra; hic vitam Olafi Tryggvini literis prodidit, haud qua-
quam ineptè; docet enim ea, quæ alibi non extant.
Extat & aliud monumentum, cujus auctor habetur, de
Ingware quodam Multivago, filio Amundi Sveciæ Regis,
Olafi Sveciæ Regis nepote, Ingvariq; filio Sveno, cujus frag-
mentū Ms. ex Regia bibliotheca penes me est. Gesta quæ
narrantur, nullam fidem merentur; abunde tamen produ-
ctis narrationis auctoribus probatur Oddum ipsum nihil
ex his commentum esse. Etenim testes, quibus fabulosa ista
relatio nititur, tales sunt: Oddo retulit Pastor quidam, no-
mine Isleifus; alter Glumus Thorgilsis filius; tertius
Thorer dictus; Isleifo auctor fuit mercator quidam, qui
in aula Regis Sveciæ hæc se percepisse professus est. Glumo
pater ejus retulit. Thorerem Klakius Sami filius instruxit;
Klakium antiquiores propinqui. Adjecta est Chronolo-
gia, annus scilicet post natum Christum M XL. Citatur
quoq; vetus liber, latino sermone scriptus, sub titulo:
Gesta Saxonum; licet locus adductus nihil, ut mihi vide-
tur, ad rem faciat. Interea ob intempestivam illam Oddi
credulitatem nemo de aliis melioris notæ scriptoribus ma-
lè judicabit; nam fabula ista, Oddi tempore ab exteris in
remotissimam Islandiam invecta, nihil habet commune
cum traditionibus illis, quas vetustis Poëtarum carmini-
bus, carminumq; concinnæ explicationi innixas, primi
Islandiæ cultores secum in eam insulam devexerunt, nec
cum iis rebus, quibus populares illorum sive in Norvegia,

five alibi interfuerunt, vel gestorum focii, vel spectatores, vel gerentium auditores.

Retuli scriptores, qui inter Arium & Snorrium intercesserunt. Neque enim mihi satis constat, præcesseritne an secutus fuerit Snorrium, an ejus tempore vixerit Brandus Prior, quem Breidvikenfium genealogias contexuisse *Landnama* pag. 51. perhibet. Interea cum à primis coloniarum Islandicarum conditoribus sextus tramite recto descendat, Oddi tempora, Snorrio paulum antiquiora, vendicare sibi videtur.

Snorrii Sturlæi vitam prolixè alibi descripsimus. Is ab initio seculi XIII. usque ad Annum MCCXLI. quo occisus est, prudentiâ & doctrinâ insigni celebris valde fuit, tam in patria sua Islandiâ, quàm Islandorum veteri patriâ Norvegia. Illius opus historicum, quo Regum Norvegorum genealogias ab Odino, vitasque à primo Rege usque ad Sverrerem tradidit, notissimum est, quippe in Danicam translatum linguam, typorumque beneficio publici juris factum. Bina operis istius exemplaria authentica in membranâ ad manus nunc habeo, quorum unum *Kringlam*, alterum *Jofraskinnam* appellare consuevi. Ad Snorrium quoque, tanquam auctorem, pertinent *Morkinskinna* & *Horckinskinna*, (bini sunt codices pergameni, quibus ab involucri hæc nomina indidi) nec enim aliud sunt, quàm pars operis Snorrini, ab initio Magni Boni usque in finem, variis accessionibus historicis à recentiore quodam auctore vel interpolata.

Æqualis Snorrio fuit Styrmer, officio Prior, Polyhistor quoque dictus, qui librum Originum Islandiæ conscripsit, teste *Landnama* pag. 174. Anno MCCX. legifer declaratus,

tus, supremam jurisdictionem gessit, quæ ei iterum in-
iuncta est anno MCCXXXII. decessit MCCXLV.

Hic locum dabo Sturlæ, Snorrii ex fratre Sighvato ne-
poti, quod magna industria historias, à Snorrio conscriptas,
describi curaverit. Is Aurlýgstadis, in septentrionali Islan-
dia, anno MCCXXXVIII. totam sibi patriam subiecturus,
acerrimo prælio, una cum patre Sighvato occisus est.

Eum in negotio historico longe superavit alterius
Snorrii fratris, Thordi videlicet, filius, Sturlæ legifer, vir-
insignis. Hic auctor est Sturlungorum Historiæ, quæ res,
suis & superioribus paulo temporibus in Islandia gestas,
verè & luculenter descripsit. Idem Haconis senioris, Nor-
vegiæ Regis, vitam enunclatissimè in literas retulit, ut &
Regis Magni, filii ejus vitam, quam tamen hodie desidera-
mus: Delectus autem erat ab ipso Rege, ut res ab eo ge-
stas literis mandaret. Præterea librum Originum Islandiæ
scripsit. Vir suæ seculo felix, utpote qui abdicato sponte
officio propè septuagenarius, pia placidaq; morte in patria
domi suæ decessit anno MCCLXXXIV.

Hos æmulatus Haukus Erlendi filius, anno MCCXCIV.
legifer Islandiæ factus, qui ex binis Styrmeris & Sturlæ o-
riginum patriarum libris tertium confecit locupletissi-
mum, teste *Landnama* pag. 174. utilis patriæ civis, nam
hospitalem domum pro egenis ex ordine ecclesiastico, una
cum Episcopo Arnio in patria instituit anno MCCCVIII.
Decessit anno MCCCXXXIV.

Locum hic postulat Episcopus Scalholtenfis Jon
Halthoris filius, ordinatus anno MCCCXXII. mor-
tuus anno MCCCXXXIX. cui magnum industriæ testi-
monium in promovendis patriæ antiquitatibus *Biornus de*
Skardza citato loco perhibet.

Bergum Abbatem Thveraensẽm, (qvi anno MCCCXXV. electus, anno MCCCXXXIV. officium pia humilitate inductus resignavit,) historica qvædam scripsisse, istaqve illius opera in Sveciæ Regis Archivo servari, ex amici cujusdam literis, ante aliquot annos Holmiâ scriptis, didici; de qvibus mihi præterea nihil constat.

Thoroddum qvendam, Runarum Magistrum dictum, & Stiornu-Oddum (i. e. Oddum Astronomum) *Biornus* inter historicos refert, qvos pariter ignoro, nec qvo tempore vixerint scio. Alias Stiornu-Oddi illius prolixum, sed pariter fabulosum somnium, possideo. Nec suppetit, qvomodo pauper ille mercenarius (talis enim ibi depingitur) rem historicam juvare potuerit.

Præcipuos eorum recensui, qvi superioribus seculis scriptis historicis laudem comparaverunt; illos inqvam, de qvorum nominibus & ætate evidenter constat. Anonymorum enim ingentem cohortem adhuc habemus, qvi, qvod veras historias literis mandaverint, ad hanc classẽ omninò quidem pertinent, sed certis ætatibus, deficientibus ut plurimum argumentis, applicari tam facili nequeunt. Tales sunt: Eyrbyggiorum, Floanorum, Holmensium, Isfiordensium, Laxdalsensium, Liosvatnensium, Svarfdalsensium & Vatzdalsensium historiæ, ac innumeræ aliæ ejusdem generis.

Vetusta hæcce Islandorum monumenta magnam partem ab interitu conservarunt duo patriæ nostræ hoc seculo Antistites, Scalholtensis Bryniolfus Svenonius & Thorlacus Sculonius Holensis, qvi conquisitas undecunqve summo studio & ingentibus sumptibus membranas describi curarunt, conductis in eam rem, qvi nitidè pingerent, librariis. Qvod eorum laudabile factum omnis posteritas

ritas gratâ mente celebrabit; certè tanti in Rempublicam literariam meriti nunquam oblivisci debet.

CAPUT VI.

De Historiarum Islandicarum fundamentis ac auctoritate.

PRæstantiores Islandorum historicos proximè recensimus. Nunc eorum auctoritatem paulo ulterius expendamus; dispiciamusq, quibus illi fundamentis narrationes suas superstruxerint. Est autem, uti superius hoc libro diximus, istud scriptorum genus duplex. Quidam enim sui ævi res annotarunt; alii longè ante sua tempora gestas literis tradiderunt. De priorum avthentiâ non est quod multum disquiramus. Hi enim cum similibus aliarum gentium historicis id commune habent, ut, nisi mentiendi studium, vel rerum, quas tractant, ignorantia, in iis appareant, de eorum fide ambigere, illosve ob unam aut alteram hallucinationem tanquam mendaces rejicere non debeamus. Itaque pro indubiè veris habemus, quæ in Sturlungorum historia retulit Sturla Thordi filius, Islandiæ Nomophylax, vir summus; cum is magnam eorum partem ipse viderit, rebusq, quas describit, interfuerit. Nec minoris auctoritatis judicanda sunt, quæ de Hacone Norvegiæ rege idem Sturla, aut de avo illius, Rege Sverrere, Carolus Thingeyrensis Abbas literis mandarunt: his enim scribendi materiam suppeditarunt ipsi Norvegi, qui memoratis Regibus familiares fuere, aut res istas ab iis geri alias conspexerant.

Posterioris generis auctores, illi scilicet, qui res longè à suo ævo remotas describunt, uberiores paulò disquisitionem requirere videntur. Varia autem historiarum condendarum sunt fundamenta, quorum singula enumerare non est hujus loci: illorum saltē recensius huc pertinet, quibus nostratium vetustissimi opera sua superstruxisseprehenduntur.

Hæc inter saxa eminent, grandioresve lapides, in rei alicujus memoriam constituti. Tales Augvaldsnesiæ in Norvegia, in Augvaldi Regis, cultæq; ab illo vaccæ memoriam erecti, ad huc visuntur, qui Augvaldum illum olim extitisse, nec nisi vera in Hali Regis vita de eo referri, certò persuadere possunt. Simile argumentum colles sepulcrales subministrant; veluti tumulus Aurvaroddi, accolis, uti antea dictum, fama notus, ac itaqve ad memorati Aurvaroddi existentiam adstruendam documentum sufficiens. Clarius adhuc istiusmodi loca, si certo aliquo nomine gaudeant, de eponymis suis testantur. Sic colliculi duo, prope antedictum pastorale prædium Augvaldsnesiam conspicui, quos *Köklingss-Højder*, i. e. *Köklingi colles*, communiter nunc appellant, fidem satis conciliant memoratæ Hali Regis vitæ, quæ Hoklingum piratam subministrat, à quo colles istos denominatos esse, evidenter patet; etiamsi ista omnia apud accolas nunc in oblivionem venerint, quemadmodum hæc omnia in historia mea Norvegica plenius commemoravi. Innumera ex septentrionalibus hisce regnis recenseri hic possent nomina provinciarum, montium, fluminum, lacuum, sinuum, insularum, villarum, aliorumq; locorum: quæ appellationum suarum fundamenta originesq; similiter monstrant. Et solus Originum Islandiæ liber, vltugö *Landnæma*, vel

vel mille eorum curiosis suppeditabit. Picturis non minus, ac sculpturis rerum gestarum memoria conservabatur. Clypeos suos eo artificio condecorare solebant veteres, quod insignis hicce ex *Edda* locus manifestè adstruit: A fornum scioldum var titt at scrifa raund þa, er baugr “ var callapr, oc ero víþ þann baug scylldir kendir. “ i.e. *Antiquis clypeis inscribi solebat margo, quæ baugr* (i.e. anulus seu circulus) *appellabatur; ab isto circulo clypei poetice denominantur.* Id quod ego ita interpretor, quæ extremitatibus clypeorum, veterum heroum gesta, fortè etiam possessoris, impressa fuerint. Ejusdem generis clypei *Eigillis Scallagrimii* vita meminit, cujus verba, à *Bartholino* Antiq. Danic. lib. I. Cap. IX. pag. 150. exscripta, ita sonant: Hakon Jarl gaf Einari Skalaglammi sciold, oc var hann “ hin mesta giorsemi, oc var scrifadr fornfogum mille “ skiptanna, oc lagdar ífir speingraf gulle oc settr steinum. “ i.e. *Hacon Comes Einari Skalaglammi clypeum dedit, admodum pretiosum. Hic antiquis historiis inter commissuras inscriptus erat, auricæq; laminis obductus, ac gemmis ornatus.* De Amlethi & Hildigeri similibus clypeis, possessorum res gestas referentibus, *Bartholinus* citato loco videri potest. Nec clypeis solum, sed parietibus domuum historias & acta majorum omnium oculis exposuerunt: id quod *Arngrimi* auctoritate, & ædificii, quod Olafus Pavo, celebris inter Islandiæ proceres, in prædio suo Hiardarholto extrui fecit, exemplo, ex *Laxdæla* desumpto, *Bartholinus* eodem capite evidenter probat; cui & *Niali* vita suffragatur, quæ Thorchelem Hakum propria gesta lecto suo & sellæ inculpi vel appingi fecisse refert. Aulæis quoque rerum gestarum imagines intexere mos erat; quò Bildense monumentum à *Wormio* Monumentorum Danicorum libro VI. pag. m. 474. expressum

sum, *Bartholinus* sæpe dicto capite refert. Clarius hac de re exemplum nobis exhibet vetustissima oda, quæ *Gudrunarquida* inscribitur: ubi *Gudruna*, *Giukii* filia, quæ sibi post mariti sui *Sigurdi* *Fafnericidæ* indignam necem adversa acciderint, lamentans enumerat; ac inter alia: ut patriæ penatumque pertæsa, tesqva & solitudines oberrans, usque in *Daniam* progressa sit, ubi eam *Thora* *Haconis* filia, insignis fæmina, comiter exceperit, tristemque illius animum variis oblectamentis exercitiisque muliebribus exhilarare studuerit. Verba Odæ, quæ huc pertinent, ista sunt:

“ Haufþo víþ a scriptom þat er scatar leco,

“ Oc a hannyrþom hilmis þegna,

“ Randir raupar, recka Huna,

“ Hiordrot, Hialmdrot, hilmis fylgio.

“ Scip Sigmundar scriþo fra landi

“ Gyltar grimor, grafnir stafnar;

“ Byrþo víþ a borpa þat er þeir borþuz

“ Sigar oc Siggeir supr a Fivi. h. e.

Regum res gestas textura nostrâ representavimus, & manuariis nostris artibus Regum satellites: rubra scuta, Humnicos bellatores, milites gladios portantes, alios galeis insignes, Regiumq, constitutum. Sigmundi naves (in hac nostrâ manuaris operâ) in altum à litore ferebantur; rostræ eorum deaurata erant, proræq, cælate; Intexuimus panno, quomodo in Fivensî territorio Sigar & Siggeir invicem pugnarunt. Hæc confirmat Ragnaris Lodbrochis vita, quæ Brynhildam Budlinam Sigurdi Fafnericidæ Herculeæ facinora telæ suæ artificiosè intexuisse expressis verbis memorat.

Quæ hucusque recensuimus, emblemata tantum historica fuere. Propius ad ipsum historiæ corpus inscriptionio-

ptiones accedunt. Erat autem lignum, uti *Saxo* lib. III. pag. m. 52. ait, celebre quondam chartarum genus; cui gestorum memorias insculpsisse veteres *Bartholinus* exemplo Thorgerdis Eigillis filiae, epithaphium fratris ligno inscripturae, antedicto loco probat. Et adjungi ex *Gretteris* vita aliud potest: de Hallmundi Monticolae Epicedio, per filiam illius ligno similiter inciso; sed neque ex istis plenam historiam quis conficere poterat. Longè melius Carmina, res gestas in memoria hominum conservarunt, omniumque optima veterum historiarum breviaria fuerunt. Horum antiquissima, memoriter conservata, Norvegi, patriam cedentes, secum in Islandiam transtulerunt, posterosque ibi docuerunt. Recentiora filii horum, Islandi, mercaturae exercendae, militarium artium addiscendarum, aut alterius rei causam inter Norvegiam & Islandiam quotannis transmeantes, in patriam invexerunt; imò plurima eorum, quorum fragmenta supersunt, ipsi pepigerunt: id quod eo facilius probatu est, quod extet index Poëtarum, qui sub singulis ferè septentrionis Regibus Comitibusque flourerunt, ac res eorum gestas in numeros redegerunt, quorum maximam partem Islandia sibi vendicat.

Erant autem Poëtae isti, non, ut quidam imperitè arbitrantur, homines vani, qui mythicis locutionibus, figmentisque poëticis magnatum res gestas obscurarent magis quam illustrarent; sed viri probi veritatisque amantes, qui Principes, aut alios claros viros, non nisi dignis laudibus, extulerunt. Magnae apud Principes auctoritatis eos fuisse constat, summisque ab iis affectos honoribus, ceteris omnibus ministris praelatos, magnisque ac crebris muneribus cultos, imò eo dignitatis evectos, ut propinquo sanguinis nexu vel affinitatis vinculo junctas sibi faminas, interdum

etiam proprias filias, ipsis conjugio affociare iidem Principes non dubitaverint: quemadmodum hæc omnia, veteres historias legenti abunde constare possunt. Neque vetusti Reges Heroësque Poëtas sine causâ tanti fecerunt: illorum enim operâ æternitatem, perenneque apud posteros nomen, sibi pollicebantur. Hinc Haraldus Strenuus, Norvegiæ Rex inclytus, cum de binis carminibus, quæ Arnor Jarla Skald (*i.e.* Comitum Orcadensium Poëta) in ejus & Magni, Norvegiæ quoque Regis, laudes fecerat, iisque præsentibus recitabat, judicium ferret, indignabundus dixit: *Facile videmus quantum inter hæc duo carmina intersit; Meum carmen brevi interibit, ac è memoria hominum penitus delebitur; Illud verò, quod de Magni cecinit, cantabitur dum septentrionales terræ incolæ alunt.* Ad dictorum poëtarum existimationem præterea non parum facit, quod Reges ipsi poëseos studio peritiâque gloriam sibi quoque quæfiverint, exempla in promptu sunt: Haraldus Pulchricomus, Norvegiæ primus Monarcha, lessum in uxorem Snæfridam confecit, cujus unicus nunc versus extat. Hacon Adalsteini Alumnus, cum in insulâ Storde aciem novissimè instruxisset, Eyvindo Skaldaspillero, carmine ordinationem celebranti, statim carmine reposuit, teste *Fagrskinna*. Olafi Tryggvini distichon extat, quo Halfredo Vandræda Skaldi, seu periculoso Poëtæ, carmine provocatus respondit. Olafi quoque Sancti carmen amatorium citatur, cujus & plura extant: uti triumphale illud, postquam Erlingum de Solio, viribus longè superiorem, stratagemate nautico delusum vicisset, vitæque licet invitus, spoliasset. Olafi frater Haraldus Strenuus, adeo in hac arte excelluit, spiritusque poëtico afflatus erat, ut vel celeberrimis Poëtis nihil concederet. Nepos quoque illius, Magnus Nudipes, filiam

liam Cæsaris, quam sibi uxorem destinaverat, carmine celebravit, cujus & nonnulla alia extant. Sigurdus denique Hierosolymipeta, ut & Eysteinus frater illius, artem istam calluerunt. Continebant vero carmina illa Regum, Principum, aliorumve magni nominis virorum genealogias, fortiaque illorum facta, aut res alias per eos præclare gestas, compendiose ac stricto dictionis genere hoc fine in numeros redactas, ut eo serius memoria hominum exciderent. Quam accuratè horum auctores singula commemoraverint, vel illud monstrat, quod res gestas chronologicè non raro inibi recensitas videamus, quemadmodum in Hornklofii carmine apud *Snorrium Sturlæum*, quo, quid prius egerit Haråldus Pulchricomus, quid posterius, disertè explicat. Unde fundamenta patefcunt, quibus in digerenda rerum serie institerint Arius, Snorrius aliique, qui veterum heroum gesta chronographice nobis tradiderunt. Ad carminum istorum authenticam pertinet, quod in præsentia Principum, qui res iis contentas perpestrarunt, filiorumve illorum, ab auctore suis recitata fuerint; quod argumentum *Snorrius* in præfatione Chronici sui Norvegici rectè urget: *Poëtarum, ait, consuetudo est, cum maxime (Principem) laudare, in cuius præsentia consistunt. Nemo autem, puto, auderet, coram aliquo eas res gestas, tanquam suas, recitare, quas auditorum singuli, & is ipse, effectas esse scirent: id enim non laudare, sed audacter ei illudere esset. Concludo itaque cum eodem Snorrio: Illa quæ carminibus istis de eorum (Regum) itineribus & præliis continentur, omnia pro veris habemus. Qui de Poëtis nostris plura desiderat, celeberrimum, quæso, Wormium adeat, qui in Appendice ad literaturam suam Runicam, non procul ab initio, non contemnenda de iis scripsit, egregiumque Magni Olasii de eadem re*
Dis-

Discursus dictæ Appendici inseruit. Inspici quoque meretur *Johannis Alani* Disputatio Apologetica pro Saxone, edita Hafniæ 1627. Thesi XXXII. etiamsi quædam ibi limam requirant. Præcipue verò hac in materia legi meretur *Bartholinus* Antiquit. Danic. Lib. I. Cap. X. ubi de Poëtarum istorum auctoritate, Regumq; poëticæ deditorum exemplis fusè agit. Et nos in præfatione ad Historiam nostram Orcadensem de eadem re nonnulla scripsimus, legentibus fortè non ingrata.

Hactenus de Carminibus egimus, egregiis illis memoriæ subsidiis, quæ tamen vetustarum historiarum non nisi brevitaria fuere; nec rarò tam obscura, ut sine interprete parùm ab auditoribus intelligerentur. Hinc magna pars eruditionis erat, illorum explicationem scire, atque in obscura illa loca solidè commentari posse, aut aliàs rerum, carminibus istis contentarum uberiores expositionem calere. Istiusmodi commentarii, memoriâ hominum, absque literarum beneficio, ad instar carminum, diu conservati, historicis postea magno fuere adjumento.

Sed plenior adhuc rerum gestarum notitia ad perfectam historiam ritè concinnandam requirebatur. Hanc scripturientibus suppeditarunt relationes, non scriptæ, quas ex parentum avorumq; ore auditu exceptas, filii nepotesq; memoriâ conservarunt, atque suis posteris eadem ratione tradiderunt, donec tandem ad eos pervenirent, qui literarum beneficio illas ab interitu vindicarunt. Quod & *Verelius* agnoscit, ubi in limine Notarum ad Gothrici & Rolfi historiam scribit: majores nostros in Principum suorum, virorumque fortium laudibus celebrandis parcos non fuisse, nec in conventibus publicis, & ubicumque genio indulgebant, alia magis oblectatione quam

quam eorum facinoribus decantandis animum pavisse; additq; narrationes hujusmodi, à majoribus per manus traditas, literis postea consignatas fuisse. Rem certissimam operose probare nolumus; ambigenti verò omnem dubitationem eximet *Bartholinus* Antiquit. Danic. lib. 1. Cap. XI. Antiquissimarum rerum memoriam, non secus ac de carminibus supra diximus, primi Islandiæ aborigines secum eò delexerunt; recentiorum notitiam intulerunt illi, qui quotannis ab exteris in Islandiam venerunt. Itaq; vetustiores res Norvegicas ignorare non potuerunt, qui vim Haraldi Pulchricomi declinantes solum vertebant. Danicarum Svecicarumque rerum cognitionem absque dubio invexerunt illi, qui Daniæ Sveciæq; Regibus magnatibusve orti, varia Islandiæ loca occuparunt; quorum catalogum texere non est hujus loci. Nec defunt inter primos Islandiæ aborigines, qui Angliæ & Hiberniæ Reges principesq; generis sui auctores habuere, ut de earum quoque terrarum rebus vel inde nonnulla posteris constare potuerint. Ceterum, quam anxie rerum gestarum notitiam Islandi conquisiverint, illius exemplo liquet, qui comitia Islandica aliquot annis longo itinere adiit, ut res ab Haraldo Strenuo, Norvegiæ Rege, in Græcia & vicinis terris perpetratas, ab Halthore Snorrino, dictorum Regis operum conscio, ediceret: id quod ei tam feliciter cessit, ut gestorum auctor Haraldus, (quo præsentè ea, quæ in patriâ didicerat, postmodum recitavit,) relationis veritatem agnosceret, operumq; suorum præconem non nisi muneribus cumulatam dimitteret. Plura in hanc rem adferri possent, quæ prolixitatis nimix vitandæ causâ studiosè omittimus. Tandem itaque concludimus: historicos Islandorum, etiamsi res ab ævo suo longe remotas persequantur, repudi-

pudiandos non esse: qvippe qvi, ut verè de iis scribit *Bartholinus* Antiquit. Danic. lib. I. Cap. XI. p. 198. *Nullam sibi fingendi assumentes licentiam, omnia fideliter vel ex priscais veracibus carminibus eduxerunt, vel priscorum hominum relationes sunt secuti.*

Ad maiorem historicorum nostratium commendationem, exterorum aliquot de iis iudicia hìc subungere visum est. Illorum agmen ducat *Theodricus Monachus*, qvippe antiquissimus: cujus in præfatione ad Eysteinum Archiepiscopum Nidrosiensem hæc sunt verba: Operæ
 “ pretium duxi, Vir illustrissime, pauca hæc de antiquitate Regum Norvagiensium breviter annotare, & prout
 “ sagaciter perquirere potuimus ab iis, penes quos horum
 “ memoria vigere creditur, quos nos Islendingos vocamus, qvi hæc in suis antiquis carminibus percelebrata
 “ recolunt. *Similia operis ipsius Cap. 1. scribit:* Hunc numerum annorum Domini, investigatū prout diligentissimè
 “ potuimus ab illis, quos nos vulgato nomine Islendingos
 “ vocamus, in hoc loco posuimus; quos constat sine ulla
 “ dubitatione, præ omnibus ævilonariis populis in hujusmodi semper & peritiores & curiosiores extitisse.
 “ Theodrico succedat *Saxo Grammaticus*, notissimus Danorum Historicus, in præfatione operis sui ita inqviens:
 “ Nec Tylensium (*Islandos ita vocat*) industria silentio obliteranda: qvi cum ob nativam soli sterilitatem luxuriæ
 “ nutrimentis carentes, officia continuæ sobrietatis exerceant, omniaq; vitæ momenta ad excolendam alienorum operum notitiam conferre soleant, inopiam ingenio pensant. Cunctarum qvippe nationum res gestas
 “ cognôsse, memoriæq; mandare, voluptatis loco reputant: non minoris gloriæ judicantes, alienas virtutes
 dif-

differere, quam proprias exhibere. Quorum thesauros, “
 historicarum rerum pignoribus refertos, curiosius con- “
 fulens, haud parvam præsentis operis partem ex eorum “
 relationis imitatione contextui: nec arbitros habere “
 contemnum, quos tanta vetustatis peritia callere cogno- “
 vi. Centum abhinc annis vixit *Petrus Claudii*, Pastor “
 Undalinus, qui in Norvegiæ Regni subjectarumque insu- “
 larum Descriptione Danicè concinnatâ, Hafniæque “
 anno MDCXXXII. impressâ; hunc in sensum scripsit: “
 Islandi, cum se militaribus artibus, bellisve adver- “
 sus exterarum nationes exercendi occasionem non habe- “
 rent, scriptioni, librorumq; compositioni operam dede- “
 runt. Varios in eorum insula libros olim conscriptos “
 esse constat, atque inprimis brevem Cosmographiam, “
 eiqve annexam Chronologiam, describentem totius or- “
 bis regiones ac regna, & quinam Reges celebrioribus “
 regnis præfuerint, usque ad magnam illam pestem anni “
 1350. præcipuè autem, quæ in Borealibus hisce terris “
 contigerint, omnia ad suos annos diligenter annotata. “
 Prima quæ ibi invenitur historia (quam conscripisse “
 putatur Isleifus, primus Scaltholtensis in Islandia Episcopus “
 anno 1057. mortuusq; anno 1080.) agit de Haraldo “
 Pulchricomo, filiusq; illius & posteris usque ad Regem “
 Magnum S. Olafi filium. Is (*Isleifus*) in suo Chronico “
 diligenter annotavit eorum nomina, qui usque ad illius “
 tempora habitationes ex Norvegia in Islandiam trans- “
 tulerant, ut & comitatus eorum, ac territoria ab iis oc- “
 cupata. Præterea qualiter sinus, fluvii, freta, scopuli, “
 promontoria, montes, colles, valles, campi, prata, pla- “
 nities, villæ aliq; similia loca ex eorum nominibus deno- “
 minata sint, qui ea primi inhabitaverunt, occupaverunt, aut “

“ alias res ibi gesserunt. Ordine secunda est historia illa,
 “ quam scripsit Arius Presbyter cognomento *Frode*,
 “ i. e. *sapiens & eruditus*, qui obiit Anno Christi 1148.
 “ Tertiam historiam, eamq; ut videtur, maximè com-
 “ pletam, conscripsit *Snorrius Sturlaus*, Islandiæ Nomo-
 “ phylax, qui obiit circa annum Christi 1249. Præter-
 “ ea Islandi in suum idioma multos libros transtulerunt;
 “ præcipuè historicos, qui etiamnum in eorum patriâ in-
 “ veniuntur, multiq; eorum huc (*in Norvegiam*) perlati sunt.
 “ Nec minus Gallorum, Anglorum aliarumq; nationum
 “ historias in suam linguam transtulerunt. Et plurimi
 “ membranaceorum illorum legum codicum, qui hic
 “ (*in Norvegia*) hætenus in usu fuere, in Islandia exarati
 “ sunt. Eiricus Brockenhusius, Nobilis Norvegus, qui
 “ circa annum 1567. præfecturam Mandalensem guber-
 “ navit, se integra Biblia in Islandicam linguam transfusa,
 “ atq; ante trecentos annos exarata, vidisse asseveravit,
 “ addiditq; primas singulorum capitum literas aureas fu-
 “ isse. Tandem multorum ex vetustate pugilum historiæ,
 “ alibi non extantes, in Islandiâ inveniuntur. Hæc Pastor
 Undalinus ad commendationem Annalium nostrorum
 scripta reliquit. *Nicolaus Cragius*, Undalino synchronus,
 vir doctus & prudens, quid de Islandorum monumentis
 historicis senserit, ipse aperit Epistolâ ad Arngrimum, ex
 quâ *Bartholinus* sequentia adducit Antiquit. Danic. lib. I.
 Cap. XI. pag. 184. *Omnes nostros spes habet, in veteri historia*
nusquam certiora & veriora, quam apud vos (Islandos) extare,
propter ea quæ Saxo de vestris scripsit. Clarissimus *Stephanus*
Not. in Saxonem pag. 16. ita ait: *Nil certiuse est, quam olim*
babuisse Islandos innumeras variarum gentium historias, & à se,
& ab aliis conscriptas: quarum tamen maxima pars injuria tem-
poris

poris intercidit. Quanto vero studio cognoscendis aliarum nationum rebus gestis incubuerint Islandi, colligere licet ex iis, quæ hodieq̃ superant, monumentis, magnoq̃ in pretio in Islandia habentur. Dissertationem hancce nostram tandem claudant Eruditissimi Bartholini verba, Antiquit. Danic. lib. I, Cap. XI. p. 198. *Aræ* (nos Arium vocamus) *vestigia Snorro Sturlesonius, aliq̃ Islandi, circa Snorronis ferè tempus, preßerunt, qui de Danicis, Nordagicis, Sueticis & Islandicis rebus egregias & fidedignas historias composuerunt, quibus ea solum venia danda, quod miscendo humana divinis, primordia historiarum augustiora faciant; alias nullam sibi fingendi assumentes licentiam, omnia fideliter, vel ex priscis veracibus carminibus educentes, vel priscorum hominum relationes secuti.*

CAPUT VII.

De vetustissimorum Rerum Danicarum scriptorum auctoritate & fundamentis.

Expositis fundamentis, quibus Islandorum historici relationes suas superstruxerunt, ulterius dispiciendum, an vetustissimi (recentiorum singuli hos secuti sunt) Danorum historiographi, in quantum ab iis dissident, firmioribus documentis nitantur. De Adamo Bremensi, ut antiquissimo, pauca præmittenda. Hic quantumvis in Ecclesiæ suæ rebus peritus fuerit, certè in historia septentrionis plane hospes erat, resque toto celo distinctas confudit. Omittam nunc ea, quæ de Svèni admorsæ barbæ rebus, calamitatibusque ac persecutionibus, confuse & contra veritatem scribit, alibi, Deo volente, ex-

cutienda. Unicum hoc loco confusionis ejus exemplum adferam ex illius lib. II, Cap. XV. ubi Emundum Eirici filium, Sveciæ Regem, tempore Haraldi Cærulidentis, Daniæ Regis, in Svecia regnasse tradit; cum tamen constet, filium ejus Ericum, decimo Haraldi Pulchricomi anno vita functum, qui ex nostra hypothese erit Christi DCCC-LXXIII, vel proximè sequens: quo tempore Haraldus Cærulidens, ne post viginti quidem annos, in lucem editus est, nedum Emundi tempore vixit. Adscribam verba Adami: Emund filius Eirici tum in Sveonia regnavit. Is Haroldo (*loquitur de Haraldo Cærulidente*) confederatus, Christianis eò venientibus placabilis fuit. In Nordwegia Hacquin Princeps erat, quem dum Nordmanni superbius agentem regno depellerent, Haroldus sua virtute restituit, & Christicolis placatum reddidit, Hacquin iste crudellissimus ex genere Ingvar & giganteo sanguine descendens, primus apud Nordmannos regnum arripuit, cum antea Ducibus regerentur. Igitur Hacquin triginta quinquè annis in regno exactis obiit, Hartildum (*corrigè Haroldum*) sceptri relinquens hæredem, qui simul Daniæ am possedit atque Nordwegiam. Ex his illud in Haco-nem Comitem quadrat, quod restitutus fuerit ab Haraldo Cærulidente, tunc cum à Gunhildidis regno pulsus esset; qui longo post tempore, cum superbius ageret, tumultuantis populi confluxu in fugam versus interiit; succedente Olafo Tryggvino, non vero Haraldo Cærulidente. Quod autem Haco-nem Regnum Norvegiæ, Ducibus antea gubernatum, primum arripuisse ait, id Haraldo Pulchricomo competit. Hinc quantum in historiis septentrionis Adamus hallucinetur, & quam exiguam fidem mereatur patet. Longum esset illius errores persequi,

qvi, qvos *Arngrimus* in Specimine Islandiæ fusè monstravit, nosqve in processu operis bono cum Deo clariùs detegemus. Nihil itaqve talibus illius relationibus antiquitas prodest, Isleiſo qvidem æqualis fuit, Arioq; prior; ea tamen tueri neqvit, quæ parum à suo tempore remota, ex Sveno Esfrithio Daniæ Rege se audivisse profitetur, & qvidem de ipsius Sveni avo, Rege longe celeberrimo, quæ ipsū minimè latere poterant.

Sed misso in præsens Adamo, Saxonem Grammaticū paulisper inspiciamus, vetustissimum in gente Danica historiographum. Hic cum ab Islandorum traditionibus valdè diversa literis consignaverit, omnino dispiciendum, quæ & quanti ponderis fundamenta secutus sit. Quatuor ipse in operis sui præfatione profitetur: I. Carmina patris sermonis à Danorum antiquioribus vulgata. II. Inscriptiones veteres, hinc inde in saxis & rupibus reptas. III. Islandorum monumenta historica. IV. Archiepiscopi Absalonis asserta ac narrationes. Iſtas hoc loco excutere non attinet, cum non nisi propiora Saxoni tempora respicere potuerint, ac itaqve eorum, quæ de vetustis Danorum rebus scripsit, fundamenta esse nequeant. De tribus prioribus membris paucula dicamus.

Carmina quod attinet, admodum pauca illa fuisse ipsemet fatetur, dum metra se metris reddidisse perhibet, liber enim tertius & quartus ne unum qvidem exhibent. Ex iis autem quæ publicavit, quis epocham regni? quis Regum seriem? quis stemmatum ordinem, & idgenus alia eruet? Nonus quoque liber, & qui postea sequuntur, carminibus carent. Fateor tamen habuisse eum ad manus egregias odas, quæ jam Islandis interierunt, uti *Biarkamal* & *Starkatheri* carmen, quorum posterius secutus bellum

Bra

Bravicum accuratè fatis descripsit. Est enim penes me fragmentum historicum veteri lingua conscriptum, quod cum eo collatum maximam partem convenit, nisi quod Thylenfes, quos ille enumerat, athletas, penitus ignorat. Prius illorum quantum ad historiam faciat, manifestum est, cum id integrum metricè à se redditum libro II. inferuerit. Verbo: Carminum non nisi pauca Saxoni ad manum fuisse; quæ enim habuit metricè reddidit, exigua verò operis illius pars metris constat.

Inscriptiones, in saxis aut rupibus repertas, Saxoni in digerendâ rerum serie plus suppetiarum non tulisse, arbitror. Etenim paucae admodum illæ sunt semperque fuerunt, nec multum luminis historiæ scenerantur. Præterea longâ cœli inclementia imbriumque injuria ita exesæ, ut literarum ductus oculi vix assequantur; vel si id maxime, tamen adeo intricatæ, ut quod oculis possis, ne intellectu quidem apprehendas. In testimonium assertionis hujus Wormii & Verelii, diversas interpretationes adduco, quorum uterque in his exercitatissimus erat, conveniebatque inter illos de notis & ductibus literarum: & nihilominus in explicatione penitus à se invicem diffidebant. Justè igitur Bartholinus Antiquit. Danic. Lib. I. Cap. IX. pag. 145. Petro Huetio succenset, in libro de Origine Fabularum Romanensium sequenti scribenti: *Danie, Svecia & Norvegie incolæ veteres, non minus fabulosas, quam Græci sibi finxerunt origines; historias suas, ad arbitrium confectas, præcis characteribus Runicis, magnis in lapidibus incidebant, quorum in Dania quædam fraagmenta vidi.* Vanitatem hujus assertionis evidenter monstravit Bartholinus loco citato; verba illius sic sonant: *Nescio quo præjudicio motus historias lapidibus incisas, ad arbitrium confectas asserere ausus est, cum ea quæ nos in*
his

his regionibus nati & educati ex iisdem lapidibus magno labore, & ut plurimum per conjecturas elicere valeamus, falsi arguere impossibile credamus, cum nulla alia scilicet monumenta, unde ea affirmare vel refellere possimus. Et si quatuor vel quinque lapides exceperis, historiam prisce ævi illustrantes, reliquorum inscriptiones ita sunt intricatæ (de prisce lapidibus in gentilibus erectis & exaratis loquimur) & interpretationem omnem refugientes, ut vix nomina sepulchrorum inde eruere, nedum origines gentium, queamus; quod tamen se affectum ex fragmentis modo lapidum in patria nostra visis, Huetius impudenter falsus est, vel fallere voluit, quem vix ac ne vix quidem litterule sensum affectum veraciter opinor.

Islandicorum monumentorum tertio loco Saxo meminit, eaq; ingenti encomio, superius à nobis allato, honorat. Nos suspicionem nostrâ dissimulare non possumus, nempe videri Saxonem ista documenta parum accuratè pervolvissè; in paucissimis enim ei suffragantur, prout ex operis hujusce nostri contextu inferius manifestum fiet; unde necessariò concluditur: aut hic de suo in monumentis istis percurrendis labore justo magnificentius locutum esse Saxonem, aut omnia hæc Islandorum documenta, Saxoni visa, ab illius tempore interiisse, eaqve, quæ tanto numero nunc versamus, in priorum locum effecta esse; quod ultimum creditu difficile, imò planè absurdum nobis videtur.

Nostram hanc de Saxone sententiam non leviter confirmat *Sveno Agonis*, civis illius & æqualis, qui ubi in suo *Historiæ Danicæ Breviario* Regum seriem orditur, Islandis similis est, carminumqve illorum ibi meminit; ut eos hac in parte secutum esse appareat: nec aliâ de causa ab horum monumentis in sequentibus exorbitasse videatur, quam quod eorum exiguum partem ad manus habuerit. Credi-

mus itaque Saxonem ea, quæ de antiquissimis patriæ rebus scripsit, in Islandorum monumentis talia non invenisse, sed gloriæ gentis suæ inprimis studiosum, Regibus originem apud Christianos honoratiorem, quam a gentium deastro, dare, gentique antiquitatem profundiorē conciliare voluisse; atque ideo Daniam ab ultimâ origine eodem, quo suo tempore, nomine dictam, asseruisse; id quod *Verelius* Not. ad Historiam Hervorianam pag. 41. non obscure ostendit; & nos, Deo Duce, in hoc opere luculentius demonstrare conabimur.

CAPUT VIII.

De Antiquitatibus Gothlandicis.

Rerum Danicarum initia, à Saxone literis tradita, suspecta nobis esse diximus. Sed longè altius ascendit, remotionumque multò temporum notitiam exhibet *Claudius Christoph. Lyschander* Synopses Historiarum Danicarum, vel Operis Genealogici Regum Daniæ, lib. III. Ibi enim, revolutis primis à restaurato orbe sæculis, ad oculum monstratur: quo ex Noachi posteris patre prognati sint Cimbri; quo duce, quâ viâ, quanto temporis spatio in Cimbriam devenerint; quas sedes occupaverint; quid deinde ad sextum Cimbriæ judicem gesserint, qui devictis in Scaniâ Gothis oppressam multitudinem suam regionem, magna parte civium ex omnibus ditionis suæ provinciis collectâ, è portu Scaniæ Cimmershafnia, (in rei gestæ memoriam ita dictâ,) emissâ, levavit. Magnam hæc, si genuina, rebus Septentrionalibus lucem adferunt; præterea veterum scriptorum testimonia de Gothorum è Scandiâ egressu egregie confirmant, imò emigrationis illius tempus

pūs clarè aperiunt. Itaq; ex re erit in traditionis istius auctoritatem paulum inquirere & primo loco dispicere, unde sua habuerit Lyschander. Hanc in rem partem literarum adferam, quas mihi ante annum scripsit *Arnas Magnus* Archivarius Regius, civis meus & amicus: *Qua*, ait, *de Cimbricis* Judiciis, *Dano*, primo, *ut volunt*, *Dania* Rege, vetustioribus, *Lyschander* Genealogiarum suarum libro III. habet, ea maximam partem debet ejusdem argumenti libello Danico, nunquam impresso, cujus aliquot exemplaria vidi, & unum ipse possideo. Ille verò libellus desumptus est ex *Nicolai* cujusdam *Petrei* opere, cujus nonnulla typis divulgata sunt sub titulo: *Cimbrorum & Gothorum* origines, migrationes, bella atq; coloniae. Sed major ejus pars in manuscriptis adhuc inedita latet. *Petrei* iste se insignem hunc (si *Dii* placet) antiquitatis thesaurum anno 1547. in *Gotlandia* insula invenisse ait. Scriptum hocce *Petrei* *Verelius* Not. in *Histor. Gothrici & Rolfi* p. 6. *Chronicon Gothlandico-Cimbricum* vocat, & Danici illius libelli auctorem *Nicolaum Michaelis* appellat. Illius de utroque verba hæc sunt: Horum (quæ præcedunt) occasione *Chronicon Gotlandico-Cimbricum* excutiemus: Edidit hoc *Nicolaus Petreius Hafniensis*; & Saxone 1800. annis vetustius esse venditat: in Danicâ postea linguam ab *Nicolao Michaelis* transcriptum, titulo: *Danmarks første Begyndelse og Herkomst*. Pergit *Verelius*: In hoc *Chronico Gothorum* origines hac serie deducuntur. *Gomer* filius *Japhet*, *Tygar* filius *Gomer*, Rex *Phrygiæ*. *Gomer* junior Rex *Cimbricæ* sive *Jutiæ* Anno mundi 1850. Segud *Gomer* filius, Rex *Jutiæ* anno mundi 1960. Atzer *Segudzson* anno mundi 2020. *Truid* Atzer *son* anno mundi 2085. *Tielvar* *Truidson* anno mundi 2141. *Ostfid* *Tielvarson* 2781. (*corrigit* 2182.) *Guti* *Ostfidson* anno mundi 2200.

Hic (ut ex *Lyschandro* libro tertio de Serenissimorum Daniæ Regum genealogiis, quæ hic prætermiffa sunt fuppleam) Scandiam vicinasque terras, quas! Getæ incoluerant, subegit. Illi enim avi ejus Truidis tempore adeo excreverant, ut Cimbri metu eorum colonias in Sædlandiam præfidiarias ducerent, eamque excolerent, quo etiam ipse Truid concefferat, relicto in Cimbria filio Thielvare, ad insultus vicinorum Nordalbingorum Angrivariorum & Marforum reprimendos. Jam vero potentior Guthius, devictis Getis, provincias, Eoum australeque mare interjectas, in unum imperii corpus redegit; deductisque,
 „ (*Værelum iterum exscribo,*) ex Cherfonefo & Selandia co-
 „ loniis, in peninsulam Scandiam Gothorum protulit no-
 „ men, (*quod Cimbris prius imposuerat*) & primum quidem
 „ in Scaniam, inde in Ostro- & Vestro-Gothiam. Vocati
 „ autem Cherfonefi incolæ, per 350. annos Cimbri, inde
 „ per 710. annos Gothi, tandem a Dano Dani in hunc di-
 „ em nuncupati. Tielvar Gutifon deductis ex Cimbrico
 „ (*Scandia*) portu coloniis, anno mundi 2264. Gothlandi-
 „ am infedit; occupatâ (*quod ex Lyschandro iterum addo*) in iti-
 „ nere prius Bornholmia, ubi unum ex fuis nomine Beor,
 „ reliquit, qui infulæ de fe ipfo nomen dedit. Hafder Tiel-
 „ varfon ex uxore Hviteftierna tres fufcepit filios, Guti,
 „ Grippa & Grumphin, (*Lyschandro Gvelfphinum*) poft patrem
 „ fimul imperantes, & inde Guti folus. Hinc Vamling-
 „ us Gutifon & Hablingus Vamlingi filius. Multiplica-
 „ tis in immenfum incolis Gotlandiæ infulæ anno mundi
 „ 2500 forte educuntur in alias terras transmigraturi, qui
 „ Helgone Dace Eftoniam infident. Mox fub filio ejus
 „ Dâno fubactis Thracibus & Getis, fedes ad Danubium
 „ figunt. Velta Dani filia anno mundi 2620. Velmarum
 ge.

genuit, Gothis tempore belli Trojani imperantem. Hactenus Verelii verba: quibus ego sequentia addo: Velmari filium *Lyschander* libro IV. exhibet, nomine Danum vel Thanachim, à quo fluvijs Scythiæ celeberrimus Thanais, qui Europam & Asiam dirimit, nomen traxerit. Hunc Thraces & Getas rebelles domuisse, Asiamque minorem vastasse anno mundi MDCCXXXIV. adque tributapendenda adegisse tradit, eundemque esse, de quo Justinus & Jornandes tractant, reprehenditque Justinum, quod eum ante Nini tempora evexerit, cum tamen annis DCCCXXVII. à principio Monarchiæ ejus Asiam minorem domuerit. Post hujus tempora Principes ex Gothlandico stemmate prognatos oblivione sepultos tradit. Mox autem, ut & libro V. ubi de Bericonis & Filimeris expeditionibus agit, exercitum Filimeris, cum ex Prussia Vandalia & vicinis territoriis ad lacum Mæotim migraret, in duas partes scissum perhibet, quarum aliâ in Asiam cum illo transgressâ, reliqua in Europa Thanachis Gothis semiscuerit, ibique remanserit. Hæc quomodo subsistant, non assequor. Mortem enim Filimeris in annum mundi MMDCLII. refert, regnique ejus annos XXII. numerat, eique Tanausium successisse memorat, qui cum Rege Egypti Vefose bellum gesserit, à cujus militibus in Media relictis, Parthi originem duxerint, cujus successorem nec apud Jornandem, nec alios nominari. Ego duos Tanaos vel Tanausios nusquam invenio. Nec Justinus aut Jornandes plures referunt, & quæ *Lyschander* de utroque scribit, uni apud eos conveniunt. Illud vero se ipsum subvertit, Tanausium qui LVIII. annis mortem Filimeris, eodem teste, anticipavit, eijam mortuo successisse. Sed nec levis dissensus hic oritur inter *Lyschandrum* & eos, qui Tanausium Filimeris filium

statuunt, cum hic omnes ejus progenitores ad Japhetum usque ordine recensiti pateant, quotque singuli annos regnarint, apprimè constet. Ad Verelium redeo, qui superioribus suis verbis, sequentem subjungit censuram: *Fuissent certe insignis antiquitatis thesaurus, si genuina; sed ad motis oculis, turpis arugo se prodit. Nihil jam de eo dicam, quòd Gothos non à Gomer, sed à Magog Isidorus & ceteri antiquitatum consulti derivent; Ipsa Chronologia singulis Regum temporibus tam adcuratè adscripta, certissimum est argumentum falsitatis. Nulla quippe monumenta historica, ante Christiana sacra huc illata, certè temporum notè insignita sunt, nisi quæ ex synchronismis ætates colligi possint; nedum ut à diluvio tempora supputaverint. Character præerea dictionis adulterinum fatum exprobrat. Quod ne falso à me dictum existimes, en tibi textum Gothicum, quem citat versio Danica.* Japhet fridum Noe Son/ hvilkom hiete Gomer, han for til etnom Landom/ udiindan hed mindruin Asia, og nesinde hed Folskud hannom folgdom Tygraner/ hvilked Landom fremtidom nesindes Phrygia. Hed er sted da af Berldunge Arvaro gangin atirtan hundrit oc halfandrom stye/ udiindan Saruks tidom. Sammelune for Tygar Gomers Son ofver Marit til Europam, ier tredie Del af Berldum/ oc dueldom nogrom lundom i Skyterslandom/ nest hin stora Myr/ hvilkom heiter Meotis, hvilkom er Merz mitter. Metin da af Berldunge Arvaro gangin atirtan hundrit oc halfstredium stye/ drog Gomer hin Unge af Skyters Landom genom mongom Landom mod Norden/ oc bygde sa i hed Landom/ hvilked heiter Vitilandom/ (nu Jutland kaldit) oc ligger mot het Nordre Marit/ &c. Gratulandum vobis censeo, antiquarii, de lingua Gothica remotissime vetustatis. Si sic scilicet unquam locuti sint Gothi, & non monstra sint hæc verborum detortorum & solacismi. Putavit nempe

puti-

putidissimi figmentiparens deformem dictionem ut antiquissimam ab incautis exceptum iri: ideoq; voces fere singulas in om terminari voluit. Dimove jam hanc larvam, & de genuina facie judicabis. Bina hujus exemplaria MSS. legi, quorum alterum Stephanii fuerat, jam Bibliotheca Illustriss. Cancell. Com. Magni de la Gardie adscriptum, cui sequentia in fronte notata erant: Hæccecepi anno Christi 1646. die 23. Octob. ab erroneo quodam, qui scriptor fuerat M. Claudii Christofori, ejusque se scrinia compilasse aperte profitebatur. Equidem, qui Claudii istius Lyschandri audaciam, ab Villichio Vesthorvio Cimbro egregie castigatam, novit, haud injuria fatum hunc ipsi vindicaverit; ideo in lucem protrusum, ut Gothorum origines in Scandia aliquando convelleret, & quæ foris patrauerunt, Cimbris adfereret.

Doctissimo Verelio heic assentiri, calculumque adjicere veritas jubet. Nihil enim verius scriptor ille. asserere poterat, quam supputationem istam temporum, Regum Dynastarumve singulis tam accurate adscriptam, certissimum esse falsitatis argumentum. Nostrarum itaque observationum partem aliquam adjicere libet, nullo cujusquam insectandi studio, sed solo veritatis indagandæ, imposturamque detegendi amore. Vellem quidem scripto isti quam indubitatissima constaret fides, & invicta auctoritas; eo quod adeo perspicue gentis Cimbricæ originem & incrementa nobis exhibeat, ut sacro etiam Codici origines profitenti parum cedat; imò perpetuam æram, ordinem & annorum seriem clarius tradat, ut supervacaneum foret, ulterius quicquam degentis illius principiis aut antiquissimis rebus gestis inquirere. Verum miraculo proximum videtur, tantis
ulti-

ultimæ vetustatis documentis refertum thesaurum, contra omnium reliquorum monumentorum fatum, in Archivis, nescio quibus, totâ ethnicismi, & succedente religionis Pontificiæ periodis reservatum fuisse, ac omnium scriptorum, Saxonis etiam, atque Regis Erici Pomerani (si tamen ipsius est, quod sub ejus nomine circumfertur historiæ Danicæ breviarium: mihi enim à monacho quodam compositum esse videtur.) industriam frustratum, non ita pridem in lucem prodiiisse. Æquè mirandum est, si locorum propria nomina, quæ mediis temporibus (respectu ad antiquissima illa habito ita dicendis) aliter, quam in Gotlandicis hisce monumentis exhibentur, pronunciata fuisse, ex indubiæ fidei documentis constat, nunc quafi mutationis istius tyrannide abrogatâ, rarâ factorum prosperitate, in linguam illam originariam, unde primam impositionem acceperunt, transfusa sint; ipsumque illud gentis idioma, tot seculorum millenariis magnam partem vel mutilatum vel proscriptum, nunc in integrum restitutum, velut postliminio redierit; ita ut hujus libri beneficio liceat summâ eum voluptate, hodiernâ linguâ Danicâ, eademque antiquissimâ, quicquid memoriæ tradiderant terrarum harum aborigines, absque labore cognoscere, quod medioxima illa tempora nobis jamdiu denegarunt. Sed nec intelligo, quomodo summorum Patriarcharum memoria, quam Gomerum huc advexisse statuendum erit, (Sarugi enim & Abrahami hic fit mentio) in tantam tam cæcam oblivionem abierit, ut posteriores ethnici nihil unquam hoc terrarum tractu de iis audiverint, nullam ad posteros famam eorum trans miserint. Itaque idem mihi hic accidit, quod iis, qui cumulatam

latam fortunam suspectam habent. Nam novus ille fortunæ favor, qui tantam abstrusissimarum rerum notitiam ante sesquiseculum primum in apricum produxit, merum videtur esse ludibrium: atque de dicto profundissimæ antiquitatis monumento jure id dici posse, quod de Scephi Heremodi filii genealogiâ, à Semo deductâ, scripsit *Daniel Langhornius* Antiqq: Albionensium pag: 333. *Genealogie*, ait, prædictæ scioli quidam, cum jam universa gens fidem Christianam suscepisset, priscorum Patriarcharum nomina, à Semo, quem *Bédvigi* patrem faciunt, ad ipsum usque Adamum Protoplastum ascendentes attexuerunt. Quod *Sheringhamo*, Semum Cimbricarum, Svecicarum, Gothicarum & Saxonicarum gentium auctorem constituenti, adeo arrisit, ut harum genealogiarum auctoritatem, ad opinionem suam stabilendam advocaret, quasi Saxonibus Gothisque magis quam eruditioribus Romanorum, Græcorum, Ægyptiorum, Chaldeorum ac Serum populis innotuisset integra *Macrobi*orum illorum series ac *Mosai*ca nomenclatio. Aliter sentit *Arnoldus de Fine* Nidarosienfis antehac Episcopus, in *Observationibus* ad historiam Norvegicam (quam conscribendam suscepit, atque in eam rem nonnulla congeffit, sed morte præventus nihil absolvit) mihi à lectissima illius uxore, nobilissimâ *Matronâ Mariâ Hofmannâ* amicè communicatis. Ibi dictarum *Gotlandiæ* Antiquitatum fidem asserturus, *Iani* potissimum *Minoris* judicium allegat, quem cap. VI. libri sui contra *Petrum Rosæfontanum* magnificare ait priscam antiquitatis per manus traditæ auctoritatem, ad oculum demonstrantis, Svecos a *Magogo* ortos, in has oras boreales circa annum Mundi MDCCCXLIX penetrasse, cui contradicere non oporteat; miraturque, quod solis Sveonum historicis, *Jacobo Gislonis* & *Petro Petræo*, ali-

isqve, illud laudi ducatur, qvod Danicis documentis vitio
vertatur, nempe certa a diluvio tempora supputasse, aut
monumenta historica ante Christianam aram, certa an-
norum nota insignita, in medium produxisse, aut coævās
ex synchronismo ætates collegisse. Sed nihil auctoritatis
Gotlandicis istis antiquitatibus hinc accedit: Janus enim
Minor, aut sub ejus nomine Messenius, hæc scripsit, ut anti-
qvam originis gloriam genti suæ qvoqvo modo concilia-
ret. Habetqve hic locum, qvod de Britannorum anti-
qvitate scripsit *Buchananus* Historiæ Scoticæ lib. II. *Qui,*
inquit, de veteribus annalibus originem asserre se asseverant,
reddenda opinor illis erit ratio, quis primus ista tradiderit, ubi
tandiu latuerint, qvomodo ad nos post tot secula incorrupta
pervenerint. Imo ipse *Lyschander*, Antiquitatum istarum
maximus patronus, in præfatione ad Operis sui Genealo-
gici lib. V. veritatem confessus sequentia scribit: *Gothi eo-*
rumq, propinqui & consanguinei inter antiquissimas bellicosissimas
& famigeratissimas gentes, quæ in historicis monumentis occurrunt,
reputantur. Eorum fortitudo gesta qve *Martia* ab antiquissimis
probatissimisqve scriptoribus, Græcis atq, Latinis admodum ce-
lebrantur. Verum fateri cogimur: hic in Dania aut his regnis
septentrionalibus parum aut nihil de iis constare. Id qvod tem-
pori, Marti, incolisqve ignoscendum. Tempori: qvod omnia
obliterat; Marti: qui imperium invasit, Minervamqve &
scriptores ex his regnis eliminavit, cum omnes præclara perpe-
trandi, neminem conscribendi cupido incescit. *Quin & indi-*
genæ de his posteros instruere, eorumqve notitiam ad seros ne-
potes traducere neglexerunt. Quid vero de tam remotâ,
à nostris temporibus vetustate, in tanto omnium de septen-
trione istis sæculis silentio, ex synchronismis sibi polliceri
possint antiquitatum istarum propugnatores, non video.

Tota enim Germania Taciti tempore, literas ignoravit; & si quid antiquissimi poëtae de rebus vetustis numeris suis complexi sunt, jam Saxonis quidem tempore interiit. Dic ergo quæso, quinam illis seculis Reges in Svecia, qui in Norvegia, qui in Germania, aut Danis vicina Saxonia, externis fide dignis scriptoribus notati sunt? ne unum quidem invenies. Instas, concordare Antiquitates istas cum sacrarum literarum calculo: rem acu tetigisti, quid enim facilius, quam secundum illarum, aut alii prævii scriptoris contextum, aliud scriptum comminisci, cui ea adjicere possis, quæ iis augendis aut illustrandis, veletiam refellendis, prout decreveris, inserviant. Cujus evidens exemplum habemus in Johanne Magno, qui methodum Saxonis in Regum Daniæ & Sveciæ indice sæpius ita accurate observat, ut utriusque Regni Principes, omni tempore, & singulis seculis sustentasse videantur, qui acta publica literis proderent. Tantus in illorum synchronismis consensus, cum tamen Norvegorum Islandorumque documenta multum ab utrisque recedant. Verum nequam gratis Saxonem tam religiose observavit: inde enim comminiscendi materiam arripuit ad eum refellendum, & Danos cavillandos, quasi inficiari non posset, æquales quidem eorundem temporum fuisse Reges, quos Saxo retulit, verum aliter in monumentis Svedicis rem expositam inveniri, cum tamen ex proprio cerebro plurima finxerit, quod nos ad calem operis hujus prolixius & ex professo monstrabimus. Ad dictionis characterem transeamus. Certe textus ille Gothicus, quem Lyschander & Verelius adferunt, cum neque antiquæ, neque hodiernæ lingvæ genium exprimat, monstrum est, a tyrone lingvæ veteris in lucem editum. Idenim affectatus & anxie

qvæsit^{us} horror, prisco idiomati incognitus, ad incautos decipiendos, terminationibus in OM plerumque conversis, facile indicat. Accedunt denominationes compositionesqve imperitæ, qvas ex monumento isto Lyschander exhibet, harum qvædam exempla ostendam: *Arbus* ibi dicitur, qvasi *domus remorum*, qvòd ibi domos seu navalia piscatores remis condendis ædificaverint in Cimbrico litore ad urbem Arhusiam. Verum veteres membranæ ubiqve *Aros* vocant, qvòd *ostium amnis* denotat. *A* enim *amnis*, in gignendi casu *Ar* habet, *Os*, *ostium amnis* significat. Notationem fulcit situs oppidi ad ostii ripas, tum & compluribus villis ex eadem causa impositum idem nomen, ut Nidarosiæ nobili Thrandiæ urbi & metropoli, fundatæ ad ostium amnis, qvi *Nid* vocatur. Hinc *Nidaros*, *Nidi amnis ostium*. *Sedland* a satione vel frugum proventu dictum perhibetur qvòd in antiquis membranis *Sialand* scribitur, a mari circumfluò. *Edda* & *Snorrii* Chronica MSS *Selund*, qvasi *maris lacum* appellant. Vide, si libet, Notas *Stephanii* in Saxonis præfationem pag. 19. & in his insignis viri *Brynjolfi Svenonis* Episcopi Scaltholten^{sis} testimonium. *Borringia*, qvam nunc *Bornholm* appellant, a viri, qvi *Beor* vocatus sit, nomine dicta traditur. Vetusissimæ membranæ, qvot vidi, qvamvis rationem nominis non exponant, *Borgundarholm* tamen præferunt. Nomen sexui fæmineo proprium flexus indicat, à recto *Borgund*, in genitivo *Borgundar* extensum, procul dubio a fæmina *Borgund* enatum, non a viro *Beor*, sic enim *Beorsholm* scriberetur. Extat & in Norvegiæ æquilonaris provincia Summariâ, pastorale prædium *Borgund* dictum. Ad Duce qvòdam Borgundarholmensi, aut eorum colonia, Burgundiones fortè dicti sunt, qvi circa annum Christi CD.

cum

cum Vandalis & Svevis ab ultima Germania profecti, varias Galliae partes occuparunt, regnoque constituto Burgundiae nomen de suo imposuerunt, cujus caput Regiaeque sedes Arelate. *Laalandia* ab area ubi frumentum tripuratur appellata traditur quasi *Loislandia*. In monumentis nostris, nominatim *Knytlingorum historia*, *Lalandia* scribitur. *La* autem Islandis, prae linguae custodibus, pausa est, inter continuum (non qui statis horis fit) fluctuum ad littora attritum, qui si forte illic prae vicinis insulis variat, nomen etiam insulae indidisse videri poterit. Quod si quis *Philippi Cluverii* etymologiam à voce *Laag*, quod *humilem* denotat, magis probet, terramque ab humili solo dictam conjiciat, nec ego repugno; facile enim properantiam linguae imitati librarii, literam *G*. omittere poterant. De primariae Jutiae urbis, *Viburgi*, nomenclatura nihilagam, quum de ea opinionum diversitatem, in Notis ad Ius Aulicum Canuti Magni fol. 696. abunde suppeditet optimus dum inter nos vixit, nunc inter sanctos bonitate fulgens *Petrus Resenius*. Hæc de nomenclatione dicta sunt. Non Danis solum monumentum hocce antiquitatis gloriam auferit; cum Scotis Frisii & Anglis, Svecis, Norvegis, Saxonibus, Svardonibus, Angrivariis, eam quoque partitur. Vide Lyschandrum libro III. pag. 30. ubi ad dictarum nationum latrocinia insultusque cohibendos, speculae in editissimis terrarum partibus erectae memorantur a Truid posteriore, qui iudicis titulo praefuit anno Mundi MMCCXC, longè ante Fergusii primi Scottorum Regis tempora, quem Alexandro Magno æqualem Scottici scriptores faciunt, & ante Scottonis ætatem, quem sub Daniae Rege Frothone primo Scottici nominis conditorem *Saxo* inculcat, circa annum mundi MMMCC, ex Lyschandr.

schandri calculo. Tametsi Radulfus de Diceto pag. m. 626. originem Scotorum mille & duobus annis Israelitarum egressu ex Ægypto recentiore facit, ducentis, circiter annis Saxonis Scotto inferiorem. Nec ipsi Angli gentis suæ primordia, a tanta antiquitate repetunt. Nam eorum moderatiores, qui fabulas Britannicas jam dudum exploferunt, fatentur ante Iulii Cæsaris tempora, nihil de Britannis exploratè cognitum esse, nisi Divitiacum Regem Sveffionum Britanniae imperium obtinuisse, teste *Camdeno* suæ Britanniae pag: m. 28. quicquid recentiores veterum Britannorum thesauros aliorumq; scripta revolventes sentiant. Inprimis *O-Flaberty* qui exploso Bruto (utpote qui nunquam in rerum natura extiterit, auctoritate Gildæ, vetustissimi Britonum scriptoris) longe vetustiore Britannum *Fergusii* Rubri filium, *Nemetii* nepotem, gentis Britannicæ conditorem substituit circa annum M. 2245. ante inventam, vel certe usitatam navigandi artem. Nec *Ubbo Emmius*, Frisiorum historicus gravis & luculentus, ultra nati Christi epocham suæ gentis originem extendit, non quod in antiquitate cum vicinis gentibus suam quoque certare posse diffideret, sed quia idoneis testimoniis de superiorum seculorum gestis destituebatur. Superest ad huc unum *Gotlandicæ* antiquitatis & celebritatis testimonium, inscriptio nimirum, literis Runicis insculpta saxo, prope urbem *Visby*, quod *Korpeklinte* appellatur, quæ migrationem *Helgonis* cum Gothis æternitati consecravit, quam *Vormius* Monument. Danic. libro V. pag. 451. ita vertit. Anno bis millesimo quingentesimo, exiit Helgo cum Got his suis. De illa iudicium est *Værelii*, quod dialecto Cimbrica vix heri ab impostore aliquo scripta videatur, Mitior *Vormii* censura est: Ferunt, ait, Helgonem hac sculpenda curasse, ante
ab-

abitu sum, quod tamen mihi vix videtur probabile, cum eo seculo, non annos sed hyemes computaverint, ac tunc temporis epocha conditi Mundi, à qua hic sit computatio, nostratibus plane fuerit incognita; ab aliquo igitur medii ævi hæc exarata arbitrator. Et ego quidem ab aliquo, qui longe infra medium ævum vixit, non, ut putat Sberingbanus, a rerum antiquarum studio, sed aliquo rebus antiquis fucandis nato, nec ad conservandam rei gestæ, sed recens natæ chimære suæ memoriam. Nulla me libido incescit Antiquitatibus hisce Gothlandicis, aut ejus fautoribus insultandi, sed evidenti necessitate compulsus hæc notavi. Mihi enim certum aliquod tempus, aut saltem certo simile, investigandum est, unde historiam exordiar, & proinde ea principia removenda, quæ traditionum repugnantis, aut palpabili absurditate se ipsa subvertunt.

CAPUT IX.

De Sueticis Scriptoribus.

VHis præcipuis antiquitatum Danicarum concinnatoribus, par est ut ad Sueticorum annalium conditores pedem promoveamus. Omnium instar erit unus Upsalensis quondam Archiepiscopus Johannes Magnus, cujus historia Sueo-Gothica omnibus nota. Præteribo quantum licet ea, quæ partium studio motus in gentem Danicam iniuriose scripsit, aliisque potius argumentis vanitatem ejus ad oculum monstrabo,

Is auctoritatem suam eo potissimum stabilire nititur, quod indigena Gothiæ de rebus notis apprimeque perspectis tractet, carmina etiam patriâ lingvâ concinnata, inque

que convivii excitandæ ad virtutem juventuti frequenter canisveta, & nelongæva vetustate aboleri possent, rupibus & saxis insculpta, ad magnam historiæ suæ partem conficiendam adhibuerit; plura insuper antiquissima volumina, publica sacerdotum Upsaliensium fide & Gothico sermone & caractere conscripta, atque huc illuc dispersa à se inventa, ad sui instituti negotium accommodaverit. Hæc forte Romam secum si devexit, deperdita quis statuatur, saxa tamen & rupes in patria reliquisse minime ambigat; nec aliò inde translata putandum. Quæ si, ut ille profiteretur, hodie extarent, seriemque historiæ, temporumque nexum, gestorumque ordinem monstrarent, immerito scriptores posteriores, veritatis amantes, ab illius traditionibus recessissent. Unum carmen Sapphicum, quod a magna antiquitate celebratur, nobis exhibet, de Eirico primo Gothorum Rege. Id cum ingens, ut videtur, testimonium de Gothorum prærogativâ afferat, mirum indignum visum, quod cautibus infereretur. Nobis tamen a Verelio Not. in Hervoræ Histor. pag. 113. patriâ lingvâ communicatum, nullam antiquitatem præferre videtur, temporibusque Regis Eirici Pomerani factum conjicimus. Nec major auctoritas voluminibus, quæ citat tribuenda, si enim antiqua fuissent, haud tot seculis delituissent. Ego illaudatâ posterorum industriâ, anilibus fabulis referta fuisse colligo; præsertim cum Eiricus Olai, historiæ Suedicæ scriptor vetustus, æqualis Regi Daniæ Christiano Primo, qui anno MCDXLVIII ad imperium evectus est, nihil horum viderit, vel nullum illis pretium statuerit, aut locum in historia sua reliquerit. Imò eundem quem alii, patriorum documentorum defectum pag. m. 8. queratur dicens quod successio Regum Sveciæ difficulter aliquo ordi-

ordine tradi possit, defectu documentorum authenticorum, saltem ad ea tempora, quibus Christiana professio in illâ terrâ fundata est (fundata est autem post annum Christi millesimum): idque primo, defectu scriptorum idoneorum; deinde quod si quædam a majoribus ad posteros pervenerunt, tamen ut frivola neglecta nullius pensi habita fuerint; tertio quod externi Reges prædecessorum genealogias interceperint, & deleverint; denique quod in multos principatus distincta fuerit regio, & postquam ad duo regna reducta esset, unus sæpe Rex alterum factione populi sublatus removerit, quod cum sæpius obtinuerit, haud facile constare, qui regnaverit, aut regno exutus fuerit. Has regulas si Johannes Gothus observare voluisset, minime tot Reges ipse finxisset è proprio cerebro, id quod ei perinde ac Lyschandro Clarissimus *Verelius* Not. ad Herovoræ Hist. p. 42. his verbis impropert: *Crantzii querela motus Johannes Magnus lib. 8. cap. 16. æquè ut Lyschander providere voluit, ne aliqua in nostra historia lacuna deprehenderetur, Regibus non paucis recensitis, quorum apud aliòs nulla mentio, Illaudata profecto industria, & pessimi apud posteritatem meriti, dubia vel ficta à genuinis hoc pacto vix discernentem. Nam ut fuerint quidam ex illis Reges vel Principes illustres, an eo tempore, numero & ordine sibi successerint, admodum est lubricum statuere. Longe præstat inopiam fateri, quam fucatas opes ostentare. De Regibus istis ita D. Loccenius: Hos omnes Ericus Upsalensis & alii veteres non agnoscunt, & tamen tanto temporis intervallo, nimirum 343. circiter annis, oportuit fuisse Reges. His subijciam Philippi Cluverii censuram de Johanne Magno Germaniæ Antiquæ Lib. III. cap. XXXIV. pag. 630. Johannes, inquit, Magnus, Archiepiscopus Upsalensis, quod Gothorum, etiam ante exitum è Scandinavia XIII. Reges nomina-*

*tim enumeravit, id sane de suo, multo Iornande vesanior adfin-
gere ausus est; è cujus historia si ea, quæ duce Iornande e Getarum
Gotthorum & Scytharum rebus gestis, suis Gutis falsò ad-
struxit, demas, vix tertia pars universi operis manebit.*

Sed quoniam recentiores Suecorum scriptores, viri
incliti, jam dudum deprehensis ejus nugis, Islandorum
memoriis, longe majus pretium statuerunt, in eo refel-
lendo non ero operosus. Saltem ad calcem hujus operis,
Deo duce, luculenter monstrabo, non Saxonem eidem im-
posuisse, sed eum Saxonem in ordine Regum Svetico-
rum tam religiosè secutum fuisse, eo tantum fine, ut ce-
lebrimæ gentis Danicæ famam convelleret, orbique li-
terato illuderet.

Atque hæc de scriptorum septentrionalium auctoritate
& fide doctiorum peritiorumque hominum judicio subji-
cio, certò mihi persuadens nacturum me inter illos aliquot
suffragatores, qui mecum statuant, veterum poetarum car-
minibus, ante fundatam Christianam religionem, inve-
ctasque cum illa in septentrionem Romanas literas, præ
omnibus aliorum assertis, in historia septentrionis maxi-
mum pondus esse tribuendum, & per consequens Islando-
rum annalibus, qui inde descripti sunt; præsertim cum
aliarum gentium historias, cum iis consentientes, illis non
raro robur addere videant, id quod in historia Orca-
densium, de bello Brianico in Hibernia gesto,
& passim alibi a nobis ostensum est.





THORMODI TORFÆI
SERIES DYNASTARUM ET REGUM DANIÆ.

LIBER II.
De Epocha Regni Danici.

CAPUT I.

Dania Antiquitus Gothia dicta Gothorum & Vitarum nomenclatio perpenditur.



Gothorum nomen, externis scriptoribus celebratissimum, totoque orbe decantatissimum, nec annalium nostrorum concinnatores latuit; an Gothis, Scythis, Cimmeriis, Cimbris, reciprocum, non item definiunt. Jam dudum de his a doctissimis viris variè disputatum. Nobis propositum est quantum ex Islandorum antiquitatibus de populis, isto symbolo comprehensis, accepimus, in præsens evulgare. Et primo: quo nomine ve-

nerit universus terrarum tractus, quem gentes, hoc vocabulo illustres, seculo, natales Christi, omnium Domini, proxime præcedente, incoluerunt. *Gothiam* dictum constat ex *Rimbegla*, libro vetusto, qui Odini huc migrantis tempore, regiones, quas *Asa* postea incoluerunt, *Godlandias*, & incolas *Godiod*, i.e. *Gothicas nationes* appellatas testatur. Integer locus exstat inferius Lib: III. cap. IV. Universum illud territorium in *Reidgothiam* & *Eygothiam* divisum fuisse testatur *Edda* his verbis: I þann tíma var kallat allt megin-
 „ land þat er hann (Odinn) atti Reidgotaland, en eyiar
 „ allar Eygotaland, þat er nú kallat Danaveldi oc Svíaveldi, i.e. *Ea tempestate* (sc: cum Odinus septentrionem occuparet) *universa continens, quam* (is) *possidebat, Reidgotalandia* (Reidgothia,) *insule vero omnes Eygotalandia* (Eygothia) *appellabantur, id nunc Dania & Suecia regnum est.* Possidebat insuper Odinus Norvegiam, cui filium Semingum præfecit; imo & partem magnam Germaniæ. Patet etiam ex *Saxone* Norvegos Gothis annumeratos fuisse, Nam Lib: VIII. in belli Bravici descriptione pag. m. 146. Thorkillem Thelamarchensem Guttonibus annumerat: suffragante *Perelio* in Notis ad Cap. I. Historiæ Gothrici & Rolfi pag. 12. his verbis: *Qvi Dalakarlos præterfluit Dalacsf nobis dicitur (elfen enim commune nomen est & flumen significat.) Ita qvi per medios Gotthorum populos labitur inter Visigothiam & Norvegiam, Gotelba sive Gautacsf nuncupatur, Gothiqve sunt qvi ab utraque fluminis ripa colunt: Visigothi scilicet & Norvegi Císalpini forte etiam trans-Dofrani.* Præfatio præterea carmini antiquissimo *Grottafaung* præmissa, discrete testatur eas terras, quæ illo tempore, cum Snorrius Sturlæus, aut si quis alius, Eddam ex vetustissimis odis concinnavit, Daniæ nomen retinebant, antiquitus
 Gothi-

Gothiam dictas fuisse; ibi enim sic habetur: Skioldr het „
 sonr Odins er Skioldungar eru frakomnir, hann hafdi „
 atsetu oc red laundum, þar sem nu er kaullut Danmaurk „
 en þat var kallat Gotland; i. e. *Skioldo nomen erat filio O-*
dini, unde Skioldungi promanarunt, is confedit regnavitque ubi
nunc Dania dicitur, illo vero tempore Gotlandia (Gothia) vo-
cabatur. Partem autem Gothiæ, *Reidgotalandiam* seu *Reid-*
gotthiam fuisse, præter allatum testimonium *Storrius* etiam
Sturlaus in vita Dagi Sueciæ Regis haud obscure suggerit,
 cum passerem, qui Regi in deliciis erat, in *Reidgotalandiæ*
 Vorva occisum, Regem autem in *Gothiam* ad eum ulci-
 scendum profectum in Vorva exscensionem fecisse tradit.
 Dagr Konungr vârd illa vid er spaurrinn kome eigi heim. „
 geck hann þa til sonar blotz til frettar, oc feck þau svor at „
 spaurr hans var drepinn a Vorva (*aliud exemplar habet* „
 Iorva) sidan baud hann ut her miklom, oc for til Got- „
 landz, enn er hann kom a Vorva, geck hann upp med her „
 sinn oc heriade. i. e. *Rex Dagus admodum agrè tulit non re-*
disse passerem, igitur piaculari sacrificio celebrato oraculum con-
suluit. Responso certior in Vorvâ occisum, collectis ingentibus
copiis Gothiam petit, Vorvamque delatus, in terram populabun-
du excurrit. Situm autem hujus Gothiæ seu *Reidgothiæ*
Thiodolfus de Hvini, in epitaphio ejusdem Dagi, respectu
 Sveciæ ad occidentem locat, his verbis:

Enn þat ord a austr vega

Vísa ferd fra víge þar

At þann gram um geta skyllde

Sleyngo þref sleipnis verðar.

Sensus est: famam, in orientem, Sveciam scil. (qvippe
 domum ejus) retulisse, qvòd in Vorva seu Iorva cæsus
 esset;

esset. Ex Reidgothiâ istâ *Verelius* Notis in Hervor. Histor. p. 115. *Ridgothiam* facit, ac Smalandiam esse arbitrat. Verum situs regionis prædictus Smalandiæ nequaquam, apprimè autem Jutiæ convenit. Divisio quoque hæreditatis regnorum Ragnaris Lodbrochis, quam exhibet *Olafi Tryggvini vita* in binis membranis, penes Arnam Magnæum, Archivarium Regium, Gothiam Svecicam à Reidgothia clavis verbis distingvit, ubi Biorno Ferrei Lateris Sveciam, Ostrogothiam & Vestrogothiam: Sigurdo Angvioculo Eygothiam, Scaniam & Hallandiam: Hvitserco Reidgothiam & Vindlandiam seu Vandaliæ sorte obtigisse memorat. Locus inferius lib. III. Cap. XI. videri poterit, quem hæc integrum exscribere nolumus. Eadem *Olafi Tryggvini vita* Reidgotalandiam Daniæ partem fuisse disertis verbis testatur, ubi ait: Gormr

„ Konungr for med her sinn i þat ríki Danmerkr, er þa
 „ var kallat Reidgotaland, enn nu er kallat Jotland, a
 „ hendr þeim Konungi er þa red þar fyrer, sa var nefndr
 „ Gnupa. þeir attuz vid nokkurar orrostur, en sva lauk
 „ at Gormr felldi þann Konung, oc eignadiz allt þat rí-
 „ ki. þvi næst for Gormr a hendr þeim konungi er
 „ Silfraskalli var kalladr, oc atti vid hann ofrid oc orru-
 „ stur, oc hafdi Gormr jafnan figr. oc um sídir felldi hann
 „ þann konung. eptir þat geck hann uppa Jotland, oc eyd-
 „ di þar ollum Konungum, allt súdr til Slets. oc sva
 „ vann hann mikít ríki i Vindlandi, margar or-
 „ rostur atti hann vid Saxa oc giordiz inn rikaz-
 „ ti konungr. hoc est. *Gormus* (Rex Daniæ.) in
 illam partem Daniæ, quæ tunc Reidgotalandia, jam ve-
 ro Jutia nuncupatur, adversus Regem quendam, Gnu-
 pam

pam dictum, cum exercitu profectus est, quem post aliquot praelia occidit, & regnum ipsius in suam potestatem redegit. Deinde expeditionem suscepit contra Regem quendam, nomine Silfraskallium. Postea in interiora Iutiae pergens, omnes Reges ad Sleswicum usque devicit & magnam partem Vindlandiae (Vandaliae) sibi subiecit. Multa praelia contra Saxones gerebat, & Rex potentissimus evasit. His addimus Snorrii Sturlei aliud testimonium in praefatione ad Eddam: þa byriade Odinn ferð fina, oc kom í þat land er þeir kolludu Reidgotaland, oc eignadiz i þvi landi allt þat er hann vilkdi, hann setti þar til landa, sonn sinn er Skiollðr het, hans son het Fridleifr, þadan er sú ætt komin er menn kalla Skioldunga, þat ero Dana- konungar, oc þat heitir nu Jotland er þa var kállat Reidgotaland. i. e. Odinus (distributâ inter filios Saxoniam) in aliam migravit regionem, quâ tunc Reidgotalandia dicebatur, & quicquid ibi placuit sibi vendicavit. Huic terrae praefecit filium Skioldum, qui Fridleifum genuit. Inde Skioldungorum (sive Skioldiadum) familia ortum ducit. Hi sunt Daniae Reges. Ista vero Reidgotalandia, nunc Jotlandia appellatur. Testimonium hoc nullo jure Verelio suspectum fuit quippe tot adductis locis stabilitum. Præterea nusquam in vetustis membranarum Reidgotalandia mihi occurrit, sed ubique Reidgotalandia. Dicitur autem Reid, currus, vel etiam equitandi actus, quâ notâ ab Eygotalandia distinguitur, insulari scilicet Gothiâ, curribus & equis minime perviâ, Quibus observatis, concidit, longa argumentorum series, quam pertextuit Verelius ad asserendum Smalandiae Reidgothiae nomen. Sunt alias complura, quæ Daniae Gothiae nomen asserunt. quorum quædam Grotius in Prolegomenis in Procopium adducit, nimirum quod qui nunc Jutta vocantur, Gioti sint mediae ætatis scriptoribus. Nam poste-

rrioribus Danis id est usitatum, G. literam in J. consonam inflectere; unde & illam Scanzie Gothicam Jytlant ipsi vocant, & partes ejus Ooster-Jytlant Wester-Jytlant: & amnis in Juttia est Guddenaa: id est Gotthorum flumen. Qui ex Iuttia in Angliam venere, in Annalibus Anglicanis Petroburgensibus Geatun dicuntur, & alibi Iotuni. In legibus autem Edvardi Confessoris. Guci similiter cum veniunt, suscipi debent & protegi in isto regno Britanniae, sicut conjurati fratres, quod ibidem jam olim ab Ina constitutum dicitur. Hæc Grotius. In eo tamen errasse videtur, quod Iuthos hos à Gothis Scandianis ortos statuit, licet scriptorum testimoniis haud destitutus: qui cum Danos a Gothis ortos percepissent, id ad Gothos Scanzianos traxerunt, cum verius Gothorum nomen, Danis, Suecis, Norvegis, Prussis, Pomeranis commune fuerit, licet singulæ gentes propriis vocabulis, ut certis notis, distinguerebantur, quarum tamen quædam regiones posteriori tempore ab Hunnis infestæ fuere. Danos autem in Scanzia Iornandem inter cæteras gentes constituisse, nil mirum, cum id temporis Scaniam proprie dictam occupaverint, expulsi Herulis, tradente eodem. Omnem dubitandi animum Simeon Dunelmensis præcidit, dum indicato oppidi Slesvicensis situ, illud inter Saxones & Gothos collocat, ut & Ethelverdus antiquus auctor a Camdeno & Pontano citatus, qui circa annum Christi DCCCCL. vixisse traditur, cujus hæc sunt verba. Anglia vetus sita est inter Saxones & Giotas habens oppidum capitale, quod sermone Saxónico Sleswick, secundum Danos vero Hailby dicitur. Non itaque Rosfontanus Gothos & Iutos eosdem esse somniavit, sed magnis rationibus inductus debita gloria patriam suam fraudare, nec debuit nec voluit. Itaque Claudius Chri-

Christophori Lyschander in prologo ad Librum V. Genealogiarum Serenissimorum Daniæ Regum, veritatis fiducia fultus, Danis Gothorum titulum, partem etiam originis eorum, non solum ex assertis extraneorum, sed ex superstitibus locorum nominibus, hodieque conspicuis, veterem memoriam conservantibus, rectius asseruit, quam illustrissimus *Arnoldus Huitfeldius*, sub initium historiæ suæ dubitavit, utrum septentrionalis & australis Gothia intra Danici territorii limites antequam constituerit, quemadmodum Svecia, ad hoc usque tempus, orientalis & occidentalis Gothiæ nomen, in præclarissimorum gestorum testimonium retinet. Laudandus tamen ingenuus tanti viri candor, qui officii historici non immemor, noluit illud adstruere, quod testibus idoneis se probare posse dubitabat. Nec tamen opinionem eorum omisit, qui illud, utpote non exiguum patriæ decus, Danis asserere conati sunt, quo posteris ansam præberet, in veritatem diligentius inquirendi. Igitur quemadmodum Svecia posteriori tempore Gothis accensa non fuit, ut nec insulæ, præter eas, quæ Danici regni pomeriis continentur, in universum *Eygothia*, id est *insularis Gothia*, dictæ, sic etiam Norvegia, omisso universali nomine, istud sibi proprium usurpare maluisse videtur. Id quod præfatio in *Eddam* his verbis haud obscurè innuit. Eptir þat for hann norðr þar til,, er þar toc vid hanom, þa er þeir hugdu at lægi um aull,, laund, oc setti þar son sinn til þess ríkis er nu heitir No,, regr, þa er Sæmingr kalladr, oc telia þar Noregs Konun,, gar þinar ættir til hans, oc sva jarlar oc aðrir ríkis menn., i. e. *Adhuc ulterius versus septentrionem progressus est, donec illum exciperet oceanus, quem omnes terras cingere putabat, ibique filio Sæmingo regnum destinavit, ubi nunc Norregr dicitur.* Ab hoc

Semingo genus suum numerant Reges Norvegici, ut etiam Comites & alii optimates. Hinc colligi potest Norvegiam tunc temporis istud nomen non indeptam fuisse.

Eviſto quod Gothiæ nomen Daniæ, Gothorum vocabulum Danis, à principio inter cæteras septentrionales gentes competiverit, proximum est, ut varias de etymo nominis opiniones exponamus.

Gog, Magogi filium, Japheti nepotem, Gothici nominis auctorem Svecicarum rerum scriptores plurimi faciunt. Hunc *Job. Magnus* Hist. Sveo-Gothicæ lib. I. cap. V. & *Job. Messenius* in Petri Parvi Refutatione cap. V. *Getbar* alionomine dictum fuisse volunt. *Loccenius* Antiquit. Sveo Goth. lib. I. Gothorum originem, & per consequens etymologiam refert ad *Getbar* Arami filium, Semi nepotem, cujus mentio habetur Gen: X. v. 24. & Paral: I. v. 17. Quod si ita erit, magis Semus Japheti tentoria expugnasse, & tantum non destruxisse videtur, quam in sua recepisse, si Prophetæ Noachi vaticinium, de cohabitationis societate sit intelligendum, quod tamen ad assertionem hanc adstruendam a doctis alioquin viris produci animadverto. Tanta namque tam late per Japheti patrimonium diffusa progenies a Gothis pullulavit, ut haud exigua portio ipsius posteris accisa videri possit, Semoque orientis imperatori accessisse, id quod *Daniel Langhornius*, Antiquit. Albion. Elench. p: 334. pariter agnoscit. *Aventinus* rerum Boicarum lib: I. *Getam*, tertium Ducem Tvisconis, Gothorum conditorem statuit. *Sheringhamus* cap: XV. pag: 351. a Jotis, quos *Ptolemaeus* ad mare Rhymmiorum in Asia collocat, nomen eorum derivat, quos Odino duce accessisse existimat, ex eo, quod adveniente eo peninsula illa, Reidgothia dicta, postea in Jutiæ nomen transierit.

Sed

Sed ex allatis nostratum testimoniis perspicuum est, multis post primum illum Odinum seculis, Reidgothiæ nomen ipsi invariaturum constituisse. *Irenicus* Exeg. Germaniæ lib. VI. cap. II. Gothos à *Gothila* Scytharum Rege, cuius filiam (Medupam vocat *Jornandes*) Philippus Alexandri Magni pater sibi sociavit, sive nuncupatos sive ortos statuit. *Chronicon Gothlandicum*, Tielvaris filium Guthum, septimum Cimbriæ Ducem seu Judicem, devictis Gothis Scaniæ incolis, nomen suum imposuisse tradit, indeque Gothorum nomen ortum persuadere conatur. *Radulphus de Diceto* Imaginum historiarum pag. m. 627. à regione quadam *Getia* Gothos derivat, *Stiernhielm* à voce *geta* quæ gignere significat, inde *Gotte* miles; quem *gedid* appellant *Philippus Melancthon* & *Casspar Peucerus* in expositione Chronici Carionis in Decio his verbis: *Nomen Getæ, Gedid, militem significat.* *Johannes Lyschander* Sermone VIII. & *Hugo Grotius* in historia Gothico-Longobardico-Vandalica a bonitate dictos volunt. *Arngrimus* a magnitudine corporis Gethis nomen competitivisse putat. *Jet* enim, Saxonicè *geat*, gigantem significat; nomenclatura ex sententia *Sheringhami* satis concinna, licet ei verisimilius videatur, cum id ex historica fide traditum sit, *Getas* a *Getâ* nomen habuisse, cui forte nomen illud ex statura datum sit. Fuit enim inquit, vir strenuus & bellator eximius, *Getarum* Dux in primæ gentis adolescentia, antequam Scandiam ingressi sunt, cum adhuc ad *Araxim* fluvium sedebant, ut ex genealogia Regum Angliæ conicere licet. Fuit *Wodenus* à *Getâ* editus, ab eodem quoque omnes Saxonie principes genus vendicant; post mortem vero, ob res fortiter & præclare gestas pro Deo habitus est, quod tum temporis honoris fastigium summusque apex fuit. *Rodericus Toletanus* lib. I. cap. IX. à fortitudine Gothos dictos

vult, *Vitichindus* Rerum Saxonicarum lib. I. à populi duce, *Gothâ*. A voce *Gott*, quæ Germanis *Deum* significat, nomen eorum accersit *Cornelius Agrippa* Occultæ Philosoph. lib. III. Cap. 35. quam voculam à *Vodani*, vel *Odini*, appellatione inepte derivat *Gotfridus Viterbiensis* in *Chronico*, his verbis: *Votam quidam Gotham adjecta litera dixerunt; ipse est qui apud Romanos dicitur Mercurius, & tunc ab universis Germanis ut Deus adorabatur, unde usque hodie, Goth in Teutonico, Latine dicitur Deus.* De Gothorum etymologia *Edda* sequentia habet: *Gotnar eru kalladir af heiti Konungs þess er Goti er nefndr, er Gotland er vidkent. Hann var kalladr af nafni Odins oc dregit af Gautz nafni. Þviat Gautland eda Gotland var kallat af nafni Odins, en Svipiod af nafni Svidurs, þat er oc heiti Odins. i. e. Gotne* (seu ut vertit *Verelius Gotini*) *nominati sunt, de nomine Regis illius, qui Gotius dictus est, à quo Gothia denominata est. Is nomen de Odini nomine sortitus est, & quidem à nomine Gautii deductum. Nam Gautlandia & Gotlandia* (*Gauthia* vel *Gothia*) *à nomine Odini sua contraxerunt, Svithiod autem à nomine Sviduris; id etiam Odini nomen est.* Differentiam inter *Gothiam* & *Gauthiam* ex sola pronunciationis varietate promanasse *Verelius* notis ad historiam *Gautrici* & *Rolfi* pag. 5. existimat, aliis au ut *eu* Gallicum, aliis ut *o* latum, *Ptolemæo* ut *u* efferentibus, de quo citatus locus consuli poterit. Verum in allato loco *Eddæ* *Gauthi* & *Gothi* evidenter distinguuntur; *Gothi*que a Regis *Goti* nomine dicti perhibentur, *Gauti* ab *Odini* nomine *Gauti*; utrumque tamen nomen ab eodem fonte manavit. Notat etiam exemplar Regium *historiæ Hervoriansæ*, quod penes me est, hoc *Gothorum* *Gau-*

Gauthorumque discrimen, dum diversas gentes, diversis Regibus subjectas, eas facit, rythmo quisequvitur:

Ar qvado Humla fyrir her rada.

Gizur Gautum, Gotum Angantyr.

Valldar Daunum, enn Vaulum Kiar.

Alrekr en frækni Enskri þiodu. i. e.

Traditur olim Humlius exercitui præfuisse, Gizur Gautis, Gothis Angantyr, Valdar Danis, Valis Kiar, Alrecus Vegetus Anglica genti. Observationem præterea meretur, quod Gothi, Gutique a Danis allato versu distingvantur: nempe Balthicum regnum, forsitan in solis insulis Danicis fundatum, cum separatum haberet Regem, nunc Eygothiæ, nunc Daniæ notâ determinatum fuisse videtur. Quis autem ille Alrecus Vegetus fuerit, qui Anglos illo tempore rexerit (ut id obiter moneam) plane nescio: cum hæc in prima Anglo-Saxonum tempora, nostro calculo, convenient: ut nullo modo applicari possint Alrico Withredi filio, qui in Cantio regnavit anno Christi DCCLX. melius forte Ethelrico (id nomen in Alreci facile mutari poterat). Idæ filio, Ellæ nepoti, Northumbrorum regi, qui anno DLXXXIX, cepit regnare: quamvis nec sic quidem cum nostro calculo conciliari possit; eo quod Angantyr, de quo hic agitur, avus fuerit Hildis, uxoris Haraldi Grandævi, cujus natales nos in annum CCCXCIII. referimus.

A Gothis *Vitarum* nomen an ortum sit, non satis constat. Occurrit illud apud *Bedam*, pro quo *Jutas* *Mattheus Vestmonasteriensis* habet. Idem etiam in manuscripto codice *Camdenum* legisse testatur *Stephanus* notis in Saxonem pag. 29. Terras eorum *Viteslet* i. e. *Vitarum planitiem*, *Chronicon Eirico Pomerano* adscriptum dictas

perhibet. *Sberinghamus* de Anglorum gentis origine Cap. VII. *Vetallabeeth* legit, & terram undique aquis madidam explicat, alias de *Vitarum* nomine cap. II. uberius diffrens. Plura vocis illius synonyma *Verelius* Notis ad caput X. historiæ Hervorianæ enumerat, utpote *Vitaland* quod Lucum Vitarum verto : *Vitabeid* i. e. inculta Vitarum : *Vitabeim*, domicilium seu mansionem Vitarum, *Vitalaund*, terras Vitarum. Hinc etiam *Vitungos* *Sidonio Apollinari* dictos docet, i. e. posteros Vitarum, uti & *Jutis Jutungos* apud *Prosperum Aquitanum*, *Svidam* & *Ambrosium*, i. e. *Jutarum* posteros. Vitarum autem notationem tam ipse, quam *Rudbeckius* *Atlant.* cap. XVI. quod de Scandinaviâ agit, pag. m. 495. & cap. XXIII. de Svevia pag. 613. (qui tamen cap. XXVII. pag. 699. nudam litterarum u & j trajectionem hic agnoscit) ut & *Reenhielmus* à lignorum struibus, in promontoriis ad adventum hostium significandum incendendis, (quæ septentrionis lingvâ *Vitar* dicuntur) deducunt, *Vitasque* excubitores, statores & custodes esse volunt, ad piratarum scilicet insultus indicio præcavendos constitutos. Verum uti haud abnuo nomen gentis struiumque ab uno fonte profuisse, ita gentem ab istiusmodi struibus denominatam non credo. Nam si verum esset *Eiricum*, *Ostrogothiæ* Regem, in promontoriis *Scaniæ* & *Bleikingiæ* tales excubitores constituisse, ad avertendas excensiones piratarum, ex insulis Danicis Gothos Scandianos instantium; numquid ab istis custodiis insularum illarum incolæ nomen mutuari poterant. Id enim illis proprium fuisse *Verelius* dicto loco statuit. Altior profecto in nomine ratio latet: strues enim istæ *Vitar* analogice dicuntur, id est *sapientes* & *providi*. Id tamen attributum rectori-

rektoribus populorum primo competit, qui *Vitar*, *Vitkar*, *oddvitar*, appellantur, i. e. *procuratores* sc. publici commodi. Sic *Vordr* tutor, *varda* pharus sive specula, quod navigantibus, vel terra proficiscentibus viam monstrat, àque periculo & errore tueatur, eàdem ratione dicta sunt. *Vordr foduriardar* i. e. *patria tutor* Rex dicitur. *Oddvita allrar piodar* i. e. *totius gentis ducem*, Gufius Finno-*rum* rector, & Sanctus Olafus se ipsos nominant in suis carminibus. *Qvin* & *Vita*, i. e. *sapientem*, *Thiodolfus de Hvini* Odinum appellavit, hoc disticho, Eddæ inserto.

Valr la þar a sandi

Vitinom eineygia

Fryggiar fadmbyggvi

Faugnudum dad slikri. i. e.

Srages ibi in campo jacuit, sapienti Monoculo (scil. sacra) *degenti in amplexibus Fryggæ* (Fryggæ marito): *tanto emolumento gavisus sumus*. In *Voluþa* breviori habetur: *Vitkar allir fra Vilmeidi*, i. e. *sapientes omnes à Vilmeido proflexerunt*. Eadem vox in lingvâ Anglo-Saxonicâ occurrit, exhibetque eam *Thomas Marescallus* Observat, in versionem Evangeliorum Anglo-Saxonicam p. 519. In *Legibus Adelfani* Rex ipse ita de se loquitur: Nu hæbbe ic funden „ mid þam vitum, þe æt Eaxceastre mid me væronto „ middum vintre, *Qvæ Johanne Bromptone* interprete sonant: *Nunc inveni cum illis sapientibus qui apud Exoniam fuerunt mecum in sancto Natali Domini*. Prophetam etiam *Vitegan* vertit *Metaphrastes* Anglo-Saxonicus cap. 2. Matthæi, v. 15. Item Magos ex oriente *Tungol-vitegan*, i. e. *Astronomos*, cap. eodem. Quod cum nostra lingvâ accuratè convenit, qvâ astra adhuc *tungl* vocantur. *Vitaslet* itaque Imperii sedem denotat; *Vita* quasi Imperatores, fa-

sapientes, consiliarii, dicti videntur, quod ab ipsis jura
 legesque reliquæ gentes, ab iis ortæ vel subactæ, acce-
 pissent, memoriæque nominis regionis primariæ, ejusque
 prærogativâ, sui erga ejus majestatem officii, debiti que
 honoris, submissæ vel comiter colendo deferendi, æter-
 num admonerentur. Ex testimonio autem Bedæ conspi-
 cuum est Jutis illud nomen, haud minus quam insulari-
 bus Danis competere, cum Saxonibus & Anglis, Holsatiæ
 populis, eos jungat, qui omnium advenarum primi in An-
 gliam trajecerunt. Quod si pro *Vitis*, ut vult *Vilhelmus*
Lambardus in Archæonomia Anglicana, *Jutas* apud Bedam
 legere debemus, eos Gothos esse, consuetudineque Dani-
 cæ G. literam in I consonam inflectendi, *Jutos* tantum di-
 ctos *Grotius* demonstravit. Omnium autem operosissime
 felicissimeque *Olaus Vormius* lit: Runicæ cap: IV. hanc quæ-
 stionem tractat; cujus assertionem, hæc, quæ ex vetustis
 membranis attuli, antiquitatis testimonia abundè firmant.
 De singulis fusè scripsit *Langhornius* in Antiquitatum Al-
 bionensium Elencho p: 321. & seqq. his verbis: Post Scotos
 „ expediendi sunt Jutæ, quorum nomen apud auctores
 „ mirum in modum variatur. Codices Bedæ MSS. con-
 „ sentientibus etiam Gvilielmo Malmesburiensi, Henrico
 „ Huntingdoniensi, Florentio Vigornienti, Matthæo
 „ Vestmonasteriensi, Ranulpho Cestrensi, & aliis, Jutas
 „ nominant: Libri Bedæ impressi Vitas: Abbo Floria-
 „ census in vita Regis Edmundi Vitos: Saxonica versio
 „ Geatum: Chronologia Saxonica Jotum: Fabius Æthel-
 „ vardus Giotos: Legum Edovardi Confessoris interpo-
 „ lator Gutas: alii Gutos: Scriptores Danici Juitas.
 „ At variorum nominum variæ reddi poterunt ratio-
 „ nes. Nam Jutæ, Juitæ, & Jotum à proceritate dice-
 ban-

bantur, cum Jæt in singulari numero gigantem Gothi-
cè notet. Jætum in plurali gigantes. Vitæ quoque
& Viti à Vita Rege. Geatum, Gutæ, Gutī & Giotiā
majorum appellationibus vocabantur, qvī Getæ, Gutæ,
Gutī & Gothi sunt nominati. Nam Jutas esse gentem
Gothicam nemo uspiam præter Versteganum ne-
gaverit; qvem Sheringhamus satis refutavit. Hi sub
Frothonis tertii, Danorum Regis, Augusto & Tiberio
coætanei, auspiciis e Scania in Chersonesum rediisse,
Cimbrisque (qvorum post sancitam cum Augusto pa-
cem nemo meminit) debellatis regionem illam occu-
passe, suumque ei nomen indidisse videntur; utque ipsi
Jutæ pariter ac Vitæ, ita eorum proles ac coloni, qvī
Romanis plurimum negotii facefferunt, Juthungi & Vi-
tungi nuncupantur, nam apud Gothos & Saxones ter-
minatio Ung vel Ing, nomini proprio aut gentilitio ad-
jecta, filiationem designat, ita ut Juthungi sive Vitungi
sint Jutarum sive Vitarum filii, qvos etiam Grutungos
perperam pro Guthungis, i. e. Gutarum filiis, aliquan-
do scribi Isacius Pontanus arbitratur. Jutæ, prout al-
ternans belli fortuna tulit, nunc Danorum, nunc Saxo-
num Regibus paruerunt. Saxonici vero regni partem
eos constituisse, qvo tempore Saxones Britanniam peti-
erunt, inde est colligere, qvōd utrosque populos tam Ju-
tas, quam Anglos, Gildas & Beda Saxones vocaverint.
Hos Tacito haud incognitos fuisse, ab eoque in descri-
ptione Germaniæ Huithones vocatos putat idem Pon-
tanus. Eorum patriam Jutiam sive Jutlandiam Danici
chorographi Gothiam appellant, Edda Islandica Reid-
gotalandiam, ipforumque respectu, Gothorum Regis
titulum Rex Daniæ hucusque retinet. In Britannia Can-

„ tium Vectamqve insulam possederunt , cum Suthanto-
 „ nienfis agri parte, Vectæ objectâ, quâ Homelea fluvius
 „ (Anglice Humble) oceanum intrat. Quæ licet ad pro-
 „ vinciam occidentaliû Saxonum pertineret , à primâ
 „ tamen sua origine Jutnacynn , id est Jutarum nationis,
 „ & Jutarum provinciæ appellationem Anglo-Saxonum
 „ temporibus retinuit. Ex eodem genere Gothico e-
 „ rant & Dani , ut illa Adami Bremensis verba docent.
 „ Dani quos Jutos appellant, usque ad Sliam lacum habi-
 „ tant, qui gravissima in hac insula gesserunt bella & ali-
 „ quândiu in ea confederunt. Hi etiam a nostratibus
 „ scriptoribus Daci nuncupantur, a Ptolemæo Dauciones,
 „ pro quibus nonnulli perperam Danciones legunt, iidem
 „ enim sunt Dauciones & Daci, itidemque Daci & Dani.
 „ Daci enim testibus Plinio & Pompeio Trogo populus
 „ Geticus fuerunt , Danosque gentem esse Gothicam
 „ ostendit Jornandes , cui præter alios complures Jonas.
 „ Coldingensis suffragatur, citatis ex antiquissimo codice
 „ MS. his versiculis :

„ Gothi sunt Dani, Dani Gothique vocati.
 „ Hos armis genuit quia Scythica Dania sævos
 „ Traditio veterem simul & Scythas vocat illos,
 „ Nomine sic terno gens Danica magnificatur.

CAPUT II.

*De initio temporis historici apud Da-
 nos , secundum documentorum Islandicorum asserta ; vel
 de immigratione Asianorum in Septentrionem.*

Ce-

CEleberrimus rerum Germanicarum historiographus *Albertus Crantzius* in sua historia Svedica sobriè de gentium origine his verbis judicavit : *Equidem ad omnium gentium primam originem recurrere quis potest? ab ea memoria sumendum est dicendi principium, quæ vel in carminibus memoratur, vel prima in literas relata est.* Hujus regulæ observantissimi Islandi, non ut ceteræ gentes ultimam antiquitatis gloriam captantes, rerum suarum annales, ex vanis relationibus contexuerunt, sed ea demum de majoribus suis & eorum origine in literas referre contenti sunt, quæ ex veterum poetarum carminibus, aut iis fundamentis, quæ superiori libro exposuimus, hauserunt. His igitur Odini, Principis cujusdam Asiani, è vastissimâ Scythia Asiatica, in Arétoum orbem suscepta migratio, pro historica narrationis principio & epochâ est, quamvis neutiqvam dissimulent, ante illa tempora habuisse suos incolæ septentrionem, utpote cum quibus multa bella Asiatici advenæ gesserint. Unde vero aut quo tempore, quæ occasione in septentrionem irruerint, perinde atque ipsorum mores, instituta, ceteramque vivendi rationem, silentio prætereunt. Cujus rei evidens est ratio, siquidem Odinus coloniae Asiaticæ fundator, dum septentrionis magnam partem, seu bellicarum seu magicarum artium stupendo exercitio præstigiisque, in suam potestatem admiranda successuum felicitate redegit, magnam divinitatis opinionem a Circæis artibus fascinatâ plebe reportavit. Facili itaque negotio filios & comites suos, ardentibus votis ab incolis certatim expetitos, amplissimis regnis vastisque provinciis præfecit, quas illi postea, prout superstitio late serpserrat, amplificatas, jure hæreditario possederunt, & per legitimam

timam successionem posteritati possidendas reliquerunt: omni eorum memoria, qui ante eos territoria ista inhabitarent, deletâ & perpetuâ oblivione multatâ; ne sera posteritas ullos iis antiquiores agnosceret, ac itaque numerum eorum divinitatem eo reverentius coleret. Nam ut ad acquirendam divinitatis existimationem, magica ludibria magnum momentum attulere, ita ad eandem conservandam, & posteritati ingerendam, antiquitatis opinio haut parum facere videbatur. Testatur hoc *Edda* Auctor in epilogo fabularum, Gylfio, qui se Ganglerum appellabat, expositarum. Cum enim ille præstigiis delusus abiisset, fabulasque, quas didicerat, in regnum redux divulgasset, Astarum collégio placuit, nomina illa, quæ fabulis complexi fuerant, hominibus locisque novis tribui, ut post longam annorum seriem, posteritas indubitato crederet, illos *Asas*, de quibus narratum fuerat, fuisse eos ipsos, quibus tunc eadem nomina indita sunt. Ibi tunc *Ibor* nomen accepit, antiqui illius *Asathoris* cui magna illa facinora quæ *Hector* ad *Trojam* perpetravit ascripta sunt. Eodem modo dictus *Edda* Auctor alibi ait *Asiaticos*, qui *Æsir* appellantur, res gestas ad *Trojam* depravasse, & fabulis involvisse, ut gentes, ad quas migrarunt, crederent illos Deos esse. Ad hos igitur *Asas* subsecuti Reges & Principes, ut imperium, ita originem suam referebant. Nam is summus honos & amplissimus semper habitus est. Et si qui postea ex antiquioribus indigenis oriundi emerferunt, tamen illustri *Asiaticæ* divinitatis fulgor adeo illorum oculos perstrinxit, ut sordidum sibi quæ indignum judicarent, devictum illud, obscurum & mortale genus, quod giganteum appellabant, nisi *Asiatico* mixtum, & ab insignis opinionis heroe deductum, (quale illud quod a *Fornipto* amplissimo

Re-

Rege descendit) pro stirpis suæ auctoribus agnoscere. Hinc plurimæ, quæ extant, genealogiæ (sunt enim bene multæ) Odinum Asiaticum radicem & basin constituunt. Hoc evincit superbum illud antiquissimis Skaldis in extol-
 lendis Regibus usitatum encomium. *Godkunnig att*, i. e. *divinum genus*, quod Deos, Odinum & socios, generis au-
 ctiores haberent; à quo non abludit vox Gothica *Goda-*
kunds. i. e. *nobilis* Lucæ XIX, 12. Quamta-
 m autem vi-
 cissitudinem induxerit ab Odino in septentrionem
 invec-
 ta superstitio, non difficulter colligitur ex ipsâ
 religionis istius natura, quæ vel sola ex imbellibus
 homuncionibus bellicosissimos, ex timidis fortissi-
 mos effecit; qui sponfore Odino, certo sibi post
 mortem, maximos honores & delicias in aula ejus
 pollicebantur, si bello fortiter occumberent, ubi tot
 ministrorum satellitio essent excipiendi, quot prælio oc-
 cidissent. Neque, (*verba sunt Bryniolfi Svenonii apud Ste-*
phan. Not. in Saxonem pag. 28.) ulla fere virtus togata „
 perinde in pretio erat, atque animi corporisque robur, „
 & quæ ad hostium stragem faciendam spectabat. Cæ- „
 tera magna ex parte contemptum habitæ, & ut viris „
 principibus indignæ, vulgares, mollicellæ, ac rejiculæ „
 videbantur, quam opinionem, quo firmitus agrestium „
 animis imprimeret Odinus, priscae simplicitatis atque „
 ruditatis interpolator, σαρδὸν φάρμακον excogitavit, „
 suadens post animæ a corpore separationem, eos de „
 mum apud se & alios Divos, qui a morte, Valicæ au- „
 læ imperitarent, perpetua voluptate fruituros esse, qui „
 sanguinariam mortem intrepide appeterent, nec per „
 ignaviam lecto affixi expirarent, velut convivas Asi- „

„ anorum epulationis deceret. Tum quo quis plures in
„ bello obruncaret, eo locum honoratiorem in com-
„ potatione illa immortalī consequuturum, persuasum e-
„ rat, pocillatoribus & ministris futuris occisori, quot-
„ quot occidisset. Hac misera vanitate se mortem solatur
„ sub ipsam Rex Daniæ Ragnar Lodbrok. Hinc illud
mortis genus, quod Mars imposuit, tanquam splendidis-
simum & heroibus condignum avidè expetebatur, cui si
inauditum quoddam fortitudinis exemplum accessit, im-
mortalī honore maclabatur. Suo id exemplo compro-
bat Hakius quidam, natione Norvegus, qui cum Sveci-
am occiso Rege Hagleiko, in suam potestatem redegis-
set, a devicti filiiis bello petitus, illos quidem in fugam
vertit, sed lethali vulnere sauciatus, navi cadaveribus &
ensibus conjunctim onustæ, vivum se imponi, ei que fa-
ces succendi mandavit; atque ita ardentis & omnia de-
pascentis incendii rutilante flamma coruscus in altum mo-
riturus navigavit. Præclarum facinus edidisse, & con-
dignam Regio fastigio mortem obiisse visus est. Hac re-
ligione persuasos posteros, quis amplius miretur ad om-
nia pericula obeunda, præfracto & obstinato animo præ-
ditos, imperium suum latè propagasse? Hinc factum est,
ut sinceri antiquitatis præcones, hanc insignem politæ
mutationem, rerum non Danicarum modo, sed univer-
si septentrionis, epocham, & historicæ relationis funda-
mentum posuerint; cum eorum præcipua cura, in poste-
ris erudiendis occupata, nihil nisi quod certum esset,
in literas & duratura monumenta referre permisisset, an-
tiquiorum vero temporum res obscurâ caligine obseptæ
& oblitteratæ essent, unde eas candido silentio præterire,
quam

quam effectis fabulis posteritatem decipere maluerunt.

Cum itaque de iis, qui ante Asianorum immigrationem terras has Arctoas inhabitaverunt, nihil fere habeamus, ab Odino, immigrantis istius cohortis Duce, uti mox dictum, septentrionalium rerum recensum incipere necessum est. De migratione illius suorumque *Snorrius Sturlaus* in Chronico suo Norvegico, postquam Asiaticum illius regnum, ejusque metropolim, vicinos populos, eorumque cum Odino bella & fœdera descripsisset, ita ait: I þann tima foro Rumveria höfðingiar vîða um heiminn, oc bruto undir sik allar þiðdir, en margir höfðingiar flyðo fyr þeim úfríð af eignom sinom. En fyr því at Odinn var forspær oc fíolkunnigr, þa vissi hann, at hans afkvæmi mundi um norðr halfo heimfins byggja. þa setti hann bræðr sína Ve oc Vilá yfir Asgard. en hann fór oc Diar allir með hönom, oc mikít mannfíolk. fór hann fyrst vestr í Gardaríki, oc þa suðr í Saxland. hann atti marga sono. hann eignaðiz ríki vîða um Saxland, oc setti þar sono sína til landgæzlo. þa fór hann norðr til síavár, oc tok sér bústað í ey einni. þar heitir nú Óðinsey í Fíone. hoc est: Sub idem tempus Romani principes orbem late peragrantes, omnes gentes sua potestati submiserunt. Multi igitur principes e regnis suis hac inquietudine profugi facti sunt. Et Odinus, magus insignis, & præcipua divinandi solertia præditus, gnarus se progeniemque suam, ad seros usque nepotes, in boreali mundi plaga imperaturum, fratribus Veo & Vilio regimen Asgardie demandavit, ipse cum omnibus Diis & hominum magna multitudine in Russiam profectus, illinc in Saxoni-

am concessit, & eam sibi passim subjugavit, filiisque suis regendam commisit. Inde in septentrionem versus oceanum procedens, insulam quandam inhabitavit, quæ nunc Odinsey in Fionia nuncupatur. De migrationis ejus tempore hæc in Eddâ habentur: Oc sva mikill kraptr fylgdi þessum
 „ monnum, at morgum olldrum fidar, þa Pompeius,
 „ einn hofdingi Romveria, heriadi i austrhalsuna, fly-
 „ di Odinn utan or Asia oc hingat i norðrhalsuna, oc
 „ þa gaf hann ser oc sinum monnum þeirra nosn. hoc
 est. Atque in tanta existimatione fuerunt viri illi, (agit de
 Trojanis, quorum laudes operose pertexuerat) ut mul-
 tis postea seculis, cum Pompejus, quidam Princeps inter Ro-
 manos, gereret bella in oriente, Odinus ex Asia in septentrionem
 fugiens sibi & suis comitibus eorum nomina indiderit. Immi-
 grationis Odinianæ tempus satis monstrat præfatio anti-
 quissimi carminis, quod Grottafaungr inscribitur his
 „ verbis: Skiollldr het sonr Odins er Skiolldungar eru
 „ frakomnir, hann hafði atfetu oc red laundum þar
 „ sem nu er kaullut Danmaurk en þa var kallat Got-
 „ land. Skiollldr atti þann son er Fridleifr het. er laun-
 „ dum red eptir hann. Sonr Fridleifs het Frodi, hann
 „ tok konungdom eptir fautr sinn i þann tid er Augu-
 „ stus Keisari lagði frid of heim allan. þa var Krístr
 „ borinn. En fyrir því at Frodi var allra Konunga ri-
 „ kaztr a norðrlaundum, þa var honum kendr fridrinn
 „ um alla danska tungu, oc kalla nordmæn þat Fro-
 „ da frid. id est. Skioldus nuncupabatur Odini filius, ex
 quo Skioldungorum prosapia descendit. Is aulam habuit &
 regnum moderarabatur, ubi nunc Danmarchia, tunc Got-
 landia (Gothia) vocabatur. Skioldo filius fuit Fridleifus no-
 mine,

mine, qui regnabat post eum. Fridleif filius Frodus dictus est, qui Regiam potestatem post patrem assumpsit, tempore quo Cæsar Augustus pacem toti mundo imposuit. Tunc Christus natus est. Sed propterea quod Frodus omnium septentrionalium Regum longe potentissimus fuit, adscripta est illi hæc pax, quousque Danica lingua se extendebat. Hanc pacem Nordmanni Frodii pacem appellant. Patet hinc evidenter Frodium illum pacificum, ab Odino tertium, tempore nativitatis Christi vixisse, eumque primum istius nominis inter Daniæ Reges fuisse, non, ut vulgò statuant, tertium; cui & omnes genealogiæ, inferius libro III. à nobis exhibendæ, favent. Et quod Frodus pacificus tempore Christi nati Danicis sceptris præfuerit, præter Saxonem testatur Olaf Tryggvini, Norvegiæ Regis, superstes oratio, quam ad populum, pro religione Christiana in regno suo, ad illud tempus idolorum cultui mancipato, plantanda, habuit: ubi evidenter demonstrat, quam ethnica superstitione, misero septentrioni ab Odino variis imposturis obtrusa, magna apud Norvegos tempore nati Christi incrementa cœperit post excessum Freyris, Regis Sveciæ, cui Sveci pacem illam miraculosam, quâ universus orbis ab armorum strepitu liber & immunis conquievit, tanquam auctori & datori, quemadmodum Dani & reliquus septentrio Frodio pacifico, ob prægrandem illius potentiam & amplissimi imperii majestatem adscripserint. Est autem Freyr inter Sveciæ Dynastas tertius, Frodio æqualis. Monstrat itaque prædicti Frodii æra, Asiaticam illam immigrationem non longe ante Christi nati tempora factam esse. Imò graduum ab Odino descendendum ratio nos perducit, ut eum patrio in Asia solo egressum esse credamus

O

mus

mus anno ante Christum natum circiter septuagesimo: cum scilicet Romani Mithridatem Ponti Regem acerrimè persequerentur, victoriciaque arma, uti ex *Floro* libro III. Capite IV. discimus, usque ad terminum gentium *Tanaïm*, lacumque *Maotim* proferrent; quibus, ut credi par est, deterritus Odinus, ad Bosphorum Cimimerium in Syndica, probante *Sheringhamo*, habitans, sedium mutandarum consilium cepit. At Edda, inqvies, emigrationem Odini refert ad Pompeii tempora, quæ anno à nobis producto inferiora paulum, Christi que nativitatem propiora sunt. Respondeo, exigui hic momenti esse aliquot annorum differentiam; & si strictè nobiscum agatur, conciliari facile posse Eddæ assertionem cum anno, emigrationi Odinianæ à nobis assignato. Etenim Pompejus Magnus (quem Eddæ auctor absque dubio intellexit) bellum illud confecit, quod Lucullus aliique Romanæ Duces militiæ cum Mithridate gesserunt, cum Odinus ex Asia discederet: cujus gloria cum tota penes Pompejum tandem maneret, uti ex historiæ Romanæ scriptoribus notum est, illius nomen præ ceteris belli illius Ducibus in septentrione celebre factum est; & ille, tanquam Principum longè maximus, eorum, quæ ab antecessoribus illius in oriente gesta sunt, auctor creditus; rerum Romanarum in oriente seriem non satis distinctè referentibus iis, qui post Odini tempora migrationem illius & alia isthuc pertinentia vel carminibus illigarunt, vel alio modo ad posteritatem demiserunt.

Hic Saxonum annales ad partes vocabimus, licet à nostris nonnihil discrepare videantur. Etenim reverà nobis non leviter succurrunt, & ad nostrorum concordantiam

tiam facili negotio reduci possunt. *Petrus Albinus* Niveo-
 montanus in opere, quod Novæ Saxonum Historiæ Pro-
 gymnasmata inscripsit, licet Artharicum primum Saxo-
 num Regem statuatur, tamen ipsius epocham supra octoge-
 simum annum, ante natiuitatem Christi non extulit.
 Novemdeinde ipsius successores enumerat usque ad Bo-
 donem, quem alio nomine Voden dici (Odinus in antiqui-
 tatibus nostris similiter *Vodinn* sapius appellatur) & an-
 tiqvisimum Saxonum Regem vocari tradit, putarique vi-
 xisse circa annum Christi CCLX. quem & patrem multo-
 rum regum esse dicit. Extant de hujus Odini majoribus
 posterisque dicti Albini versus in illius Avlæo Vetero-Sa-
 xonico, quod memorati libri partem constituit, unde pau-
 cos tantum de hoc Odino & ejus successoribus summa-
 tim exscribere libet:

- „ Emicat in tela gemmante Bodonis imago.
- „ Hic Rex consiliis ingens, ingentior armis,
- „ Patria regna domi beat, & foris ampliat illa.
- „ Qvin etiam felix, suscepta prole tot amplis
- „ Linquit heros regnis; quosdam sine nomine circum
- „ Stare patrem videas, & multis Regibus ortum
- „ Diversis præbere locis: venerabilis ille est
- „ Testis Beda, suis multos qui vidit ocellis
- „ Salve magna parens Regum, tuque Angila salve
- „ Terra, ducum patria, immutas quæ hoc tempore
 nomen

„ Angria, at antiquos cineres atque ossa reservas.
Et paulo post.

- „ Vecta partem sequitur de cujus nomine castrum
- „ Amnis & urbs superest.

Transit deinde ad nepotes :

- „ Witta subit, certis cui dat sapientia nomen
- „ Ominibus.
- „ Nec non Witgisluum Gothis optata ferentem
- „ Auxilia addiderant. *Tandem :*
- „ Post ingentem animis ingentem corpore & armis
- „ Hengistum effingunt, albo cui vertice fulva
- „ Cæsaries, pulchrique oculi, malæque rubentes,
- „ Mollia quæis nuper crispabant vellera barbam.

Ut autem facilius pateat hunc Bodonem vel Odinum, primum quem historiæ referunt Saxonum regem fuisse, atque ideo ei primum in illorum indice locum deberi, singula ex nostris antiquitatibus illustrabo, cum quibus per omnia fere conveniunt, si Chronologiam, quam velut incertam Albinus ponit, excipias. Unde annalibus nostris non exiguam fidem conciliari puto, præsertim cum antiquitatum Saxonicarum defectum citatus auctor, dum se ad Bodonis laudes præparat, his verbis queratur :

- „ Hæc partim nobis tenuissima fama revelat;
- „ Partim etiam densis penitus submersa tenebris
- „ Barbarie dominante domi & Mavorte furente
- „ Cum plus arma viri nossent, quam Pallados artes,
- „ Scribebant pauci, faciebant fortiter omnes.

Snorrius Sturlaus, qui Eddam composuisse vulgo creditur, ubi Odini majorum seriem recenset, hæc subnectit:

- „ Hans (*Finnz*) son Fiarlaf er ver kollum Fridleif, hann
- „ atti þann son er nefndr er Vodinn, þann kaullom ver
- „ Odin, hann var agætr madr af speki oc allri atgiörvi,
- „ kona hans het Frigida er ver kaullom Frigg. i. e. *Frid-*

kelfus Finno genitus filium habebat nomine Vodin, quem

nos Odin vocamus , virum in primis sapientem omnique
 decore præstantem , uxor ejus erat Frigida , quam nos
 Frigg vocamus. De eodem Odino sequentia ibidem
 mox subjunguntur : Odinn hafði spadam oc sua ,
 kona hans, oc af þeim vísfundum fann hann þat at nafni ,
 hans mundi uppi vera haf i norðr hálfu heimfisins ,
 oc tignat umfram alla konunga , firir þa sauk fyftiz ,
 hann at byria ferd sína af Tyrklandi, oc hafði með ,
 sér mikinn fiolda lids, unga menn oc gamla, karla oc ,
 konur , oc haufdu með sér marga gersémlika luti. ,
 Enn hvar sem þeir foru yfir laund þa var agæti mikit ,
 fra þeim sagt, íva at þeir þotto líkari godum en mon- ,
 num, oc þeir gefa eigi stáð ferdinni, fyrr en þeir koma ,
 norðr i þat land er nú er kallað Saxland, þar dvaldiz ,
 Odinn langar hriðir, oc eignaz víða þat land, þar setr ,
 Odinn til landzgæzlu þria sonu sína, er einn nefndr ,
 Veggdegg, var hann ríkr konungr, oc red fyrir austr- ,
 Saxlandi hans sonr var Vitrgils, hans synir voru þeir ,
 Pitta fadír Heingestz oc Sigarr fadír Svebdegg er var ,
 kaullum Svipdag. Annarr son Odins het Beldegg er ver ,
 kaullum Baldr. hann atti þat land er nú heitir Vest- ,
 fal. hans son var Brandr, hans son Friodigar, er ver ,
 kaullum Froda, hans son var Freovit, hans son Yvigg, ,
 hans son Gevis, er ver kaullum Gave. Enn þridi son ,
 Odins er nefndr Siggí. hans son Verir. þeir langfedgar ,
 redu þar firir er nú er kallað Frakland, oc er þadan sú ,
 ætt komin er kaullut er Vaulsaungar. fra aullum þessum ,
 eru stórar ættir komnar oc margar. h. e. *Odinus vates*
erat ut & uxor ejus. Hinc nomen suum in septentrionali mundi
plaga illustre ac præ omnibus Regibus celebre fore prævidit. Inces-
sit igitur cum cupido primò Turciam relinqvendi: unde secum du-

xit magnam hominum multitudinem senum juvenumque, virorum & mulierum cum varii generis ingenti thesauro. Quocunque hi homines pervenirent multa præclara de ipsis referabantur, ut similiores viderentur Diis quam hominibus. Nec prius sedem fixerunt, quam in regionem, quæ nunc Saxonia dicitur, pervenirent. Ibi Odinus per aliquod temporis spatium commoratus est, regionemque illam passim in suam redegit potestatem, sibi que asseruit & vendicavit. Ibi tres filios constituit præfectos, quorum unus erat Vegdegg, qui potens Rex erat, & orientalem Saxoniam possidebat. Ejus filius fuit Vitrgils, ejus filius Pitta pater Heingefsi, & Sigar pater Svebdegg, quem nos vocamus Svipdag. Alter filius Odini erat Beldegg; quem nos vocamus Baldr, hic possidebat terram quæ hunc Vestfalia dicitur. Ejus filius erat Brandus, ejus filius erat Friodigar, quem nos vocamus Frodium, ejus filius Trigg, ejus filius Gevis, quem nos vocamus Gave. Tertius Odini filius Siggis dictus est: ejus filius Verir, illorum successores tenebant terram, quæ nunc Fraclandia (Francia) appellatur, unde traducta est familia dicta Vaulsaungi. Ex horum singulis multe & præclaræ familie ortum ducunt.

His nostratium monumentis cum Saxoniciis accuratè collatis, mira emergit concordantia; nam quem illa Bodonem, eumque alio nomine Voden vocant, nos Odin & Vodin promiscuè appellamus, antiquissimas membranas secuti. Vecta illis, quem nos Vegdeg dicimus. Qui illis Vitta, nobis Pitta, & Vitrgilsis filius, illis ejusdem pater est. Ut igitur rerum Saxonicarum scriptores, non leve momentum nostris addunt monumentis, ita non leviter à nostris vicissim illustrantur. Cumque nostrates Chronologiam hanc accuratè tradant, & Odinum illum Asiaticum primum eorum Regem memorent, illique vicissim fateantur, Vodinum antiquissimum esse Saxo-

Saxonum Regem (vide Albinum citati libri fol. 119.): utriusque præterea scriptores eosdem Odini vel Bodonis successores & nepotes recensent, nos Odino isti primum inter Saxoniarum Dynastas locum dare audemus, eumque antiquiorem statuere Artharico & reliquis, qui ab eo ad Bodonem regnasse perhibentur, Saxoniarum Regibus; si modo illi unquam extiterent. Etenim Artharicus ille *Hunibaldi* auctoritate nititur, scriptoris, ut omnibus nunc notum est, futilis & nugarum plenus, qui tamen inferiorum Regum stirps esse debet. Præterea Saxonici regni epocha, quæ in Artharicum refertur, Odino directè competit. Et quæ de antiquissimis Saxonum Regibus vulgò traduntur, a multis viris doctis ut incerta, ne quid gravius dicam, tractantur. Nec ipse *Albinus* citati operis fol. 190. dubitavit, omnia illa ad fabulas referre, quæ de verustissimis Saxonum rebus apud Saxo-nem Grammaticum, Johannem Magnum, Crantzi-um, Panthaleonem, Bocerum, Aventinum & Trithemium reperiuntur; qui tamen fabulosum illud Saxonicae historiae tempus in Artharico definere voluit. Fuere (teste dicto Albino, allegati operis pag. 189.) qui Saxones circa annum Christi XXVIII. primò in Germaniam venisse statuerent; At eos in defectu peccare manifestum est, licet Saxonum nomen in historiâ Romanâ adhuc sit recentius; tempore nempe Diocletiani & Maximiniani primò, quantum constat, in literas relatum: tradente eodem Albino sæpèdicti operis pag. 190. Saxones enim *ex orientalibus regionibus, & Asia vel Scythia illa vastissimâ in Germaniam progressos esse*, memoratus Albinus operis huius sui pag. 36. scribit: & habuisse eos gentem vicinam in
orien-

oriente, Sacarum nomine, à quibus Saffones Ptolomæi, qui in Scythia vel Asia boreali supra montes Alanos citra tamen Imaum montem habitaverunt, reipsa dissentire non videantur. Sacas illos vel Saffonas vetustissimis temporibus in Germaniam transiisse, atque ab illis Saxonum nomen derivatum esse mox scribit; *etsi quo definito tempore, quibusve Ducibus & occasionibus id factum sit nullus authorum tradat.*

Nostri, ut id repetamus, de Saxonum rebus ante Odinum nihil penitus habent, cum tamen earum, quæ posterioribus temporibus contingere, pluribus locis mentionem faciant, Regesque eorum, ipsis Saxonum historicis præteritos, commemorent. Exemplo sit Budlius, Halfdani cujusdam Norvegiæ Reguli filius, qui debellatis Saxonibus, imperium in illos exercuit. Illius posteri ad sextum usque numerantur, inter præcipuos septentrionis Reges æstimati. Atlius illorum ultimus fuit, quem uxor ejus, duorum fratrum, Hunniæ Regum, dolo in regnum ipsius allectorum, truculentam necem ulta, incensâ aulâ, cum illi cœnam plusquam Thyesteam præparasset, (siquidem communes liberos, quos prius occidere sustinuit, patri epulandos apposuit) cum universâ familia delevit, immanis muliebris ferociæ execrandum posteritati exemplum facta.

Ab hoc loco alienum non est, quod supradictus Albinus fol. 178. scribit Westualos, Saxonum partem, Caroli Magni tempore forum quoddam judicarium habuisse, *Frigeding* vel *Frigerieht* appellatum; cujus etymon perspicuum est à Friggâ Odini uxore deduci. Eosdem Westualos Mercurii diem *Gódenstag* nominare Idem scribit fol. 69. Nos *Odinsdag* appellamus, nomine

ne à prædicto Odino defuncto. Unde hæc ipsa numina illic locorum in paganismo culta esse patet.

Ad Odini in septentrionem immigrationem redeo; Eam circa annum Christi LXX. contigisse nuper dictum. Et multo altius elevari non posse, vel illud argumento est, quod nec poetarum nostrorum ullus, nec, qui poetas secuti sunt, septentrionis historici, ingentis illius, Romanisque, si Mario caruissent, forte exitialis Cimbrorum expeditionis meminerint. Etenim si illa post Odini immigrationem facta fuisset, apud septentrionales in oblivionem haut venisset, qui longè minoris momenti res antiquissimas ad posteritatem demiserunt. Odinus autem, supra quem nulla nostrarum historia ascendit, ejusque focii, omnem antiquiorum memoriam delere allaborarunt, ut sibi divinitati conjuncta antiquitatis opinio apud posteros firma & inviolata maneret. Hinc illa, quæ ante eorum adventum his in terris gesta sunt, ac in iis Cimbrica illa expeditio, nostrorum veteribus parum cognita fuere.

CAPUT III.

Quo plures fuisse Odinos demonstratur.

Odinus uti in nostrorum monumentis primum locum obtinet, ita in iisdem à variis rebus celebratur. Omnia autem quæ de eo narrantur, nostrates ad unum hominem referre vulgo solent; illum nempe, qui, ut nuper diximus, LXX. circiter annis ante

ante Christianæ æræ caput has in terras migravit, ac Sigtunas in Svecia condidit; Upsalensis vulgo, sed minus accuratè dictus, cum ante conditas Upsalas mortuus sit. At plures fuisse Odinos, ex diligenti antiquitatum inspectione observari potest. Odinus ille Sigtunarum conditor, cujus filii sociique ad Daniæ, Norvegiæ & Sveciæ sceptrâ pervenerunt, secundum *Eddam & Langfedgatal* Frealafi filius fuit. Alium Odinum, Boræ filium, *Eddæ* Mythologia quinta suggerit, qui à priori plane diversus, illoque longè antiquior est, uti vel ex eo constat, quod Asæ (quorum unus erat Odinus Frealafi filius) de Odino illo Boræ filio, sciscitandi Ganglero multa referrent. Sub prioris illius Odini nomine septentrionales Solem adorasse putat Doctiss. *Verelius* Not. in Hist. Gotrici & Rolfi pag. 40. & rectè quidem meo arbitrato.

„ Consului, *ait* aliquando Ampliss. Dn. Stiernhielmium,
 „ quid ille majores nostros sub Odini nomine coluisse
 „ existimaret. Quid aliud nisi solem, inquit, quod vel
 „ ista clavis computi Runici verba probaverint: *Odin*
 „ *beter besta sina i betgbundin*: quorum verborum hic fe-
 „ re sensus est, Sol absoluto cursu novendecim anno-
 „ rum equos suos pabulo reficit; novum sc. cursum ite-
 „ rum orsurus. Pluribus aliis Odino huic Solis cultum
 dicto loco Verelius adstruit, præterque locum ex Diodoro Siculo, de cultu Apollinis, Hyperboreis solenni, nonnulla *Eddæ* testimonia producit. In primis quidem,
 „ *ait*, *Edda* memorat Alfauðr, sive summum rerum pa-
 „ rentem, per omne ævum vivere, res magnas & par-
 „ vas gubernare. Deinde quod summo parenti asseru-
 „ erat, Odino sive Soli vindicat, *his verbis*: Summus &
 „ antiquissimus Asarum (*Deorum*) est Odinus, rerumque
 omni-

omnium dominus; & quamvis ceteri Dii sint poten-
tes, ipsi tamen serviunt omnes ut parenti. *Item:*
Omniparens vocatur Odinus; quia pater est omnium
Deorum. *Item alibi:* Thor vocetur filius Odini &
Terræ. Terra vocanda est mater Thoris: sponsa Odi-
ni: pellex Fryggæ. *Addit Verelius:* De sole hæc om-
nia dici nemo negaverit; nam ut terra, uxor ejus,
magna mater, mater Deum, communis mater, in gen-
tili Theologia nuncupatur, ita a Sole, tanquam paren-
te, generari omnia & vitam accipere crediderunt. E-
legantem autem Thor, h. e. Tonans sive tonitru, fili-
us dicitur esse Odini, sive Solis, & terræ: quia Solis
calore excitati vapores terræ in nubibus densantur &
tonitrua edunt. Unoculus in Edda describitur Odi-
nus, & non nisi unus oculus mundi est Sol. Poëta-
rum præses est Phœbus, & nostrorum Skaldorum
Odinus; unde & carmen *Odins miod* h. e. *Odini mulsum*
dictum est. Hæc Verelius, pluraque alia addit, pro
cultu Solis in Odinum collato, & inter alia schema Ed-
dicum maxime notabile, in quo ad tergum Odini (pu-
ta Upsalensis, ejus qui Christi tempora parum præver-
tit) Solis imago coronata appingitur, tanquam simu-
lacrum prioris Odini. Idem ex *Eddâ* colligitur, quæ
postquam Odini nomina seu potius epitheta exposuerat,
hæc addit: þa mælti Gangleri, geyfi maurg heiti ha-
si þer gefit honom oc þat veit trua min at þetta mun
vera mikill frödleikr, þa er her kann skyn oc dæmi,
hyerir atburdir hafa ordit ser til hvers þessa nafns,
þa sagði Harr. mikil skynsemi er at rífa þat vandliga
upp, en þó er þer þat skiotaz at segja, at flest heiti

„ hafa verit gefin af þeim atburde, at fva margar sem
 „ ero greinir tungnanna i veroldinni, þa pickiaz allar
 „ þiodir þurfa at breyta nafni hans til sinnar tungu,
 „ til akallz oc bæna fyrir fialfum ser. *i. e.* Tunc Gang-
 „ lorus : perquam multa nomina ipsi (*Odino*) indidistis.
 „ Nec, mehercle, exigua scientia requiritur ad enodan-
 „ das causas illas & rationes, unde singula hæcce
 „ epitheta ortum traxerint. Imo vero, respondit Har,
 „ res est altioris indaginis; compendio tamen dicam
 „ plurima inde evenisse, qvð singulis nationibus qvæ
 „ terram incolunt, necessario videtur nomen ipsius ad
 „ lingvæ suæ indolem flectendum, in cultus & adora-
 „ tionis singulis necessarium usum. Hæc *Odino* illi, qv
 paulo ante Christi nati tempora huc migravit, perpe-
 ram applicari manifestum est. Neque enim omnes gen-
 tes illius notitiam habuerunt. Solem vero nulla non vi-
 det, ut eum hic sub *Odini* nomine intelligendum esse
 pateat.

Aliam de Sole mythologiam *Edda* fabula VIII. sup-
 peditat; ubi *Dellingus* qvidam, *Asarum* stirpe prognat-
 us, uxorem duxisse traditur *Nottem* (noctem), *Norii*
 vel *Narfii* gigantis filiam, (exemplar *Svecicum*, qvð
 sequitur *Rudbeckius* *Atlanticæ* Cap. VII. *Norvium* istum
Norem appellat, ejusque filiâ *Notte* prognatam esse
 ait *Jordem* (terram) qvæ *Dellingo* nupserit) atqve ex
 eâ progenuisse filium *Dagum* (diem) dictum, prolem
 patri venustate similem. Noctem illam Diemque pa-
 rens omnium, sive Deus, cælo imposuit, deditque e-
 quos duos & currus, ut circumirent terram. Nox
 prior decurrit, cum eqvo jubam pruinoso, qv i terram
 rigat

rigat spuma è morſu freni decidente. Dies fulgentieqvo vehitur, qvi juba ſuâ ætherem terramqve illuſtrat. Mythologiam hancce *Rudbeckius* dicto loco prolixè explicat, atqve ad Neptunum refert, Athini, ut vult, ſeu Odini nomine inſignitum. Nos per Dellinum Solem intelligi omninò credimus; Dagi enim vel Diei pater dicitur, proprietate Soli ſemper & ſuâ natura competente, qvi accèſſu ſuo diem reducit. Nec minus rectè Noctis maritus fingitur, qvum velut ex congreſſu cum nocte, dum in altero hemiſphærio verſatur, redux, diem procreaſſe videatur. Qvò ſi terram uxorem, ſecundum exemplar Svecicum ei adſcribamus, res eodem recidit. Cumqve in his mythologiis tam ſub Odini Boræ filii, qvam Dellingi nominibus Solem intelligi appareat, nos Dellinum cum Odino iſto eundem fuiſſe ſtatuiſſimus. Ceterum utrum hic Odinus unqvam inter homines fuerit, an Solem ita antiquiſſimi ſeptentrionales vocaverint, haut ſatis conſtat: nos tamen eum vetuſtiſſimis temporibus vixiſſe putamus, cultumqve Solis has in terras invexiſſe; addito fortè mendacio, ſe Solis filium, vel alium qvendam numinis cognatum eſſe. Ad Odini hujus exiſtentiam ſtatueſſam viam mihi ſternere videtur *Edda* Mythol. XLIX. ubi hæc habentur: En æſir: ſetiaz þa a tal. oc rada radum ſinum. oc minnaz „ a þeſſa fraſogn alla er her var ſagt. oc geſa noſn þeſſi ſomu, er adr voru neſnd, monnum oc ſtodum „ þeim er þar voru, til þeſſat þa er langar ſtundir li- „ di, at menn ſkylldi ecki iſaz i at allir væri einir, þeir æſir er nu var fraſagt, oc þeſſir er þau ſomu noſn „ voru geſin. *id eſt*: Tum Aſæ conſidentes collocti „

„ sunt & consularunt invicem, simulque easdem has
 „ relationes, quæ hic (*Ganglero*) narratæ fuerant, re-
 „ petierunt; atque his antedictis nominibus præsentem
 „ homines locaque appellarunt: ut multis post seculis
 „ nemini dubium esse posset, eosdem esse Asas istos, de
 „ quibus dictum fuerat, cum his, qui eadem nomina
 „ nunc assumerunt. Videmus hic antiquiorum Asarum
 „ seu Deorum nomina sibi sumsisse posteriores illos
 „ Asas, qui Odino Upsalensi Duce huc venerunt: Hæc
 „ Asarum & Dearum nomina fuere Odinus, Thor, Tyr,
 „ Freyr, Freya, Frigga &c. (de his enim relationes illæ
 „ quas *Ganglero* retulere agunt.) quæ sibi postea sumsisse
 „ apparet recentiores illos Asas; qui iisdem nominibus in-
 „ signiti apud *Snorrium* in Chronico Norvegico circa ini-
 „ tium occurrunt. Omnia itaque illa Deorum & Dearum
 „ nomina in septentrione culta fuere ante Odini Upsalen-
 „ sis adventum: quod & *Sturlaugi Laboriosi* vita confirmat,
 „ quæ templi cujusdam in Biarmiâ meminit, Odino Up-
 „ salensi antiquioris, ubi Thor, Odinus, Frigga & Freya
 „ culti fuerint; & præcipuè quidem Thor: in memoriam
 „ fortè beneficii quo libertas incolis ab infestatione gigan-
 „ tum ejus ope parta est; unde etiam gigantum domi-
 „ tor, trollorumque terror omni tempore audivit. For-
 „ tè inquam: neque enim satis constat utrum singulæ istæ
 „ de gigantibus victoriæ ad priorem illum Thorem perti-
 „ neant, an vero quædam illarum posteriori illi, Odini
 „ Upsalensis socio, qui prioris nomen invasit, attribuendæ
 „ sint. Superioris illius *Edda* in prologo meminit, eum-
 „ que ab insigni robore commendat. Verba illius hæc
 „ sunt: Einn konungr i Trojo het Munon edr Mennon,
 „ hann

hann atti dottur hofutkonungs Priami, suhet Troan, „
 þau attu son. fa het Tror. þann kollum ver þor. hann „
 var at uppfæzlu i Thracia, med þeim hertoga er „
 nefndr er Loricus. en er hann var x. vetra, þa tok „
 hann vid vapnum fodur fins. fva var hann fagralitum „
 er hann kom med odrum monnum, sem þa er fil- „
 bein er grafit i eik. har hans var fegra engull, þa er „
 hann var XII. vetra hafdi hann fullt afl, þa lypti hann „
 af jordu biarnstokum ollum senn, ok þa drap hann „
 Loricus hertoga foftra sinn, ok konu hans Lora, edr „
 Glora, ok eignadi fer rikit Tracia, þat kollum ver „
 þrudheim. þa for hann vida um lond, oc kannadi „
 heims halfu, ok fignadi einn saman alla berfer- „
 ki, oc alla rifa, ok einn hinn mesta dreka oc morg „
 dyr. I norðr halfu heims fann hann fpakonu þa er „
 Sibil het, er ver kollum Sif, ok feck hennar, eingi „
 kann segia ætt Sifiar, hon var allra kvenna fegri, har „
 hennar var sem gull, þeirra son var Loride. *Quod* „
ita vertit Stephanus Olai. Rex quidam Trojanus, no- „
 mine Memnon, Archiregis Priami filiam Troan ux- „
 orem habuit, cum qva filium, Tror dictum, (nostra „
 lingua Thor) suscepit. Hic in Tracia apud Ducem „
 quendam nomine Loricum educatus, decimo ætatis „
 anno armis paternis donabatur. Ita cæteros anteibat „
 pulchritudine, ut ebur fagum splendore, cum eidem „
 inſculpitur; ſiquidem capillus ſupra aurum nitebat. „
 Annum habens duodecimum in tam perfectum viri „
 robur adoleverat, ut decem pelles urſinas uno impetu „
 a terra facile allevaret. Ducem præterea Loricum, „
 proprium nutricium, unâ cum uxore Lora (vel Glo- „
 ra)

„ ra) interemit, sibique regnum Traciæ (nobis Trud-
 „ heim) subjecit. Multas denique regiones peragrans,
 „ mundique plagas perlustrans, centauros omnes & gi-
 „ gantes solus prostravit; ad hæc draconem immanem,
 „ multasque feras trucidavit. In septentrionali mundi
 „ plaga, fatidicam mulierem investigavit, nomine Sif,
 „ eandemque in uxorem accepit. Nemo est qui hujus
 „ Sif, sive Sibyllæ, generationem noverit. Capillo
 „ erat auro simili, superavitque formâ omnes, quæ tunc
 „ erant, mulieres. Cum hac filium habuit Loridum.
 Ab hoc Thore ad Odinum illum, qui Asis comitatus in
 septentrionem migravit; dictus liber XVIII. generatio-
 nes mox enumerat, hac serie: 1. Loridus; 2. Henre-
 dius; 3. Vingethor; 4. Vingener; 5. Moda; 6. Magi-
 us; 7. Cēspheth; 8. Bedvig; 9. Athra seu Annar; 10.
 Itrmannus; 11. Heremodus; 12. Skialdun vel Skioldus;
 13. Biaf vel Biar; 14. Jat; 15. Gudolfus; 16. Finnus;
 17. Frialafus vel Frideleifus; 18. Odinus. Verum gene-
 alogiæ huic non parum deesse, graduum numerus cum
 annorum ratione collatus evincit. Etenim viginti ge-
 nerationes à Priamo ad Odinum, septingentorum an-
 norum spatio circiter conveniunt, nec facile ulterius
 extendi possunt; inter Priami vero ætatem & immigra-
 tionis Odinianæ tempus, anni sunt plusquam MC. Sed
 quis tot seculorum decursu aliquot gradus interiisse mi-
 tetur.

Quod ad Thorem attinet, ethnica de eo superstiti-
 onis reliquias etiam hodie in rudis vulgi animis rema-
 nere testis est *Verelius* Not. ad Histor. Hervor. Cap. I.
 pag. 36. Nec gigantes tantum, ait, qui jam superesse
 desie-

desierunt, sed & dæmones Thoronis malleo (fulmine) conteri, stulta & pertinax vulgi est persuasio. Inde cum rupes, saxa, domus, antra, aut hujusmodi alia fulmine tanguntur, dæmones latibula ibi quærentes à Thorone indagatos, necatosque arbitrantur. Hinc non improvida, ut putant, cautio, ne Thorone fulminante, densam arborem, aliudve quod imbrem arcerere possit, foris constituti subeant, malintque sub dio densum & præcipitem excipere nimbum, quam caput subducendo pluviae, dæmonum periculis misceri.

Ad Odinos redeamus, eorumque numerum ulterius excutiemus. Vir in monumentis Islandicis bene versatus, *Biornus de Skardza*, de Runis opusculum scripsit, cujus Capite I. ex Annalibus Sæmundi Polyhistoris, mihi nunquam visis, sequentia refert: Og hefi eg fundid i Annalum þeim er nefndur Sæmundur prestur hefur samantekid, og Odda annalar kallaft, at artal hafi þa verid fra veralldar upphafi 3449. er Odinn edur Otthi vard kongur i Danmork, hvor framid hafi forneskiu med mesta galdri og giorningum, og nefndi folkid born sin epter honum, og svo þeim odrum Afsie monnum og þeirra kvinnum, er þeir kolludu Æsi og Æfur, Gvidi og Gvidur, Goda og Gidiur, Dya og Dyser. *i. e.* Inveni in annalibus, quos Sæmundus pastor collegit, quique Annales Oddenses nuncupantur, quod anno à condito mundo MMMCDXLIX. Odin seu Otthi factus sit Rex Daniae, qui magiam maximis susurris & incantationibus exercuerit; cujus ut & aliorum Asiaticorum, eorumque faminarum (quos Afas & Æfas, Gvidi & Gvidur, Goda & Gidi-

„ur, Dya & Dyfer appellarunt) nomina populus li-
 „beris suis imposuit. Idem *Biornus* in Commentario
 in Carmen Voluspa ex Annalibus Sæmundi refert initium
 regni Odini ad annum DCLXVII. à diruta Trojâ;
 excidium autem Trojanum ad annum mundi MMDCC-
 LXXXII. qvi calculus cum priori convenit. Quid de
 hoc Odino, qvi ex Sæmundi & eum secuti Biorni sup-
 putatione CCCCXL. circiter annis Upsalensi, ad no-
 strum calculum redactò, antiquior est, tenendum sit,
 aliis dispiciendum reliquimus. Nos eum cum antiquis-
 simo illo, sub cujus nomine solem olim cultum fuisse
 diximus, committere non audemus; nec in genuino-
 rum Odinorum numerum referre, donec de eo illius-
 ve ætate certius quid videre contingat. Non enim di-
 vinare possumus, unde is Sæmundo innotuerit, cum
 certum sit, nullam in septentrione genealogiæ seriem,
 nullum historiæ contextum supra Odinum, qvem vul-
 gò Upsalensem vocant, ascendere. Susplicamur itaqve
 Biorno hic glaucoma quoddam obvenisse; qvo impe-
 ditus pro Sæmundi scriptis acceperit recentis cujusdam
 Annalistæ Islandi excerp̃ta, ex vulgari quodam Danorum
 chronographo (ut conjicere licet) emendicata & deprava-
 tata. Id tamen reticere nolumus, viginti illas genera-
 tiones à Priamo, quas nuper ex Eddâ attulimus, huic O-
 dino, modo genuinus esset, ratione temporis melius
 quàm Odino Upsalensi convenire: quod tamen ad hu-
 jus existentiam probandam neutiquam sufficit.

Nec magis Odinorum numerum augere valet *Jonas
 Ramus*, qvi in suâ Norvegiâ Antiquâ & Ethnicâ Ulysses
 Odini nomen assumpsisse, ac eo modo Germanis impos-
 uisse

fuisse existimat. Etenim hæc opinio solâ nititur conjecturâ, cum tale nihil in vetustis monumentis reperiat ur.

Secundus itaqve in Odinorum ordine is erit, qui vulgò Upsalensis dicitur, ac Odinsalis, ut *Verelio* placet, resedit. Ad hunc Daniae Norvegiæqve ac Sveciæ Reges genus suum referunt. Haraldus Pulchricomus, Norveg. Rex, anno Christi DCCCLIII. vel. LIV. natus, per viginti septem generationes ab illo descendit. Estqve hic idem ille Odinus, à quo scriptores Anglici veterum suorum Regum stemmata derivant: sed inæquali graduum proportionem. Etenim Elfredus Anglo-Saxonum Rex, triennio ante Pulchricomum natus, viginti tribus generationibus ab eo distat: Offa Merciorum Rex, qui vixit anno Christi DCCXCIII. quindecim: Ida Northumbriæ Rex ad annum Christi DXLVII. per novem: Ella Northumbriæ circa annum Christi DLIX. Rex, per undecim gradus ab illo descendit. David Rex Scotiæ qui regnare cæpit anno Christi MCXXXIII. unâ supra triginta generationibus ab Odino distat. Graduum dispar ratio nonnullorum defectum arguit; quod & in nostratum genealogiis infreqvens non est. Ita Sigurdus Fasnericida, qui sæculo VIII. vixit, quinque tantum gradibus ab hoc Odino in *Floanorum historia* removetur: Herraudus, Ragnaris Lodbrochis Daniae Regis focer, qui bello Bravallensi circa annum Christi DCCXXXV. interfuit, tribus tantum generationibus illo est inferior: ut plura istiusmodi exempla taceam; quæ multorum graduum interitum manifestè arguunt.

Quæ de duobus Odinis à nobis dicta sunt, *Rudbeckii* sententiâ confirmantur, qui Atlant. Cap. VII. pag. m. 195. binos similiter Odinos agnoscit; unum, sub quo orbis dilu-

vium, reparationem, divisionem & imperiorum ordinationem contigisse opinatur: & alterum, cujus filii Moscoviam, Daniam, Britanniam, Germaniam & Galliam sub suam potestatem redegerint. Quod vero eadem pag. 195, scribit; Attini vel Odini nomine, tanquam proprio, ad minimum quatuor vel quinque homines usos fuisse, & adhuc plures illud idem pro certo quodam honoris titulo affectasse, id nobis nondum observatum esse fatemur; qui præter binos Odinos ex antiquitatibus nostris expiscari non potuimus: unum nempe vetustissimum illum Boræ filium, pro sole cultum, de quo præterea parum constat, & alterum qui LXX. circiter ante Christum annis huc venit, & prioris illius nomen sibi sumsit: imò, si *Gudmundo Andreae* (Not. in carmen Voluspa à Stephano Olai Latine redditum) auscultemus, eundem se cum priori Odino esse, ac per metempsychosin ita transformatum finxit.

CAPUT. IV.

*Quo Odinum Upsalensem maximam
mutationem septentrioni intulisse monstratur.*

Ex superioribus, satis, puto, clarè apparet, ante Odinum illum, qui Upsalensis vulgo dicitur, Asasque illos, quos is in septentrionem secum adduxit, alios iisdem nominibus notos, longe prius hæc cultos fuisse. Horum ut memoria posteris periret, sequior hic Odinus se suosque eorum nominibus appellavit; quo stratagemate tantum profecit, ut nunc præter nuda illorum nomina, ferè nihil de iis sciamus: nec quanto illum tempore præcesserint, conjicere valeamus. Nec sola hanc Odini vim passa sunt vetustissima ista septentrionis numina; hominum quoque his in terris ante se degen-

gentium non secus ac Deorum memoriam penitus delere omni studio allaborabat, idque ut nullius eo antiquioris vel theologiæ vel historiæ notitia apud posteritatem extaret : sed omnia ab hujus Odini, tanquam vetustissimi numinis temporibus exordium sumerent. Hinc est quod de septentrionis nostri rebus illo antiquioribus, parum sciamus, nec ullus historiæ contextus aut genealogiarum series supra eum ascendat : Saltem ex *Edda* & *Hervoris historiâ* discimus, terras hæc ante illius tempora gigantibus inhabitatas fuisse, sed quorum acta maximam partem, si non penitus, interiere. Hervoris quidem historia de Arngrimo, Hergrimo semigigante, Starcado Aludrenge, Storvirco ejus patre ac Alfhide ejus uxore, Alfi Alfheimorum in Norvegiâ Regis filiâ, nonnulla habet, quæ secundum historiæ illius dispositionem Odino antiquiora esse debent, secundum genealogiæ seriẽ illi ad minimum coæva, prout ex schemate, quod ex dicta Hervoris historia inferius libro III. Cap. I. adferemus, apparere poterit. Verum singulas illas res, quæ ibi recententur, Odino & Asis juniores esse certum est. Et in historiæ ipsius contextu, ingentem quidem temporum confusionem faciliè agnoscet, qui in *Gotrici & Rolfe historia* de raptu Alfildis & Starcadi nece per Thorem procuratâ eadem plane legerit, simulque animadverterit, Starcadi illius nepotem Starcadum, tum juvenem, Alreco & Eirico Sveonum Regibus militasse, quos circa seculi III. initium regnasse constat. Qvin & ipse Hervorianæ historiæ contextus, hæc quæ diximus confirmat, sequẽ ipsum evertit, tradendo, Alfum Alfildis patrem, filiâ per Starcadum raptâ, Thorem (qui Odini filius erat, ac itaque illo tempore posterior) votis

invocâsse, qvî Starcadum occiderit, Alfildemqve patri restituerit ; id qvôd de Thore jamtum mortuo & inter Deos relato intelligi debet. Ad dictam genealogiam qvantum attinet, illa nec majus heic pondus habet. Etenim Alfus ille, Alfheimorum Rex, cujus filiam Starcadus rapuit, qvî & tanqvam Afis coævus in Hervoris historia adducitur, alius esse neqvit, qvam Alfus (aliàs Finn alfus) Alfheimorum Rex & Eponymus, qvî secundum *Origines Norveg.* nepos erat Noris, atnepotis Fornioti, qvî Odino circiter coævus erat. Qvâ ratione Alfus septem generationibus Odino inferior est : patetqve inde evidenter, hant paucos gradus dictæ genealogiæ in medio deesse, interférendos, ut arbitror, si haberi possent, inter Svaflamium & Eyvorem seu Eyfuram. Ea ratione Odinus longè supra Alfum exaltaretur, ac sæpedita genealogia graduum multitudine reliqvas æqvaret, qvibus nunc multo brevior est, ob prædictam, ut videtur, lacunam dehiscens. Hildis, Haraldî Grandævi uxor, nono gradu illic ab Odino distat: maritus autem illius in Daniæ Regum genealogiâ, eodem libri III. Capite I. inferius exhibendâ, per sedecim generationes ab eodem descendit; qvî graduum numerus cum temporum ratione benè concordat, expensis scilicet in singulas generationes XXXVIII. præter propter annis, cum singulæ harum stemmatographiæ Hervorianæ generationum LXX. annos requirant, qvôd certè nimium est, &, qvem diximus defectum arguit.

Qvôd de cultu numinum illorum, qvæ antiquissimis temporibus hic in septentrione nostro adorata fuere, per Odinum obscurato vel extincto, nuper diximus, doctissimus agnoscit *Stephanius*, qvî

Not.

Not. in Saxonem pag. 135. de antiquissima gentium septentrionalium Theologiâ hoc modo differit: Hic „ jam consentaneum est, ut memor promissi, quo me in „ notis superioribus lectori obstrinxi, fidem meam ut „ cunqve liberem, traditurus in præsentî, quæcunqve se „ mihi, diligenter satis inqvirenti, in Antiquitatibus „ nostris, aliisque authoribus de Danicæ vetustatis nu- „ minibus hætenus obtulerunt. Satius vero duxi, ipsa „ monumentorum juxta ac autorum verba in medi- „ um adducere, quam iis immutatis, novam quasi Deo- „ rum septentrionalium historiam condere; quod homi- „ nis videretur nimis curiosi, & otio abutentis. Inter- „ vtuissima igitur documenta illud præcipuum est, quod „ de Odino nobis suppeditat *Edda*, liber de re poetica ve- „ tustissimus, cujus nonnulli autorem faciunt. Snorro- „ nem Sturlæsonium, alii Semundum Frode, id est sapien- „ tem. Postea cum *Eddæ* & *Chronici Norvegici* proli- „ xam narrationem esset persecutus sic concludit: *Hæte- „ nus Chronicon Norvagicum: à quo cum discesserimus, vix superant „ antiquiora monumenta, quæ nos de vetustissimis Danorum numini- „ bus, aliquid scilicet dignum edocere poterunt.* Ad inferioris i- „ gitur ævi scriptores descendit, inter quos familiam ducit *Olaus Magni Svecus*, qui eosdem Deos juxta cum nostris „ annalibus, & tres ex iis, veteribus Gothis paganis, prima „ veneratione observatos tradit: Thorum, Odinum & „ Friggam. Nec scriptor ille, quantumvis industrius, ex „ patriæ suæ monumentis antiquiora afferre valuit. At *Sva- „ ningius* Odinianæ migrationis conscius, alia quidem an- „ tiqviora numina à Danis culta esse statuit, sed ne unum „ ex iis nominatim expressit, Nec id profecto „ ex iis evincitur, quæ Saxo de Odino & Hardgreppa sagâ, „ gigan-

gigantis cujusdam filia, mox dicturus, generaliter præmisit. Nam gigantum & magorum, quorum Odinus facile princeps fuit, opera summam perficere, ut fidem historiæ, quam traditur erat, conciliaret, triplex quondam mathematicorum genus inauditi generis miracula discretis exercuisse præstigiis refert. Quæ verba non magis ad antecedentia quam insequentia secula sunt applicanda. Sed & *Arngrimus* & antiquitates Islandorum Saxoni consentiunt. Et ille, quidem primos Arctoi orbis incolas gigantes fuisse, & ab Odini posteris tandem à stirpe excisos opinatur. Præter jam recensitos Celeberrimos etiam *Olaus Wormius* nostris annalibus passim niveum calculum addit. Nec is septentrionem hunc nostrum alia Theologiâ antiquitus imbutum observavit, quam hac superstitione, quæ ab Odino & Asiaticis profuxit. Nil dissentit *Johannes Vassovius* in præfatione ad Vitem suam Aqviloniam, Odinum inter præcipua antiqui septentri-onis numina recensens.

Mutationem ab hoc Odino investam si accuratius inspexerimus, maximam eam variamque deprehendemus. Neque enim priscis illis, qui prius omnium septentrionem occuparunt, ea conveniunt, quæ de his prædicantur. Nimirum quod novam linguam intulerint, cum id in primis cultoribus notatu dignum non sit, ut nec, quod mores suos, ritusque usitatos invexerint, inque posteros derivaverint, id enim ubique in primis aboriginibus obtinet, nec aliter fieri potest. Quod linguam attinet, eam his populis vetustissimam fuisse, in quam antiquissimorum Gothorum nomina propria, tum etiam appellativa, quæ in rerum Gothicarum scriptoribus, ut lingvæ isti propria, occurrunt, aptè resolvi possint, non eget probatio-

batione; cum controversia careat, primos illos Gothos, Scandiam ingressos, linguam suam secum invexisse, eorumque posteros, inde egressos, magnam Europæ, Asiæ, Africæque partem victricibus armis peragrassæ. Ad linguam Germanicam ista nomina successu haud infelici redegit magnus ille *Grotius*, quorum index inter Gothicos scriptores, quos vel vertit, vel in ordinem digessit, extat; quæ cum pari felicitate ad linguam Danicam, vel priscam, vel hodiernam, reduci possint, illam primis harum terrarum hominibus in usu fuisse ratio dictitat, Danis, Norvegis, Svecis ac Germanis communem: Eam vero, quam *Odinus* induxit, non omnino diversam, sed dialecto tantum, quibusdam etiam vocabulis distinctam. Id quod convenientia linguæ Germanicæ cum septentrionalium regnorum idiomate facile persvaserit. Doctissimus *Sheringhamus* multus in eo est, ut linguam Gothicam, Scythicam & Gethicam, unam linguam esse, perque totam Scythiam invaluisse demonstret, Disceptatione de Anglorum gentis origine cap. XI. Nihil itaque mirum in iis, qui ab illis profecti sunt, linguarum commercia mansisse, licet ii, qui posterius ex Scythia egressi sunt, id ex parte inverterint; Gothorum enim sermo ex aliarum gentium vicinitate aliquantulum in Asia mutatus videtur, & proinde *Asamal*, sive *Asarum* sermo dictus, ut statuit *Sheringhamus* cap. XIII. Discept. de Anglorum gentis origine pag. 284. Quin & constat Caroli Magni ætate omnes barbaras ac feras nationes, quæ inter Rhenum ac Vistulam fluvios, oceanumque & Danubium positæ sunt, lingua quidem pene similes fuisse, moribus vero atque habitu valde dissimiles, teste *Eginhardo* ipsius imperatoris Cancellario, cujus solius testimonium

um fatis evincit lingvam omnibus communem ab uno traduce profectam, licet tractu temporis parum mutata fuerit.

Venio ad literas, quæ cautibus insculptæ ab hoc ipso Odino introductæ sunt; Runas nimirum, quas antiquissima *Edda*, quæ *Semundo* ascribitur, ei tanquam auctori inventoriqve vendicat; Extat nempe in eodem libro Oda, moralibus sententiis referta, atque ab ipso Odino, ut creditur, concinnata, sub titulo *Havamal*, ubi inter alia hæc leguntur:

Osnotr madr.
 ef eignaz getr
 se edr fliods munod,
 metnadr hanom þroaz
 en manvit aldregi
 framgengr hann driugt i dul.
 þat er þa reynt
 ef þu at runom spyrr
 enom reginkunnom
 þeim er gordo ginregin
 oc fadi fimbulþulr
 þa hefir hann bazt er hann þegir. i. e.

„ Ineptus homo, si adipiscatur opes & virginis amorem,
 „ intumescit magis, & nunquam sapit, & in obscuro
 „ delitescit. Illud tum compertum est, si de Runis illis
 „ Theomanticis interrogas, quas invenerunt magicis ar-
 „ tibus augusti Dii, & pinxit magnus senex: (*se ip-
 „ sum intelligit Odinus*) silentium ipsi convenientissimum
 „ est.

Clarius adhuc de hac re habetur in *Capite Runico*, cuius ipse Odinus auctor est. Verba illius, studia sua profitentis, hæc sunt: Veit

Veit ec at ec hecc
 vindga meidi a
 nætr allar nio
 geiri undadr
 oc gefinn Odni
 sialfr sialfom mer:
 a þeim meidi
 er mangi veit
 hvers hann af rotom renn.
 Vid hleifi mic seldo
 ne vid hornigi
 nyfta ec nidr
 nam ec up runar
 æpande nam fell
 ec aptr þatan. i. e.

Scio quod pependi ex arbore aerea noctes integras no-
 vem, gladio compunctus, & Odino datus, ipse ipsi mi-
 hi: in illa arbore, quam nemo novit; à quâ radice
 pullulaverit. Neque pane, neque poculo me sustenta-
 runt, cum dolore deorsum cecidi, auctor fui Runa-
 rum, lachrymans didici & denuo decidi.

Deinde postquam suam diligentiam in cognitione
 acqvirenda exposuit, hæc subjungit:

Runar muntþu finna
 oc radna stafi
 mioc stora stafi
 mioc stinna stafi
 er fadi fimbulpulr
 oc gordo ginnregin
 oc reist hroptr raugna.
 Odinn med asom

enn fyr alform Dainn
 Dvalinn oc dvergom fyr.
 afvidr jotnom fyr
 ec reift sialfr sumar. i. e.

„ Runas invenies & resolutas literas, prægrandes lite-
 „ ras, prævalidas literas, quas exaravit magnus fenex, &
 „ formarunt augusti Dii, & Deorum augur (*sic verba*
 „ *Hropt*) incidit. Odinus inter Afas (*Deos*), inter faunos
 „ Dainus, Dvalinus inter nanos, Afvidus inter gigantes,
 „ ipse quasdam incidi (*scilicet ex iis, quas hi reliqui usur-*
parunt).

Hic tam Runarum simplicium & elementarium inventionem sibi adscribit Odinus, quam resolutorum characterum, magicæ scilicet artis cultoribus familiarium, qui ex multis simplicibus componuntur, & integram vocem, unam aut plures, vel etiam exorcismum complectuntur. Nam resoluti ideo dicuntur, quod in multos simplices, ex quibus conflati sunt, resolvi possint & debeant. Qui enim in hac arte inoffenso pede procedere voluit, cujusvis characteris significativam constructionem callere debebat, ut singulis numinibus secundum suam professionem supplicaretur; secus facienti periculum imminebat. Ita Eigill Skallagræmus, decumbentis puellæ morbum ex hac ignorantia exortum colligebat, quam proci in arte rudis characteribus, sub strato occultatis, in sui amorem pellicere voluit, quo commento illi langvorem induxit. At Eigill, cum Runas branchiis ceti insculptas deprehendit, eas abrafas combussit, aliisque in locum eorum substitutis virgini sanitatem restituit.

Video quidem Clariss. Verelium Runogr. Scand. cap. IV.

a me

à me in eo dissentire, quod Runarum simplicium & elementarium (*Malrunas ille vocat*) inventionem Odino Upsalensi abjudicet; verum respondet ei *Thomas Bartholinus* Antiqu. Danicarum lib. III. cap. II. veritos nempe fuisse eum aliosque, ne abstrusa atque incomperta gentium septentrionalium antiquitas penitus convelleretur, nisi Runarum inventio Odini atque Asianorum migrationem transcenderet, ac itaque compertam sibi ex effosis tumulis profundiorē antiquitatem statuisset: de quo prolixè *Olaus Rudbeckius* in sua Atlantica egit. Sed cum opinionem eam, utpote haud firmo stantem talo, dicto capite Bartholinus refutaverit, satisque ex allatis testimoniis liqveat, Odinum literas illas secum in septentrionem intulisse, ulteriori disquisitioni in præsens superfedebimus.

Quod magiam attinet, opponi potest, quomodo Gylfius, Sveciæ Rex, magicis artibus cum Odino certare potuisset, si Odinus eas primus importasset. Ad quod respondemus. Cum magiæ species diversæ sint, juratusque humani generis hostis ubique obviis, poterant illi, qui hic fuerunt, quandam ab illa alienam callere, quam Odinus invexit. Neque enim Asiani illius, quæ *Seid* vocatur, & per ferventes ollas peracta fuisse creditur, ante Freyæ, Niordi filiæ, adventum, ullam cognitionem habuerunt: quæ adeo detestabilis & horrenda fuisse dicitur, ut ipsius ministerium fæminis demandatum fuerit, viris tantam spurcitiem execrantibus. Vanis tamen, Tanais accolis, illa in usu fuerat, & per Freyam, ex illis oriundam, Asis primum communicata. Id quod ex *Snorrii* Chronico MS. observavi; ad cuius normam, illud, quod typis impressum est, non raro debet emendari. Postquam autem

Odinus magiam hanc a Freya edoctus est, tam illam quam istam, characteribus famosam, in Arctoum orbem induxit, ut non immerito magicarum artium inventores Asæ sint habiti. De hac re ita *Snorrius* loquitur:

„ Allar þessār iþrottir kendi hann meðrunom oc liom dom þeim er galdr heita, fyrir því ero Æfir kallaðir „ galldra smidr. i. e. *Omnes has artes (magicas intelligit) per runas & rhythmos, qvi magici dicti sunt, Odinus docuit. Hinc Asæ rei magicæ inventores audiunt.*

Extat præterea illustris locus in *Edda Samundi*, Odâ quæ *Brynhilde* Oda inscribitur, quem, tum quod ibi Odinus Runarum & magicarum artium inventor statuatur, tum ut illi, qvi lingvam Islandicam non callent, cognoscant, quam intricatum & sphingicis ænigmatibus refertum sit scriptum istud, quod ne Oedipus quidem explanaret, integrum adscribam. Continet autem varia Runarum genera, quæ *Brynhildis*, *Budlii* Saxonix Regis filia, *Sigurdum* *Fafnericidam*, Regem celeberrimum, docet, precibus ejus ad philosophiæ, ut ibi habetur, cognitionem sibi ingerendam adacta, quod omnium mundorum (ut ita dicam, complures enim mundos veteres sibi imaginabantur) cognitionem habere existimaretur. Initium verborum *Brynhildis* tale est.

Bior færi ec þer
brynþings apaldr
magni blandin
oc megin tiri
fullr er hann lioda
oc licnstaða
godra galdra
oc gamanruna. i. e.

Cer-

Cervisiam five potionem, affero tibi, loricati fori co-
lumna (*incline heros*) grandi vi & prævalido Tyri
(*Martiâ efficacia*, *Tyr unus inter Asas Martis loco cul-*
tus est) medicatam, carminibus, propitiis characteri-
bus, bonâ magiâ & jucundis runis repletam.

Hinc plures Magicarum Runarum species recenset,
tandemque subjungit:

Hugrunar scaltu kunna
ef þu vilt hveriom vera
gedsvinnari guma
þær ofred
þær ofreift
þær um hugdi hroptr
af þeim legi
er lecit hafði
or haufi Heiddraupnis
oc or horni Hoddrofnis
a biarge stod
med brimið eggjar
hafði ser a hofði hialm.
þa mælti Mims haufut
frodlið it fyrzta ord
oc sagði sanna stafi:
A scildi, qvadriftnar, þeim er stendr
fyr seinanda godi,
a eyra arvacs,
oc a alsvinnis hofi.
a þui hveli et snyz
undir reid Raugnis.
a Sleipnis tonnom,
oc a sleda fiotrom.

a biar-

a biarnar hrammi,
oc a braga tungo.
a ulfs klom,
oc a arnar nefi.
a blodgom vængiom,
oc a bruarþordi.
a laufnar lofa,
oc a licnar spori.
a gleri oc a gulli,
oc a gumna heillom.
i vini oc virtri
oc vili seffi.

Agungnis oddi,
oc a grana briosti.
a normar nagli,
oc a nefi uglo.
allar voro affcarnar
þær er voro ariftnar
ochverfdar við inn helga miod
oc fendar a vida vega.
þær ro med afom,
þær ro med alfom,
fumar med vífom Vaunom;
fumar hafa menzkir menn.
þat ero bocrunir,
þat ero biargrunir,
oc allar aulrunir,
oc mætar meginrunir.
hveim er þær kna
oviltar oc ofpilltar
fer at heillom hafa.

Hæc secundum verborum nudam & externam significationem, quam tamen assequi despero, sic utcumque verto: Runas cardiales calleto, si quovis viro generosior fieri velis; illas exaravit, illas excogitavit Odinus, ex illo liquore, qui profluxit ex Heiddraupnis cranio, & Hoddrosnis cornu. Interea rupi insitebat fulgido cinctus gladio, & casside caput tectus. Tunc Mimeris caput sapiens primum effatum protulit, ac vera verba expressit; Clypeo incisas referebat, qui ante illustrem Deum esset collocatus, nec non Arvakri auri, & Alfvinni ungulæ, ac rotæ quæ sub curru Rogneris (*Odini*) rotatur, dentibus Sleipneris (*Odini equi*) & rhedæ ligulis, urfi pedi, & Bragii lingvæ, lupi ungvibus, & aquilæ rostro, sanguine respersis alis, & pontis extremitati, redemptoriæ volæ, & propitio vestigio, vitro & auro, & utensilibus virorum; vino, frutici, & Odini sedili; Gungneris (*gladius Odini sic vocatur*) mucroni, & Grannii (*equus Sigurdi Fafnericida sic vocabatur*) pectori, Parcæ ungvi, & bubonis rostro. Omnes fuerunt abrasæ quæ prius erant insculptæ, & sacro mulso immixtæ, & latè per vias (*terras*) sparsæ. Illæ sunt inter Asas; illæ sunt inter Alfes (*famos*); quædam inter sapientes Vanos; quædam habent humanam naturam præditi homines. Hæ sunt librariæ Runæ; hæ sunt auxiliatrices Runæ, & omnes cervisiariæ Runæ, & insignes robore præpollentes Runæ, cuicumque illas callet, non confusas & incorruptas in usum suum vertere.

Hoc unicum exemplum sufficienter docet Odinum Runas & magicos characteres primum septentrioni tradidisse, atque insuper quam anxie sub intricatissimis gryphis & involucris suam magiam occultaverit antiquitas,

ne cuius facile esset obvia. Nam hæc nequaquam ad verbum esse intelligenda patet ex tragœdia Gudrunæ Giukinæ, quæ in eodem codice legitur; ubi queritur se a matre sua Grimhilde, Gothicâ fæmina, (quod observandum) dum in Dania esset, vi potionis, magicis artibus præparatæ, quæ superiorum offensarum oblivionem induxisset, ad secundas nuptias fuisse allectam; verba sic sonant:

Færði mer Grimilldr

full at drecka
 fvalt oc farlikt
 ne ec facar muⁿðdac
 þat var um aukit
 urdar magni
 fva cauldrom fæ
 oc sonom dreyra.
 Voro i horni
 hiverskyns stafr.
 riftnir oc rodnir
 rada ec ne mattac
 lyngfiscr langr
 landz hadingia
 ax ofcorit
 innleid dyra.

Voro þeim biori
 baul morg saman
 urt allz vidar
 oc akarninn
 umdaugg arins
 idrar blotnar
 svins lifr sodin
 þvi at hon facar deydí.

i. e.

Por-

Porrexit mihi Grimhildis poculum ad bibendum, al-
gidum & dolorem adferens; offensarum obliviscebar.
Id vi fatali mixtum (*repletum*) erat, perfrigido mari,
& hostiarum cruore. Illud cornu continebat omnis
generis characteres sculptos & rubefactos, quos resol-
vere non potui, longum serpentem ex regione Hadin-
gorum, paleas non excisas, receptacula animalium,
(*hylam intelligo*). Multis ærumnis illa cervisia mixta
fuit: succo ex omnis generis ligno expresso, glan-
dibus & fornacis pluviâ (*cineres intellige*), animalium
visceribus aquâ emollitis & cocto hepate porcino;
quod iras mitigavit.

Hæc poculo contineri non poterant, quare allegori-
cæ tales locutiones sunt intelligendæ. Sic etiam suas litem-
ras intricare consueverunt, ut cum literam *ᚠ*. quæ *Os* no-
minatur, *Salmonum aulam* vocant. Nam omnes literæ
Runicæ significativè effieruntur, & *Os*: *ostium amnis* verti-
tur, in quo cum salmones lusitent, eorum aulam nomi-
naverunt, quod Excell. *Vormius* egregie explicuit in ope-
re suo Runicò. Quid vero per *Alfos*, *Draugos*, *Dverg-*
gos, *Vanos*, intelligendum sit, *Brynjolfus Svernonius*, se ni-
hil certi scire fatetur. verba ejus extant in notis *Stephanii*
in Saxonem pag. 66. ad illa Saxonis: *Accedunt Fauni Sa-*
tyri. Utinam, *inquit*, ipsum carmen quod autor trans-
tulit ac latinum fecit, superesset; videremus quæ voces
his latinis responderent, & tum fortean tenebroso
veterum sermoni, de variis *Alforum*, *Thussorum*,
Dvergorum, *Draugorum*, *Vanorum* generibus, quæ
nunc sola sunt nomina, lucem fœnerassimus. Hoc cer-
tum est duntaxat, diversas istas sive dæmonum sive
quod inducor ut credam medii inter ista cujusdam

„ (generis) naturas fuisse habitas: quò veterum septen-
 „ trionalium philosophiam penitus intelligeremus, sed
 „ hoc votum saltem est. Hæc ille. Sed longius a scopo me
 Eddicæ tricæ abripuerunt. Ipsa elementarium Runarum
 etymologia demonstrat, illas cum Odino & Asis huc illap-
 sas. antiquissimarum enim & simplicissimarum parstertia
Tyris att vocatur, id est *Tyris ordo*, quod à Tyre fuerit inven-
 tus. Nam in tres sectiones dispescuerunt veteres sua ele-
 menta, quarum prima *Fes* et à litera *P*. f. quæ *Fe* dice-
 batur, & illis prima fuit. Altera *Hagals* att à litera *X*. h.
 cujus antiquum nomen *Hagall*. Tertia a Tyre Deo, de
 quo in Edda. Ex his quadraginta circiter Runarum ge-
 nera profluxisse patet ex epistola *Arngrimi* apud Vormi-
 um Lit. Run. cap. V. Quam facile autem, vel levi unius
 literulæ mutatione, in alium sensum scriptio ista detor-
 qveri potuerit *Ragnaris Lodbrochis* historia in legatione Saxo-
 niæ Regis Atlii ad Giukungos Gunnarem & Hognium,
 luculenter monstrat. Concludit tandem *Snorrius Sturlaus*
 in Chronico Norvegico omnes has artes ab Odino tradi-
 tas esse; verba illius adscribam: „ þa er Asa Odinn kom
 „ a nordr lond oc med hanom Diar er þat sagt med fan-
 „ nindom at þeir haufdo oc kendo i þrottir þær er
 „ menn hafa lengi fidan medfarit. i. e. *Verè dicitur Asa-*
rum Odinum, cum in arctoas regiones Diis comitatus veniret,
eas artes induxisse ac docuisse, quas homines exinde per longum
tempus exercuerunt. Ceterum an Odinus Runas & cha-
 racteres ipse adinvenerit, an earum inventionem sibi ad-
 scripserit, in medio relinqvo. Illud satis probatum de-
 disse videor, quod ante Asarum immigrationis tempora in
 septentrione in usu non fuerint. Præterea in antiquissimis
 exemplaribus Eddicis *Runhofdi* id est *Runarum auctor*
 in-

inter alia Odini epitheta habetur, eo quod veteres præter illum & Asas nullum Runarum auctorem agnoverint.

Poesin si attenderimus, eam quidem, sed rudem & impolitam, hominibus omnibus à natura inditam sateri cogimur, perinde ac canendi facultatem; absque numeris autem nemo fere cantat. Et fuisse quidem vetustissimis gentibus quaecumque ligati sermonis genus, quod iis librorum vicem præstiterit, fuisse docet Cluverius Antiq. German. lib. I. cap. XXIV. Druidibus nimirum, genti Gallicæ auctore, *Cæsare*: Hispanis teste *Strabone*: Cappadocibus, qui Mazacenorum legum interpretém *ῥέψιδον*, i. e. *legum decantatorem* vocabant, teste eodem, quod in numeros leges istæ redactæ fuerint. Germanos majorum res gestas non nisi carminibus conservasse *Tacitus* scribit. Sic Antiquissimum Zoroastren *Hermippus* apud Plinium vices centum millia versuum de philosophia condidisse refert. De Lino *Diogenes Laertius* videndus; quem ipsum Adamum fuisse Cluverius persvasum habuit. Simile quoque carminum genus, tam ad sacrorum mysteria, quam rerum gestarum memoriam, ab oblivionis injuriâ vindicanda, procul dubio, multis ante Odinum, Christi seculo proximum, annis in septentrione usurpatum fuit, ut hic perinde ac alibi locum habeat quod scribit *Lactantius* lib. VII. cap. XXII. nempe: *poetas multo antiquiores esse, quam historicos & oratores & cetera genera scriptorum; & lib. V. cap. V. poetas multo priores fuisse, quam philosophos; & ante natum sapientie nomen pro sapientibus habitos.* Rudem tamen illam poesin, artisque magis simulacrum quam artem fuisse existimo; imo forte sine certis dimensionum regulis, nec meliorem carminibus il-

lis quæ quondam in Græcia ante Homerum, & in Italia ante Andronicum fuisse memorantur; vel

— *versibus, quos olim Fauni vatesque canebant.*

Politiuſ carminis genus. Odmus ille Upsalensis invexiſſe videtur, unde ei artis iſtius inventionem antiqvi tribuerunt. Ecce de hac re *Snorrii* teſtimonium in Chronico Norvegico. Odinn var gaufgaztr af ollom, oc af ha-
 „ nom namo þeir allar iþrottirnar, þvi at hann kunni
 „ fyrzt allar oc þo fleztar: *Et paulo poſt.* Hann taladi
 „ ſva ſniallt oc ſlett, at ollum er aheyrdo þotti þat eina
 „ ſatt, mælti hann allt hendingom, ſva ſem nu er þat
 „ qvedit er ſkaldkapr heitir, hann ochfogodar hans heita
 „ lioda ſmidir, þvi at ſu iþrott hofz af þeim i norðr
 „ laundom. *i. e.* Odinus omnium fuit præſtantiffimus
 „ & ceteri omnes artes ab eo didicerunt, quia iſ pri-
 „ mò omnes calluit, & tamen plurimas. *id eſt, plures,*
 „ *quam alios docuit.* Is tam lepidè & diſertè locutus eſt,
 „ ut omnes qvi audiebant, hoc unice approbarent; hemi-
 „ ſtichiis omnia effatus eſt, quemadmodum id hodie con-
 „ cinnatum conſpicitur, quod poeſis dicitur; ille & ejus
 „ augures, carminum auctores dicuntur, quia ars illa
 „ ab iſſis exorta eſt in ſeptentrione. Infinita poſeos
 „ epitheta recensentur, ab Odino & Aſis deducta, ut exem-
 „ pli gr. *mare Odini*, quod habetur in carmine Eigilis Skala-
 „ lagrimii, quod *Capitis redemptio* inſcribitur:

Vestr for ec um ver,

en ec vidris ber

munſtrindar mar; *i. e.*

Ex occidente veni, aſt Odini ſero memorialis regionis mare. In
 eodem carmine poeſis Odini muſſum dicitur:

Ber

Ber ec Odins miod
a Eingla biod. i. e.

Spargo Odini mulsam in Anglorum Regem. Sic alibi Phæris sanguis, liquor fontis Mimeris, Asarum donum vocatur; & centum talia extant epitheta, quæ Odinum poësin, quam nos antiquissimam Danicam cognovimus, septentrioni primum communicasse indicant; quorum accervus in Edda videri poterit.

Transeo ad alios ritus moresqve, inter quos agmen ducunt funerum solemnia, quæ hunc eundem Odinum induxisse *Snorrius* tradit, & his verbis describit: Odinn setti laug i landi sino þau er gengit haufdo fyrr med „
Asom, sva setti hann at alla dauda menn skyldi breina „
na, oc bera a bal med þeim eign þeirra. sagdi hann sva „
at med þvilikom audæfom skyllde hverr koma til val- „
hallar sem hann hafdi a bal. þess skyldi hann oc niota „
er hann sialfr hafdi i jord grafit. en auskuna skyldi be- „
ra ut a sía, eda grafa nidri jord. en eptir gaufga menn „
skyldi haug giora til minningar, en eptir alla þa menn „
er nockot mannz mot var at, skyldi reisa bauta steina „
oc hellz fa sidr lengi fidan. *Et paulo post:* Odinn var „
brendr daudr, oc var su brenna gor allveglig, þat var „
trua þeirra, at því hærra er reykin lagdi i loptit upp, „
at því haleitari væri sa i himninom er brennona atti, „
oc þess audgari er meira se brann med hanom. i. e. „
Odinus easdem leges in regno suo (*Svecia*) fancivit, „
quæ inter Asæos in usu fuerant. Is injunxit, ut om- „
nes mortui cremarentur, & quæ possederant una cum „
iis rogo immitterentur; unumquemq; iisdemopibus in- „
structum ad aulam Valicam perventurum pollicitus, „
qvas secum in rogam conferret. Nec minus ea cuivis „
usui

„ usui futura dixit, quæ terrâ ipse abdideret. Cineres
 „ autem in mare dejici, aut terræ infodi voluit. In illu-
 „ st. iu. n. vero virorum memoriam colles congeri, aliorum
 „ vero probæ notæ virorum lapides sepulcrales erigi
 „ mandavit; qui ritus longo tempore duravit. Odinus
 „ post mortem crematus est, rogiq; ipsius quam mag-
 „ nificentissime ornatus. Quo altius fumus, in aera pe-
 „ netravit, eo honoratiorem locum in cælo, is qui cre-
 „ mabatur occupare credebatur, atqve eo opulentior es-
 „ se, quo plus eocum rogo imponebatur. *Eundem ritum*
 Stephanius *Not. in Saxonem pag. 90. ut sequitur describit:*
 „ Primitus namqve defunctis iusta soluturi, in campo
 „ plano, juxta Regiam aut defuncti prædium sito, cir-
 „ culum miræ magnitudinis lapidibus efformabant, ob-
 „ longum tamen, viginti circiter orgiarum longitudine
 „ latitudine trium. In hoc defuncti cremabant cadaver.
 „ Cineres collectos urnis includebant, ac in circi medi-
 „ tullio locatos, grandioribus undiqve stipabant saxis;
 „ superinjecto latiori, quo cætera tegerent. Hinc totum
 „ circum lapidibus, arena, glebaqve terrestri replebant,
 „ ac in formam monticuli desuper collem extruebant,
 „ quem demum cespitibus tegebant, ut viriditate sua
 „ oculos prætereuntium recrearet. Passim in anti-
 „ qvitatibus *ἡ νεκροταφία* mentio injicitur, ut superva-
 „ caneum sit plura de illa hic referre. Nec ignotum
 „ est ritum illum orientalibus populis, & ut nervose pro-
 „ bat *Cluverius* Antiq. German. lib. I. cap. LIII. toti terrarum
 „ orbi inprimis fuisse familiarem, ut non sit dubitandum,
 „ eum cum Asis in septentrionem fuisse introductum. Nam
 „ omnes fere Asiatici fictilia vasa, quæ pulcherrima habe-
 „ bant, cum mortuis defodere consueverunt, ducti quadam
 „ vana

vana & stultaperfusione, futiliqve superstitione; nempe: præfides eorum Deos, quos genios appellabant, cum illis sæpe convivia celebrare, cibariaqve Deorum ex ambrosia & nectare concinnata eis afferre. Hæc vasa cum plurima effodissent coloni Corinthii, (quorum complures à Julio Cæsare Dictatore, ex libertinorum ordine ad urbem illam, quam Lucius Mummius ex senatus consulto evertit, instaurandam, translati sunt) ex mortuis divites fieri vulgo Romæ dicebantur, eo quod vasa illa, ex mortuorum sepulcris defumta, magno pretio propter artificum solertiam, atqve admirandam pulchritudinem venderentur, quæ divitum lautorumqve abacos, veluti si aurea argenteave essent, ornabant. Veniam igitur merentur veteres septentrionales, quod bonorum suorum non exiguam partem terræ, tanquam depositum in futuræ vitæ usum, concrederent, cum contumeliosissimum ducerent, post mortem opum splendore & magnificentia ab aliis superari. Nonnulla eorum, quæ hac intentione abdita sunt, humana industria postea occupavit, cum insignes athletæ, animi coporisqve viribus invicti, gloriæ magis quam opum studiosi, complures ejusmodi thesauros possessoribus, Satanica ferocia adeo inflammatis, ut illiscum sæpius manus conferrent, non absque præsentissimo vitæ periculo eriperent. Hic non omittendum Doctissimi *Verelii* de hoc argumento judicium, in notis ad Hist. Hervorianæ cap. V. pag. 80. dicentis: Snorrium in præfatione operis sui censuisse initium æræ *veſtforðar* seu *Brunaolld*, ultra Odinum non posse exaltari, cui deinde successerit *Haugaolld* (tumulorum ætas): antea vero tam principes quam plebem plana humo infossam, vel minoribus forte tumulis princi-

pes conditos. Cum autem (*addit*) ætatem *Brunaolld* ab
 „ *Haugaolld* distingvunt, non eum habet sensum, qvod
 „ tum primum tumuli congeri cœperint, cum desiere
 „ cremari corpora mortuorum; Imo congerendis tumu-
 „ lis initium præbuit ætas *Brunaolld*, cum collecti cineres
 „ saxi primum, inde aggesta humo contegebantur, ne
 „ ulla injuria violarentur. Qvod qvia in uno eodemqve
 „ loco subinde fiebat, hæreditaria enim erant sepulchra,
 „ crescebant tumuli novâ pulveris lapidumqve aggesti-
 „ one. Hæc ita esse experimento cognitum habeo, &
 „ qvi dubitabit, effossis tumulis ipse experiri poterit. In
 „ eo autem differunt *Brunaolld* & *Haugaolld*, qvod in illo
 „ cineres & ossa, in hoc integra & incombusta cadave-
 „ ra tumulis inferebantur. Qvod idem de ceteris rebus
 „ tumulo illatis dicendum est. In ætate enim *Brunaolld*,
 „ qvæ viventi domino chara fuerant, una in rogi in-
 „ gerebantur, voracibus flammis consumenda; in æta-
 „ te vero *Haugaolld*, integra tumulis inferebantur cum
 „ cadavere. Illud etiam hic observandum in ipsa ætate
 „ *Brunaolld* principes & heroas integrum sibi servasse, cre-
 „ marine an integri tumulis inferri vellent; prout de In-
 „ gvarø Frey liqvet ex Snorrone; de Olao Digrbein ex
 „ Olafs Saga. Andgrimi item filios, qvamvis, in ipsa æ-
 „ tate *Brunaolld* vixerint, Odini tempora attingentes, non
 „ crematos, sed integros tumulatos ex auctore nostro
 „ probari potest.

Judiciorum ordinem ab Odino institutum Eddæ prologus
his verbis memorat: Skipadi hann þar haufðingium i þa li-
 „ king sem verit hafði i Troja, setti XII. haufðmenn i
 „ stadinum at dæma landzlaug, oc sva skipadi hann ret-
 „ tum aullum sem fyrr haufðu verit i Trojo oc Tyrkir
 voro

voro vanir. *Hec ita vertit Magnus Olaf:* In urbe Sig-
 tunensi Odinus principes constituit XII. ad imitatio-
 nem Trojæ, qui leges tuerentur, & judicia exerce-
 rent secundum consuetudines Turcicas. *Innuir idem*
Snorrius, ita de Odino scribens. Enn Odin oc þa hof-
 dingia XII. blotudu menn oc kolludu god fin oc tru-
 du a lengi sidan. i. e. *Odinus cum collegis duodecim sacrificiis*
religiosè divinisque honoribus coli ceperat, Deusque vocari, diu-
que cultus est. Hinc dimanasse videtur mos diu retentus
 in septentrione, in causis gravioribus duodecim iudices
 deligendi, quem Rolfus Pedester, seu Robertus Primus
 Norinannicæ Dux, in Galliam invexit, & post eum Vil-
 helmus Conquæstor in Angliam, teste *polydoro Vergilio*
Hist. Anglic. Lib. IX. cum ibi antea non obtinuerit.
 Consentit *Sberinghamus* in annot. ad Discept. de Orig. Angl.
 cap. XII. pag. 272. Quid autem (*inquit*) Wodenus
 dicitur duodecim regni proceres sibi assumpsisse, iis-
 demque iurisdicendi in populum provinciam dedis-
 se, hinc forte illa nunquam apud nos fatis laudanda
 consuetudo invaluit, quâ duodecim juratis viris, quos
 patrio sermone *a iurie* idcirco vocamus, tota juris de-
 cernendi & litium expediendi potestas concessa est.

Quid de sacrificiis Odinus statuerit, *Snorrius* his ver-
 bis docet: þa skyllði blota imot vetri tilars, en at mid-
 um vetri blota til grodrar, et þridia at sunri. þat var
 sigrblot. i. e. Terna quotannis sacrificia solenniter ce-
 lebranda fuerunt; primum sub initium hiemis, pro
 cœli temperamento & clementiâ: secundum mediâ
 hieme, pro fertilitate terræ, & annonæ proventu: Ter-
 tium sub æstatem, pro victoria in posterum retinenda.

Præterea *Snorrius* memorat, incolas septentrionis

liberis suis, recens natis, Asarum nomina adaptasse, ut ex Odini nomine *Audun* profluxerit, ex Thoris *Thorer* vel *Thorarin*, & aliis appellationibus admittis *Steintbor*, *Hafthor*, & similia. Hæc autem mihi minus probantur. Nam ab ipsis primis priscisque Diis, in quorum majestatem personamque hi invaserunt, defluxisse, propius vero est, licet posteritas aliter crediderit. Absonum enim est, istorum Deorum nomina, quos antea coluerunt, in usum non fuisse recepta. Idem de diebus hebdomadis existimo; quamvis etiam sustineri possit, hos posteriores id in sui gloriam instituisse.

His argumentis tandem evicisse videor, nullos Danorum aut Svecorum scriptores ultra Odini hujus epocham se extendere. Concludo igitur, non meis sed antiquissimi libri, *Rimbeglae*, verbis: *Upphaf allra frasagna i norrænni tungu*, þeirra er sannynði fylgia, hefst þa er Tyrkir oc Asia menn bygdu nordrit. h. e. *Principium omnium historiarum in lingua Norvegica* (i. e. de populis Norvegica lingua loquentibus; Danis, Norvegis, Svecis.) quæ veris relationibus innituntur, incipit ab eo tempore, quo Turcæ & Asiani septentrionem incoluerunt. His astipulatur *Sturlaugi Laboriosi vite* initium, his verbis: *Allir þeir*
 „ menn sem sannfrodir ero oc þau tidinde vita at Tyr-
 „ kir oc Asia menn bygdu nordr lond, hofz þa tunga
 „ su er fidan dreif um oll lond. Formadr þess folks het
 „ Odinn, er menn reka ætt til. i. e. *Omnibus qui in antiquis*
memoriis versati sunt apprime constat, quod Turcæ & Asiani
septentrionem incoluerint: tunc illa lingua exorta est, quæ dein-
de per omnes regiones se dispersit. Princeps illius populi fuit
Odinus, ad quem posteri genus
referunt.

CAPUT V.

*Qvo Saxonis de Odino asserta
expenduntur.*

Binos tantum fuisse Odinos, qui divinos honores in septentrione nostro adepti fuerint, ex vetustis nostratium scriptis Cap. III. superius asseruimus.

At, inquiet aliquis, *Saxo*, qui Islandicis similiter antiquitatibus sua superstruxit, longè plures eo nomine insignitos ac divinitatis opinione claros suppeditat. Primum, Hadingo Daniæ Regi coævum, Upsalis sedem habuisse scribit, ac ob uxoris Friggæ impudicitiam exilium sponte subiisse, tandemque mortuâ conjugē reducem, divinum, qvo absens caruerat, cultum plenè recuperasse. Hadingus, secundum *Svaningii* calculum, regnare cœpit anno ante Christum natum DCCCXVI. qvo juvene Odinum hunc grandævum fuisse Saxo innuit, agnoscente id *Stephano* Not. pag. 47. Alter Mit-Ochinus est; qvi priore Odino exulante, divinitatis fingendæ occasionem arripuit, cæcosqve homines ad cultum sibi persolvendum præstigiis adduxit: sed mox imposturarum pœnas luit, profligatus à priore Odino, post conjugis obitum ab exilio redeunte, ac in Fioniam latibuli quærendi causâ secedere coactus, tandemque ab insulâ illius incolis occisus. Tertius Odinorum erit, quem Hothero synchronum *Saxo* facit; cujus filium Balderum cum Hotherus occidisset, Odinus, ne cædis illius ultor deesset, Rindam, Ruthenorum Regis filiam, invitam compressit, atque ex eâ Boum suscepit, qvi Balderi necem postea in Hothero ultus est. Hotherus, secundum *Lyfchandri & Svan-*

ningii calculum, regnare cæpit anno mundi MMMCD-XXIII. qvi ex *Lyfchandri* mente annus est ante Christum DXXXVIII. ex *Svaningii* vero DXXV. adeo ut, si vel maximè hunc Odinum in extrema senectute Rindæ stuprum intulisse velimus, attamen inter eum & priorem illum Odinum, Mit-Othini victorem, anni plusquam ducenti intercedant. Odinus hicce, ob stuprum Rindæ illatum & alias contra numinis dignitatem parratas res, ceteris Diis invisus esse cæpit; itaqve eum, abrogatâ divinitate, in exilium pepulere, suffecto in locum illius Ollero quodam; quem, ne quid amplitudinis deesset, Othini quoque nomine vocaverunt. Ollerus iste cum senatui Deorum decennio præfuisset, ab Odino, reduce, profligatus, in Sveciam concessit, tandemque à Danis occisus est: hic inter Odinos quartum locum occupabit. Quintus in eorum ordine erit Odinus, Frogeri pater. Frogerus ille coævus erat Frothoni Vegeto vel Secundo, qvi, ex *Lyfchandri* & *Svaningii* computatione, CCCX. post mortem Hotheri annis regnare cæpit. Frothone isto Vegeto annis CLXXVII. secundum *Svaningii* Chronologicam, ex *Lyfchandri* calculo CXC. annis inferior erat Frotho III. cujus tempore Starcatherus Odini consilio Vicarum Regem necavit. Post trecentos circiter exinde annos (*Lyfchandri* & *Svaningii* hic est computus) Odinus, Bruñonis habitum & personam assumens, inter Haraldum Hildetannem Daniæ, & Ringonem Sveciæ Reges, odia conflavit, Bravallensi pugnæ se immiscuit, atque ad ultimum Haraldum occidit. Idem, ut videtur, Odinus post triginta circiter annos Helleponticos fratres, Jarmerici hostes, ferro infecabiles, silicibus contundere docu-

docuit. Itaque si Saxonis Odinorum numerum ineamus, septem hac ratione inueniemus.

Ad ea respondemus, Saxonem quidem in operis sui præfatione Islandicorum monumentorum mentionem facere, eaque se secutum scribere. Verum satis diligentiae in iis rimandis eum non adhibuisse, superius libro I. Cap. VII. pag. 65. à nobis dictum est: & seriem illam Regum, quam is proponit, parum concinnam esse, ex integro operis hujus libro III. constabit. Ad multitudinem illam Odinorum quod attinet, ex Saxone colligere non possumus, eum præter unum solum Odinum agnovisse: (Mit-Othinum & Ollerum excipimus, quos Odino absente, divinitatem sibi arrogasse expressè ait.) Imò plures non intellexisse, ex eo apparet, quod distinctionis eorum ne verbulo quidem ullibi meminerit; quam absque omni dubio alias non omisisset. Certè is Odinus, quem Hadingo coævum facit, cum Balderi & Boi patre unus idemque est: ille nimirum, quem nos Upsalensem vulgo vocamus; quod ex libri III. Cap. III. ubi de Hadingo, & ejusdem libri Cap. VII. ubi de Hothero seu Haudo loquimur, manifestum fiet. Ollerum similiter Odino Upsalensi synchronum fuisse *Edda* testatur, quæ eum *Ullum* nominat. Quod autem Saxo Odino suo tam prodigiosam ætatem adscripserit, in eo illum parum circumspectum fuisse fateri convenit: & nos istam ejus hallucinationem libro nostro III. ulterius discutietur. Quæ de Odino, Starcatherum ad Vicarem occidentum subornante, Saxo scribit, de illo mortuo ejusve spectro intelligendum esse ex *Gothrici & Rolfi historia*, ubi eadem narratio legitur, abundè docemur. Idem de Odino, Haraldi Hil-

di-

ditannis occidere dicendum est. Cum itaque antiquissimus Saxonis Odinus ab Upsalensi nostro, uti mox diximus, alienus non sit, istæ dicti scriptoris de Deastro illo relationes nostram de Odino assertionem, aut migrationis Asiaticæ æram superius à nobis positam infringere nullo modo valent.

CAPUT VI.

Qvo Danielis Langhornii de immigrationis Odiniæ tempore sententia examinatur.

Odini sociorumque illius ex Asia in septentrionales hæscæ terras transmigrationem circa annum, qui ante æræ Christianæ caput LXX. fuit, contigisse, sæpius antea dictum est. Alia *Danieli Langhornio* sententia arridet, qui in Appendice ad Elenchum Antiquitatum Albionensium pagg. 18. 19. memoratam Odini irruptionem longe altius extollit, ac factam esse putat tempore, qvo Scipiones Romani Antiochum Magnum Asiæ Regem, debellarunt. Verba ejus integra adscribam: Scriperant Johannes Martini & Chronici Sveo-
 „ Gothici concinnator, Romanos ea tempestate præda-
 „ tum in alias provincias & regna procul exiisse, ea-
 „ demque subegisse; & proinde virum providum Odi-
 „ num, tanquam ex speculo prospexisse, futurum, ali-
 „ quando, ut populosæ illæ gentilium provinciæ Ro-
 „ manum jugum subirent, ideoque cum magna homi-
 „ num multitudine, quos eadem formido invaserat, dis-
 „ ccessisse. At longe aliis rationibus permotum abiisse,
 „ jam antea ex Eddâ & Chronico Snorronis Sturlæsonii
 Nor-

Norvegico ostendimus, quibus nec ipsum Chroni-
con Sveo-Gothicum refragatur. Quippe id, quod
nunquam factum est, quo utique pacto Odinus præ-
videre potuit? cum Asiaticam Sarmatiam Romani ju-
ris factam nullibi legimus. Interim in Europam ve-
nisse illum, quo tempore Romani victricia per Asiam
arma circumferrent, haud diffitemur. Id vero non
eum Lucullus & Pompejus Mithridatem & Tigranem,
sed cum Scipiones Antiochum Magnum debellarunt,
circiter annum ante Christum natum centesimum
nonagesimum, contigisse existimamus. A Paulo Dia-
cono Godan appellatur; unde juxta Sberinghamum Sialan-
dia (prius Wetalla heeth) post ejus adventum Goda-
nonia sive Codanonia, totumque illud fretum, insulis
circumfluum, sinus Godanus sive Codanus vocari cæ-
pit. Aliorum quoque locorum plurimorum in Russia,
Scandia, Dania, Germania, Angliaque nomina, par-
tim a se ipso, partim a posteris imposita, ejus memori-
am hactenus conservant. Filios habuit: Veldegium
(soli Malmesburiensi memoratum) Regum Cantiano-
rum, Caseram Anglorum Orientalium, Vitelgetam
Merciorum (Malmesburiensi Vitlegium, ni forsitan ille
ejus ex filio nepotem Vitlegium intelligat) Vegde-
gum Deirorum, Beldegum Saxonum Occidentalium
Regum, & Vintam Regulorum Lincolnensium
progenitores. Præterea Thørronem, Balderum,
Boum, Hemingum, Tyrum, Siggum, Scioldum,
Ingonem & alios. Ab Ingone (cujus posteri Inglin-
gar dicti sunt) pars Svevorum nobilissima lingvâ
vernaculâ *Ingling*s & *Inglicb* nominari videantur, un-

„ de a Romanis concinnata fuerit Latina *Anglorum* ap-
 „ pellatio. Idem *Langbornius* Antiquit. Albionens. pag. 340.
 „ sequentia scribit : Sunt qui illum (*Odinum vel Wode-*
 „ *num*) appellant Bodonem , atque Hengistum & Hor-
 „ sum verè ejus abnepotes fuisse , scilicet proximos ,
 „ volunt. Sed hoc *Antiquissimi* appellatio , à Malmes-
 „ buriensi ei tributa , non patitur. Nec si vir tantus
 „ illo , quo Hengisti abavus vixisse existimandus fue-
 „ rit , tempore Saxonibus imperasset , eaque facinora ,
 „ propter quæ tot populi divinos (ut Æthelwardus do-
 „ cet) ipsi honores exhibuere , patrasset , universos scri-
 „ ptores Romanos penitus latuisse poterat. Svevorum
 „ Saxonumque Reges (præter illos Principes Saxoni-
 „ cos , quos ad id solum genuisse Saxo Sialandicus vi-
 „ detur , ut Danis suis triumphandi materiam suppedita-
 „ ret) memorantur : Artarius , Ansonaricus , Ariovi-
 „ stus , Vilchinus , Maroboduus , Vannius , Vangio &
 „ Sido , Vidichindus , Priscus , Vilchinus & Marbodus.
 „ Romanis Svevorum citius quam Saxonum (remoti-
 „ us habitantium) nomen innotuit . Ariovistus , à Se-
 „ natu Romano Rex & amicus appellatus , omnes Gal-
 „ liæ civitates , ad se oppugnandum venientes , Ama-
 „ getobriensi prælio fudit ac superavit , posteaque cum Ju-
 „ lio Cæsare fortiter confligit ; qui ex Odini filiis fuisse vi-
 „ detur , ut & ille Rex Svevicus , qui Indos naufragos
 „ Metello Celeri , Galliam regenti , transmisit. Ultima
 „ hæcce de Ariovisto , cum Odini ærâ , priori loco à
 „ Langhornio positâ , non satis conveniunt. Etenim Ario-
 „ vistus , Scipionum Antiochique temporibus longe infe-
 „ rior fuit : quippe qui , supputante *Calvisio* , cum Iulio Cæ-
 „ sa-

fare pugnavit anno ante Christum natum LVI, ac itaque Odini, centum triginta, ut vult Langhornius, annis vetustioris, filius esse non potuit. Nisi eum heic per *filios* nepotum vel posterorum aliquem intellexisse velimus. Quidquid sit, ista de Odini & Ariovisti ut & Svevorum Regis cognatione, merâ nituntur conjecturâ, nec, me iudice, ullam fidem merentur. Ac desunt omninò, ut mihi videtur, Langhornio argumenta, quibus Odinum tot ante Christum natum annis in septentrionem venisse probet. Aliàs idem scriptor, præeunte Bryniolfo Svenonio, plures fuisse Odinos statuit Antiquitat. Albionens. pag. 339. eiqve suæ assertioni in *antiquissimi* voce, quam Wilhelmus Malmesburiensis Odino adaptat, subsidium quærere videtur. Nos ex isto Malmesburiensis epitheto nihil concludere possumus, nec illa quæ de pluribus Odinis à Langhornio dicuntur fundamentum habere arbitramur. Sed neque argumentum illud, quod ad Odinum adeo exaltandum, à Romanorum de eodem scriptorum silentio petit, rem conficere putamus. Nam scriptores illos cis-Rhenanos maxime regiones cognitatas habuisse, de septentrione autem nostro nihil fere scivisse, monumenta eorum abundè docent. Et quis exactam à Romanis expectabit earum rerum noticiam, quæ LXX. annis ante Christum (cum scilicet nullus eorum Rhenum transisset) in Borealibus hisce terris gesta sunt, quum Tacito gravissimo auctori, & qui, ut ipse testatur, sua scripsit postquam cives illius Romani per CCX. annos cum Germanis bella gesserant, de septentrionalibus Germaniæ pauca tantum, de terris, quas mare Balthicum à Germaniâ separat, adhuc minus,

& de Russiâ ac remotioribus in Boream regionibus plane nihil constituisse videamus? Stat itaque nostra de immigrationis Odiniæ tempore assertio, vetustorum scriptorum testimonio superius roborata: nempe immigrationem istam LXX. circiter ante æræ Christianæ caput annis contigisse. Ceterum Odinum, advenientis illius Asianorum cohortis Ducem, Hengisti & Horfi fratrum abavum, strictè sic dictum, non fuisse, Langhornio spontè concedimus: cum temporum ratio illius sententiæ validè suffragetur. Neque enim quatuor generationes DXX. annis (tot circiter à prædicto Odiniæ immigrationis tempore addictorum fratrum in Britanniam adventum, qui anno Christi CDXLIX. contigit, effluxere) occupandis ullo modo sufficiunt. Credendum itaque Hengistum illiusque germanum ex Odini hujus posteris fuisse, sed pluribus, quam vulgò scriptores tradunt, gradibus ab eo remotos,

CAPUT VII.

Quo Rudbeckii de gentium Septentrionalium antiquitate asserta expenduntur.

Olaus Rudbeckius, Professor Upsalensis, in Atlantica suâ, gentis Svedicæ originem a turris Babylonice ædificatione lingvarumque confusione repetit; tribus potissimum argumentis innixus. Horum primum dicti operis Cap. V. ducit à festi Juliorum anni que initio: quod festum à XXX. die Decembris primitus cœpisse ait, tandemque longo temporis decursu, ætate Olafi Skautkonungi, qui regnavit in Svecia circa annum

num reparatæ salutis millesimum, in diem XXV. Januarii incidisse. Idque ex neglectu redundantia unius diei in singulis MCCCII. annorum periodis, ex superfluis sex illarum horarum minutiis, quæ singulis annis supra CCCLXV. dies adjectæ sunt, & quarto quovis anno integrum diem intercalarem constituunt. Quæ minutia singulis CXXXII. annis, integrum diem faciunt. Quot igitur dies a primo illo festi Juliorum anni que novi termino, scilicet XXX. die Decembris ad eum diem quo Juliorum festum tempore Olafi Skautkonungi celebrabatur, profluxerint, (sunt autem dies XXV.) tot, CXXXII. annos, eo usque à primis illis Sveciæ Septentrionalis incolis, qui anni rationem inire cœperint, elapsos esse asserit: nempe MMMCCC. Annus autem nativitatis Christi millesimus erit secundum neotericorum computationem mundi circiter quinquies millesimus, unde si auferantur MMMCCC. anni, remanet annus Mundi MDCC. seculumque turris Babylonica. Illo tempore, extremæ Bothniæ cives cœpisse vult è montium cacuminibus Solis motum & anni initium indagare, festumque Juliorum XXX. mensis Decembris die, quo tempore ad Thornienses aversus diu Sol cœperit reverti, in honorem ejus celebrare, annumque novum ordiri: Assertionis suæ fundamentum facit *Procopii* locum, quo de Thulensibus traditur, quod postquam triginta quinque dies continuis in tenebris exierint, more veteri, in summa montium juga mittantur speculaturi; qui cum ab edito solem conspexerint, nuncient infra manentibus, quintum intra diem Solis jubar extitutum. Illi vero læti nuncio, quanquam in tenebris, conventus solennes celebrent, idque tempus iis maxi-

me festum esse. Juliorum festum hic describi vult *Rudbeckius*, idque in eum diem incidere, qui annum novum à vespera XXX. Decembris auspicetur, idemque ante Procopii tempora, longa seculorum serie obtinuisse, eo quod is *more veteri* ita consuevisse doceat. Mihi in tempore festi manifestus error apparet; id enim à prima memoria in Februario celebratum traditur. Nec mihi magis probatur, totius septentrionis incolas ab istis hominibus tempus moremque festi Juliorum celebrandi accepisse, Solemque eo anni tempore istis tantum reducem, hac solennitate in perpetuum gratulari. Neque enim patrem Japhetum, si vel maxime in Svecia unquam habitaverit, sedem præcipue istis in locis elegisse crediderim; nec ulla alias gentes, quam quas evidens necessitas eo compulit; quas verumilius est aliarum gentium more, temporeque aliàs recepto, sua Julia celebraisse: tanto etiam alacrius, quod recurrente festo, reditum simul Solis, jam diu expectatum, mutua lætitia expectarent. Et si singulis Scandinaviæ incolis, conspectus in montibus redeuntis brumali tempore Solis, festi illius causa fuisset, non utique idem anni dies omnibus festus esset, sed pro locorum diversitate variaret. Quod si quædam vis inest argumento, ab annorum MMMCCC. computatione desumpto, certe non tam facit ad demonstrandum, quo tempore primum Scandinavia culta fuerit, quam ad anni, a XXX. Decembris vespera incipientis, constitutionis usque à gentibus, forte quæ huc posterioribus temporibus migrarunt, inveci antiquitatem. Et si Sveciæ cultæ vetustatem inde metiemur, certè longè majorem erueamus. Neque enim hæc festa Juliorum dies in XXV. men-

menfis Januarii, Olafi Skautkonungi tempore primum transferri cœpit, sed maxima paganismi parte in usu erat. Id quod veterum scriptorum loca à Rudbeckio ipso dicti operis memorato Capite pagg. 101. & 102. adducta evidentè monstrant. Adducit præterea *Historia Hervoriana* testimonium, de verre, quem Heidrecus hoc eodem festi tempore Freyæ (non ut prave vertitur Friggæ) immolare consuevit. Ab Heidreki igitur ætate illos XXV. dies, si cum CXXXII. annorum periodis conferamus, certe turris Babylonica ædificationem, imò diluvii tempus, Sveonum illi primi annorum æræque Solaris conditores longe antevertent. Ætatem autem Heidreki, ex ipsius Rudbeckii chronologia infra annum Christi quingentesimum non deprimimus. Haraldum enim Senem ipse ad annum DXXX. refert, qui proneptem Heidreki, Hildem, uxorem duxit. Vixit ergo Heidrecus D. annis ante Olafum Skautkonungum, anno mundi MMMMD; ex quibus si MMMCCC. demseris, remanet annus mundi MCC. qui quadringentis annis diluvium anticipat; quo tempore solis in montibus Bothnicis recessum aut reditum, nemo ita observare potuit, ut annorum constitutorum ratio inde ad posteros dimanaret.

Secundum Rudbeckii argumentum in tumulorum sepulcralium antiquitate, ex atræ humi incremento monstranda, versatur; quam infinita prope experientia edoctus, tradit singulis D. annis ad unius tantum digiti crassitudinem excrefcere, quovis millenario ad duos, & sic consequenter, nusquam autem octo vel novem digitorum crassitiem excedere, quam mensuram diluvii tempori quatuor ab hinc circiter annorum millibus respon-

spondere docet, darique in Svecia tales colles sepulcrales, aut iis ætate proximos, de quibus prolixè cap. VI. disserit. Argumentum hocce incertum esse satis monstravit *Bartholinus* Antiq. Danic. lib. III. cap. II. pag. 654. Imo colles istos sepulcrales cespite tectos docet *Stephanus* ejus verba libri hujus Cap. IV. pag. 144. superius attulimus. Idem *Aurvar Oddi historia* de Angantyrus fratrumq; sepultura testatur his verbis: þa dro Oddr berferkina
 „ saman i eina kos, ok sveigir þar at utan mikla vidu,
 „ þetta var skamt fra sio, þar leggr hann hia þeim
 „ vapn þeirra oc klædi, rænandi þa engo, sidan þar
 „ hann at torf, oc eys eptir þat sandi at utan. i. e. *Oddus omnes Berferkos, nec armis nec veste spoliatus, in unum tumulum non procul a mari conjecit, congestisque arboribus septum, cespite textit, arenamque superinjecit.* Eodem ritu Eigill Skallagrimius fratri suo Thorolfo, in Anglia prælio cæso, tumulum excitavit, terra lapidibusque congestis. Notat quoque *Camdenus* in Ultoniæ descriptione, viris septentrionalibus in usu fuisse, ut singuli milites, prælio superstitēs, tantum terræ, quantum casside capere poterant, in occisorum tumulos aggererent. De sepultura quoque Eigilis Ullferki, qui Haconi Adalsteini alumno militavit, in *Snorrii* Chronico Norvegico legere est. *Værelus* præterea, ejus verba superius libri hujus cap. IV. pag. 146. exscripsimus, mortuorum tumulos terrâ contextos fuisse fatetur. Nil itaque mirum terram illam, collibus iniectam, profunditatis pingvedinisque gradibus differre, prout unus eorum altero crassiore pingvioreque cespite tectus erat; quæ proinde ad tumulorum antiquitatem adstruendam nihil momenti adfert.

Tertia à Rudbeckio allata ratio in expeditionum ex Sveciâ susceptarum profunda vetustate monstranda versatur; quarum primum ad Saruchi tempora circa annum mundi MDCCCC. refert: secundam duce Hercule, innumera cum hominum multitudine, intervallo temporis inter annos mundi MMCC. & MMD. additque inter primam hanc & secundam expeditiones, complures alias minores intervenisse: Atlant. Cap. XXXV. quod est de prima Deorum sive Regum expeditione pag. m. 777. Assertionis hujus suæ fundamentum statuit, Sveciam esse eam Atlanticam, de qua Plato, Apollodorus, Diodorus Siculus, aliique vetustissimi scriptores plurima commemorant. Inde quicquid de Atlantica dicitur, id Sveciæ jure convenire: inque argumento hoc totus fere liber, quem Atlanticam inscripsit, occupatur. Ad cujus perspicuum intellectum, præter auctorum, quos sequitur, diligentem cum antiquitatibus septentrionalibus collationem, etiam exactissima locorum Sveciæ notitia requiritur; centum enim & ultra rationes, ex illorum situ petitas, congeffit, fundamentique loco substruxit. Ne vero tanta gentis Svecicæ multiplicatio suspecta redderetur, ad originem ejus demonstrandam supponit: ab ipsa turris Babylonice ædificatione familias omnes in ultima terrarum dispersas fuisse, migrationibus haud populosis, quatuor aut quinque paribus una euntibus, ad unum locum, ut orbis terræ tanto citius ab omni parte incolas nancisci posset. Tot etiam, nec plures, illo tempore in Scandinaviam delatas existimat, seminarium deinde totius septentrionis incolarum factas. Verum cum Noachidarum primo illo annorum centenariio, ab anno mun-

di MDCLVII. ad annum MDCCLVII. progeniem non ultra decem millium paria demonstret, mirum spatio sesqui centum annorum, tantam tam infinitam profapiam ex istis quatuor aut quinque paribus pullulasse, ut non Scandinaviam modo vicinasque regiones, vastissimas quidem illas, repleverint, sed etiam remotissimas interjacentesque, bello obruerint & expugnaverint. Cum tamen haud sex hominum paria, nedum quinque aut quatuor, ultra triginta millia fœminarum totidemque virorum, secundum ejus hypothesin, tantillo tempore progenerare potuerint; id quod etiam Verelio scrupulum movisse constat. Sed nec immeritò dubitatur, an tam paucorum advenarum accessu terræ citius excoli potuerint, quam multitudinis; tempore licet posterioris, confluxu. Hanc de tantâ gentis suæ antiquitate vetustâque adeo in Sveciam hominum migratione assertionem, sequentibus argumentis Capite III. stabilire nititur. Primo: quod sacra scriptura dicat Deum dispersisse eos super faciem universæ terræ: At locum eum de eorum progenie ipsa scriptura alibi explicat, dum ex his, quas recensuit, familiis Noæ, divisisse se gentes in terra tradit. Secundo: quod *dispargendi* vocabulum de remanentibus Babylone, vel binis aut ternis aut decem millibus passuum inde remotis, capi non possit, cum hoc pacto dispersi essent conjunctissimi, sed de sexcentorum aut mille milliarium distantia intelligi necesse sit: Ego autem necessitatem istam videre nequeo. Tertio loco affert incommoda, quæ secutura erant, si ibi mansissent; annonæ nimirum caritatem, & promiscuas cædes. Ista vero brevioribus intervallis vitari poterant. Quarto: quod piscibus in lacubus domini ef-

essent præficiendi : Ast in montanis & alibi plurima stagna sunt piscibus abundantia, quorum curam hodieque nemo gerit. Quinto : quod plurimæ gentes se indigenas agnoverint, historica quippe fide, majorumque suorum relatione destitutæ ; At plurimi è vulgo, majorum suorum, præter parentum avorumque nomina ignorant, qui tamen eapropter pro aboriginum filiis non sunt habendi. Denique idem persuadere ait summam tranquillitatem beatitudinemque temporum, quæ neglectui historiarum occasionem dederit, cum historiæ cum bellis, quæ maxime tractant, cœpisse videantur. Sed quot bellicosissimarum nationum gesta oblivione sunt sepultæ ? Queritur illud de Danis *Saxo* causamque reddit. His positis ipsum Japhetum Sveciam incoluisse statuit, eundemque Neptunum & Atinum dictum, Saturni seu Noæ vel Boreæ filium Cap. VII. pag. m. 192. ut & pag. 365. pluribusque aliis locis : à quo deinde generationes omnes deducit, eas quæ Edda a Japheto ad Trojanos indeque ad Odinum ipsum recenset, Verum non assëquor, cum pro Neptuno Japhetum capiat, eumque Dellingi nomine in Eddæ Mythol. VIII. adumbrari velit, peregrinumque in Sveciam concessisse, uxoremque ibi natam duxisse statuat ; quomodo id de Japheto dici possit. Neque enim verosimile est, neptes suas aut proneptes eum duxisse, quod tamen concedendum, si hæc quatuor aut quinque paria, quæ huc primo migrârunt, originem ab ipso duxerunt. Rudbeckio adversatur nobisque favet *Sheringhamus*, Discep. tat. de Anglorum Origine Cap. VII. pag. 147. ubi nullam tempore Sarugi ex Asia in Septentrionem migrationem fieri potuisse his verbis adstruit : Ericum, (*Ge- 3,*

„ *thorum Regem*) Sarugi seculo infulas prædictas (*Dani-*
 „ *cas*) occupâsse , parum mihi probabile videtur. Or-
 „ bis enim nondum hominibus adeo exuberavit , ut
 „ ex Scandia , regione latissima , in vicinas infulas
 „ transferint ; si dicant Getarum totam gentem inter-
 „ mediis regionibus relictis , usque Gothlandiam &
 „ Scaniam ad terram explorandam una processisse , at-
 „ que solis amœnitate pellectos sedes ibi posuisse , ne
 „ sic rationes suas admodum scitè conficiant. Goth-
 „ landia quidem ferax & amœna regio est , sed a Baby-
 „ lone remotior , quam ut Sarugi ætate , qui mox a
 „ confusione lingvarum obiit , in illam aditus pateret.
 „ Terra enim adhuc inculta & , putrescente gramine ,
 „ quibusdam in locis palustris , quibusdam sentibus
 „ spinisque aspera , quibusdam etiam sylvis nemoribus-
 „ que obducta , homines transire quo vellent , tam ci-
 „ to non permittit : His adde impedimenta alia , flumi-
 „ num varios anfractus & obliqvos cursus , stagnantes
 „ item & resides aquas , altos , salebrosos & præruptos
 „ montes , arenâ & lapidibus confragofas & obseptas
 „ vias. *Et cap. XVI. pag. 407 :* Sed forte aliquis objiciet ,
 „ Magogum , Gomerum , Aschenem aut Thogarmam ,
 „ alias regiones Babylonis vicinas primum occupâsse ;
 „ quemvis vero eorum secundas colonias in Germaniam
 „ aut Scandiam ducere potuisse. Quis vero credat , si
 „ potuerint voluisse , cum Asia , pars orbis ditissima ,
 „ colonis passim caruit ? Chanaan siquidem regio per-
 „ quam exigua , a Babylonia non admodum remota ,
 „ quæque blanditiis & ubertate soli , colonos ad se ille-
 „ xerit , Abrahami temporibus ex hominum inopia
 „ multis in locis vacua & inculta fuerit. Ecquis puret
 „ Ja-

Japetum & filios suos relictis in Asia locis optimis, ad „
 asperas sterilesque regiones in Europa quaerendas, „
 magnos labores, magnaque pericula adiisse? Eodem „
Capite pag. 408. istiusmodi migrationis difficultatem his verbis „
ostendit: Illos (*Japetum ejusque filios*) inprimis vires „
 deficiebant, qui si ante dispersionem gentium mortui „
 non fuerint, id tum ætatis erant, ut inde ducendis „
 coloniis in longinquas terras impares omnino & in- „
 habiles redderentur, cum a diluvio ad illa usque tem- „
 pora, anni quadringenti, aut non multo pauciores „
 effluerant. *Et pag. 435.* Sunt qui dispersionem gen- „
 tium in nativitate Pelegi, id est annis 101. juxta chro- „
 nologiam sacram, à diluvio contigisse dicunt; sed „
 quomodo tanta hominum multitudo, tam exiguo „
 tempore coloniis in orbem deducendis sufficerent non „
 dicunt; Hebræi, ut in Seder Olam habetur, inter „
 diluvium & dispersionem gentium ter centenos & qua- „
 draginta annos, Fasti Siculi sexies centenos quinqva- „
 ginta & novem annos numerant. Ego de numero „
 annorum nihil temerè statuo, sed propter rationes „
 superius allatas, ædificium Babylonicum non nisi „
 post obitum Noachi extrui cœptum arbitror: cujus „
 etiam rei non leve indicium est, quod mox a confu- „
 sione lingvarum in sacra scriptura de migratione A- „
 brahami ex Chaldæa in Haran & promissione data a- „
 gitur. Erat autem tum Abraham septuaginta quin- „
 que annos natus: Noachus vero, ut ex sacra chro- „
 nologia patet, jam dudum vita excefferat. Divisio „
 igitur orbis male cum dispersione gentium a scripto- „
 ribus confunditur: illa vivente adhuc Noacho, ejus- „
 que consilio & arbitrio in nativitate Pelegi, hæc mul- „

„ tis post annis facta est ; cum hominum genus nini-
 „ rum ita diffusum est , ut poterant plures regiones oc-
 „ cupare. Orbem certe divisum esse ante structuram
 „ turris initam , illud satis innuit , qvod se mutuo ad
 „ id operis peragendum excitarent , qvo nomen sibi fa-
 „ cerent , anteqvam in totius terræ superficiem disper-
 „ gerentur ; qvibus de coloniis aliorum mittendis sus-
 „ ceptum esse consilium manifeste indicabant. *Idem*
 „ auctor pag. 411 : Terrâ à maris & fluminum ejecta-
 „ mentis liberatâ , aëreqve à tetrīs odoribus satis ex-
 „ purgato , per mundi rudera transitus insuperabiles
 „ prope molestias exhibuit ; ædificiorum ruinæ , arbo-
 „ res vi aquarum subversæ , vastissimi hiatus & lacunæ
 „ humo earundem decursu inducta , aliaqve impedi-
 „ menta obstabant. His conjunctim novæ difficultates
 „ viam obstruxerunt : tota planities , post annos pau-
 „ cos a diluvio , aut stagnum erat , aut sylva , vel a-
 „ quis ubiqve , vel teneris arboribus , rubis , fruticibus ,
 „ asperisque spinis recens exortis obducta. Ipsæ her-
 „ bæ tenuiores se in aristas , ramos brachiaqve spar-
 „ gentes , non leve negotium subministrabant : Hanni-
 „ bali certe per Alpes in Italiam quam Noacho ad no-
 „ vas sedes facilius transitus aditusqve patuit ; cui non
 „ invenienda , sed jugiter fabricanda via fuit. *Et paulo*
 „ post. Hispani certe in America locis diu incultis , ut
 „ Raleighus noster (Hist. mund. lib. 1. cap. 8. sect. 3.)
 „ auctor est , decem annis vix decem miliaria in medi-
 „ terraneis progressi sunt , qvibus tamen abundè ho-
 „ minibus atqve instrumentis omnibus necessariis pro-
 „ visum est. Qvomodo igitur ea tempestate poterant
 „ homines cum gregibus citato gradu per loca difficilia
 „ &

& inculta transire, qvi solis manibus pedibusque ute-
rentur; qvi instrumentis, qvibus opus erat, omni-
bus ad fossas lacunasque implendas, sylvas cædendas,
aliaque peragenda carebant? *Et paucis interjectis.* De
reliquo classes navesque deerant, qvibus veherentur,
& quarum subsidio lati maris pericula subirent. Pri-
mus omnium Danaus longa navi, quæ à qvinquagin-
ta remis Penteconterus dicta est, ex Ægypto in Græ-
ciam trajecit, cum antea parvis admodum navigiis
in rubro duntaxat mari navigaretur. Navigatio au-
tem hæc juxta antiquissimas Græcorum epochas am-
plius mille annos à diluvio suscepta est, si qua fide
marmora Arundeliana digna sint, qvibus historia
hæc, una cum tempore, quo res gerebatur, incisa est.
Subjicit deinde. Parum ante hæc tempora (quod ta-
men post mille annos a diluvio factum est) Phœnix
& Cadmus, Agenoris filii, ex Ægypto migrantes, in
Phœniciam navigandi artem advexerunt; unde à
qvibusdam inventi hujus gloria Phœnicibus tributa
est, cum tamen ea laus Erythræ Rēgi potissimum
debetur. De Erythrâ & Danao ita Plinius lib. VII.
cap. LVI. *Navem primus in Graciam ex Ægypto Danaus*
advexit; ante ratibus navigabatur, inventis in mari rubro
inter insulas à Rege Erythrâ. Post Penteconterum à
Græcis Argo navis maximè celebratur; quæ tamen
tam exigua vilisque erat, ut Græci fabulentur Argon-
nautas eam per terras humeris portasse. Argonauta-
rum sanè temporibus naves tam raræ & insolentes
fuerunt, ut nemo Græcorum ante Herculem ad me-
diterranei maris fauces penetraverit. Inter Hebræos
autem Solomonis ætate ars navigandi, si non penitus
igno-

„ ignota, adeo tamen inusitata fuit, ut Solomon clas-
 „ sem adornare aggressus. 2. Chr. 8. 18. tum naves,
 „ tum etiam nautas a Phœnicibus conduxit. *Hic sibi*
 „ *ipsi objicit Genes. Cap. X. vers. 5. dici, insulas gentium à Japheto*
 „ *& filiis suis divisas esse; Sed regerit:* Ita quidem Latina
 „ versio habet; sed vocabulum Hebræum *יָם* non so-
 „ lum *insulam*, sed in universum quamvis *regionem* aut
 „ *provinciam* significat, ut ex aliis scripturæ locis appa-
 „ ret; Tremellius in hoc ipso loco *regiones* vertit. Dein-
 „ de sacra scriptura insulas gentium à Japeto & filiis
 „ suis divisas esse, id est in divisione orbis hanc illis
 „ hæreditatem obvenisse testatur, sed è vestigio usuca-
 „ ptas esse non testatur. Totus enim orbis in diebus
 „ Peleg divisus, sed derepente totius usucapio & possessio
 „ acquisita non est. Postremo deerant homines, qui
 „ una cum Japeto & filiis in regiones tam remotas mi-
 „ grarent: ipsi enim viventibus, eorum in Asia colo-
 „ niæ nondum completæ fuerunt: ut ex ipsa sacra scri-
 „ ptura amplissima testimonia habemus. Abrahami si-
 „ quidem ætate terra Chanaan, quamlibet ferax, colo-
 „ norum inopia laboravit. Sic enim ille ad Lothum,
 „ Gen: 13. 9. *Nonne universa hæc terra tibi est exposita?*
 „ quibus in ea parte longè latèqve prædia fuisse vacua
 „ innuit. Quanta fuerit in terra Chanaan hominum
 „ penuria, illud etiam satis magno argumento est,
 „ quod ducentos circiter post hæc annos Simeon & Le-
 „ vi, bini homines, solis gladiis armati, totam ur-
 „ bem attriverint. Dolor certe è circumcissione tantus
 „ esse non potuit, quin viri, fœminarum & infantum
 „ ejulatu excitati, ad arma se contulissent, nisi res ci-
 „ tissime peracta, stragesqve edita fuisset. Eadem fe-

re tempestate Esau cum familia ex terra Chanaanegressus in transjordanas regiones cum paucis migravit, pulsisque & occisis Choræis, totam illam regionem in suam ditionem accepit; quam de suo cognomine Edom vocavit. Cum Jacob etiam in Ægyptum processit, tota terra Goshen inculta vacuaque adhuc permanfit. Imo longe post hæc tempora Ægyptum ubivis locorum adeo incolis casam extitisse liqvet, ut unius Jacobi progenies Ægypti totius reliquos colonos omnes multitudine anteiret, quorum tamen numerus, cum exirent, adeo exiguus tenuisque fuit, ut multo plures olim veterem Romam incolebant, & hodie Londinum incolunt. Phœnices postea a Josua suis agris ejecti, quo vellent ad novas sedes quærendas profecti sunt, urbesque plures in Asia, Africa & Europa, nullis renitentibus condiderunt. Reliquia quoque Trojanorum, vastato Ilio, natale solum patriosque lares deferentes, in Italia, præcipue autem in Britannia Galliaque, tunc quidem, ut traditur, magna ex parte vacuis, res suas instaurârunt: multisque post seculis Scoti Pictique, Gothicæ gentes, ex borealibus plagis migrantes, partem Irlandiæ, totamque Scotiam, tum quidem paucis in locis habitatas occupaverunt. Multitudinem sane hominum post bellum Trojanum nimium non increbuisse, hinc etiam apparet, quod Reges & principes pastores essent, & propter hominum inopiam non servis modo, sed filiis etiam Regis custodiendi greges provinciæ sæpe data est. David certe, cujus pater inter Hebræos princeps erat, post bellum Trojanum ovium custos constitutus est. Inter Græcos vero circa Argonau-

tarum tempora Reges opilioes fuisse, & vitam pastoralē egisse innuit Hesiodus.
Alios quidem ad septiportē Thebas, Cadmeam terram, Perdidit, pugnantes propter oves Oedipi.
Adhæc Scholiastes (Græcus).
Propter oves dicit: videlicet opes & regnum Oedipi ex parte, olim enim Reges pecuariam & pastorem vitam vivebant. Satis itaque eorum rationem mirari nequeo, qvi à data benedictione, genus humanum, ducentis minus annis, in tantum auctum esse statuunt, ut omnes terræ angulos, omnesqve recessus habitarent; cum vix adhuc a montibus in planitiem excefferant: aut certe ex instrumentorum defectu, ut in præcedentibus a nobis confirmatum est, valde lentos progressus fecerant. Sed dicat forte aliquis. Noachum instrumenta secum in arca detulisse. id quidem verisimile non est. arcam enim ipsos homines & animalia victusqve in annum necessarios continere potuisse, quibusdam miraculi loco habetur. Sed esto verum: parum id quidem hominibus conduxisset, cum brevi omnia frangi, exedi & assiduo usu conteri necesse fuit: cumqve artifices deerant, qvi nova fabricarent, & metalla insuper, ex quibus nova cuderentur. Artes enim & opificia propemodum omnia, longe post dispersionem gentium inventa sunt. Vulcanus omnium primus, ut Pælephatus tradit, ferri usum docuit, & in Deorum censum idcirco relatus est. Inter Græcas autem gentes Idæi Dactyli, Pandione Athenis regnante, ferrum primi invenisse & cudisse dicuntur. Benedictionem quod attinet ea quidem hominibus in universum, non Noachi filiis & nepotibus unice da-

ta est. Non fuerunt homines olim quam nostra ætate facundiores, si ex sacra scriptura rem æstimare velimus. Sem enim quinque, Japhet septem, Cham quatuor duntaxat filios suscepit: si quis porro reliquos omnes perpendat, nihil prorsus de facunditate hominum explorabit, quod non memoriâ nostrâ usu venire solet. Post benedictionem communem, Abrahamo peculiaris addita est, cujus tamen posterum septuaginta, juxta communem opinionem, Ægyptum ingrederentur, ducentis & quindecim annis in tantam multitudinem vix dum excreverunt, ut poterant unam parvam regionem occupare, quorum numerus præter Levitas & impuberes tenerosque adolescentulos tantum 603550. in sacra scriptura memoratur. Quota igitur multitudo ex tribus tantillo tempore, id est 215. annis nasci potuit? certè pene vices prædicto numero minor erit. Quota vero centum & triginta annis? vix quot tres parvas villas incoherent; quo tamen tempore Annii colonias totum orbem pervasisse inscitissime finxit, multique figmentis ejus credunt. Qui vero terram tam mox hominibus refertam esse contendunt, quæ de Nino narrantur crebro objiciunt. Fuit is, ut Eusebius tradit, post ducentos & quinquaginta a diluvio annos Assyriorum Rex, duxitque in exercitu, ut Diodorus Siculus refert, peditum decies septies centena millia, equitum millia ducenta, falcatorum currum supra decem millia. Ita quidem Eusebius & Herodotus. Si vero Herodotus de exercitu Nini vera refert, pessimè quidem Eusebius de tempore sentit; cum centum penè annis post mortem Nini, juxta Eusebii chronologiam, Abraham

„ ham Regem Assyriæ cum sociis & fæderatis Regibus,
 „ tercentenis tantum hominibus prostravit, & exerci-
 „ tus eorum delevit, quos nunquam tam exiguo nu-
 „ mero persequi ausurus esset, si tantas currum, equi-
 „ tum peditumque copias contraxissent. Certe poste-
 „ ri ejus, numero 603550. Ægyptiorum falcatos cur-
 „ rus sustinere veriti sunt, Ægyptiis tamen (ut ex præ-
 „ dictis conicere licet) multitudine superiores, nec
 „ minus armis cæteroquin instructi; utpote qui ma-
 „ gnâ pecuniarum vim, arma ad bellum cum Cananæis
 „ gerendum necessaria, & quicquid vellent ex Ægypto
 „ ferebant. Ex his, ut opinor, fidei consentaneum,
 „ cuique videatur, Japetum cum filiis suis, tam diu su-
 „ perstitis non fuisse, ut post regiones in Asiâ occupa-
 „ tas coloniisque repletas, novas in Europâ quærent,
 „ in Germaniam, Britanniam Galliamve migrarent,
 „ atque ut primis in Asia, sic etiam novis in Europa
 „ coloniis nomina sua inderent. *Uterius sese laudatus au-*
 „ *ctor explicat pag. 447.* Eusebio (*inquit*) astant contra
 „ tam Græci quam Romani Scriptores vetusti. Justi-
 „ nus ex Trogo Pompejo, Tanaum Getarum in Scy-
 „ thia Regem Nino antiquiorem fuisse narrat: Tanaus
 „ autem Argonautas ætate parum antecessit. Rectius
 „ igitur Eusebio, Illustrissimus Usserius imperium Nini
 „ ad annum mundi 2737. accommodavit: quo tempore
 „ Debora & Barak feliciter contra Siseram, Jabini Re-
 „ gis Ducem, pugnarunt. Græci vero quidam Ninum
 „ post bellum Trojæ vixisse, & imperium Assyrio-
 „ rum condidisse prædicant. Eustathius ad Dionysium,
 „ de Babylone: *Alii vero dicunt urbem hanc mille & octin-*
 „ *gentis annis Semiramide vetustiore esse.*

CAPUT VIII.

Quo asseritur, nil de tantâ gentium

*septentrionalium antiquitate concludi posse ex nominibus propriis terrarum, locorum, gentium, moribusve hominum, quæ ori-
enti cum septentrione communia apud vetustissimos
scriptores occurrunt.*

Evicinus hætenus, nec Sarugi ætate, nec proximè secutis aliquot seculis, ne orbis quidem Asiatici partes omnes usque ad Trojana tempora, incolis repletas fuisse: Unde concluditur, non potuisse septentrionem illis temporibus adeo hominibus abundare, ut defectu terrarum, ad sustentandam illam multitudinem habili-um, solum verterint; imò, ut volunt, postquam Germaniæ maritima, à se occupata, longo tempore infedissent, sedes ad paludem usque Maotim, regnaque Pontica transtulerint, expulsisque aut devictis indigenis, potentiam viresque suas in tantum extenderint, ut potentissimus Ægypti Rex metu eorum trepidâ fugâ regnum suum repetierit: mox Asiam populationibus attriverint, Amazonasque propagaverint. At, inquires, extant apud vetustissimos scriptores, gentium locorumque orientis nomina, quæ à septentrionalibus hisce populis derivata esse videntur, ac itaque vetustissimas nostratium in orientem migrationes satis monstrant. *Scandia*, Græciæ urbs, Laconiaque oppidum *Guthion*, occurrunt in Alexandrâ *Lycophronis*, poëtæ Græci, Ptolemæo Philadelpho æqualis. *Gutbeates*, Achaiaë sinus, *Plinio* memoratur Hist. Nat. lib. IV. Cap. 5. Quæ à Gothis seu Getis Scandianis denominata esse conjicit *Sheringhamus* sapius allegati libri

Cap. VIII. pag. 162. qvi, Zeuthe rerum potiente in Thracia, ipsam Græciam deprædati, plurimas civitates sibi tributarias captivasque fecerunt, *Thucydide* teste. Sed respondeo: conjecturis tantum ista niti; unde pari ratione credi potest, Getas ad Cimmerium Bosphorum, quos Gothis nostris originem nomenque dedisse pro certo constat, ante Gothorum istorum ab iis discessum, vel regressum ad eos, in Græciam infusus, memoratis locis ex gentis suæ nomine, aut partis alicujus regionis suæ, Scandiæ, licet nobis ignotæ, uti sunt Getarum plurima, nomina illa imposuisse. Et quantum ad Scandiæ nomen, illud antiquissimis Græcorum scriptoribus ignoratur, qvi, teste *Cluverio* German. Ant. lib. III. Cap. XXXVIII. pag. 655. septentrionales hæc terræ *Baltie & Basiliæ* nominibus appellarunt. Ignotum autem esse non potuit, si Scandia illa Græca à nostris Scandianis nomen traxisset. Neque enim verisimile est, illos, qvi nominis sui splendore gestorumque gloria non modo Asiam, sed totam quoque Græciam replevisse, ipsiusque illustrium ingeniorum monumentis celebrari meruisse traduntur, nullam regionis, unde originem traxissent, notitiam, ne nomen quidem secum devexisse. Nec magis Gothorum nomen Græcis antiquitus innotuit. Primus, quantum scio *eorum* meminit *Pytheas Massiliensis*, apud Plinium, scriptor trecentis, aliis quinquaginta minus, annis, Christo nato antiquior, qvi *Guttones* circa Prussiam littoraque, Sveciæ ac Helsingiæ opposita, situ valde diffuso collocavit, ut placet *Philippo Cluverio*; vel ex *Rudbeckii* mente ad Sveciæ marginem; quòd parum refert, dummodo sciamus mare illud, quod vastissimas, sive Sveciæ, sive Prussiæ adjacentiumque

ter-

terrarum oras alluit, *astuarii* nomine à Pytheâ vocatum esse.

Sed dices iterum: *Cimmeriorum* meminisse *Homerum*; quos à Cimbris septentrionalibus, ad Cimmerium Bosphorum migrantibus, prognatos esse, probatissimi scriptores innuant; inter eos *Strabo*, qui libro VII. *Posidonium*, integro seculo se antiquiorem, secutus ita ait: Non ineptâ conjectura colligit (*Posidonius*) Cimbro, „ cum essent homines vagi ac latrones, ad Mæotim quo- „ que lacum usque armis progressos; ab iis autem „ cognominatum Bosphorum Cimmerium, quasi Cim- „ briculum, quum Græci Cimbro Cimmeriorum nomi- „ ne affecerint. *Straboni astipulatur* *Stephanus in voce* „ *Ἀβροί*, Cimbrī, quos quidam Cimmerios vocant. „ *Nec dissentit* *Diodorus Siculus lib. V. cujus hæc sunt ver-* „ *ba*: Eorum, qui sub Arcton habitant, quique Scy- „ thiæ sunt propinqui, utpote ceteris agrestiores, non- „ nullos etiam ajunt humanis carnibus vesci. Horum „ fortitudine feritateque divulgata tradunt eos, qui priscis „ temporibus omnem fere Asiam discurrentes Cim- „ merii dicebantur, ipsos esse, qui paulo post Cimbrī „ sunt appellati; jam prisco more dant latrocinii operam „ rapientes aliena, ceteris omnibus contentis. *Accedit* „ *Plutarchus in Mario, his verbis*: Hos autem, quod nul- „ lum haberent cum aliis commercium, atque ex tra- „ ctibus advenirent longinquis, nemo noverat, qui mor- „ talium essent, aut unde profecti nubium modo in- „ cumberent Galliæ & Italiæ. Ex corporum tamen „ proceritate & cæcis oculis maxime, Germanicas esse „ nationes conjectabant, oceanum septentrionalem ad- „ colentium: & quod Cimbro Germani nomenent „ la-

„ latrones. Sunt qvi Celticam longitudine ac latitudi-
„ ne terrarum ab oceano septentrionalibus plagis ad orien-
„ tem, versus lacum Mæotim vergere, & ad Ponticam
„ Scythiam pertinere perhibent, atqve inde illas com-
„ mistas gentes. Has domo egressas, non uno neqve
„ perpetuo impetu, verum singulis annis, semper por-
„ ro progredientes, sub ver arma circumferendo pera-
„ grassè continentem Europæ. Qvapropter etsi diver-
„ sa singulatim haberent vocabula, tamen communi
„ adpellatione Celto-Scythas vocasse. Alii autumant
„ Cimmerios, qvi primi qvondam à Græcis sunt co-
„ gniti, partem exiguam fuisse universi, tantum cater-
„ vam qvandam profugorum vel seditiosorum, ab Scy-
„ this compulsam à Mæotide lacu in Asiam duce Lyg-
„ damio trajicere; maximam eorum multitudinem, &
„ bellicosissimam, in ultimis ad oceanum oris habere
„ sedes, regionem incolere ob profundas ac densas fil-
„ vas, quæ ad Hercynios usqve saltus introrsus perti-
„ nent, caliginosam, nemorosam & opacam. cælum
„ sortitos quæ polus septentrionalis, ex parallelo-
„ rum inclinatione sublimis, parum distare videtur
„ ab imminente incolarum vertici puncto, ubi di-
„ es brevitate & prolixitate pares noctibus in partes duas
„ secant anni tempus; unde argumenta suppeditasse Ho-
„ mero fabulæ, de inferis scribenti. Atqve inde hos bar-
„ baros in Italiam movisse; qvi primum Cimmerii, tunc,
„ non absone, Cimbri dicti sunt. His innixus *Sheringhamus*
„ sæpius allegati operis Cap. VIII. pag. 155. 156. disertè sta-
„ tuit Scandziæ populos, nativis in septentrione sedibus re-
„ lictis, in Scythiam, Duce Filimere, migrasse, expulsisque iis,
„ qvi ad Cimmerium Bosphorum tunc habitabant gentibus,
„ sedes

sedes earum occupasse, atque exinde Cimmericos dictos fuisse: addit, hos Cimmericos esse, de quibus scribat Herodotus. Sed respondet ad ista *Cluverius* German. Ant. lib. III. cap. XXII. Cimmericorum & Cimbrorum nomina perperam Græcos confudisse, gentem in omne genus fabularum semper pronam; occasionem autem tam absurda de Cimbris fabulandi ex eo desumfisse, quod populi quidam temporibus antiquissimis ad Mæotim lacum & Ponticum mare fuerint, haut multum ab simili nomine, Cimmerici. Itaque non nisi nuda conjecturâ, Cimbrorumque & Cimmericorum nominum nihil probante similitudine niti eos, qui ista statuunt. *Cluverio* *Grotius* suffragatur, Prolegom. in Scriptores Gothicos pag. 6. asseverans Græcos Cimmericos cum Cimbris confudisse. Et quod *Homeri* Cimmericos attinet, ipse fatetur *Sheringhamus* pag. 61. per eos intelligendos esse Italos in Campania ad finem Bajanum juxta Puteolos sedentes, ubi lacus Avernus, quæm antiqui ob tenebras, tetrosque odores, inferni limen esse putabant.

Ad Gothos redibimus: Urgebis fortè, eos Scandiâ primum ortos esse, indeque antiquissimis temporibus egressos, post varios itinerum anfractus, tandem in Scythiam pervenisse, ibique notissimam celeberrimamque Getarum gentem Amazonasque progenuisse; prout hæc omnia constare possint ex sæpèdicto *Sheringhami* opere Capp. VII. & VIII. qui & pagg. 137. 177. asserat Gothorum hunc in Scythiam ingressum contigisse diu ante Argonautarum tempora. imo, ne ulla dubitandi occasio superfit, integris tribus capitibus. IX. X. XI. tam præstantissimorum ex antiquitate Scriptorum testimoniis, quam utriusque gentis lingvâ moribusque evidenter monstret,

Gothos Getasque unam eandemque gentem fuisse. Adjicies, satis probasse *Grotium* Prolegom. in Scriptores Gothicos, habitare adhuc ad Mæotim paludem Gothos, qui sese hoc nomine vocent, terramque suam Gothiam; Unde necessario sequatur non de nihilo esse eorum sententiam, qui examina hæcce hominum ante tot secula his è terris egressa esse velint.

Ego Gothos olim Scandiâ exiisse concedo; Id vero longe ferius, quam existimat Sheringhamus, factum esse, inferius videbimus. Unde Getas Amazonasque Gothorum nostrorum progeniem non esse sequitur. Fuisse autem Getas Gothosque unam eandemque gentem, ultro fateor: sed ea ratione, ut Gothos nostros à Getis primitus ortos non dubitem. An Gothos istos, qui ad Mæotim nuper vixerunt, & forte hodie vivunt, progenuerint, hic determinare nil refert. Itaque vetustissima illa, quæ Getæ per Asiam & Græciam egisse scribuntur, non ad Gothos Scandianos, sed majores horum Getas, vetustos Asiæ incolas, eorumve posteros, Gothorum nostrorum cognatos, pertinere arbitror. Nihil igitur ex nominibus hisce locorum populorumque, moribusve gentium, de immensa illa septentrionalium gentium antiquitate concludi potest.

CAPUT IX.

Quo antiquissimæ Scantianorum emigrationes expendantur; ostenditurque, nihil ex illis de tantâ septentrionalium gentium vetustate concludi posse.

Sic

Sic eorum argumenta diluimus, qui cum locorum gentiumque nomina moresve populorum, hic & in oriente similia deprehenderent, inde concluderunt, antiquissimis temporibus ex septentrione nostro emigrasse populos, qui nomina ista consuetudinesque secum in orientem detulissent. Sed nondum omnia exhaustimus, quæ de migrationibus istis dici possunt. Excutiemus ergo paulo uberius ea, quæ de vetustissimis nostratum in peregrinas terras expeditionibus vulgo traduntur; monentes interea, nihil ex incorruptis patriæ documentis adferre eos, qui de expeditionibus illis scripserunt; nec Saxonem quicquam de iis literis mandasse: quod facere haud omisisset, si tale quid, ad gentis suæ gloriam propagandam, veritati consonum deprehendisset. Tradunt igitur Gothos, antiquissimis temporibus Scandia egressos, sub Rege eorum Eirico vicinas insulas primo occupasse, quæ tum ab ipsis uno communi nomine *Wetalabeth* appellatæ sint. Exinde Chersonesum locaque adjacentia accessisse, quæ deinceps Cimbriæ vocabulo celebrata sint. Alii Chersonesum primo inessam occupatamque volunt à Gomero Japheti filio, anno mundi MDCCCL. Postea Guthium, sextum Cimbrorum judicem, Scaniam cum adjacentibus, suo regno adjecisse, filiumque ejus Thielvarem Boringiam & Gotlandiam duce Bericone (quem Jornandes Berig appellat: nomine ad *Barekr*, quod viris proprium *Liber Originum Islandie* duobus locis, pag. nimirum 151. & 153. memorat, proximè accedente) terras circa Vistulam mareque Svevicum late occupasse, ibique consedisse. Post quinque deinde generationes ad paludem Mæotim, magnâ frequen-

riâ provectos, sedes ibi fixisse. Infusos denique in trans-Danubianas regiones Thraciam Mœsiamque insedisse: magnasque res gessisse. Ab hisce Gothis, populos istos prognatos esse statuunt, qui Scythiam, Istrianas regiones, Thraciam & Pontum postea inhabitaverunt, interque eos decantatissimam Amazonum gentem. Videndum igitur quo tempore primum patrio solo emigraverint: nam quo id altius elevatur, eo major antiquitas Scantiæ Aboriginibus vindicabitur, præsertim cum tradatur vulgo, exsuperantis populi multitudine gravatam patriam, in levamen sui, tot hominum turmas, quibus sustentandis impar fuerit, emisisse. Tempus istud proxime sequentes expeditiones planius ostendunt. Filimeris nempe satis celebris, quam *Johannes Lyschander* Antiquit. Danic. Serm. X. pag. 124. in annum mundi MMCCCCLXXXV. refert, (*Claudius Lyschander* Filimerem annô mundi MMDCLII. regni XXII. mortuum scribit) & eam, ut volunt, secuta Vesosem inter Ægypti, & Tanaum Scythiæ Reges cruenta pugna, quâ ille attritus in Ægyptum rediit. De tempore auctores dissentiunt. *Orosius* lib. I. cap. IV. ad annum CCCCLXXX. ante conditam Romam refert, mundi scilicet MMDCCLXXXII. *Claudius Lyschander* operis sui Genealogici Lib. IV. pag. 149. ad annum mundi MMDCCLXXXIV. Justinus supra Nini tempora promovet; reprehensus hoc nomine ab eodem Lyschandro, qui Ninum hos Reges, intervallo annorum DCCCLXXII. præcessisse putat, utpote qui monarchiâ potitus sit anno mundi MDCCCCVII. Quo tempore Ninus imperaverit, magno scriptorum dissensu controversitur. Eusebium secutus *Claudius Lyschander* & plures alii,

alii, impubere Abrahamo mortuum statuunt, alii Trojano non tantum excidio, sed mille etiam annis Abrahamo posteriorem faciunt. Illustris *Usserius* Archiepiscopus Armachanus, ad annum mundi MMDCCLXXXVII. Deboræ nimirum & Baraki tempora, eum refert, teste *Sberringhamo* loco à nobis pag. 172. superius exscripto. Verum hic parum interest, quo tempore Ninus vixerit, cum in Vesofis & Tanai tempore Chronologi fere conveniant, parumque ultra annum mundi MMDCCLXXX. illorum æram producant. *Johannes Magnus* historiæ Sveo-Gothicæ Lib. I. cap. XXIV. in anno MMDCLI. acquiescit.

Bericonis expeditionem Tanai Vesofisque ætatem longa annorum serie prævertere volunt: Rectè quidem, si Filimer à Bericone sexto gradu distans, Tanai pater fuerit, uti tradunt *Johannes Magnus* & *Claudius Lyschander*. Diversimode autem de tempore illius sentiunt. *Jacobus Gislonis* ad annum mundi MMDXXIII. eam refert, *Johannes Magnus* & *Claudius Lyschander* ad annum MMDXXXI. cum quibus *Crantium* usque ad XXX. annos rectè conciliat *Rudbeckius* Atlanticæ cap. XXV. §. 3. pag. 773. *Johannes Lyschander* expeditionem illam in anno mundi MMCCCLXXXVI. figit, æram autem expeditionis in orientem, fundatiquè ad Pontum imperii, in anno MMCCCLXXXV. Nos *Rudbeckii* methodum secuti annos cum generationibus conferemus, Filimerique ac singulis ejus majoribus a Bericone XL. annos in singulas generationes impertiemur; Tanaoque auctoritate *Johannis Magni* gradum septimum assignabimus. Ea ratione CCLXXX. anni exhauriuntur, quibus ab anno MMDCCLXXX. Tanai Vesofisque ætate, demtis,

annus mundi MMCCCCL. Bericoni natalis constituitur; quibus si XXXV, virilis nimirum ætas, adjiciatur, annus mundi MMCCCC LXXXV, relinquitur, expeditionis istius famosissimæ, ut ipsis videtur, apprime capax. Per hos gradus ad regni Gothici in Scania initium proceditur, cui *Johannes Lyschander* assignat annum mundi MMCCCLVII. Sermone X. pag. 125. Primum autem Cimbrorum, populorumq; gentis illius accessum in illas sedes, quas hodieque tenent, in annum mundi MDCCCXLVII. refert; *Claudius Lyschander* ad anni MDCCCL. *Rudbeckius*, ut ante dictum, ab ipso 'post universalem cataclysmum reparati orbis exordio aut confusione lingvarum æram illam orditur.

Tam profundæ antiquitatis opinionem, hausta ab 'Ablavio, Dexippo & Jornande doctrina, de Tanai majoribus ex Arctoo hoc orbe, terrisque subjectis septentrioni, profectis, hominum mentibus instillavit: imò Doctissimum *Sberinghamum* eò perduxit, ut sæpediti operis pagg. 135. 136. Filimerem Tanao Argonautisqve priorem faciat, eumqve aborigines Cimmeros scilicet antiquos, quos Hebræi Magogæos, Græci Scythas vocabant, suis sedibus ejecisse tradat; ex quo factum sit, ut Getæ deinceps, tum Scythæ tum Cimmerii vocarentur. Verba ejus addam, quibus nonnullos eorum, qui Filimeri proximè successerunt, recenset: *Post Filemerum*, inquit, *Tanaius Cimmeriis præfuit*, quos *Justinus* ex Trogo Pompejo *Scythas*, *Valerius Flaccus* antiquo suo vocabulo *Getas* nominat. Et paucis interjectis: *Post hos Cimmericorum Auchus Rex erat*, quo tempore *Argonautæ Colchidem* petebant. Et paulo post: *Post bellum Trojanum Madys & Lygdanius apud Cimmeros Getas*

tās imperiū tractabant; Lygdamii meminit Plutarchus, Strabo utriusque. Addit se hos Cimmericorum Getarum Reges ad emendationem historiæ Geticæ potissimum retulisse, quod neque apud Jornandem, nec Johannem Magnum, præcipuos rei Geticæ scriptores, Auchy, Madyis, aut Lygdamii ulla mentio fiat; nisi forte Auchus ipsipsum sit, qui Jornandi Augis appellatur.

Verum adfert rationes ipse Sheringhamus, hac in re sibi non satis constans, quæ Tanai progenitores, ex Scandia aut septentrione haut repetendos esse, persuadent; qui illo tempore vel nullos colonos, vel omnino raros habuisse videtur. Quis enim credat Getas illo tempore, quod vel cum Argonautarum expeditione coincidit, vel viginti circiter annis eam præcedit, ad Pontum Evxinum habitantes, piscosi maris accolæ, nullam navium cognitionem habuisse, si parentes eorum aut majores ex his terris, ubi navium maximus & necessarius usus, prodiissent. Tradit autem Apollonius Rhodius citante Sheringhamo pag. 176. *visis Absyrti navibus, qui Argonautas, cum aureo vellere abeuntes, persequeretur, Scythas pastores, id est (inquit) Getas, qui ad mare vicinum greges pascebant, metu perterritos, relictis mulctris gregibusque aufugisse, monstra marina ad litus appropinquare putantes, utpote qui nullas ante hac naves viderint, nec cum Thracibus adhuc permiscerentur.* Adeone navium usum parentibus suis majoribusque apprimè notum, eos dedidicisse credendum est, ut inter eas & monstra marina distingvere nesciverint? Addit auctor hos ipsos Getas, illo tempore Thracibus mistos non fuisse. Jornandes tamen Cap. V. hic eorum tertiam mansionem, postquam Mœsiam Daciam Thraciamque incoluis-

sent,

tent, collocat his verbis: *Quorum mansionem primam esse in Scythia solo, juxta paludem Meotidem. Secundo in Mœsia Thraciæque & Dacia. Tertio supra mare Ponticum, rursus in Scythia legimus habitasse.*

Aliud itaque hominum genus hic describit Jornandes, aliud Apollonius Rhodius: Ille Getarum posteros, cum his, qui Argonautarum tempore ibi confederunt, confuisse videtur; hic majores eorum descripsisse; qui Thraciam, Mœsiam & Daciam ignorarunt; quos eadem loca, quæ suo tempore tenuerunt, ab ultima memoria possedisse testantur omnium vetustissimi historici Græcorum, qui soluta oratione scripserunt, quorum opera apud nos hodie extant, ut Herodotus, Thucydides, Diodorus Siculus; uti alibi notat *Sheringhamus*. Sed de primo illorum accessu in eas regiones nullam mentionem faciunt, non alia de causâ, quam quod ipsos Aborigines seu indigenas esse crediderint. Quod & gentes illæ absque dubio ipsæ crediderunt: alias enim de antiquitatis gloria Ægyptiis litem non movissent, nec ab his motam argumentis contrariis refellere aggressi essent, si aliunde quam è Scythia Asiatica, natali tunc ipsis solo, originem repetiissent. Neque argumenta illa, quibus antiquitatem suam probare voluerunt, ullius momenti fuissent, si se Scantia primitus oriundos statuissent. Quid? quod ipse *Herodotus* lib. I. tempus definit, quo Cimmerii à Scythiis (quorum nomine Getasillos, Filimeris milites, intelligi vult *Sheringhamus*) sedibus suis ejecti sint; nimirum tempore Ardyis, filii Gygis, Lydorum Regis. *Ardyis*, inquit, *ejus* (Gygis) *filiis faciemus mentionem, qui post Gygem regnavit. Hic Prienienses expugnavit & Miletum invasit; quo Sardium*
regno

regno potiente Cimmerii à Scythis Nomadibus ejecti è sedibus suis in Asiam transierunt, Sardisque præter arcem ceperunt. Imperii Ardyis initium Calvisius ad annum mundi MMMCCLX-XII. (nobis MMMCCLXXXV.) ante natum Christum DCLXXVI. refert; exactosque sedibus suis Cimmerios anno mundi MMMCCCXV. (qvi nobis MMMCCC-XXVIII.) DCXXXIII. annis ante Christum natum: cui Phrygio astipulatur, qvi Ardyis Imperium ab anno mundi MMMCCCL. auspicator. Dionysius Petavius Rationar. Temporum Part. II. lib. III. Cap. IV. pag. m. 173. primam hanc Scytharum eruptionem in Cyaxaris Medorum Regis tempora refert, inque annum periodi Iulianæ MMMMLXXXI. qvi ei est annus mundi MMM-CCCLI. ante Christum DCXXXII. remque, ut gesta est, ex Herodoto exponit Part. I. lib. II. Cap. IX. pag. 105. Perperam igitur Sheringhamus supra Argonautarum tempora hæc refert, Filimerique adscribit, deceptus auctoritate Jornandis, qvi hic falsus est, & Johannis Magni, qvi alios sciens volensque decepit; nec satis ipse observavit, quam laudati operis Cap. VIII. pag. 163. aliis præscripsit, legem: Illud vero, ait, prætermittere non oportet, Getas, ut moris est in omnibus istis locis (quæ ante recensuit) pro ratione sedis & populi ejecti, nominibus variis ex victoriis nobilitatos esse. In Cimmeria sive Sarmatia Asiatica & Scythia, Cimmerii, Sarmatæ & Scythæ, in Thracia Thraces, in Dacia Daci, in Mœsia Mœsi, ad Istrum Istrici, ad Mare Ponticum Pontici, prout in aliis locis, quod supra monstravimus, ex iisdem causis Cimbri & Saxones & Germani & Celtæ & Galli & Galatæ appellabantur. Hujus rei cognitio in legendis historiis magni momenti est,

„ ut unicuique genti sua laus aut contumelia, ex rebus
 „ præclare aut contra gestis habeatur: ut si quid de Cim-
 „ meriis aut Thracibus occurrat, quod præconio aut
 „ vituperio dignum sit, perpendat lector, quænam gens
 „ Cimeriam aut Thraciam eâ tempestate occupaverit:
 „ an illud de antiquis Cimmeriis & Thracibus, an de
 „ Cimmeriis & Thracibus Getis referatur; quia hæc
 „ nuperis quibusdam satis perspecta non sunt, ab iisdem
 „ multa de gentium origine perperam dicuntur. Hæc vir
 „ doctissimus accuratè satis aliis observanda præscripsit,
 „ sed in hanc regulam ipse, ut dictum est, haut leviter im-
 „ pegit, cum ignorare non posset, Ardyim Cyaxaremque
 „ post Amazonum originem, imo post Trojana tempora
 „ seculis aliquot vixisse. Et Filimerem Tanao Vesofique
 „ longe juniorem esse inferius evidenter patebit.

Sed redeamus ad expeditionem Bericonis. Ad illi-
 „ us epocham inveniendam facem nobis præferre videtur
Jornandes; qui ab illo ad Theodoricum Ostrogothorum
 „ Regem, generis seriem quatuordecim gradibus constan-
 „ tem (*Claudius* etiam *Lyschander* singulos gradus recenset)
 „ textit; filiosque patribus semper successisse, dum genuisse
 „ perhibet, testatur. Sed parum sibi Scriptor ille heic
 „ constat, quod facile apparet, si generationes istas cum Ta-
 „ nai ætate conferamus; Natus enim est Theodoricus an-
 „ no Christi CCCCLV. mundi, secundum recentissimam
 „ computationem, MMMCCCCLVII. Demus singulis
 „ generantibus annos XL. Univerforum ætas annos
 „ DLX. complectitur. Hos si cum prædictis mundi an-
 „ nis contuleris, relinquitur annus mundi MMMDCCC-
 „ XCVII. natalem Christi CV annis prævertens, expediti-
 „ oni Bericonis initialis: vel si mavis Lutheri aliorum-

que calculum sequi, qui a mundi primordio ad Christum natum annos MMMDCCCCLXI. numerant: Adde annos CCCCLV, qui inde ad Theodoricum effluerunt; natus erit Theodoricus anno mundi MMMMCCCCXVI. Aufer inde summam annorum DLX. ab egressu Gothorum è Scantzia: incidit ille in annum mundi MMMDCCCLVI. qui quoque eodem calculo centesimus quintus est ante natum Christum. Si vero in singulos generantium gradus XXX. tantum annos, Rudbeckii methodum secuti, erogaverimus, universorum genealogia annos CCCCXX. conficit, quos si ab anno mundi sive MM-MMCCCCXVI, sive MMMMCCCCLVII. exemeris, in quos secundum diversam supputationem Theodorici nativitas referenda est, Gothorum illa migratio, sive annum mundi MMMMXXXVII. ex novissima observatione sibi vendicat, sive ex Lutheri computatione MMM-DCCCCXCVI. Quicquid horum sequimur, Bericonem patriæ finibus XXXV. annis, postquam se Christus in carne manifestavit, excessisse deprehendimus. Id quod parum aut nihil à calculo ipsius Rudbeckii discedit, qui in tabula chronologica Halmalem Gapti, ut testatur *Jornandes* cap. XIV. filium, ejus, qui Bericonis, teste *Johanne Magno* Lib. I. cap. XVI. successor, secundum *Lyschanderum* filius fuit, in annum Christi CXL. collocat. Idem sensisse apparet *Eiricum Olai*, Upsalensem quondam Decanum, qui in historia suâ, Filimerem quarto loco ponit, post eum Regem, quem circa Christi nativitatem in Suecia sceptrâ gessisse tradit. Imo de bello isto, quod Vesofes cum Scandianis populis, eorumve posteris, gessisse dicitur, dubitasse eum videtur, ita enim ait: *Quod vero quidam de hoc Philemero referant, quod Vezorem Regem Egypti vicerit,*

Et regnum suum sibi subjugaverit, id non est verum, neque enim Gothi, qui de Suecia saltem eo tempore egressi sunt, transiverunt in Ægyptum, neque historia illa de bello Gothorum adversus Vexorem, Et eorum transitu in Ægyptum, ad hæc tempora, de quibus hic agitur, respicit aut refertur.

Bericonis expeditionem Grotius, sive ut ipse aperte satis & expeditis verbis in Prolegom. ad Scriptores Gothicos pag. 41. loquitur, primum Gothorum è Scantia egressum, trecentis aut paulo plus annis ante natum Christum, (DCCCCXXX. annis post Tanai Vesosisque ætatem) contigisse autumat. Paulo rotundius eorundem Prolegomenon pag. 20. idem auctor sententiam suam profert, ubi primum illorum è Scantia egressum non Taciti tantum, sed & Pythæ temporibus multo antiquiorem esse scribit. Pythæam autem ipse pag. 2. trecentis ferme annis ante adventum Christi vixisse dicit. Sed hæc prodiversis non sunt habenda.

Excuti & hic meretur Gothici regni epocha, quam exhibet Chronicon metricum, à *Messenio* Sveticè editum: Eiricus ibi primus Gothorum Rex Saruchi tempore fuisse traditur; cujus ætas inter annos mundi MDCCCXIX. & MMCXLIX. vertitur. Verum neque hæc traditio sibi constat, sed falsitatis idem illud chronicon se ipsum convincit, dum seriem Regum generisque ab Hernite ad Olafum Skautkonungum, triginta gradibus linea descendente deducit. Hernit autem Nordiano, Filimeris filio, æqualis, Regum Gothiæ quintus ei numeratur. Erit itaque Olafus, qui anno Christi M. floruit, à primo Gothiæ Rege ratione temporis, tanquam successione, tricesimus quartus. Demus singulis generantibus annos, XL. universus annorum numerus MCCCLX. conficit, quibus

bus ab anno mundi MMMMDCCCCXLIV. subtractis, annus mundi MMMDLXXXIV. epocham Gothici imperii auspicabitur, qui Christi natalem annis CCCLXXVIII. præcedit, nec procul discedit ab æra Bericonis secundum memoratum Grotii calculum. Quanta autem temporis intercapedo inter hunc annum & Tanai seculum? At si singulis generantibus XXX. annos dederimus, universorum periodus spatio annorum MXX. circumscribitur. Quos si ex anno mundi MMMMDCCCCXLIV. (qui æræ Christianæ DCCCCLXXXII. est) quo Olafus natus videtur, subduxerimus, annus mundi præter propter MMMDCCCCXXIV. resultabit, Gothici regni initialis, ante Christi nativitatem XXXVIII.

Sed videamus iterum Jornandem. Is penitus inspectus ea, quæ de vetustis adeo Scandianorum migrationibus scribit, falsitatis ipse arguere videtur, ubi libri sui de Getarum rebus Capite ultimo hæc de Vitigis deditio narrat: *Et sic famosum regnum, fortissimamque gentem diuque regnantem, tandem deinde millesimo & trecentesimo anno, victor gentium diversarum Justinianus Imperator per fidelissimum consulem dicit Belisarium, & per ductum Vigitim Constantinopolim Patricii bonore donavit.* Hæc ex editione historiæ Gothorum, Vandalorum & Longobardorum Elseviriana, quæ Amstelodami anno MDCLV. exiit, transcripsi. Aventinus autem loco annorum mille trecentorum, *supra bis mille* reponit, ipsius Jornandis auctoritate citata. Hic expendendum est, ad quod principium quemque finem, Gothorum regnum Jornandes referat. De fine controversi non potest, cum de captivitate Vitigis agat, quæ incidit in annum Christi DXL. De principio itaque disquiritur; an scilicet illud memoratus auctor

retulerit ad occupationem primam terrarum septentrionalium, quam *Job. Lyschänder* Antiqṽit Danic. Sermone VI. pag. 48. ad annum mundi MDCCCXLVIII. refert; an vero ad fundatum primum Getarum in Scantzia regnum, quod in anno mundi MMCCCLVII. idem *Lyschänder* Sermone X. pag. 124. collocat; an ad finem vitæ Filimeris, ut placet eidem *Lyschandro* Sermone X. pag. 125. an ad Bericonis egressum ad Vistulam, quem sæpe dictus *Job. Lyschänder* Serm. X. pag. 125. ad annum MMCCCLXX-XVI. *Claudius Lyschänder* & *Johannes Magnus* ad MMD-XXXI. *Crantzius*, ad nostrum calculum redactus, ad annum mundi MMDI. referunt; an ad Gothorum majorum (distingvuntur enim in majores & minores, hi aetatem Valentis Imperatoris, annumque Christi CCCL-XXVII. non anticipant, illi à prima gentis origine repetuntur) in Thraciam Istrianasque regiones accessum, quem respexit *Loccenius* Antiqṽit. Sveo-Gothicarum cap. I. Hugonemque Grotium in Prolegom. ad Scriptores Gothicos pag. 40. intellexisse autumat, contra quam mihi videtur. Verba Grotii ita sonant: Quo primum tempore è Scantzia egressi sunt Gotthi, explicatius dicere possemus, si Ablabium haberemus, è quo sua nobis, non contracta tantum, sed etiam confusa, dedit Jorrandes; cur id factum arbitrer annis plus trecentis ante Christi tempora, dixi supra; tunc Gotthi Scandza sive Godanavia, quæ Gothlandia nunc dicitur, infessa, mox in continentibus Germaniæ terris Ulmerugos cum expulissent, ibi partem sui reliquere. Nulla hic Thraciæ Mœsiæ aut Daciæ mentio fit, sed de prima Gothorum è Scantzia migratione sermo est. Negat autem *Loccenius*, certum ingressus eorum in Thraciam tempus

pus se posse assignare, silentibus hic priscis rerum scriptoribus. Nos annos à deditione Vitigis MCCC. retrorsum numerabimus. Incidit autem annus ille, qui æræ Christianæ DXL. est, in annum mundi, secundum *Lutheri, Phrygonis, Philippi Melancthonis* supputationem (qui omnes nativitatem Christi ad annum mundi MMMDCCCCLXI. referunt) MMMMDI. Hinc MCCC. si demantur, remanet annus mundi, Gothici imperii initialis, MMCCI, ante Christum DCCLX. Hinc si Gothici regni exordium in Thracia deduxerimus, omnium Scriptorum testimonio destituimur. Longe enim antecedit M. Aurelii Antonini Philosophi tempora, anno Christi CLXI. ad scepra evecti: cum quo Astingi, gens Gothica, fœdus inierunt: tradente ex Dionis excerptis *Cluverio* German. Antiq. lib. III. Cap. XXXIII. pag. 632. Longius adhuc Philippi Arabis, qui circa medium seculi post Christum natum tertii vixit, anno nimirum mundi secundum Calvisum MMMCXCII. post Christum CCXLVII. cujus tempore *Jornandes* cap. XVI. Gothos duce Ostrogotha transito Danubio Mœsiam Thraciamque vastasse asserit. Imo Gothici istud regni initium Zamolxis, Pythagoræ discipuli, ejusdemque servi, tempora excedit, quem in Thracia Gothis numen fuisse memorant, anno mundi MMCCCLXX. vel secundum alios MMCCCLXII. cum ibidem secundam sedem, tradente eodem *Jornande*, haberent. *Johannes Lyschander* Antiquit. Danic. Sermon. X. initium regni Gothici ab obitu Filimeris Gothorum Regis deducit, cum secus Pontum ad Istrum usque Gothi pergerent, assignatque anno mundi MMCCCCLXXXV. periodumque regni ultra bis mille annos, Aventini, Jornandem allegantis, auctoritate exten-

tendit. Ego id in nulla Jornandis editione vidi, Cluverium tamen secutum animadverto. *Crantzius* autem testem se habere profitetur, qui confidenter Bericonis expeditionem ad Othnielis tempora, annum scilicet mundi MMMDCCXC, ante Christum MCCCCLX. extendat. Inde si ad Vitigis captivitatem MM. annorum effluerunt, captus erit Vitigis anno Mundi MMMMMDCCXC. secundum Lutheri calculum MMMMDI. *Crantzius* enim Græcorum rationes secutus, ab initio mundi MM-MMMCCCL. annos at nativitatem Christi numerat, quibus si anni DXL. addantur, incidet Vitigis deditio in annum mundi MMMMMDCCXC. ablatis hinc MM. annis, habemus annum MMMDCCXC, quem Bericonis migrationi assignavit, qui nobis est mundi MMDI. ante Christum MCCCCLX. Distant enim nostræ rationes annis MDCLXXXIX. Verum nec cum Bericone Gothicum Imperium cæpit, illo certè antiquius, nec à Bericonis tempore imperii Gothorum in Thracia æram ullus adhuc Scriptorum orsus est, neque illo duce illuc ducti sunt. Cum igitur nullum tempus, quo Gothi Thraciam incoluerunt, huic regni eorum exordio conveniat, sequitur Jornandem initium Gothici imperii in Cimbria aut Scantzia intellexisse, annum à nobis indicatum, qui mundi est MMCCCL; prævertitque Christianam æram annis DCCLX, & cum Romuli ætate coincidit. Est autem alia Jornandis editio Lugduni anno Christi MDXCV. apud Jacobum Chovet excusa, quæ in textu quidem Gothicum regnum annis MCCCC. stetisse tradit, in margine autem MXXX. substituit, fide digni alicujus exemplaris, ut credere par est, auctoritate. Hos si ab anno mundi MMMMDI. Vitigis deditio nobili, abstuleris, initium regni

regni Gothici in annum mundi MMMCCCLXXI
 qui spatio annorum CCCXC. Christi natalem præ-
 cedit.

Hic jam singulas, tam Bericonis expeditionis, quam
 ipsius fundati Gothici regni epochas, quas modo erui,
 strictim exhibebo; & quidem eas prius, quæ profundis-
 simam antiquitatem profitentur.

Egressus itaque dicti Bericonis ex Scandiâ refertur
 Johanni Lyfchandro - - - - -
 Nobis, septem generationes à Bericone ad
 atatem Tanai computantibus, - - - - -
 Crantzio - - - - -
 Jacobo Gislonis - - - - -
 Claudio Lyfchandro & Joh. Magno - - - - -

	{ in	2386.
	{ an-	
	{ num	2485.
	{ 2501.	
	{ mun-	2523.
	{ di.	2531.

Hæc si sequamur, graduum paucitate convincimur;
 singuli enim generantes annos circiter CXLII. poscunt,
 quod constare nullo modo potest. Reliquarum epocha-
 rum nulla ad Tanai ætatem pertingit. Numerentur in
 genealogiis gradus, dentur in singulos aut anni quadra-
 ginta aut triginta, deinde omnes anni in summam redu-
 cantur, & referantur ad annum nativitatis Christi, tum
 secundum neotericorum calculum, qui à mundi initio
 ad Christum annos MMMMIL. numerant, tum secundum
 Lutheri aliorumque, qui in anno mundi MMDCCCC-
 LXI. subsistunt. Ita sæpius memorata illa Bericonis ex-
 peditio, si in singulos gradus ad Theodoricum Ostro-
 Gothorum Regem, qui ab eo quatuordecim generationi-
 bus distat, quadraginta anni expendantur, vendicat sibi,
 secundum recentium { calculum, } 3897. { ante } 105.
 secundum Lutheri { ann. mundi } 3856. { Christ. } 105.

Si in singlas harum quatuordecim generationum, quæ inter Bericonem & Theodoricum Regem inter sunt, triginta annos computemus, famosus ille Gothorum ductu Bericonis in Prussiæ littora transitus requirit secundum recentium { calculum, } 4037. { post } 35. secundum Lutheri { ann. mundi } 3996. { Christ. } 35.

Epocha fundati regni Gothici, ex Messenii Chronico Rhythmico Svecico, incipiens ab Eirico, primo Gothorum Rege, si XXXIV. successiones, quæ ab eo ad Olafum Skautkonungum, anno Christi DCCCCLXXXII. ut videtur, natum, factæ sunt, cum temporibus conferantur, denturque singulis quadraginta anni, sibi vendicat, secundum recentium { calculum, } 3625. { ante } 378. secundum Lutheri { ann. mundi } 3584. { Christ. } 378. Si vero in singulas successiones XXX. anni expendantur, secundum recentium { calculum, } 3965. { ante } 38. secundum Lutheri { ann. mundi } 3924. { Christ. } 38.

Johannes Lyschander, Aventini calculum secutus, refert initia originemque regni Gothorum in Scania, { ad annum mundi } 2257. { ante } 1704. ad Istrum, { } 2485. { Christ. } 1476.

Jornandes regni Gothici exordium initiaque refert, prout illius verba sensumque exhibet editio Amstelodamensis, { ad ann. } 3201. { ante } 760. Lugdun. in margine, { mundi } 3471. { Christ. } 490.

Ex his tam diversis, sibi que tanto intervallo repugnantibus traditionibus cui potissimum accedam, parum scio. Plæræque enim ex uno fundamento, ab externis scriptoribus mutuato, constructæ sunt; nimirum quod Gothi antiquissimis temporibus ex Scantzia profecti Amazonibus

bus in Scythia deinde originem dederint; quas antiquissimis seculis vixisse, inter omnes in confesso est. Eò tamen mens inclinât, ut periodum imperii Gothorum mille & trecentis annis computem, auctoritate editionis Elſevirianæ, illiusque initium ad annum ante Christum natum DCCLX. referam, ita ut cum Româ fundatâ concurrat.

Hic nonnihil mihi adversari video *Philippum Cluverium*, multæ lectionis virum; qui, præterquam quod Gothos, contra vetustorum recentiumque scriptorum fidedigna asserta, Scandiæ penitus detrahit, satis eo nomine ab eruditissimo *Stiernhielmio* refutatus, Filimeris quoque migrationem ad M. Aurelii Antonini Philosophi tempora refert German. Antiqv. lib. III. Cap. XXXIV. pag. 632. Quo tempore, ait, vel prima illa Gothorum pars, duce Filimero, vel altera postea, duce Fastida, à Vistula profecti sunt, parum incerto ponit Jorndanes. Filimerum tamen longè ante Fastidæ ævum suos ad Maotim deduxisse, patet ex eo, quod ante Ostrogothum, sub cujus imperium Fastida demum, debellatis domi Burgundionibus, in Daciam pervenit, quinque nominantur ab Jorndane, præter Filimerum reges. Et mox: Sed profectionis Gothorum (illorum qui Filimere duce patriam reliquerunt; de his enim loqui Cluverium, contextus evidenter monstrat; non de illis, quos, posterius emigrantes, Fastida duxit, Claudio Imperatori æqualis;) è patriis sedibus, adventusque in Daciam, certiozem puto haberi posse ex aliis auctoribus historiam. Hinc Jorndanis auctoritate asserit Gothos istos anni spatio ex patriâ sua in Daciam migrasse; additque: factum idesse quinquaginta circiter annis post Tacitæ ævum sub M. Aurelio Antonino (Philosopho) imperatore. quod iterum ex Dionis historia probare allaborat.

Ego id quod Cluverius ex adductis memoratorum scriptorum locis concludit, inde colligere nequeo. Et Filimeris quidem egressum nimium ab eo deprimi, tum Regum series ad Fastidam, qui post Filimerem quintus à Jornande nominatur, tum etiam generis, ab Aurelii Antonini Philosophi tempore, qui anno Christi CLXI. Imperator factus est, ad captivitatem Vitigis, quæ in annum Christi DXL. incidit, in tanta temporum brevitate arguit. Decem tantum generationes ab Ostrogotho, qui anno CCL. sub Philippo Arabe, Fastidæ æqualis, transito Danubio, Mœsiam Thraciamque vastavit, ad Mathasventam Vitigis uxorem interfluxerunt, spatio annorum circiter CCLXX. (natam enim ponimus anno Christi DXX.) singulæ annos circiter XIX. requirunt. Fastidæ & Ostrogotho Antoninus Philosophus vetustior est annis LXXXVIII. quibus quinque Reges à Filimere floruisse Cluverius statuit, qui eâ ratione nimis annorum angustiis hic premitur, & ægre rationes suas conficit. Non igitur in Antonini tempora Filimerem detrudendum existimo, sed pro graduum spatio a Mathasventa ad Ostrogothum, periodoque quinque Regum, qui eum & Filimerem intercesserunt, tempora dimetienda esse. Quindecim gradus in universum resultant. Horum periodum si pari spatio metimur, CCCCL. anni constanter; quibus ab anno Christi DXX. subductis, Filimer in annum Christi circiter LXX. captis Hierosolymis celebrem, referendus erit. Poterit etiam ad æræ Christianæ initium exaltari. Sex inde generationes à Bericone restant; si secundum Rudbeckii methodum singulæ, ut potè æra Christi antiquiores, XL. annos nanciscantur, CCXL. annos exposcunt; à quibus si LXX. auferas, annus CLXX. ante Christum Bericonis æræ vel expeditionis

capax se offert: & si Filimerem ad nativitatem Christi transferamus, annus ante Christum CCXL. Nec video quæ ratione sive Bericonis, sive Filimeris ætas altius elevari possit, si genealogiis à Jornande traditis fidem habeamus. Verum ego in illis ingentem hiatus lacunamque delitescere suspicor. Certe Gothos ante Odini collegarumque illius adventum in septentrionem, hisce terris exiisse, validè ex eo concluditur, quod numinum illorum nulla in Gothicarum rerum scriptoribus mentio fiat. Nec literarum mytheria, ab Odino, ut antea diximus, in septentrionem inducta, Gothis Istrianis aut Italicis, Theodorici Regis tempore innotuerunt, quæ tamen singula majores eorum secum exportassent, si hic ante emigrationem illorum, in usu fuissent; Sed de hac re satis.

Ceterum varias Gothorum à Scandia migrationes nobis exhibet *Trithemius*, & primam quidem ad annum mundi MMMDCXXXIV, ante Christum natum CCCXIV. Gotbi, inquit, ex Scandia anno Dioclis Ducis Francorum duodecimo egrediuntur, vastantque Germaniam. Germania Reges & Saxonum Doringorum, Teutonum, Rugiorum, & Diocles Dux Francorum, exercitu millium CCLX. vincunt Gothos occiduntque ad centum millia. Item: Anno MMMDCCLXXXV/III. ante Christum LX. Cassander Sicambrorum Rex, cum annos XXI. regnasset moritur. Hic Gothos, qui iterum à Scandia in Germaniam eruperant, auxilio Doringorum vicit & repulit. Adhuc: Anno mundi MMMDCCCCXXV, ante Christum natum XXIII. Francus Sicambrorum Rex, cum Gallorum ferociam repressisset, & parentis necem ultus esset, anno regni tertio à Saxonibus una cum Doringis evocatur contra Gothos, qui à Scandia in Saxoniam eruperant, eamque misere vastabant. Nec minus Gothos post Christum natum Scandiâ emigrasse tradit, his verbis: Anno mundi

mundi MMMMXL. post Christum XCI. Richimeri anno XII. Gothi ex Scandia iterum fines Saxonum vastant, contra quos Widekind Rex Saxonum & Hermantrud Rex Doringorum & Richimer Rex Francorum, ex antiquo fœdere exercitum educunt, Gothosque vincunt, occisis viginti millibus. Hæc Trithemius. Cujus tamen circa hæc tempora fides non parum fluctuat, quippe qui sua hæc debet Hunibaldo, scriptori, ut docti omnes judicant, vel nugacissimo vel penitus suppositio. De Trithemii fide quicquid hac in parte statuatur, id ni fallor irrefragabiliter probavimus, vetustissimam, de quâ constat, Scandianorum nostrorum in orientem emigrationem longè inferiorem esse Tanai Amazonumque temporibus: imò tam recentem, ut de septentrionis populorum vetustate exiguum, de ingenti illa, quæ iis vulgo ascribitur, antiquitate nullum omnino argumentum ex eâ peti possit.

CAPUT X.

Quo Hibernicæ antiquitates expendantur, asseriturque, nil certi de septentrionalium gentium vetustate ex iis concludi posse.

Ita, ni fallor, responsum est iis, quæ ex oriente adversus nos depromi possunt argumentis. Sed erunt fortè, qui ex viciniore nobis Hibernia auxilia petent, quibus ingens illa septentrionalium populorum vetustas sustineri queat: *A profundissima autem antiquitatis memoria historias suas auspicantur Hiberni, adeo ut præ illis omnis omnium gentium antiquitas sit novitas & quodammodo infantia; uti verè dicit Camdenus in Descript. Hibern. Et nisi perperam judicet*

dicet *Rodericus O-Flaberty*. Proloqvii in Ogygiam suam pag. 34. nusquam gentium alia natio antiquitatum ab omni evo observantior, exactius chronographias, genealogias, stemmatographias, majorum facta, propagationem, ditionum terminos, jura & omnem demum antiquitatem custodiit. Imò nulla gens tantæ auctoritatis monumenta proferre potest, si vera sunt quæ citato loco scribit memoratus *O-Flaberty*: *Scoti*, inquit, (Hibernos ita veteres vocarunt) *Scytharum progenies*, vetustatem nominis, à majoribus haustam, in posteris summâ observantiâ perennârunt; quibusdam ad hoc destinatis in singulis ditionibus antiquariorum familiis, opibus, prædiis ac honoribus remuneratis, qui hujusmodi monumenta novis successibus augebant, singulis septenniis conferebant, in confessibus publicis Doctorum examinabant, & judicum arbitrio corripiebant, nihil reliquum facientes, quod ad veritatis notitiam humanâ fide quis posset desiderare. Nos omisissis iis, quæ de rebus in Hiberniâ ante universale diluvium gestis annales eorum habent, utpote nihil ad nos pertinentibus, nec apud quemquam sanæ mentis fidem inventuris, ea saltem ex remotissimis eorum antiquitatibus seligemus, quæ septentrionales hæc terras quovoqvo modo spectant.

Primò autem sese *Partholanus* offert, octo gradibus à *Japheto* linea descendente distans; quem anno mundi MDCCCCLXIX. post diluvium universale CCCXII. in Hiberniam colonias adduxisse tradunt: E Scandiâ, gentium officina, eum accersit *Daniel Langbornius*, *Nennii* & *Giraldi Cambrensis* auctoritatem allegans. In eadem forte opinione fuit *Rodericus O-Flaberty*, *Ogyg. Part. I. pag. 7.* eorum assertionem improbens, qui *Partholanum* ex *Macedoniâ* in Hiberniam venisse tradunt.

Partholani ex fratre *Tatio* pronepos fuisse perhibetur

tur Nemethus, qui anno mundi MMXXIX. in Hiberniam cum coloniis venerit; quem similiter Scandiâ egressum *Langbornius* statuit.

Antiquiores Nemetho, imo ipso Partholano vel æquales vel tempore priores fuisse volunt Fomorios, gentem Hibernis terribilem. Hos *O-Flaberty* Ogyg. Part. I. pag. 12. à Partholani tempore ad annum mundi MMCCCLX. Hiberniam ex iisdem locis infestasse ait, unde Dani multis post seculis in eandem terram irruerunt: & pag. 13. eosdem Fomorios, ex eodem quo Dani, Sveci & Norvegi tractu, catervatim in Hiberniam transfusos colligit.

Nemethi pronepotem fuisse ajunt Ibatem, qui anno mundi MMCCXLV. vixerit, progenueritque Danannas, gentem ita dictam. Danannas istos, patriâ profugos, in Græciam abiisse tradunt, ibique magicas artes didicisse: mox in Scandiam & Boreales Europæ partes, quâ Norvegia Svedia & Dania patent, transgressos, urbes ibi incoluisse Falias, Goriam, Finniâ & Muriam: hinc in Aquilonarem Britanniam trajecisse, indeque anno mundi MMDCCXXXVII. Duce Nuado Argentimano, ab Ibathe septimo, in Hiberniam irrupisse.

Scotos Venerabilis *Beda* ex Scythia in Septentrionales Hiberniæ oras intrasse tradit. Istam Scotorum coloniam alii asserunt Milesios, octo filios Militis Hispanici, cum affinis & agnatis ex Scythia in Hiberniam transulisse, anno mundi MMDCCCCXXXIV. primumque eorum Regem fuisse Herimonem, dictorum Militis filiorum unum, quo regnante Picti advenerint. Scotos Gothorum Scandianorum prolem esse, variis argumentis *Camdenus* asserit, quæ *Langbornius* Antiquitatum Albion-

nen-

nensium p. 309. paucis complexus his verbis exponit:
 Illi (*Scoti*) nomine vernaculo Gajothel, eorum lingua „
 Gajothlac appellantur; quæ duæ voces à Gothorum no- „
 mine haud multum abludunt. Et nomen Gatheli, „
 quo se ortos jactitant, à Gothila, usitatissimo Regum „
 Gothicorum nomine, quàm parum discrepat? Inter „
 utriusque gentis linguas, mores, vestes, arma, quan- „
 ta affinitas & similitudo? Ipsi suos majores partim è „
 Scythia cum Nemedi, partim ex Hispania cum Ga- „
 theli posteris venisse in Hiberniam fatentur: Gathe- „
 lum vero Phæni nepotem cum suis è Scythia (scili- „
 licet Germania, quæ Scandia est) in Hispaniam tran- „
 siisse, (lepida intertexta de filiâ Pharaonis Ægyptii, „
 Scotâ nomine, fabella,) Nennius atque alii prodide- „
 runt. Scythas quoque in Hispania confedisse osten- „
 dit Poeta, ita de Massagetica Concanorum gente ca- „
 nens: „

Et qui Massagetam monstrans feritate parentem „

Cornipedis fusa satiaris Concane vena. „

Et alibi: „

— Sarmaticos attollens Sufana mores. „

At Gothos magnam Sarmatiæ partem incoluisse „
 constat, à quibus ipsam Sarmatiam dictam esse Scy- „
 thiam colligere est. Unde in Hispaniam per mare „
 Balthicum cum Scandianis navigare poterant. Sive i- „
 gitur Nemedianos sive Gathelianos respicimus, Scy- „
 thæ Gothici Scotorum veri patres habendi fuerint. „
 Et Thomas Valsinghamus sicut à Getia Getas, Geti- „
 cos, Gothos, Gothicos, ita à Scythia Scythas, Scythi- „
 cos, Scotos, Scoticos deducit. Herodotus Scythas „

„ in univcrsum Scolotas nuncupatos ſcribit; unde Sco-
 „ torum nomen facilè contrahi potuiſſe Seldenus arbi-
 „ tratur. Certe Scotos olim, quādocunqve rebus ſuis
 „ maxime metuerent, Scandianorum opem implorare
 „ ſolitos, atqve à Romanis Albione eliminatos, partim
 „ in Hiberniam, partim in Scandiam ſe recepiſſe, Britan-
 „ nici pariterqve Scotici Scriptores retulerunt; quod
 „ quādam patrum primorum, patriæqve priſtinæ re-
 „ cordationem, haud obſcure indicat. Ac proinde mare,
 „ Britanniam atqve Hiberniam interluens, Scythicæ (ſi-
 „ vè Gothicæ) Scotorum, Hiberniam incolentium origi-
 „ nis reſpectu, Gildas Vallem Scythicam nuncupat.

Pictos ſimiliter ex his terris arceſſit *Langbornius*, illosqve ex eā majoris Germaniæ parte profluxiſſe vult, unde Gothi & Dani oriundi: quæ hodie Dania, Daniam Sveciam & Norvegiam complexa, olim Scythia citerior & borealis dicta ſit. Factum id eſſe traditur tempore, quo Herimon, primus Scotorum Dynaſtiæ Rex, in Hibernia regnaverit ab anno mundi MMDCCCCXXXV. ad annum MMDCCCCXLVIII. mille circiter annis ante caput æræ Chriſtianæ, Salomone Hieroſolymis regnante. *Hector Boethius* Pictos ex hiſce terris primo exiſſe ſimiliter ſtatuit, ſed emigrationem illam ad longè inferiora tempora refert, quippe quā factam eſſe innuit paulo ante annum mundi MMMMDCCCLXVII, qui, juxta ejus calculum, æram Chriſtianam annis CCCXXII. antevertit. Nunc noſtram de relationibus iſtis ſententiam proferemus.

Partholanum quod attinet, nobis annus quo Hiberniam acceſſit, coloniasq; eò tranſtulit, certior hand videtur

tur regione unde venerit, quam quidam, uti dictum, Scandiam, alii Macedoniam fuisse contendunt. Et certe res ita se habere videtur: Rudioribus seculis plurimis nationibus origines suas, quò angustiores apparent, à Trojanis vel Græcis mutuari placebat. Eum Hiberni morem secuti, Partholanum huncce è Macedoniâ evocârunt; Quod cum sagaciores ineptum esse postea viderent, de aliâ propinquiori patriâ ei providere volentes, Scandiâ eum exiisse tradiderunt.

Idem de Nemetho dicendum. Ex Scythia illum non Scandiâ, in Hiberniam venisse, Scriptoribus Hibernicis vulgò creditum: & quidem longa ac difficili navigatione per angustias freti ab oceano Boreali in Caspium mare penetrantis; hinc è Caspio mari per intermedios sinus in Euxinum pontum: inde emensis à dextra montibus Riphæis, Europam à lævâ legendo Hiberniam attigisse, quæ navigatio quam sit fabulosa, omnes vident, & ipse *O-Flaberty O-gyg.* pag. 7. demonstravit. Recentiores itaque, ne Nemethus iste fictitius planè putaretur, non secus ac de Partholano conjecturam fecimus, viciniorem magisque credibilem patriam ei dederunt; quam Hibernos illos unquam aluisse, nos prius non credemus, quam proborum vetustatis scriptorum testimoniis id firmari viderimus.

De Fomoriis & Danannis, omnia similiter incerta, multa penitus fabulosa nobis apparent. Nec facilè tam accurata rerum adeo vetustarum memoria conservari potuit sine adminiculo literarum, quas Hiberni longè serius, cum Christiana religione didicisse videntur, quicquid in contrarium statuant *O-Flaberty* in fine proloqvii ad Ogygiam, aliive; qui eos multis ante Christum natum secu-

lis literarum usum habuisse, persuadere conantur, fidem tum demum inventuri, ubi probum ejusmodi monumentum, vel genuinæ antiquitatis eâ de re testimonium protulerint.

Hic opportunè mihi in mentem veniunt ea, quæ in præfatione ad Antiquitates Hiberniæ scripsit vir genere & doctrina nobilis, *Jacobus Varæus* : Perexiguam, „ ait, superesse notitiam rerum in Hibernia gestarum, „ ante exortam ibi Evangelii auroram, liquidò constat. „ Neque me latet à viris nonnullis doctis, pleraque, quæ „ de antiquioribus illis temporibus, ante adventum S. „ Patricii in Hiberniam, à scriptoribus traduntur, „ tanquam fragmenta esse explosa. *Addit porro Wareus* : „ Notandum quidem descriptiones fermè omnium, „ quæ de illis temporibus (vetustioribus dico) extant, „ opera esse posteriorum seculorum.

De Scotis Pictisque; ex septentrionalibus hisce terris prodeuntibus, nos nulli litem movèbimus. Tempus saltem exitus eorum deprimendum esse putamus. Etenim verisimile non est, Boream nostrum tum temporis hominibus ita abundasse, ut coloniis emittendis par fuerit. Nec navigandi artem, tantæ multitudini transferendæ necessariam, nostri eâ ætate satis calluisse videntur: quæ omnia libri hujus Cap. VII. prolixius discussimus. Cui nunc addimus ea, quæ de navigationibus veterum commentatur *Sheringhamus* Not. ad Cap. XVI. Discept. de Orig. Angl. pag. 437. *Josephus*, inquit, „ Scaliger cum aliis viris eruditis propter nōminis in „ Hebræo sermone conveniētiā, Erythram Regem, „ *quem*

(*quem antiqui navigandi artem invenisse tradunt*) Edo-
mum Jacobi fratrem fuisse affirmat. Mihi autem hoc
non fit verisimile. Certe Moses, si ars navigandi ab
Hebræis inventa esset, in honorem cognatæ gen-
tis id retulisset. Navigia potius nulla, quibus in
mari rubro, aut magnis fluminibus navigaretur,
Mosis ætate extitisse arbitror, cum is navigiorum
nullam uspiam facit mentionem. Nunquam por-
ro Hebræi Jordanem transitori miraculum expectas-
sent, si navigia ad ripas ejus aut aliunde comparari
potuissent; nec opus erat ut Deus miraculum ede-
ret, cum facile poterant conquisitis navigiis, sine
miraculo trajecisse. Maximam enim Transjordanæ
regionis partem devicerant, quâ plurima sunt flumi-
na, torrentes, lacus, ex quo fluvius Jabboc, cujus
mentio fit Deut. 3. 16, Jordani fluvio commisce-
tur. Poterant ab his satis navigiorum surripuisse, si
ea tempestate in usû fuissent, cum ad pontem facien-
dum paucis admodum navigiis opus sit. Hactenus
Doctissimi Sheringhami verba; quibus subjungere li-
bet ea, quæ de exterorum in Hiberniam migrationibus
scripsit antelaudatus *Jacobus Waræus*, quibus nostræ
sententiæ, superius prolatae, non leve robur addit. I-
ta ille, postquam origines gentis successionesque exposu-
isset, Antiquit. Hibern. Cap. II. ait: Immigratio-
num Partholani, Nemethi, ac demum trium filio-
rum Militis Hispani cum CXX. ciulis (navibus ita
dictis) meminit Nennius. Sed Partholanum & suos
peste asserit extinctos; Nemethum in Hispaniam re-

„ diisse, & Militis filios mansisse ibi per spatium unius
 „ anni. Ex Nennio rectè colligit Doctissimus Camde-
 „ nus horum immigrationes ex profunda illa antiqui-
 „ tate, quam fabulantur, in recentiora tempora retra-
 „ hendas. Nec est cur miremur. Res etenim prisco-
 „ rum seculorum, velut quæ magno ex intervallo loci
 „ vix cernuntur (ut rectè Livius) vetustate nimia esse
 „ obscuras, etiam sæpè prorsus ignotas, è doctis quis
 „ nescit? Et ne longè digrediamur, constare videtur,
 „ pene omnia, quæ de vetustis rebus Britannicis ante
 „ Cæsaris tempora à Galfrido Monumethensi tradun-
 „ tur, ne dicam fictitia esse, certe spissis tenebris ob-
 „ ducta. In his porro quæ desumpta sunt ex historiis
 „ Hibernicis de Gentis origine, falsa veris mixta æ-
 „ quo Lectori satis liqvet. *Et multis interpositis.* Desig-
 „ nare tempus exactum, quo Hibernia primum habi-
 „ tari cœperit, non est cur quis à me expectet. Re-
 „ rum antiquarum initia, nisi quæ ex sacris scripturis
 „ hausimus, plerumque admodum incerta esse non igno-
 „ tum. Cæterum ut verisimile est & valde probabile
 „ primos ejus incolas è Britannia appulisse, proximâ
 „ nempe insula, & à tenuibus, ut fit, initiis pedetentim
 „ novas inde colonias, puta Brigantes, &c. Hiberniæ
 „ partes quasdam orientales (Britanniæ proximas) oc-
 „ cupasse, ita etiam non negandum alias nationes co-
 „ lonias postea in Hiberniam misisse, licet de exacto
 „ tempore nihil superfit.

De Scotorum coloniâ, à Milesiis fratribus in Hiberniam transportatâ, notari præterea merentur, quæ scribunt

Lang-

Langbornius & Camdenus: nempe fratres illos, coloniae duces, Hiberniae partem beneficio Gurguntii, Britanniae regis, habitandam accepisse. Gurguntium autem fuisse vulgo volunt filium Belini, fratris Brenni, Gallorum Senonum Ducis, ejus qui Romam cepit anno mundi MMMDLXIII. ante natum Christum CCCLXXXV. secundum *Calvisum*. Id quod cum anno mundi MMCCCCXXXIII. quo alii, uti ante dictum est, Scotos fratribus hisce ducibus in Hiberniam venisse statuunt, neutiquam concordat, parum autem differt a tempore ingressus Pictorum in Hiberniam, secundum opinionem *Langbornii*; qui postquam universam Fordoni de Pictorum Regibus Chronologiam, quam accuratissime examinasset, haecce scribit Elencho Antiquit. Albion, pag. 307. Pictos in Albione regnasse per annos mille centum & eo plures Johannes Fordonus, per annos mille & septuaginta (& juxta nonnullos mille trecentos sexaginta) Ranulphus Cestrensis, per annos mille centum & unum supra septuaginta Boethius, ultra octingentos annos Johannes Major prodidit. Nos in tanta scriptorum dissensione eo potissimum inclinamus, ut Pictos in Hibernia, ac deinde in Albania, ab initio Cruithnei Cameloni, mille centum septuaginta quinque, in Albania sola, ab adventu Roderici, septingentos sexaginta quatuor annos, usque ad annum octingentesimum trigcesimum nonum, quo ultimus eorum Rex Drusco juxta Fordonum & Boethium occubuit, regnasse censamus. Occisus autem est Drusus anno DCCCXXXIX. unde sequitur, initium regni Pictorum figendum esse in anno ante caput aerae Christianae CCCXXXVI. quod iterum eorum asserta destruit, qui Pictorum in Hiberniam migrationem

tionem mille circiter annis ante Christum natum contigisse volunt.

Apparet itaque parum præsidii in Hibernorum antiquitatibus inventuros ingentis illius septentrionalium populorum antiquitatis assertores.

Ceterum illa, quæ de nostrorum emigrationibus libro hocce tam prolixè disputavimus, eò omnia tendunt, ut appareat cuivis, nil ferè solidi de septentrionis rebus constare, ante Odini Upsalensis adventum; certe nullam rerum seriè in illo vetustiore monstrari posse. Ab eo autem, uti in calce capitis IV. pag. 148. superius diximus, certior septentrionalium rerum notitia Regumque series incipit.

Quæ qualis apud Danos fuerit, eâ quâ possumus diligentia sequenti libro exponemus.





THORMODI TORFÆI
SERIES DYNASTARUM ET REGUM DANIÆ.

LIBER III.
De Catalogo seu Serie Dynastarum
Regumque Daniæ.

CAPUT I.
*De fundamentis, quibus integer hic-
ce l.ber superstruitur.*



rimo operis nostri libro monumenta illa, quibus tota vetustioris septentrionis historia innititur, prolixè satis depromimus, atque de eorum nonnullis iudicium nostrum tulimus. Secundo tempus investigavimus, à quo solidior septentrionalium rerum notitia regnantiumque series initium sumunt. Tertio hocce libro ipsum Dynastarum Regumque, qui Regni Danici sceptrà sum-

Dd

inâ

mâ cum potestate gesserunt, ordinem exhibebimus; pro-
ut hîc nobis viam monstrant Islandorum monumenta,
quorum hac in re auctoritatem maximi, uti superius di-
ctum, ponderis esse arbitramur.

Extant autem in perantiquo codice pergameno, (quem
una cum aliis remotioris ævi monumentis Bibliothecæ
Academicæ Hafniensi legavit beatæ memoriæ Petrus Re-
senius, in curia urbis Hafniensis Præses quondam dignis-
simus, antiquitatum septentrionalium egregius fautor &
conservator,) Dynastarum Septentrionalium series aliquot:
Una earum Regum Daniæ est, ab Odino usque ad Knutum
Magnum, Daniæ & Angliæ Regem, Sveni Admorsæ bar-
bæ, vulgo Tiuguskeggi, filium; & altera Regum Sveciæ
ab eodem Odino usque ad Norvegiæ Regulos, Haraldi
Pulchricorni, primi terræ illius Monarchæ, majores. Eas-
dem Daniæ & Sveciæ Regum Series eodem modo conti-
net membrana admodum vetusta, quam possidet & nobis
communicavit Arnas Magnæus, amicus noster insignis.
Langfedgatal vulgò appellari solent isti Dynastarum Catalo-
gi, & à *Verelio* in Notis ad Hervoræ historiam non semel ad-
ducuntur. Habetur insuper in Bibliothecæ Regiæ codice
membranaceo (qui ab Occidentalis Islandiæ insulâ,
Flatøy dictâ, ubi aliquando conservatus est, vel verius
delituit, *Flatøyensis* vulgò nominatur) opusculum, quod
Origines Norvegicæ appellare solemus: inibi similes Daniæ
Sveciæque Regum Series leguntur. Tandem *Snorrius*
Sturlaus in Chronico suo Norvegico antiquissimos Sve-
ciæ Reges enumerat, ordine eodem ac in prædictâ Re-
gum istorum Serie recensentur. Et ecce Serierum ista-
rum chemata:

Vetustis-

Vetustissimorum Daniæ Regum
Series, ex antiquissimo monumento Islandico,
Langfedgatal dicto, descripta.

Odinus.

Skioldus filius ejus.

Fridleifus filius ejus.

Frodius Pacificus filius ejus.

Fridleifus filius ejus.

Havar Manufortis filius ejus.

Frodius filius ejus.

Vermundus Sapiens filius ejus.

Olafus Mansvetus filius ejus.

Danus Magnanimus ; ab eo Dania nomen accepit.

Frodius Tranqvillus filius ejus.

Fridleifus filius ejus.

Frodius Vegetus filius ejus.

Ingialdus Starcadialumnus , filius ejus.

Halfdanus frater ejus.

Helgius & Hroar filii ejus.

Hrolfus Krakius Helgii filius.

Hrærecus Hnoggvanbaugius, filius Ingialdi
 Starcadi alumni.

Frodius filius ejus.

Halfdanus filius ejus.


Hrærecus Slongvanbaugius filius ejus.

Haraldus Hilditann filius ejus.

Sigurdus Hringus.

Ragnar Lodbroch filius ejus.
Sigurdus Angvioculus filius ejus.
Haurda Knutus filius ejus.
Gormus Grandævus filius ejus.
Haraldus filius ejus.
Svenus admorfæ barbæ filius ejus.
Kanutus Dives filius ejus.

Valdar Munificus filius erat Hroaris Helgii filii.
Haraldus filius ejus.
Halfdanus Disertus filius ejus.
Ivar Vidfadmīus filius ejus.
Audur Prædives filia ejus.
Haraldus Hilditann filius ejus (*Auduris*); &
Randuer Radbardi filius.
Sigurdus Hringus filius ejus.



Anti-

Antiquissimorum Daniæ Regum genealogia binæ, desumpta ex Originibus Norvegicis, quas continet Codex Regius, vulgo Flateyensis dictus.

Prior genealogia.

Skioldus vocabatur filius Odini Asianorum Regis.

hic erat pater Fridleifi,
 patris Frodii Pacifici,
 patris Fridleifi,
 patris Havardi Manufortis,
 patris Frodii,
 patris Vermundi Sapientis,
 patris Olafi Mansveti,
 patris Dani Magnanimi,
 patris Frodii Tranqvilli,
 patris Fridleifi,
 patris Frodii Vegeti,
 patris Ingialdi Starcadialumni,
 patris Hrærechi Hnauggvanbaugii,*
 patris Halfdani,
 patris Hrærechi Slaungvanbaugii,
 patris Haraldi Hilditanni.

Frater Haraldi erat Randver pater Sigurdi Hringi.

* *Deest hic Frodius, Hrærechi Hnauggvanbaugii filius, & Halfdani pater, qui tamen omnino inferendus est, ut inferius patebit.*

Posterior genealogia.

Odini filius erat Skioldus.
 ejus filius Fridleifus.

Dd 3

ejus

ejus filius Frodius Pacificus.
 ejus filius Herleifus.
 ejus filius Havar Manufortis.
 ejus filius Frodius.
 ejus filius Vermundus Sapiens.
 ejus filia Olufa.
 hæc mater erat **Frodii Tranqvilli.
 ejus filius Fridleifus.
 ejus filius Frodius Vegetus.
 ejus filius Halfdanus.
 ejus filius Hroar.
 ejus filius Valdar Munificus.
 ejus filius Haraldus Grandævus,
 ejus filius Halfdanus Difertus.
 ejus filius Ivarus Vidfadmius
 ejus filia Audur Prædives.
 ejus filius Randver.
 ejus filius Sigurdus Hringus.
 ejus filius Ragnar Lodbroch.
 ejus filius Sigurdus Angvioculus.
 ejus filia Aslaug.
 ejus filius Sigurdus Cervus.
 ejus filia Ragnhildis.
 ejus filius Haraldus Rex Pulchricornus.

** *Incuria librarii hic omiffus est Danus Magnanimus, quem procul dubio in hac genealogia, non fecus ac in priori, comparere voluit auctor. Itaqz, ut omnia sibi consent, hic restituendum erit: hæc mater erat Dani Magnanimi, patris Frodii Tranqvilli.*

Tabu-

Tabula genealogica vetustissimorum Daniæ Regum, ad antiquissimi monumenti Islandici, Langfedgatal dicti, tenorem delineata, additis ex aliis Islandorum documentis, nonnullis generationibus.

Skioldus.
 Fridleifus I.
 Frodius I.
 Fridleifus II.
 Havar Manufortis.
 Frodius II.
 Vermundus Sapiens.
 Olafus Manfvetus.
 Danus Magnanimus.
 Frodius III.

Halfdanus I. *α.* Fridleifus III.

Olius. *β.* Frodius IV.

Ingialdus. Frodius V. *γ.* Halfdanus II.

Hrærecus
 Hnoggvanbaugius.

Frodius VI.

Halfdanus III.

Hroar. Helgius.

Valdar
 Munificus. Hrolfus
 Krakius.

Haraldus
 Grandævus.

Halfdanus Gudrøodus. *δ.*
 Disertus.

Ivar Vidfadmus.

Helgius Hrærecus
 Acutus. *ε.* Slaunguan-
 baugius.


Haraldus
 Hilditann.

Audur Radbardus.
 Prædives.

Randuer.
 Sigurdus Hringus.
 Ragnar Lodbroch.
 Sigurdus Angvioculus.
 Hordaknutus.
 Gormus Grandævus.
 Haraldus Cærulidens.
 Svenus admorfæ barbæ.
 Knutus Magnus.

α. Ex Snorrii Chron. Norveg. desumptus. β. ex eodem Snorrii Chronico. γ. ex Hrolfi Krakii historia additus. δ. ex Snorrii Chronico ε. ex fragmento quodam Islandico, continente, inter alia, Historiam pugne Bravallensis inter Haraldum Hilditannem & Sigurdum Hringum.

Schema genealogicum lineæ maternæ Halfdani
Diserti, (cujus filius Ivar Vidfadmus monarchiam Danicam restauravit, & subsequen-
tes Dania Reges progeniit) ex Historia Hervorianâ desumptum.



*) Vide quæ su-
 perius libro II.
 Cap. IV. pag. 126.
 de hac genealo-
 gia scripsimus.

Vetustissimorum Sveciæ Regum Genealogia, deducta ad Norvegiæ Regulos, Haraldî Pulchricomî majores; ex antiquissimo monumento Islandico, Langfedgatal, descripta, collataq; cum Snorrio Sturlæo, qui eandem, ex antiquissimo carmine, Ynglingatal dicto, desumptam, eodem modo exhibet, additis saltem iis, quæ hic notantur.

Niordus.

Yngvifreyr.

Fiolner.

Svegder.

Vanlandius.

Visbur.

Domaldus.

Domar.

Dyggvius.

Dagus.

Agnius Skialfæ maritus.

Alrecus.

Eiricus, ex Snorrio.

Yngvius.

Alfus, ex Snorrio.

Jorundus.

Eiricus.

Hugleicus, ex Snorrio.

Aun Grandævus.

Egill

Egill Tunnica.

Ottar Vendilcraca.

Adils Upsalensis.

Eysteinus.

Yngvarus.

Brautonundus.

Ingialdus Astutus.

Olafus Lignarius.

Halfdanus Albipes.

Eysteinus.

Halfdanus Munificus.

Gudrodus Magnanimus.

Halfdanus Niger.

Haraldus Pulchricomus.

*Regum Specie Genealogia, quam exhibent Origines
Norvegicæ, cum Langfedgatale omnino convenit; quam ita-
que hic seorsim ponere nihil attinet.*

His

His septentrionis principum Catalogis genealogiisque, tanquam filo Ariadnéo per totum huncce librum utar, singula, quantum fieri potest, illustraturus; Daniæque Regum stemma ac successiones cum Sveciæ Regum generationibus perpetuò collaturus, habitâ ubivis ratione synchronismorum, tum seorsim inter singulorum Regnorum Dominos, tum inter utriusque Reges ad se invicem.

Magni has genealogias fecisse *Stephanium*, ex eo colligere est, quod Saxonem ad earum tenorem emendare non dubitaverit, Not. in Sax. pag. 106. Et ut nos illas, Saxonis ejusque sectatorum relationibus præferamus, (præter ea quæ de monumentorum Islandicorum auctoritate libro I. superius dicta sunt,) ipse Saxo facit; qui ex Danorum Regibus in Catalogis illis recensitis, usque ad Hrolfum Krakium præter unum non omisit, licet diversum servaverit ordinem; imò, quod ex nostris hisce manifestum fiet, & suis locis, prout res postulat, annotabitur, adeo deviaverit, ut nonnullos supra Christi nativitatem per eum exaltatos videamus, qui longo post Christum natum tempore demum floruerunt: alios ad scepra Danica admisos, qui extranei fuerunt, nec ullum inter Regni istius Dominos locum merebantur: & quosdam in supremorum Daniæ Regum numerum adscitos, qui vectigales tantum regulique fuere, licet forte aliquando Regibus ipsis potentiores. Constat enim ex *Historiâ Hervoriana* etiam Comites Daniæ, Regibus suis aliquando tributa extorsisse. Quid vero Saxonem ad historiam suam ita digerendam impulerit, libro I. in calce capitis VII. conjectavimus. Poterit etiam in excusationem illius dici: deceptum eum esse veteribus Odis Eddicis, aliisque fabulis

lis, sine ordine suo tempore circumlatis; fortè etiam confusis relationibus Arnaldi Thylenfis (i. e. Islandi), quem libro XIV. pag. m. 316. Absoloni Archiepiscopo familiarem fuisse ait, & ab historiarum notitia commendat: Catalogus veterum Poëtarum, à *Thormio* editus, & Arnaldum Thorvaldi filium vocat, & Valdemari I. Daniæ Regis tempore vixisse perhibet. Et reverà: multa certè Arnaldum illum, poëtam quantumvis bonum, & in veterum mythologiis, ut credere par est (id enim ad poëticam ejus professionem requirebatur) eruditum, in antiquitatibus fugere poterant; præsertim cum privatæ sortis esset, nec tanta apud cives suos Islandos, gentem tunc liberam sui que juris, auctoritate, ut archiva eorum, tunc temporis admodum rara excutere liceret. Præterea indubium est, multis in Dania heroibus & Regulis magnifica sepulcra & grandes tumulos exstructos esse, etiam aliarum nationum hominibus, qui aut bellum inferentes; aut in auxilium vocati, aut ultro venientes occubuerunt, cujus rei exemplum esse potest tumulus ille insignis, qui in Samo Balthica etiamnum admirationi est; qui, etsi Regia sepulcra quoad magnificentiam vel æqvè vel superet, non tamen Regi ulli Daniæ, sed duodecim athletic extraneis ab Orvar Oddo, viro Norvegico, exstructus legitur. Istiusmodi superba gentilium heroum monumenta, nomen sepulcorum non raro servantia, si pro Danorum Regum sepulcris Saxonis ætate sumebantur, is eâ ratione facile decipi, atque ingentem Regum catervam in historiam suam frustra referre potuit. Quicquid horum sit, meritò nobis Saxonem gratulamur, quod multas vetustatis historias, quæ temporum incuria apud Islandos intercederunt, nobis conservaverit, licet earum seriem tem-

porumve rationem parum observaverit; quod & ei difficile fuisse videtur, quippe qui historiam suam solidis fatis fundamentis non superstruxit.

CAPUT II.

*Quo antiquissimorum septentrionis**Principum Chronologia continetur.*

Sic secuturæ de vetustioribus Daniæ Regibus dissertationi fundamenta substruendo, Regum istorum stemma & ordinem aliquomodo monstravimus, in ferius singula luculenter exposituri. Succedet nunc illorum Chronologia; quæ reliquo operi præmissa, dicendis postea præluceat. Sunt autem veterum Daniæ & Sveciæ Regum tempora mutuò sibi in tantum innexa, ut abinvicem separata concinnè vix digeri queant. Hinc Sveciæ Regum Chronologiam unà adjiciemus. Labor hicce noster, quem, nemine præeunte, primi exantlavimus, si absurditatis tantum vitio careat, quod voluimus habemus; ceterum ut in singularum calculi hujus numerorum veritatem juremus, non est quod quis à nobis expectet. Etenim, ut quod res est dicamus, in digerendis hoc modo Regum annis, nullius, uti mox diximus, Chronologi vestigia premimus, non extante quovquam, qui tempora illorum ante nos certis annis alligaverit. Quæ enim Svaningius aliive Danorum Chronologi in simili materia scripserunt, nihil huc pertinent, quippe ad longè alium, (uti conferre volenti obvium fiet,) aptata regum ordinem, & à nostris hisce penitus aliena. Interea ne quis nos Chronologiam hanc nostram ex proprio cerebro effingere, ac itaque fumos hic vendere suspicetur, sciendum, nostrum in illâ adornandâ fun-

Ee

damen-

damentum esse genealogiarum seriem, & hominum in illis memoratorum synchronismos.

Genealogias si quis in Chronologiæ usum convertere velit, incipiendum ei omnino est à certo aliquo anno, quo hunc vel illum hominem vixisse, indubiè constat; ac deinde descendendum vel ascendendum generationum gradus cum tempore conferendi, datis unicuique tot annis, quot ad generationes istas perficiendas sufficere vel omnino requiri, notiorum temporum genealogiæ monstrant. Hac ratione, nisi alia impedimenta interveniant, satis tutò conjici potest, quem circiter annum huic vel illi genealogiæ gradui adaptare conveniat. Exemplo res clarior fiet. Haraldum Pulchricomum Norvegiæ Regem, circa seculi IX. medium natum esse constat. Sunt vero ab Haraldo, si maternum illius genus ad Ragnarem Lodbrochem, indeque per aviæ illius Auduris Prædivitis majores usque ad Odinum (quem ab eodem Haraldo nongentorum circiter annorum spatio distare, æqvè notum est) retro computemus, generationes viginti sex. Harum singulis si XXXV. annos dederimus, omnia convenient, & istorum Haraldi majorum unusquisque ad certa tempora referri poterit. Similiter paternum Haraldi genus à Nior-do Sveciæ Dynastâ, Odini æquali, per viginti octo gradus descendit, in quorum singulos si XXXII. annos computaverimus, nongentorum circiter annorum summam conficiemus, & una videbimus quo circiter anno hic vel ille progenitorum Haraldi vixerit. Hac ratione quævis vetusta genealogia certis annis verisimiliter adaptari potest, modo genuina sit & à graduum defectu immunis; id quod non difficulter dijudicari potest ex collatione stemmatum numeroque graduum, qui vel à com-

communibus principiis ad ejusdem ævi homines, vel à coævis majoribus ad æquales tempore posteros deducuntur. Iste enim si valde differat, præsertim in brevioribus genealogiis, vitium alicubi subest. Si omnia rité convenient, genealogiam à fraude alienam, errorisque immunem censere debemus. Non tamen ubique singulis generationibus æqvè multos annos assignare licet; etenim aliquando hominum synchronismi, aliæ impedimenta id prohibent, quemadmodum in Sveciæ Regum stemmate Aunii Grandævi prodigiosa ætas, atque cum Daniæ Regibus synchronismi, nos cogunt, ut quibusdam gradibus plures quam universalis eorum proportio sivat, aliis pauciores annos adscribamus.

Sæpius talia, nisi diligenter observata, chronologiam turbant, & calculum ferè evertunt. Ita in Regum Daniæ genealogiâ circumspeditionem requirunt duo rami, qui à binis Frodii IV. filijs, Ingialdo & Haldano, deducuntur, ad Hrærecum Slaungvanbaugium alter, alter ad Audurem Prædivitem, dicti Hræreki uxorem; unde Daniæ, Norvegiæ, ut & Sveciæ Regum stemmata deinde fluxerunt. Hrærecus a Frodio IV. quintus est, uxor illius Audur ab eodem Frodio septima. Quæ differentia quamvis exigua videatur, synchronismi tamen intervenientes, plures, easque non leves difficultates pariunt; quemadmodum nos hæc & alia istiusmodi luculenter postea demonstrabimus.

Sicut autem synchronismi isti numeros nostros aliquando turbant, ita vicissim nobis lucem ut plurimum præferunt, viamque monstrant, cui firma insigamus vestigia, quæ sine illis lubrica forent, nosque hic divaricantibus quam rectâ incedentibus similiores redderent. Ex re igitur erit, singulos eorum distinctè annotare, qui ve-

tutissimorum Daniæ Regum tempora cum certorum Sveciæ Regum ætatibus connectunt, ut, monstratis evidenter cœtaneis illis utriusque regni dominis, de reliquorum temporibus facilius verisimilem possimus facere conjecturam.

Itaque certorum Daniæ & Sveciæ Regum tempora usque ad Ivarem Vidfadmium & Ingialdum Astutum septies inter se scriptores nostri committunt.

Primus illorum Synchronismorum versatur inter Skioldum Daniæ, & Niordum Sveciæ domos; quorum uterque ex Odini comitatu erat, eique, uti ex *Edda* & *Snorrio Sturleo* constat, alter vivo, alter mortuo, in Daniæ & Sveciæ regnis successerunt.

Secundum nobis idem *Snorrius* in Chronico suo subministrat, inter Frodum I. Danum, & Freyrem ac Fiolnerem Svecos, qui nativitatis Christi tempore vixerunt.

Tertii Synchronismi speciem exhibent Olafus Mansuetus ac Danus, Daniæ Reges, & Domar, Rex Sveciæ, qui Dani sororem, teste *Snorrio*, eandemque, ut apparet, Olafi privignam, uxorem duxit; etiamsi, si nostro standum calculo, Domar Dano vetustior fuerit; imò hoc in puerili adhuc ætate constituto obierit; ut eâ ratione magis conveniat, Danum ab hoc synchronismo excludere, eumque inter Domarem & Olafum figere, quorum hic à Skioldo septimus, ille per totidem gradus à Niordo descendit.

Quartum *Snorrio* etiam debemus. Intercedit vero ille inter Halfdanum I. & Olum, Fridleifi III. filium, Danos: & Aunium Grandævum Sveciæ Regem; quorum hic à Niordo decimus quartus, ille à Skioldo undecimus, & iste decimus in linea descendente computantur.

Qvin-

Qvintum *Snorrius* adhuc suppeditat; qvi versatur inter Egilem Tunnicidam ac Ottarem Vendilcracam, Svecos, & Frodium Danum; qvi absqve dubio Qvintus est, Frodii IV. filius, licet *Snorrius* eum *Vegeti* cognomine insigniat, qvi inter Frodios Qvartus est. Hic notandum, Frodium V. qvinto gradu ab Olaso Manfveto removeri, Ottarem à Domare Olasi æquali nono; unde necessario sequitur, omnes illos Daniæ Reges, filios, regni successores, in provectâ admodum ætate procreasse; præsertim cum ingens illud Aunii ævum Svecorum Regum annos hic non parum multiplicet: nisi forte unusaliquis inter Daniæ Reges, Aunium annis æqvaverit vel supergressus fuerit, qvod tamen testimoniis destituti statuere non audemus.

Sextum Synchronismum ex unâ parte constituent Adils & Eyfsteinus Sveciæ Reges; ex alterâ Helgius, qvi Adilsi, & Hrolfus Krakius, qvi utriqve coætaneus erat. Hæc ex *Hrolfi Krakii historia* discimus, ut & *Snorrio*; qvi Hrolfum regnante Eyfsteino cæsum addit: & hi duo fratres uterini fuisse videntur.

Septimus Synchronismus est inter Ivarem Vidfadmium, Daniæ, & Ingialdum Astutum Sveciæ Reges, qvorum ille hunc ad fatum sibi accelerandum compulsi, Sveciaqve potitus est, testante *Snorrio* in Chronico suo Norvegico.

Hic in Synchronismis istis, qvi sequentem nostram Chronologiam hætenus non parum stabiliunt, recensendis subsistere cogimur; cum prædictus Chronici Norvegici auctor Sveciæ Regum gesta ulterius non persequatur. Interea bene est, qvod idem auctor ad Norvegiæ Regum stemma transiens, illud ab Olaso Lignario, Ingial-

di Astuti filio, haud interrupta generis serie ad Haraldum Pulchricomum pertexuerit; quam Norvegiæ Regulorum genealogiam, dum subsequantium Daniæ Regum annos computamus, nos, methodo superius ostensâ, ad usum nostrum transferemus.

His ad faciliorem sequentium intellectum præmissis, ad ipsam Chronologiam nos nunc convertimus. Invenientur ibi vetustissimorum, ac maximè hucusque controversorum Daniæ Regum, genealogicâ tabellâ superius pag. 215. exhibitorum, tempora, certis annis alligata: diceturque distinctè, quo ante vel post Christum anno quisque natus sit, quo æræ Christianæ & ætatis anno regnare cœperit, quo successorem genuerit, quot annos regnaverit, & denique quo Christi ætatisque suæ anno mortuus sit. Interferentur ubique antiquissimorum Sveciæ Regum, superius pag. 216. recensitorum, tempora, methodo eâdem in certos annos digesta.

Incipiet vero nostra hæc Chronologia ab Asianorum in has terras transmigratione, quâ antiquiorem rerum seriem in septentrione non dari, superius libro II. sæpius dictum, satisque, ut credimus, probatum est.

Asiaticæ istius coloniz, prout ex superioribus abundè constat, dux fuit Odinus, insignis magus: Cujus è patriâ suâ Syndicâ emigrationem ad annum ante Christum natum LXX. libro II. pag. 105. superius retulimus. Decennium in Russiâ, Daniâ, Norvegiâ, Sveciâ, interjectisque regionibus subigendis consumsisse ponamus, adeo ut anno ante Christum LX. filium Skioldum Daniæ præfecerit.

Skioldum illum in Asiâ natum statuimus LXXX. ante Christum natum annis; Daniæ regno à patre Odino

no præfectum, anno ante Christum LX. ætatis suæ XX. eodemque anno Fridleifum I. progenerâsse. Si deinde decennio regnavit, diem suum obiit L. anno ante natum Christum, ætatis suæ XXX.

Fridleifus I. eâ ratione natus erit anno ante Christum LX, Patri in regno Daniæ successerit anno ante Christum L. ætatis X, Frodium Pacificum anno ætatis XXX. genuisse supponimus, id est ante Christum XXX. Vixerit exinde septennio, imperaveritque XXVII. annis. obiit itaque anno ætatis XXXVII. ante Christum XXIII.

Frodium Pacificum natum statuimus anno ante Christum natum XXX. Septennem regnum adiisse *Saxo* tradit, id est, secundum nostrum calculum anno ante Christum XXIII. Fridleifum II. genuisse ponimus annos natum XXX. hoc est æræ Christianæ anno I. Imperaverit annos LVIII. decesseritque anno ætatis LXV. post natum Christum XXXV. *Saxo* eum ætate provectum obiisse innuit, & *Rimbegla* (vetustus liber) tempore passionis Dominicæ senem fuisse tradit.

Nunc ad Sveciæ Dynastas transitum facientes, eorum quoque singulis certos assignemus annos; ut conjunctim positi Chronologiam mutuò illustrent.

Niordum Odino in Sveciæ regni gubernatione successisse ex *Snorrio* constat. Et juvenilem ætatem in Asia transegisse, ex eo colligitur, quod Odino ante emigrationem illius obses datus sit, & mox inter intimos Consiliarios adscitus; unde nihil obstat, quominus eum centum annis ante Christi nativitatem in lucem editum statuamus; ita ut quadragenarius fuerit, cum in Odini comitatu huc perveniret, anno ante Christum natum LX. Cum vero post excessum demum Odini in Svecia imperare

perare cœperit, singuli autem Odini filii, illo vivo, suis quisque regnis præfecti fuerint, ad scepra Svecica ascendisse eum supponimus, anno ætatis suæ LXX. ante Christum natum XXX. Decimo octavo ætatis anno Freyrem procreasse potuit, qui est ante Christum LXXXII. ut XII. annorum Freyr fuerit, antequam Asia emigraret, potueritque sacerdotio inter Asianos ritè fungi, (fuisse enim Sacerdotem *Snorrius* refert). Si Njordum imperasse velimus annos X. mortem oppetiit octogenarius, anno ante Christum XX.

Freyrem natum esse posuimus anno ante Christum LXXXII. Successerit patri in imperium anno ante Christum XX. ætatis suæ LXII. procreaveritque Fiolnerem anno ætatis suæ XXXIX. ante Christum XLIII. Imperasse eum statuimus annos XXX. ut mortuus sit anno ætatis XCII. post Christum natum X. Etenim Sveci illi; perinde ut Dani Frodio, aureæ pacis comoda, inusitatamque annonæ ubertatem, quæ Christi nativitatem secuta est, acceptam retulerunt. Ad nonaginta annos pervenire, nec hodie insolens est, & ego in hac vicinia tantæ ætatis haud paucos novi, quosdam etiam, prope centenarios.

Fiolnerem natum esse conjecimus anno ante Christum XLIII. Successerit patri anno Christi X. ætatis suæ LIII. Genuerit Sveggerem anno ætatis XXX. ante Christum natum XIII. Imperaverit annos IV. decesseritque anno Christi XIV. ætatis LVII.

Sic in Septentrionis Regum temporibus digerendis ad Salvatoris nostri tempora pervenimus. Sequentes nunc videbimus.

Post Christum natum primus Daniæ scepra adeptus est Fridleifus II. Hunc anno æræ Christianæ I. natum su-

superius posuimus. Successerit patri Frodio I. vel Pacifico, anno Christi & ætatis suæ XXXV. genuerit Havarem Manufortem anno ætatis XXIV. Christi quoque XXIV. regnaverit annos XII. decesserit anno ætatis XLVII. Christi XLVII.

Havar Manufortis natus anno Christi XXIV. cœperit regnare anno ætatis XXIII. Christi XLVII. genuerit Frodium II. anno ætatis XX. Christi XLIV. imperaverit annos XII. mortuus anno Christi LIX. ætatis XXXV.

Frodus II. natus anno Christi XLIV. successerit patri anno ætatis XV. Christi LIX. procreaverit Vermundum Sapientem anno ætatis XVIII. Christi LXII. regnaverit annos XVIII. decesseritque anno Christi LXXXVII. ætatis XXXIII.

Vermundum Sapientem, natum anno Christi LXII. regno admotum ponimus anno Christi LXXXVII. ætatis XV. Olafumque Mansvetum eodem anno genuisse. Si annis XLIII. regnasse velimus, decessit anno Christi CXX. ætatis LVIII.

Olafus Mansvetus natus anno Christi LXXXVII. cœperit regnare anno Christi CXX. ætatis XLIII. genuerit Danum Magnanimum anno ætatis XLIX. Christi CXXXVI. regnaverit annos XXVI. decesseritque anno Christi CXLVI. ætatis LXIX.

Nunc ad Sveciæ Reges redibimus.

Primus in Svecia post Christum Svegger regnavit; natus, uti supra posuimus, XIII. annis ante Christum. Ad sceptrum admotum ponimus anno post Christum XIV. ætatis illius XXVII. genuerit Vanlandium anno Christi XVI. ætatis XXIX. regnaverit annos XX. decesseritque an-

no Christi XXXIV. ætatis XLVII. De annis illius id solum traditur, quod quinquennium immoratus sit itineri Scythico, ad quærendum Odinum instituto, & quod redierit, iterumque eò profectus fuerit.

Vanlandius anno post Christum XVI. natus, patri successerit anno Christi XXXIV. ætatis suæ XVIII. genuerit Visburem anno ætatis XXII. Christi XXXVIII. regnaverit annos XIV. mortuus anno Christi XLVIII. ætatis XXXII.

Visburem anno Christi XXXVIII. natum, sceptris admotum ponimus anno Christi XLVIII. ætatis X. procreaverit Domaldum anno Christi LX. ætatis XXII. regnaverit annos XL. decesseritque anno Christi LXXXVIII. ætatis L.

Domaldus natus anno Christi LX. cœperit regnare anno Christi LXXXVIII. ætatis XXVIII. genuerit Domarem anno ætatis XXIV. Christi LXXXIV. imperaverit annos XXII. mortuus anno Christi CX. ætatis L.

Domar natus anno Christi LXXXIV. regimini admotus ponitur anno Christi CX. ætatis XXVI. procreaverit Dyggvium anno ætatis XXII. Christi CVI. imperaverit annos XXII. mortuus anno Christi CXXXII. ætatis XLVIII. Hujus uxor erat Drotta, Dani Daniae Eponymi soror (uterina ut apparet), quam Danpo natam esse statuimus anno Christi XCII.

Absolutis ita tribus synchronismis, ad Daniae Reges iterum nos convertemus. Horum a nobis intermissum ordinem Danus continuat Magnanimus, natus ex nostra hypothesi anno Christi, uti dictum est, CXXXVI. Patri Olafo successisse eum ponimus anno ætatis XX. Christi CXLVI. Frodiumq; Tranquillum genuisse anno ætatis LVI. Christi

sti CLXXXII. Danum ad multam ætatem pervenisse *Snorrius* scribit; regnaverit itaqve annis LXXVI. decesseritqve anno ætatis XCVI. Christi CCXXII.

Frodium Tranquillum vel III. anno Christi CLXXII. natum, patri successisse statuimus anno Christi CCXXII. ætatis XL. procreaverit Halfdanum I. anno ætatis LXII. Christi CCXLIV. Fridleifum vero III. anno ætatis LXXXII. Christi CCLXIV. imperaverit annos L. mortuus anno Christi CCLXXII. ætatis XC.

Halfdanum I. anno Christi CCXLIV. natum esse statuimus. Hic, ut *Snorrius* in Chronico suo tradit, Aunium Sveciæ Regem quadragenarium (aliud exemplar *XLV. annorum* habet) expulit, anno Christi, ut conjicimus CCLXXVIII. ætatis suæ XXXIV. Præfuisse eum, Svecis XX. annos *Snorrius* ait (aliud exemplar XXV. habet). Mortuus itaqve erit anno Christi CCXCVIII. ætatis LIV.

Fridleifus III. Halfdani frater, natus anno Christi CCLXIV. patri in regno Daniæ successerit anno Christi CCLXXII. ætatis VIII. genuerit Olivum Vegetum anno Christi CCXCII. ætatis XXVIII. Frodium autem IV. anno Christi CCCXL. ætatis LXXXVI. regnaverit annos LXXVI. decesseritqve anno Christi CCCXLVIII. ætatis LXXXIV.

Olivus Vegetus, natus anno Christi CCXCII. Aunium Sveciæ Regem, teste *Snorrio*, octogenarium (aliud exemplar *nonagenarium* habet) expulit; quod nos ad annum Christi CCCXVIII. referimus, ætatis ejus XXVI. *Snorrius* XX. annos (secundum aliud exemplar XXV.) Svecis præfuisse dicit, atqve à Starcado occisum esse; quod nos factum esse conjectamus, anno ætatis illius XLVI. Christi CCCXXXVIII.

Nunc Sveciæ Regum seriem prosequemur.

Dyggvium Domari anno Christi CVI. natum esse superius posuimus. Mortuo parenti anno Christi CXXXII. successisse conjicimus, ætatis XXVI. procreaverit Dagum anno Christi CXXVIII. ætatis XXII. regnaverit annos XX. decesseritque anno Christi CLII. ætatis XLVI.

Dagus, natus anno Christi CXXVIII. cœperit regnare anno Christi CLII. ætatis XXIV. genuerit Agnium anno Christi CL. ætatis XXII. imperaverit annos XX. mortuus anno Christi CLXXII. ætatis XLIV.

Agnius natus anno Christi CL. regno admotus erit anno Christi CLXXII. ætatis XXII. eodemque anno Alrecum procreaverit. Regno præfuerit XX. annos, mortuus anno Christi CXCII. ætatis XLII.

Alrecus natus anno Christi CLXXII. regnare cœperit anno Christi CXCII. ætatis XX. genuerit Yngvium anno Christi CXCIV. ætatis XXII. imperaverit annos XX. decesseritque anno Christi CCXII. ætatis XL. Cum Alreco Eiricus frater in Svecia regnavit; verum nulla ejus in Regum Sveciæ genealogiâ ratio habetur, unde annos illius apponere negleximus.

Yngvius natus anno CXCIV. regnum occupaverit anno Christi CCXII. ætatis XVIII. Anno ætatis XXII. qui est Christi CCXVI. Jorundum genuerit; regnaveritque per XXXV. annos, mortuus anno Christi CCXLVII. ætatis LIII. Yngvii frater erat Alfus, qui cum eo in Sveciâ rerum potiebatur. Illius annos hic apponere nihil attinet, cum subsequantium Regum stemma ab Yngvio derivetur. Id saltem hic locum meretur, quod eodem, ac Yngvius, temporis momento occubuerit, teste in Chronico suo, *Snorrio Sturleo*.

Jorundum Yngvio patre procreatum statuimus anno Christi CCXVI. Regni gubernacula suscepit anno Christi CCXLVII. ætatis XXXI. Anno Christi CCXXXVIII. ætatis suæ XXII. Aunium procreaverit. Regnaverit XI. annis : decesseritque anno Christi CCLVIII. ætatis XLII. Jorundi imperium in Svecia parum quietum fuisse *Snorrius* innuit, regiam potestatem primum usurpante Hugleico, Alfi prædicti filio; ac deinde Hakio pugile extraneo per triennium. Nos, ad vitandam confusionem Jorundo totum hoc temporis spatium adscripsimus, nulla Hugleiki vel Hakii hic ratione habitâ, præsertim cum inferiorum Regum genus à Jorundo unice descendat.

Aunium Grandævum anno Christi CCXXXVIII. natum esse statuimus, Regnare cœperit año Christi CCLVIII. ætatis XX. progenuerit Eigilem Tunniciam anno Christi CCCLXXXVIII. ætatis CL. Imperii illius tempus CXC. annos fuisse, vitæque ejus periodum CCX. annis constituisse, ex *Snorrio* colligitur, ut eâ ratione mortuus sit anno Christi CDXLVIII. Aunius hicce quid ab Halfdano I. & Olivo Vegeto Danis passus sit, & quomodo per eos successivè regno deturbatus, apud *Snorrium Sturleum* in Chronico illius legere est. Et nos superius, ubi dictorum Regum annos digessimus, mentionem illius, sed brevissimè uti locus postulabat, injecimus.

Quartum nunc emensos synchronismum Daniæ Reges hinc avocant, & suam continuare seriem jubent.

In ea se primum nobis hic offert Frodius IV. vel Vegetus, Fridleifi III. filius, quem superius natum esse statuimus anno Christi CCCXL. Octennem ad sceptra

pervenisse ponimus, anno videlicet Christi CCCXLVIII. fuisseque annorum XLVIII. cum Ingialdus ei nascetur, anno Christi CCCLXXXVIII. deinde anno ætatis LVII. Christi CCCXCVII. Halfdanum II. procreasse, & postremo Frodium V. anno ætatis LXVII. Christi CDVII. Imperaverit annos LIX. decesseritque anno Christi CDVII. ætatis LXVII.

Ingialdus, Frodii filiorum natu maximus, Starcadi Alumnus vulgo dictus, natus anno Christi CCCLXXXVIII. regnum post obitum patris adierit anno Christi CDVII. ætatis XIX. genuerit Hrærecum Hnoggvanbaugium anno Christi CDXLIV. ætatis LVI. imperaverit annos XLIX. decesserit anno Christi CDLVI. ætatis LXVIII.

Halfdanus II. Ingialdi frater, natus anno CCCXC-VII. cœperit regnare anno Christi CDXII. ætatis XV. genuerit Hroarem anno ætatis XLVII. Christi CDXLIV. Helgium vero CDXLVI. ætatis XLIX. imperaverit annos XXXV. à fratre Frodio cæsus anno Christi CDXLVII. ætatis L.

Frodus V. Frodii IV. filiorum tertius, natus anno Christi CDVII. cœperit regnare anno CDXIV. tum septennis: à Hroare & Helgio Halfdani filiis, (illo XVI. hoc XIV. annos nato,) occisus, anno Christi CDLX. imperii XLVI. ætatis LIII. Hic Frodus nullibi præterquam in *Historia Hrolfi Krakii* occurrit. Fuisse autem Frodii IV. filium inde manifestum est, quod Halfdanum fratrem suum de medio sustulisse, atque in illius ultionem à Hroare & Helgio, Halfdani filiis, occisus esse, in eadem historia perhibeatur. Fuit autem Halfdanus ille, Hroaris & Helgii pater, In-

Ingialdi Starcadi alumni frater, & Frodii IV. filius, uti ex genelogiis, libri hujus cap. I. exhibitis, abunde constat. Hic est ille Frodius, ejus nominis V. qui Eigili Tunnici-
cidæ opem tulit, Ottaremque Vendilcracam occidi curavit. Et nos hic ad Sveciæ Reges calamus transferentes, ad hunc synchronismum properemus.

Eigilis Tunnici-
cidæ nativitatem ad annum Chri-
sti CCCLXXXVIII. superius retulimus. Regnare eum
cœpisse ponimus anno Christi CDXLVIII. ætatis LX.
Ottarem procreasse anno ætatis XXII. Christi CDX. re-
gnasse annis VII. decessisseque anno ætatis LXVIII. Chri-
sti CDLVI.

Ottar Vendilcraca natus anno CDX. Regnum post
patris mortem occupaverit anno Christi CDLVI. æta-
tis XLVI. procreaverit Adilsem anno Christi CDL. æta-
tis XL. imperio præfuerit annos IV. mortuus anno Chri-
sti CDLX. ætatis L.

Sic quintum absolvimus synchronismum, sequitur
sextus; in quo ab una parte versantur Helgius & Hrolfus
Daniæ, & ab altera Adils & Eyfsteinus Sveciæ Reges.
Nos cœptâ methodo binorum illorum Daniæ Regum
primum, & deinde duorum horum Sveciæ Regum tem-
pora excutiemus.

Helgium, Halfdani II. filium, anno Christi CDXLVI.
natum esse superius conjecimus. regnum in Daniâ acce-
perit anno Christi CDLX. ætatis XIV. genuerit Hrol-
fum Krakium anno ætatis XL. Christi CDLXXXVI.
imperaverit annos XXXIV. decesseritque anno Christi
CDXCIV. ætatis XLVIII.

Hrolfus Krakius natus anno Christi CDLXXXVI.
successerit patri anno Christi CDXCIV. ætatis suæ VIII.

Re-

Regno præfuerit XXVIII. annos, decesseritque ætatis anno XXXVI. Christi DXII.

Adils, Ottaris Sveciæ Regis filius, anno Christi, uti superius dictum, CDL. natus, regnum adiisse præsupponitur anno Christi CDLX. ætatis X. Eysteinum procreasse anno Christi CDLXXVI. ætatis XXVI. imperasse XLV. annos, decessisse anno Christi DV. ætatis LV.

Eysteinus, natus anno CDLXXVI. cœperit regnare anno; Christi DV. ætatis XXIX. procreaverit Yngvarem anno Christi D. ætatis XXIV. imperaverit XXVI. annos, decesseritque anno Christi DXXXI. ætatis LV.

Nunc ad Daniæ Reges transitu facto, eorum quoque tempora metiemur.

Hroarem Haldani II. filium anno Christi CDXLIV. natum esse superius posuimus, regnum acceperit anno Christi CDLX. ætatis XVI. genuerit Valdarem Munificum anno Christi CDLXX. ætatis XXVI. Imperii illius & mortis annos hoc loco definire opus non est, cum suam regni Danici partem fratri Helgio vendiderit, ac extra Daniam mortem oppetierit.

Valdar Munificus natus erit anno Christi CDLXX. Regiam dignitatem assumpsisse eum ponimus anno Christi CDXCV. ætatis XXV. procreaverit Haraldum Grandævum anno Christi CDXCIII. ætatis XXIII. Imperio præfuerit XVII. annis, decesseritque anno Christi DXII. ætatis XLII.

Haraldus Grandævus, natus anno CDXCIII. cœperit regnare anno Christi DXII. ætatis XIX. genuerit Haldanum Difertum anno Christi DXXXIX. ætatis XXXVI. imperaverit annos XLIX. decesseritque anno ætatis LXVIII. Christi DLXI.

Half-

Halfdanus Difertus natus anno DXXIX. cœperit regnare anno Christi DLXI. ætatis XXXII. procreaverit Ivarem Vidfadmium anno Christi DXLIV. ætatis XV. imperaverit annos XIX. decesseritque anno Christi DLXXX. ætatis LI.

Ivarem Vidfadmium, natum anno Christi DXLIV. regnum adiisse statuimus anno Christi DLXXX. ætatis XXXVI. genuisse Audurem Prædivitem anno Christi DLXIV. ætatis XX. imperasse annos XX. decessisse anno Christi DC. ætatis LVI.

Hinc ad Sveciæ Reges, prædictis Daniae Regibus cœvos, transibimus.

Eysteino, quem anno Christi DXXXI. decessisse superius posuimus, in Sveciæ regno successit Solvius de Niardeya Norvegus, fortis bellator; ac eâ ratione ad sceptrâ ascendit dicto anno DXXXI. Tempore non exiguâ rerum summæ præfuisse *Snorrius* tradit. Regnavit itaque decennio, mortuus anno Christi DXLI.

Yngvar Eysteini prædicti filius illi successit; quem anno Christi D. natum esse superius statuimus. Cœpit itaque regnare anno Christi DXLI. ætatis XLI. Braut-onundum genuisse ponimus anno Christi DXX. ætatis XX. Si IV. annos imperavit, decessit anno Christi DXLV. ætatis XLV.

Braut-Onundus natus anno Christi DXX. cœperit, regnare anno Christi DXLV. ætatis XXV. Ingialdum procreaverit anno Christi DXL. ætatis XX. regnavit XX. annos, decesseritque anno ætatis XLV. Christi DLXV.

Ingialdus Astutus natus anno DXL. cœperit regnare anno Christi DLXV. ætatis suæ XXV. eodemque an-

no Olafum Lignarium procreaverit. Si XV. annis imperasse eum velimus, obiit anno Christi DLXXX. ætatis XL.

Atque ita septem illos Daniæ & Sveciæ Regum synchronismos, superius à nobis recensitos, absolvimus; eaque ratione in utriusque regni Chronologia ad sexti circiter seculi finem pervenimus. Compulit autem nos cœptæ ratio methodi ut nonnullos Daniæ Dynastas, qui aliis è communi stirpe oriundis Daniæ Regibus collaterales regnârunt, in hoc annorum recensu omitteremus. Ad eos nunc retrocedentes illorum quoque tempora digere-

mus. Est autem illorum primus Hrærecus Hnoggvanbaugius, quem Ingialdo Starcadi Alumno anno Christi CCCXLIV. natum esse superius posuimus. Patri in regno successisse statuimus anno Christi CCCCLVI. ætatis suæ XII. Frodium VI. genuisse anno Christi CCCXCII. ætatis XLVIII. imperium illius LVI. annis circumscribimus, ut obierit anno Christi DXII. ætatis LXVIII.

Frodium VI. anno CCCXCII. natus, anno Christi DXII. ætatis suæ XX. regnare cœperit. Halfdanum III. procreaverit anno ætatis XXXVIII. Christi DXXX. imperaverit annos XXXVI. mortuus anno Christi DXLVIII. ætatis LVI.

Halfdanus III. anno Christi DXXX. natus, regnum adierit anno ætatis XVIII. Christi DXLVIII. progenuerit Hrærecum Slongvanbaugium anno Christi DLX. ætatis XXX. regnavit annos XXII. mortuus anno Christi DLXX. ætatis XL.

Hrærecum Slongvanbaugium natum anno DLX. regnum inchoasse ponimus anno Christi DLXX. ætatis X. Hic Ivaris Vidfadmii filiam, Audurem Prædivitem,
an-

anno, ut conjicimus, DLXIV. natam, uxorem duxit; ex quo conjugio natus est Haraldus Hilditann, anno, secundum nostram conjecturam DLXXXV. cum pater illius XXV. ageret ætatis annum. Hrærecum focer Ivar occidit, quod factum ponimus anno Christi DLXXXVIII. ætatis XXVIII. regni illius XVIII.

Hi quatuor Reges, Hroari & subsequenter Regibus, usque ad Ivarem Vidfadmium, uti ex nostro calculo & genealogiarum ratione manifestum est, cœvi fuere, & partem Daniæ in ditione habuerunt. Nos in subsequenter Daniæ Regum generationibus illustrandis pergemus.

Haraldum Hilditann, quem anno Christi DLXXXV. natum esse posuimus, quindecim annorum, ad sceptrum Danica pervenisse testatur *Fragmentum* historicum de pugna Bravallensi, quod & addit, factum id esse statim post mortem Ivaris Vidfadmii, avi illius materni. Nos istud regni illius initium ad annum Christi DC. referimus. Centum quinquaginta annorum fuisse Haraldum, cum decederet, idem *Fragmentum* perhibet, ut eâ ratione obierit anno Christi DCCXXXV. regnaveritque in universum CXXXV. annos.

Hilditanni frater uterinus, Radbardi; Russiæ Regis & Auduris Prædivitis filius erat Randuer, quem natum esse statuimus anno Christi DCX. matrem tum XLVI. ætatis annum agente. Sigurdum Hringum procreavit anno Christi, secundum nostram conjecturam, DCLXXX. ætatis suæ LXX. nec fortè diu exinde superstes fuit.

Sigurdum Hringum, natum anno Christi DCLXXX,

patruo Hilditanno in regno Daniæ successisse ponimus anno Christi DCCXXXV. ætatis suæ LV. Ragnarem Lodbrochem genuisse anno ætatis XL. Christi DCCXX. Daniæ Regno præfuisse annis XV. ut mortuus sit anno Christi DCCL. ætatis LXX.

Ragnar Lodbroch natus erit anno DCCXX. regnum inchoaverit anno Christi DCCL. ætatis XXX. genuerit Sigurdum Angvi-oculum anno Christi DCCLXX. ætatis L. imperaverit annos XL. mortuus anno Christi DCCXC. ætatis LXX.

Sigurdus Angvi-oculus anno DCCLXX. natus, regnare cœperit anno Christi DCCXC. ætatis XX. genuerit Hordaknutum anno Christi DCCCX. ætatis XL. regnaverit annos XXX. obieritque anno Christi DCCCXX. ætatis L.

Hordaknutum natum anno Christi DCCCX. sub tutela Gormi in regnum successisse ponimus anno Christi DCCCXX. ætatis X. Gormum genuisse anno Christi DCCCXXX. ætatis XX. imperasse annos XX. mortuumque esse anno Christi DCCCXL. ætatis XXX.

Gormum Grandævum natum esse ponimus anno DCCCXXX. cœperit regnare anno Christi DCCCXL. ætatis X. progeneraverit Haraldum Cærulidentem anno Christi DCCCXCV. ætatis LXV. imperaverit annis XCV. mortuus anno Christi DCCCCXXXV. ætatis CV.

Haraldus Cærulidens, anno Christi DCCCXCV. natus, patri successerit anno Christi DCCCCXXXV. ætatis XL. Svenum procreaverit anno ætatis XLV. Christi DCCCXL. imperaverit L. annis, obieritque anno Christi DCCCCLXXXV. ætatis XC.

Sveni Tiuguskeggi, i. e. *admoſe barba* (alii *furcata barba* vocant) qvem anno Chriſti DCCCCXL. in lucem editum eſſe ſtatuimus, chronologiam hoc loco ulterius adferri haut attinet, cum noſtrum hocce opus ad illius ævum ſeſe non extendat. Nos alias ejus & patris illius Haraldi Cærulidentis tempora peculiari ſcripto, typis nondum commiſſo, ſtudioſè illuſtravimus, qvod chalcographi beneficio brevi in publicam lucem proditurum ſperamus.

Hic Daniæ Regum chronologiâ relictâ, ad eorum nos tempora conferemus, qvi antiquiſſimum tam Daniæ qvam Sveciæ Regum ſanguinem ad Haraldum Pulchricomum, primum Norvegiæ monarcham, derivârunt. Danicum ſtemma primò examinabimus.

Sigurdum Angvi-oculum, Ragnaris Lodbrochis filium & Hordaknuti patrem, Aslaugem quoque filiam genuiſſe conſtat.

Aslaugis nativitatem ad annum Chriſti DCCXC. referimus, qvi paternæ ætatis XX. erit. Hanc Helgius, cognomine Acutus, uxorem duxit, atqve ex eâ Sigurdum Cervum ſuſcepit, anno, ut conjicimus, DCCCX. ætatis illius XX.

Sigurdus Cervus natus anno Chriſti DCCCX. Ragnhildem procreavit anno Chriſti DCCCXXXIII. ætatis XXIII. Hringarikiæ, Norvegicæ provinciæ, præfuit annis XXX. mortuus anno Chriſti DCCCL. ætatis XL.

Ragnhildis anno Chriſti DCCCXXXIII. nata, & Halfdano Nigro anno ætatis XVIII. Chriſti DCCCLI. nupta, Haraldum Pulchricomum peperit anno ætatis ſuæ XX. Chriſti DCCCLIII.

Nunc Sveciæ Regum progeniem ad certos annos referemus.

Ingialdum Astutum, Sveciæ Regem, Olafum Lignarium progenuisse superius diximus, ejusque nativitatem ad annum Christi DLXV. tetulimus.

Olafus itaque Lignarius regium nomen sumserit anno Christi DLXXX. ætatis XV. genuerit Halfdanum Albipedem anno Christi DCXXV. ætatis LX. regnaverit LX. annis, mortuus anno Christi DCXL. ætatis LXXV.

Halfdanus Albipes natus anno DCXXV. cœperit regnare anno Christi DCXL. ætatis XV. procreaverit Eysteinum anno Christi DCLXXX. ætatis LV. imperaverit annos LX. obieritque anno ætatis LXXV. Christi DCC.

Eysteinus natus anno DCLXXX. regnum inchoaverit anno Christi DCC. ætatis XX. procreaverit Halfdanum Munificum anno Christi DCCX. ætatis XXX. imperaverit annos XXX. obieritque anno Christi DCCXXX. ætatis L.

Halfdanus Munificus, natus anno Christi DCCX. cœperit regnare anno Christi DCCXXX. ætatis XX. genuerit Gudrodum Magnanimum anno Christi DCCXLII. ætatis LII. imperaverit annos LIV. decesseritque anno Christi DCCLXXXIV. ætatis LXXIV.

Gudrodus Magnanimus, natus anno Christi DCCXLII. imperio potitus sit anno Christi DCCLXXIV. ætatis XXII. genuerit Halfdanum Nigrum anno Christi DCCCXXIII. ætatis LXI. imperaverit annos XL. decesseritque anno ætatis LXII. Christi DCCCXXIV.

Half-

Halfdanus Niger, natus anno Christi DCCCXX-III. cœpit regnare anno Christi DCCCXLI. ætatis XVIII. genuit Haraldum Pulchricomum anno Christi DCCCLIII. ætatis XXX. mortuus anno regni sui XXII. ætatis XL. Christi DCCCLXIII.

Hic Chronologiæ nostræ finis esto; quam omnibus numeris absolutam esse, nec ipsi credimus, nec ulli persuadere conabimur. Qvis enim in tali materia, nisi documentis instructissimus, punctum collineabit? Itaque nos redargui vel erroris convinci non putamus, etiamsi quis posthac, singulis scrupulosissimè ponderatis, uni aut alteri Regum alios assignet annos, vel tempora convenientius paulò partiri videatur. Nobis enim hic tantum propositum erat monstrare, quo circiter tempore hic vel ille vixerit, non verò cujusvis annos exactè definire, aut authenticam conficere chronologiam; quod in hac materiâ impossibile esse scimus. Interea profiteri liceat, nos, quâ potuimus diligentia, scriptorum testimonia, genealogiarumque & rerum gestarum circumstantias ubique observâsse, ut dicere audeamus, nostra hæcce verisimiliora esse aliorum in hac eadem materia assertionibus. Qui enim de vetustioribus Daniæ Regibus hætenus scripserunt, aut eorum tempora digesserunt, tot nobis obruserunt Reges, ut multis eorum ne nascendi quidem, nedum regnandi spatium suppetere, temporum ratio evincat. Nunc ad ipsam Regum seriem fusius exponendam nos accingemus.

CAPUT III.

De Skioldo primo Daniæ Dynasta.

Odi-

Odinum ex Asiæ tractu, circa Syndicam ad Bosporum Cimmerium sito, urbe Asgardo, cum magna hominum multitudine per immensa terrarum spacia in septentrionem nostrum migrasse ex veridicâ scriptorum nostrorum relatione discimus. Hic postquam magnam interjacentium terrarum partem, ac novissime Saxoniam sibi subjecisset, filium suum Skioldum, non Jutiæ, seu Reidgotalandiæ solum præfecit (quod ex Edda colligit *Sberinghamus* pag. 363.) sed, uti ex *Snorrii Sturlæi* Chronico Norvegico discimus, universq; territorio, quod Daniæ nomine postea venit. Postea inquam; nam Daniam prius *Gothiam* dictam fuisse, libro II. cap. I. superius satis probatum dedimus. Singulas tamen provincias, proprias appellationes sortitas esse, documento est Jutiæ, quæ *Reidgotalandia* vocabatur. Et Odinum singulis nova nomina imposuisse apparet. Nam Sveciam *Svipjod* de gentili suo nomine *Sviprir* nominavit; ipse, congestis hinc inde circiter centum quadraginta titulis clarus, falsam sibi divinitatem asseruit, prudentiâque alios supergressus, totius septentrionis usurarium & frivolum numen evasit, Deorumq; collegium Sigtunis in Svecia instituit.

Skioldus igitur commissum sibi a patre Regnum omni cura & diligentia exornavit; Lethranam arcem, nobis *Hleidra*, condidit, Gefionemque Deam in uxorem duxit. Quam Regno non leviter consuluisse, colligere licet ex fabula *Eddæ* prima, quam etiam *Snorrius* Chronico suo Norvegico inseruit. Narratur ibi Gefionem Sælandiam, ex Svecia aratro evulsam, boum beneficio in locum, quo jam sita est, transtulisse; atque in narrationis probationem promontoriorum in Sælandia & sinuum in lacu Stockholmæ

miæ contermino, similis proportio allegatur. Quâ mythologia Reginae hujus laudes, ob curam in Regno adorando susceptam, grata antiquitas absque dubio adumbrare voluit, & exoptatissimæ Reginae memoriam sub fabularum involucris posteritati commendare, quod talia, utpote vulgò acceptiora, veris & nudis narrationibus diuturnius fatum habitura, sagaci conjectura prævideret.

Ab hoc Skioldo *Skioldungorum* familia descendit, *Skioldungique* nomen primum Daniæ Regibus commune, deinde singulis Monarchis & Principibus titulus honorarius & encomiasticum epithetum evasit; quo & Regum singuli etiamnum apud Islandos poetice censentur. Nec aliter scriptori Vitæ S. Cuthberti *Scaldingorum* nomine eos vocari existimem, qui in Angliam irruentes, Eboracum civitatem fregerunt, terram vastarunt, omnesque propè Anglos in meridiana & æquilonari parte occiderunt, ac ecclesias spoliarunt: nam à fluviò *Scaldi* denominati non videntur hi homines; neque inde tanta vis ingruerat. Ad hujus Skioldi posteros nihil omnino pertinet illa *Skioldungorum*, alias *Skilfingorum*, familia, quam à Skioldo, Haldani Grandævi nepote, in Norvegiâ ortum ducentem *Origines Norvegicæ* exhibent, atque ad Haraldum usque Pulchricomi ætatem deducunt. Skioldi, Odini filii, ejusque successorum historia, *Skioldunga Saga* dicta, inter venerandæ antiquitatis documenta in Islandia quondam reservabatur, quæ non sine ingenti Danicæ historiæ detrimento dudum periit. Inter Odini seu Wodeni, Skioldi hujus patris, progenitores, *Wihelmus Malmesburiensis* lib. II. Cap. 2. *Fabius Ethelverdu*

Hh

lib.

lib. III. ac *Simeon Dunelmensis* in prolegom. ad histor. Dunelmensis Ecclesiæ, *Sceldium* quendam exhibent, filium Sceaf, illius, qui miraculose in Scandzam, (Ethelwerdus *Scani* habet, Malmesburiensis *Scamphtam*) insulam Germaniæ, dormiens, navi sine remige puerulus, posito ad caput frumenti manipulo, appulsi, ac postea Sleswici regnasse traditur. Quæ de Sceaf narrantur, fabulam olent; interea credibile est, inter Odini majores Sceldium quendam vel Skioldum fuisse, cujus nomen hicce noster, Odini Asiatici filius, gestaverit. Skioldo isti, Odini filio, inter Dynastas Daniæ primum in ordine locum communi consensu assignant *Edda*, *Chronicon Norvegicum Snorrii Sturlei*, & *Genealogiæ*, quas superius Capite I. hujus libri attulimus. *Edda* verba, quæ superius libro II. Cap. I. pag. 87. adduximus, Latine tantum heic repetere libet: *Odinus, suscepto (ex Saxoniâ) itinere, in aliam migravit regionem, quam Reidgotalandiam (hodie Jutiam) vocârunt, atque ibi quicquid placuit sibi vendicavit. Huic terræ præfecit filium suum Skioldum, qui Fridleifum genuit; Inde Skioldungorum familia ortum ducit. Hi sunt Daniæ Reges.* Skioldum huncce (vivumne an post mortem incertum) divinis honoribus cultum fuisse, inde colligitur, quod Sanctus Olafus, Norvegiæ Rex, illius simulacrum inter alia gentilium idola confregisse tradatur.

Quartum inter Daniæ Reges locum *Saxo* Skioldo, Lotheri ut vult filio, tribuit, eique Danum, Humlum ac Lothorum anteponit. In quibus licet à nostris scriptoribus multum abeat, in eo tamen cum iis quodammodo consentit, quod Skioldum in prima Daniæ Regum

gium tempora referat. Fuisse autem Odini filium, ex iis, quæ hucusque prolixè diximus, manifestum evadit; & nos nullum in Daniâ Dynastam eo antiquiorem agnoscimus. Hæc assertio adeo firma est, ut absque Saxonis periculo infringi non possit, cum eam tanquam basin & fundamentum rebus Danicis historici nostri substernant, ex quibus Saxo haud parvam operis sui partem sese contexuisse, iisque arbitris usum esse fatetur. Sed nec *Sveno Aggonis*, scriptor Saxoni æqualis, ipseque, ut profitetur, Saxonis contubernalis, sed qui prior gentis suæ historiam absolvit, ideoque primus gentis Danicæ historicus celebratur, alium Daniæ Principem Skioldo priorem invenit. Scribit enim in historiæ suæ limine: *Skiold Danis primum didici præfuisse*. Ceterum Danum primum Daniæ Regem, Regumque antesignanum, ea propter fecit Saxo, quod idem semper Regno nomen fuisse vellet.

Humilium genuinis Daniæ Regibus haudquaquam accensendum reor, quippe quem *Historia Hervoriana* Hunnorum Regem fuisse, irruptionemque Heidreki Cimbriæ Regis fugâ evitasse, opumque ac suppellectilis domesticæ jacturam fecisse tradit, & insuper filia, quæ capta ab Heidreko, filium ei peperit nomine Lodum seu Lotherum, cum quo ad patrem remissa, atrocissimi belli inauditæque stragis causa fuit. Quæ omnia ad longe inferiora tempora pertinent. Hinc Lothenum suum Saxonem desumisse crediderim. Interea Lothericusdam Saxonici Scriptores meminerunt, quem Saxonum Regem faciunt, & Wodani (Odini) fratrem fuisse affirmant, Ista forte traditio cum Saxone conciliari

Hh 2

pote-

poterit, si hunc eundem Lotherum, Skioldi patrum, ei-
que tutorem vel, si mavis, *συνεργόν* à patre Odino datum
velimus, eumque, quod omnia Regni munia Regia pla-
ne potestate præditus obierit, in Regum numerum in-
sertum, Skioldique patrem à posteritate existimatum
esse. Fuerit etiam Humlius quidam Skioldo in regimi-
ne adjunctus, (nam poterant plures simul adjungi,) qui
ob Lotheri insolentiæ conjunctam potentiam, se tam sub-
limi & pene Regio officio abdicaverit. Ista conjectura
si cuiquam placeat, nostris annalibus nihil adversatur.
Loduri cujusdam meminit vetustissimum carmen *Voluspa*
his verbis: Ond gaf Odinn, Od gaf Hæmir,

La gaf Lodurr, oc litu goda.

id est, vertente *Gudmundo Andrea: Animum dedit Odin*,
λόρον Hæmir, *vegetationem Lodur* & *colores eximios*. Sed
iste nihil huc pertinere videtur, cum eum inter humani
generis creatores dictum carmen recenset.

Itaque tribus hisce à Danici imperii sceptris remotis,
in Skioldo tandem convenimus. Illud vero observan-
dum, Daniæ Regnum à principio fuisse hæreditarium;
error vero, quo electivum creditum est, ex homagio-
rum ritu & cæremoniis, in solemnī inauguratione u-
surpatis promanavit, quod hic tanquam in principio obi-
ter innuisse placet.

Gramum Skioldo patri successisse vult Saxo, quod
nostræ antiquitates ignorant. Interea cum majorum in-
dustria, post amissam Skioldungorum historiam, nihil
nobis præter nudam supremorum Daniæ Regum seriem
reliquerit, præfracte negare non audemus, Gramum &
Hadingum, nonnullosque alios Saxoni memoratos, ab
hoc

hoc eodem Skioldo descendisse, aut territorii præfuisse; sed eos in supremorum Dynastarum numerum unquam venisse, hoc est quod nos antiquitatibus nostris innixi negamus. Et certe, dissimulandum hoc loco non est, Græmi & Haddingi nostros scriptores mentionem facere, quæ à Saxonis relatione in nonnullis haut parum dissentire videtur. Itaque quid de iis & nonnullis aliis, quæ apud Saxonem occurrunt principibus, habeant, breviter expediam.

Halfdani cujusdam Hringarikæ & Valdresæ in Norvegia Reguli, sed longe bellicosissimi, meminerunt tum *Edda*, tum *Origines Norvegicæ*. Is Diis suis vitulam immolasse legitur, impetraturus ut trecentos annos in imperio viveret. Respondit oraculum, eum humanæ naturæ convenientem ætatem non excessurum, sed proximo trecentorum annorum intervallo, nec sæminam nec ignobilem ullum in ejus prosapiam irrepturum, quod & eventus comprobasse dicitur. Hic Halfdanus numerosa, nec minus generosa prole beatus, unum inter octodecim filios, Gramum dictum, suscepit, cujus nomen in vetustissimis nostratum carminibus, omnibus indifferenter regibus, honoratissimi instar nominis crebro applicatur. Ejus rei quinque exempla *Stephanus* protulit Not. in Saxonem pagg. 32. 33. & longe plura adhuc extant. *Snorrius* quoque *Sturlaus* in Prolegomenis ad Chronicon suum Norvegicum in vita Dag, Sveciæ Dynastarum undecimi, idem asseverat, his verbis: I pann tima var fa hofdingi gramr kalladr er „heriadi, enn hermenn gramir. h. e. Illo tempore (sc. quo Dagus in Svecia regnavit) princeps qui bello præfuit,

Gramus dictus est, milites vero Grami. Neque Grami modo, sed plurium Halfdani filiorum propria nomina in Regia epitheta & grandes titulos, poëtis præcipuè usurpatos, transierunt; prout ex innumeris vetustorum septentrionis poëtarum carminibus etiamnum monstrari potest. Unus eorum Lofdius erat, qui Cimbriam, seu Jutiam, bello expugnavit, posterisque suis possidendam reliquit, qui ad quartum usque, nomine Eylimum, vel potius quintum, nomine Gripum, recensentur. Ab hoc Lofdio veteres Poëtæ quosvis Reges *Lofdungos*, quasi *Lofdi posteros* vel *nepotes*, denominarunt. De suo Gramo Saxo hæc habet: *Tantum magnitudini ejus à posteris tributum est, ut in vetustissimis Danorum carminibus ipsius vocabulo regia nobilitas censeatur.* Quod cum iis quæ de nostratium Gramo nuper dicta sunt, examusim convenit, ut vel inde appareat eundem Gramum utrisque describi. Hos omnium septentrionalium celeberrimos Reges, præ reliquis sui seculi principibus inclaruiss, magnamque carminum in ipsorum honorem confectorum copiam ad posteritatem devenisse verisimile est. Nec minus credi potest Gramum sæpius apud fratrem Lofdium in Daniâ animum bellis intentum relaxasse. Hinc forsitan Saxo occasionem sumsit Gramum Danorum Regibus annumerandi, quod tam clarum & illustre in patria nomen nisi indigenæ Regi non potuisse competere existimaret. Forte & errorem in persona commisit, Gramum in Lofdii locum substituendo, quamvis neuter eorum universæ Daniæ Rex fuerit, aut Christianam æram anteverterit, quod ex hac genealogia paulo altius repetita manifestum evadet.

For-

Fiorniotus Finnlandiæ Rex, Odino synchronus.

Karius.	Logius.	Hler, qvi Odinum
Jocull, aliàs Frostius.		& Afas epulis ex-
Snær.		cepit, & insulæ
Thorrius.		Lestbæ nomen
Nor, Norvegiæ eponymus.		dedit.
Raumus, a qvo Raumarikia		
Norvegiæ provincia nuncupatur.		
Hringus, a qvo Hringarikia alia Nor-		
vegiæ provincia denominatur.		
Halldanus Grandævus, qvi sacrificium istud		
instituit & multos filios reliquit.		

Gramus, qvem	Lofdius Jutiæ	Budlius qvi Saxo-
Saxonem in-	Rex.	nes debellavit.
telligere cre-		
do.	Skylius.	Attil.
	Egder.	Virver.
	Hialmthier.	Lefus.
	Eylimius.	Budlius.
Hiordisa, Sigmundi	Griper.	
Franconiæ Regis		
uxor.		
Sigurdus	Brynhilda.	Athus.
Fafnericida.		
Aslauga, Ragnaris Lodbrochis uxor.		
		Svib-

Svibdagerum Norvegiæ Regem Gramo successisse Saxo perhibet; quem nostrates, non suarum modo antiquitatum, sed plurium aliarum nationum, fidelissimi ac curiosissimi scrutatores, penitus ignorant; nec Saxones magis Henricum Regem, cujus hic fit mentio, agnoscunt. Non immerito igitur suspecta videtur hæc relatio. Alias nonnullos, Svipdagi nomine insignitos, magni commatis viros, antiquitates suggerunt, ac inter eos Hrolfi Krakii Daniæ Regis athletam fortissimum; quorum tamen nullus Danicam tiaram unquam gestavit; nec magis Guthormus, quem tributarium Saxo inserit, & à *Lyschandro* annos quatuordecim in imperio illo precario vixisse memoratur. Sed nec annales Islandorum Hadingum inter Daniæ Reges genuinum agnoscunt, cum tamen Haddingos nullo modo fileant, quos provinciarum Hadingiadali & Thelamarchiæ in Norvegia Reges perhibent. Horum primus Raumi filius, Noris nepos memoratur, cujus filius & nepos Haddingi quoque dicti sunt. His successit Hognius, quem tres Haddingi successivo ordine exceperunt, à quorum uno nomen traxit celeberrimus & Regius ille heros, Helgius Hadingiaskatius, de quo oda pervetusta extat, in codicem illum carminum, quem vulgo *Semundi Eddam* vocamus, relata. Horum Haddingorum alicui si quis nonnulla eorum adscribat, quæ Saxo de suo Hadingo refert, ego non refrabor. Nonnulla inquam; nam occurrunt hic alia, quæ in Haddingi tempora nullo modo quadrant; præcipuè illa, quæ de Odino ejusque cultu habet. Ita enim verba illius jacent, ut Odinianam immigrationem Haddingi tempore contigisse voluerit. Et ne alium hic

Odi-

Odinum à Saxone describi credamus, quam qvi à scriptoribus nostris in Pompeii tempora refertur, uxoris ejus Friggæ, ut & Fró Dei (qvi nobis Freyr est) mentio fatis luculenter injecta facit. Quæ omnia ad Odinum Upsalensem pertinere ex *Eddâ* & *Snorrii* Chronico notum est. Perperam igitur Saxo Odinum huc transtulit Skioldoqve juniorem fecit. Nec magis cohærentia retulit, ubi Hadingum Odino coævum fuisse, & tamen Svecis bellum intulisse memorat. Nam Odinum in Svecia sedem fixisse ipse agnoscit. Quorsum ergo Hadingus Deo suo & numinitulæ arma inferret, à quo omnem victoriam dependere credidit? A nostratibus etiam Saxo dissentit, ubi versus recitat, quos Ragnhildem Hadingi uxorem; sylvestrium locorum amœnitate captam composuisse ait. Hos enim *Edda* Skadæ uxori Nordi de Noatunis adscribit. Hæc eadem Skade gigantis filia fuisse scribitur, quæ, teste *Snorrio*, cum marito suo Niordo divortium fecit, & Odino nupsit, eiqve Semingum, magni nominis in Norvegia Regem, perperit. Aliàs Saxo Hundingum Sveciæ Regem Hadingo coævum tradit, quo assertionibus Islandorum maxime suffragatur. Nam Hundingus, licet non Sveciæ, attamen Rex fuit, & Haddingorum uni synchronus, occisus ab Helgio, Hundingsbanio dicto, qvi Sigurdi Fafnericidæ, Ragnaris Lodbrochis focer, frater fuit. Cum itaqve Hadingi æra ab Hundingo illustretur, liquidum evadit, illum longe post Odinum vixisse, Ragnari Lodbrochi quam Odino propriorem, id quod ulterius ipse Saxo confirmat, dum Hadingum in Helsingiam confugisse tradit. Etenim Helsingia coli cæpit à Thorere Helsingo nepote Ketillis Jamtii, Jamtiæ eponymi; qvi Ketillus, uti ex *Snorrii* Chronico

Norvegico constat, cœvus erat Eysteino Astuto, Noris pronepoti, temporibus iis, de quibus Saxo loquitur, longè inferiori. De mortis genere, quod Hadingo Saxo tribuit, notandum, id de Fiolnere referri in *Snorrii* Chronico Norvegico, uti inferius annotabimus. Hinc manifestum evadit, obscuram rerum Norvegicarum famam Skioldique & Grami ac Haddingi, arcto cognationis nexu inter sese conjunctorum, nomina Saxoni confusionem perperisse.

Frodium seu Frothonem, Hadingo natum, patri successisse Saxo tradit, eumque Haldani, Roii & Scati patrem facit, reclamantibus nostratium monumentis. Fuit quidem Frodius Frodii & Haldani pater, avusque Roaris & Helgii; sed ille Frodio Pacifico tempore multo seqvior, ac in Frodiorum ordine quartus, uti ex insequentium Regum historiis patebit. Unius igitur temporis historiam Saxo hic in partes dissecuit, atque ad diversa retulit tempora, facile ex *Hrolfi Krakii historia* refellendus, quod inferius monstrabimus. Cumque nostræ antiquitates hunc ipsum Frodium utet ceteros Reges, quos Saxo usque ad Frodium sibi Tertium, enumerat, Fridleifo tantum excepto, post Christi tempora vixisse nos doceant, nec nisi paucos eorum è Regum catalogo excludant, breviter tantum singula hic attingemus, inferius omnia latius diducturi, ubi Regum istorum cuius debitus locus assignandus erit.

CAPUT IV.

De Fridleifo I. Frodio I. seu Pacifico,

Fridleifo II. Havare Manusforti & Frodio II.

Dania Dynastis.

Exa-

Examinatâ hætenus Saxonis relationum parte, ad nostratium assertions nos convertemus. Discimus inde, Skioldum, primum Daniæ dynastam, filium habuisse Fridleifum, patrem Frodii Pacifici, qui nobis Frodiorum primus est; de quo solo, sed aliter quidem, legitur, quod suo Frodio Primo Saxo tribuit, scilicet quod contusis commolitisque auri fragminibus, cibos respergere solitus fuerit, licet illud hyperbolicè, molâ contusum, non esum, vetustum carmen *Grottafaungr*, & ex eo *Edda* Mythologia LXVI. fabulosè exponant. De hoc Frodio nostri etiam commemorant, quod magni ponderis annulum aureum in campis Ialangrensisibus exponi curaverit, edictæ à se innocentiae (ut Saxo loquitur) experimentum tam insignis prædæ documento daturus. Quod vero eum Saxo legem de exequiis, eqvo & armaturæ insignibus condecorandis, primum tulisse ait, illud à *Snorrii* Chronico Norveg. diffentit, ubi ritus illius institutio Dano Daniæ eponymo tribuitur, ut deinceps dicetur.

Multa hic apud Saxonem occurrunt, manifestè ab Islandis mutuata, quibus ille Frodi, sibi Tertii, nobis Primi, vitam prolixiorē fecit; etiamsi ista huic æræ applicari nullo modo possint.

In iis primo loco recenseri merentur illa, quæ de Alrico Sveonum & Gestiblando Gothorum Regibus commemorat. Alricum istum nostrates Heidrecum vocant, illiusque antagonistam Gestum cognomine Blindum, o: cæcum, hominem quidem privatum, sed multum opulentum, quem Svecos Regum suorum albo inscripisse video. Extat de hac re integra historia, à nostratibus conscripta, typorumque beneficio in Sveciâ evulga-

ta. Fuit autem Heidrecus non Sveciæ Rex, sed Jutiæ tantum terminis Regnum ipsius circumscriptum est. Is cum esset prudentissimus, magnum sapientum numerum aluit, tantiqve scientias habuit, ut vel gravissimi criminis reo impunitatem promitteret, si modo ænigma proponeret, qvòd Rex solvere non posset. Cum itaqve Gestus Blindus criminis cujusdam reus condemnari deberet, cum Odino, qvi longo jam temporis decursu mortuus ipsi apparuit, pactus est, ut suo vultu & forma acceptâ, ad Regem proficisceretur, eiqve qvæstiones intricatissimas proponeret. Dictum factum; vultum Gestii Blindi assumit Odinus, Heidrecum Regem accedit, parabolas promit, Rexqve eas solvit. Cum autem personatus ille Gestus ultimo loco interrogaret, qvid Odinus Baldo in aurem insusurrasset, anteqvam rogo imponeretur? Regem quidem constrinxit, sed ab illo pro Odino agnitus, mucrone petebatur. Ille vero in accipitrem conversus, per fenestram evolavit, Regiqve in hujus facti vindictam ignobilissimum mortis genus imposuit, ut scilicet à servis suis interficeretur, qvòd & sic evenisse dicitur. Spinosa illæ qvæstiones, quas Regi proposuit Odinus, in memorata historia, quam hic sub *Historiæ Hervoriane* nomine sæpius allegamus, legi possunt. Vixit autem Heidrecus hicce aliquot post Frodii I. vel Pacifici, (qvi Saxonis Tertius est) tempora, seculis; qvòd ex genealogiis liquet. Nam Haraldus Grandævus, descendentia linea à Frodio tertius decimus, Heidreci hujus proneptem uxorem duxit.

Arngrimum, Sveticum pugilem, ex Ofurâ, Frodii hujus filiâ, Angantyrem & undecim illius fratres sustulisse Saxo scribit. Qvòd cum nostris antiquitatibus nihilomelius convenit,

venit. Etenim Eyfura (unde Saxo, vel potius librarius aliquis, Osuram formavit) quæ gigantes istos, aut si aliud vocabulum mavis athletas furiosos, (quibus cum Aurvaroddus congressus, ad unum omnes fudit,) peperit, Frodii filia neutiquam fuit; nec conflictus ille sub Frodio, sed longe serius contigit. Patet illud evidenter ex Arngrimi, athletarum istorum patris, genealogia, quam ex *Originibus Norvegicis* desumptam hic subjungimus:

Nor, Norvegiæ Eponymus.

Raumus.

Hringus.

Halfdanus Grandævus.

Dagus.

Arngrimus. ——— Eyfura.

Angantyr.

Angantyrus isti, ut ex carmine antiquissimo, quod *Hyndluliod* (alias *Voluspa hin skamma*, 3: *Voluspa brevior*) inscribitur, colligi potest, coævus erat Ottarus Stultus. Hujus itaque genealogia rem præsentem haut parum illustrat; quam magnâ ex parte nobis memoratum carmen conservavit. Ibi fœmina quædam inducitur, Deam ex gigantum stemmate oriundam sollicitans, ut ad Ottaris & Angantyrus, de successionis jure & adeunda hæreditate disceptantium, litem dirimendam, veteres genealogias retexat: Deaque memorata, stemmata illa recensens. Carminis exordium & locum huc competentem adscribam, ut artificium, quod antiquitas in suis carminibus condendis observavit, unâ elucescat.

Vaki mær meyia

yaki min vina

Ii 3

Hynd-

Hyndla fýstir
 er i helli byr:
 nu er rauckr rauckra
 rida vid skulum
 til valhallar
 oc til vefs heilags.

Bidiom herians faður
 i hugum sitia
 hann gelldr oc gefr
 gull verdugum:
 gaf hann Hermodi
 hialm oc bryniu
 enn Sigmundi
 fverd at þyggia.

Gefr hann sigr sortom
 en sumum aura
 mælsko morgum
 oc mannvit firum:
 byri gefr hann braugnum
 en brag skalldom
 gefr hann mansemi
 morgum recki. *b. e.*

” Vigilet qvæso tenerrima virgo, vigilet amica mea,
 ” soror mea Hyndla, qvæ antrum inhabitat; jam vespe-
 ” rascens crepusculum instat, nos ad aulam Valcam
 ” (*Odini*) & virum sanctum eqvitabimus.

” Oremus patrem exercituum (*Odinum intelligit*) ut
 ” animis nostris illabatur; is cuique pro meritis aurum
 ” impertit, hic Hermodum casside & loricâ, Sigmun-
 ” dum vero ense donavit.

” Filios suos victoria beat, alios autem opibus, alios
 elo-

eloquentiâ, alios sapientiâ; aliis de secundo vento pro-
videt; poëtis singularem venam & genium suggerit, „
multorumque pectoribus heroicum animum inflat. „
Hinc ad propositum festinat, & Deam hoc modo alloquitur:

Sennum vid or sodlum

fitia vid skulum

oc um Jofra

ættir dæma:

gumna þeirra

er fra godum kvomu.

þeir hafa vediat

vala malmi

Ottar ungi

oc Angantyr:

skyllt er at veita

sva at skati enn ungi

faudurleifd hafi

eftir frændr sína.

Haurg hann mer giordi

hladin steinum

nu er griot þat

at gleri vordit:

raud hann i nyiu

nauta blodi

æ trudi Ottar

a Afyniur.

Nu lattu forna

nidia talda,

oc upp bornar

ættir manna:

hvat er skioldunga,

hvat

hvat er skilfinga,
 hvat er ylfinga,
 hvat er hauldborrit,
 hvat er hersborrit,
 meft manna val
 und midgardi? *b. c.*

” Colloquamur ex ephippiis, sedeamus, & Regum pro-
 ” fapias examinemus, heroum à Diis genus ducentium.
 ” Nam juvenis Ottar & Angantyr divino metallo
 ” (*Asiro*) pignoris loco certarunt: oportet succurrere,
 ” ut Regius juvenis patrimonii à cognatis relictī com-
 ” pos fiat.

” Is mihi delubrum exstruxit ex lapidibus, qvi jam
 ” in vitrum conversi sunt, recentiboum sanguine rora-
 ” vit; semper Ottar Asiatis Deabus fidebat.

” Antiqua igitur stemmata recense, & hominum ge-
 ” nealogias deprome; qvinam Skioldungorum, qvinam
 ” Skilfingorum, qvinam Ylfingorum, qvi ex nobilita-
 ” te, qvi baronibus oriundi præstantissimi in orbe sint.

Ad hæc Dea illa inter alia respondet :

þu ert Ottar
 borinn Innsteini,
 enn Innsteinn var
 Alf enum gamla,
 Alfr var Ulfi,
 Ulfr Sæfara,
 enn Sæfari

Svan enum Rauda. *b. c.*

” Tu Ottar natus es Innsteino, Innsteinus vero Alfo
 ” Grandævo, Alfus Ulfo, Ulfus Sæfario, Sæfarius autem
 ” Svano Ruffo.

Con-

Confirmant hæc *Origines Norvegiæ*, & Innsteini genealogiam altius hoc modo retexunt:

Nor Norvegiæ Eponymus.

Raumus.

Alfus vel Finnalfus.

Svanus Ruffus,

Sæfarius.

Ulfus.

Alfus.

Innsteinus.

Ex hisce, ni fallor, evidenter patet, Arngrimum & ejus filios, Frodii, Saxoni Tertii, nobis Primi, tempore non vixisse, sed longe serius.

Sed nonnihil difficultatis hic nobis parit *Historia Hervoriana*, quæ Arngrimi genus longe aliter recenset, patrem illius vocando Eygrimum Bolmum, Halogiæ (non Smalandiæ ut vult Clariss. *Verelius*) civem, avum Hergrimum semigigantem, proavum Arngrimum, Odino circiter coævum. Eyfura similiter Arngrimi uxor, longè altius, si descendentis lineæ graduum rationem habeamus, elevatur; quippe quæ in prædicta historiâ filia fuisse dicitur Svafilamii, filii Sigrlamii: ut eâ ratione Odini proneptis fuerit: nec pluribus gradibus Gylfio (Sveciæ Regi) inferior, prout in tabella genealogicâ, superius pag. 216. exhibitâ, videre est. Hic eâ repetemus, quæ lib. II. Cap. IV. pag. 126. superius attigimus: nempe dictam genealogiam lacunæ vel defectus graduum suspectam nobis esse. Afferit quidem Historiæ Hervorianæ auctor primos illos sibi memoratos homines ad ingentem senectutem pervenisse. Sed vix eorum ætas in tantum protrahi potuit, ut huic defectui supplen-

do sufficiat ; præsertim quum ex genealogiarum, ab inferioribus tempore ad majores retrò textarum monstratâ nuper harmoniâ certò concludi possit, Arngrimum & Eyfuram, Angantyrus parentes, aliquot post Christum natum seculis vixisse. Valde igitur metuo, ne dicti Arngrimi & uxoris ejus progenitorum nonnulli, longo temporum decursu, vel librariorum incuriâ in oblivionem venerint, ac itaque prædicta genealogia primâ sui parte aliquid vitii contraxerit. Clarissimi *Verelii* assertionem, Not. in Hist. Hervor. pag. 49. quâ sæpeditus Arngrimus Frodion antiquior & Odino æqualis statuitur, prolixè discutere non est opus ; ista enim hallucinatio non nisi festinanti calamo imputanda est, Eyfuræ marito ea ascribentis, quæ proavo ejus, cognomini, assignari debebant.

Hithini (quem nostrates Hedinum vocant) & Hógini (nobis Hognii), filiarque illius Hildæ historiam ad hæc quoque tempora Saxo refert. Nostrates eos longè post Frodion huncce vixisse innuunt; quorum relationes, aliàs secum invicem parum cohærentes, in quantum Saxoni suffragentur aut ab illius relatione diffideant, nos ad calcem operis hujus luculentius exponemus.

In Frothonem huncce Saxonem, quicquid in veterum historiis magnificum & admirandum repererit, congestisse autumat *Verelius* Not. in Hist. Hervor. Cap. III. pag. 49. idque ut eum non modo Regem, sed etiam heroëm, præcis illis heroibus ac semideis parem, exhiberet. Nos nonnulla à Saxone ad Frodii tempora referri, quæ aliò pertinent, nec dissimulavimus; at eum id scientem volentemque fecisse, meritò dubitamus. Quicquid sit, Frodion illum, omnibus sui temporis septentrionis Re-

gibus palmam præripuisse, opibusque, magnificentia & maiestatis splendore incomparabilem fuisse, nostrates, quotquot illius meminerunt, unanimi consensu perhibent.

Ad Sveciæ scepra Fiolner tunc sedebat, qui, ut *Snorrius* testatur, à Frodio in Daniam ad convivium invitatus regaliqve magnificentia exceptus est; cumqve per noctem, hesternâ crapula madens, cubiculo egrederetur, in eximiæ capacitatis, qvòd ex infima domus parte ad tabellatum usqve pertigit, dolium, mellitâ aqua repletum, incidit, ubi stagnantis liqvoris abundantiam præfocatus animam efflavit.

Hunc eundem casum *Saxo* Hundingò, Sveciæ Regi, adscribit, ac Hadingi Daniæ Regis temporibus contigisse vult; verba illius hæc sunt; Interea Rex Svonum Hundingus, occasum Hadingi falsi acceptum, nuncio inferiis excepturus, optimatibus contractis, eximiæ capacitatis dolium Cereali liqvore completum, delitiarum loco medium convivis apponi præcepit: & ne quid celebritatis deesset, ipse ministri partibus assumtis pincernam agere cunctatus non est. Cumqve exequendi officii gratia regiam perlustraret, offenso gradu in dolium collapsus, interclusum humore spiritum reddidit. Addit *Saxo* Hadingum, ne amico superesset, suspendio semetipsum necasse.

De Haddingo nuper scripsimus, & eum ad longè inferiora tempora, quam quæ ei à Saxone tribuuntur, pertinere, evidenter monstavimus. Idem de Hundingò nunc dicimus. Etenim uti Haddingi exitum ignoramus, ita dicti Hundingi, celeberrimi Regis, necem elegantissimo carmine celebratam, novimus. Nam Helgii Hundingsbanii, patris sui Sigmundi Volsungii cædem ulciscen-

scantis, gladio occubuit. Carmen illud cum veterum
 quovis elegantia certans, *Helgaþida Hundingsbana* :
Helgii Hundingsbanii Oda inscribitur, & de hac re ita lo-
 quitur :

Skamt let vifi
 vigs at bida
 þa er fylkir var
 fimtan vetra
 oc hann hardan let
 Hunding veginn
 þann er lengi red
 laundom oc þegnom. *b. e.*

„ Rex (*Helgium intelligit*) in longum tempus cædem non
 „ distulit, nam cum quindecim annos natus esset, ge-
 „ nerofum Hundingum occidit, qui regnis & populis
 „ per longum tempus præfuerat.

Neutiquam igitur in tantum exaltari debet Hun-
 dingi æra, qui multis post Christum seculis vixit. Sed
 neque ullum inter genuinos Sveciæ Reges Hundingi no-
 mine novimus.

Hic locum inveniet integrum caput, quod ex libro,
 qui *Rimbegla* inscribitur, desumptum superius aliquoties al-
 legavi, eo quod memoratos hætenus Dynastas compen-
 dio exhibeat: Uphaf allra frasagna i Norrænni tungu,
 „ þeirra er sannynði fylgia, heft þa er Tyrkir oc Asia-
 „ menn bygdu nordrit. þvi er þat med sonnu at seg-
 „ ia, at tungan kom med þeim norðr hingat, er ver kol-
 „ lum Norrænu, oc geck su tunga um Saxland, Dan-
 „ mork oc Svíþiód, Noreg oc um nockurn hluta Eng-
 „ landz. Hofudsmaðr þessa folks var Odinn son
 „ þors. Hann atti marga sonu. Til Odins telia mar-
 gir

gir ættir sínar. Hann skipaði sonum sínum til landa, oc giordi höfðingja. Einn af sonum hans er nefndr Skioldr, þá er land tok sér þat er nu heitir Danmörk. En þá voru þessi lond er Ásia menn bygdu kollut Godlond, en folkit Godiod, þar voru sett endimörk milli Skialldar oc Yngvifreys bróður hans, er þat ríki bygdi, er nu kalla menn Svíaríki. Odinn oc hans synir voru stórum vitrir oc fíolkunnigir, fagrir at alitum oc sterkir at afli. Margir adrir í þeirra ætt voru miklir afburðarmenn með ymisligum algjörleik; oc nokkura af þeim toku menn til at blóta, oc trúaa, oc kolludu góð sín. Skioldr var miök ágætr oc hafði undir sér mikit ríki. manna ríki var oc mikit oc fríðr góðr. Hann átti einn son er Leifr het, þvíat hann leyfði honum lond oc lausáfe. Á hans dogum var sva góðr fríðr, at í hans ríki varð æcki víg, oc fyrir því var hann kalladr Fríðleifr. hann var hinn mesti spekingr. Hans son var Froði. hann var sva vitr oc margkunnigr, at af hans nafni er þá hver fróðr kalladr er vitr er. Á dogum Froða var sva mikill fríðr, at engi villdi mann drepa, þóat hann sæi fyrir sér bundinn fódurbana sinn eða bróður. þá laugduzt níðr ran oc stuldr, sva at gullhringr la marga vetrar þíðleidd á Jalangrs heidi, þat er ætlan manna þá er Fríðfroði var, at í þann tíma væri í Romaborg Augústus Keisari, þá er fríð setti um allan heim. þá var Krístr borinn. þá er Fríðfroði red ríkinu, var ar sva mikit at akrar urdu sialfðadir oc þurfti eigi víð vetri at buazt, oc þá fannzt í jorðu allzkonar malmr. þat var á einu ari þá er Froði var gamall, at reidarþrumur komu stórar oc eldingar. þá hvarf fol af himni, oc skalf iorð, sva at

„ biorg hrutu or stad. oc þa kvömu biorg or iordu ,
 „ oc villtuzt allir spadomar. *hoc est: Omnes historiae*
 „ in lingvâ Norvegicâ (i. e. *qvæ agunt de populis Norve-*
 „ *gica lingvâ loquentibus, ut sunt Dani, Norvegi, Sveci.*) qvæ
 „ veris relationibus innituntur, incipiunt ab illo tempore,
 „ qvo Turcæ & Asiatici Septentrionem inhabitare cape-
 „ runt. Verè autem traditur lingvam, qvam Norvegi-
 „ cam appellamus, una cum illis in septentrionem ve-
 „ nisse: qvæ lingvâ per Saxoniam, Daniam, Sveciam
 „ Norvegiam & aliquam Angliæ partem se diffudit:
 „ Hujus populi princeps fuit Odinus, Thoris filius.
 „ *(Thorem Odini non patrem, sed filium fuisse, alii rectius*
 „ *tradunt.)* Hic multos filios habuit. Ad Odinum
 „ multi genus suum referunt. Is filiis suis regna dedit,
 „ eosque Principes creavit. Unus ex filiis ejus Skiold-
 „ dus dictus est, qui illam regionem occupavit, qvæ
 „ nunc Dania dicitur. Tunc vero hæ terræ, quas Asæ
 „ incoluerunt, Godlandiæ dicebantur, populus autem
 „ Godiod. (*i. e. Divina progenies, nam God Deum significat, Jod*
 „ *Sobolem. Forte & legendum, Godpiod, id est: Divina natio;*
 „ *piod enim Gentem denotat.*) Termini constituti sunt inter
 „ Skioldum & Yngvifreyrem ipsius fratrem, (*Cognatum*
 „ *rectius: Et prisca lingvâ cognati fratres appellantur, quod*
 „ *etiamnum Islandis in usu est*) qui illud regnum tenuit,
 „ qvôd Sveonum Regnum nunc appellant. Odinus &
 „ filii ejus admodum sapientes erant & magicarum arti-
 „ um periti, formâ venusti & fortitudine insignes.
 „ Multi etiam alii eorum cognati variis naturæ dotibus
 „ inclyti fuerunt; Quorum nonnullos homines sacrifici-
 „ is colere, & eorum religione duci caperunt, eosque
 „ pro Diis habuerunt. Skioldus percelebris fuit, vasto-
 „ qve

que imperio ac magno populi numero in pace præ-
 fuit. Is filium habuit Leifum (3: *reliquias*) dictum,
 quod ei tam Regnum, quam ceteras opes relinqueret.
 Illius diebus adeo tuta pax vigeat, ut in Regno illius
 ne unicum homicidium patraretur; unde Frid-
 leifus (3: *Leifus Pacificus*) dictus est. Hic admodum pru-
 dens erat. Illius filius fuit Frodius, qui adeo sapiens
 & multiscius fuit, ut ab illo quilibet sapiens *Frodr* di-
 catur. Illius tempore tanta pax regnavit, ut nemo
 hominem occidere præsumeret, etiam si patris sui aut
 fratris interfectorem vinctum offenderet. Tunc la-
 trocinia & furta sopita sunt, adeo ut annulus aureus
 in campis Jalangrensibus (*forte Jellinge*) in publica via
 multos annos impune jaceret. Creditur Cæsarem
 Augustum qui pacem toto orbe fundavit Frodii Pa-
 cifici tempore Romæ regnasse. Tunc Christus
 natus est. Frodio Pacifico regnante, terra tam ferax e-
 rat, ut agri absque satione fructum ferrent, nec hy-
 ems metuenda esset; tunc etiam omnis generis metal-
 la in visceribus terræ inveniebantur. Anno quodam
 cum Frodius ætate provectus esset, accidit, ut ingen-
 tia tonitrua fulguraque audirentur: tunc Sol è cælo
 disparuit, terraque adeo tremuit, ut rupes loco motæ
 aliò ferrentur; tunc etiam saxa è terra emerferunt, &
 omnes prophetiæ confundebantur. Hactenus Rimbegla,
 scriptum quidem antiquum, sed à recentiore quodam, ut
 apparet, interpolatum & corruptum.

Frodio Hiarnium poëtam successisse Saxo ait. No-
 stri eum silent; unde tamen Regum Catalogo eximen-
 dum esse, satis tutò argumentari nequimus. Neque e-
 nim

nim in Regum genealogias referri potuit, qui majorum nobilitate destitutus, carminis ope ad imperium evehctus est.

Fridleifo autem Frodii filio inter Reges genuinos locum deberi clarum est, licet ipsius historia utet reliquorum Skioldungorum interierit, nec præter nuda nomina è genealogiis petenda supersint; quæ magis ordinem quam narrationem dirigunt. Hic nobis in Fridleiforum ordine secundus est. Fuisse illi filium Frodium IV. statuit Saxo, quod nos refellimus, inque ipsius locum Havarem substituímus.

Hic Havar à manuum robore *bandrammi* dictus; quantum puto, è Regum albo rejici non debet, cum tam patrem quam filium Reges habuerit: nisi forte ante patris obitum, supremum diem regni expers clausurit, quæde re nihil certi asserre possumus, deficiente hic, ut aliàs, Skioldungorum, i. e. Daniæ Regum, historiâ. In priori genealogia, ex Originibus Norvegiæ superius pag. 213. exhibitâ, *Havardus* perperam vocatur.

Havaris illius filius fuit Frodius, quem nos hic eo nomine secundum agnoscimus, Saxo vero Quartum facit. Huic an res illæ competant, quas Saxo de suo Frodio Primo refert, parum constat. Filii vero quos Primo illi adscribit, Frodio Vegeto, qui nobis pariter ac illi numero quartus est, procreati sunt. Id enim filius Halfdanus, ejusque filii Hroar & Helgius eorumque historia evidentissimè probant. Quin & ea quæ de Svertingo memorantur, in illum conveniunt,

CAPUT V.

*De Vermundo Sapiente, Olafo Man-
sveto, Dano Magnanimo, Danici Regni Eponymo, Frodis III.
seu Tranquillo, Haldano I. & Fridleifo Tertio.*

Vermundus, non Vigleti, ut *Saxo* opinatus est, sed Frodii II. filius, hunc in nostra Danicorum Regum serie locum occupat, & Sapientis cognomine illustratur.

Ei filium Olafum Mansvetum immediatè subjungunt *Langfedgatal* & prior illarum genealogiarum, quas ex *Origibus Norvegicis* superius pag. 213. exhibuimus. At dictarum genealogiarum posterior ex Olafo, *Olufam* fæminam facit, Danique Magnanimi (qui, uti ad illam genealogiam annotavimus, librarii tantum culpa omissus est) non patrem, sed matrem fuisse innuit. Sed quoniam præter hanc unam genealogiam ceteræ omnes in Olafum consentiunt, nos earum auctoritatem pluris facimus.

Olafo Mansveto Danum successisse constat, quem nostrates ejus nominis Primum faciunt, & Daniæ Regno nomen dedisse volunt. Illius sororem Domar Sveciæ Rex in matrimonio habuit, atque ex ea Dyggvium genuit. Ecce de ista re *Snorrii Sturlæi* testimonium: Modir „ Dyggva var Drott, dottir Danps Konungs, sonar „ Rigs, er fyrstr var Konungr kalladr a Danska tungu. „ hans ættmœn hofdu avallt sidan Konungs nafn fyrir „ et æzta tignar nafn. Dyggvi var fyrst Konungr kal- „ ladr sinna ættmanna, enn adr voru þeir Drottnar kal- „ ladir, en konur þeirra Drotningar, enn Drott hirdfveit- „

„ tin, enn yngvi edr ynguni hverr þeirra ættmanna, al-
 „ la æfi, enn ynglingar allir saman. Drott drotning
 „ var systir Dans Konungs hins Mikillata er Danmork
 „ er vidkend. *hoc est.* Dyggvii (*Svecia Regis*) mater
 „ fuit Drotta, filia Regis Danpi, filii Rigi, qui primus Da-
 „ nicâ lingvâ (*id est, in septentrione*) *Konungus* (5: Rex) ap-
 „ pellatus est. Illius posterî *Konungi* (Regis) nomen pro
 „ summo dignitatis titulo exinde semper usurparunt.
 „ Dyggvius suorum gentilium primus Konungus (*Rex*)
 „ dictus est, prius enim (*Svecia*) Reges *Drottini* (domi-
 „ ni) dicti sunt, & uxores eorum *Drotningæ* (dominæ)
 „ aulici vero in universum *Drott* (cætus): cognatorum
 „ Regionum quisque *Yngvi* seu *Ynguni* semper appella-
 „ batur, collectim vero *Ynglingi* (5: Yngvii posterî) di-
 „ cebantur. Drotta Regina soror fuit Dani Magnanimi
 „ à quo Dania denominata est.

Danum Olaso Mansveto genitum superius statui-
 mus, ubi de septentrionis Regum Chronologia conjectu-
 ras fecimus. At *Snorrius* sororem illius Drottam Dan-
 po patre natam hic expressè dicit. Dubitare itaque non-
 nemo poterit, Danus an patrem Olasum habuerit, aut
 eodem cum Drotta patre, nempe Danpo, satus sit, præ-
 fertim cum *Langfedgatal*, indubitatae auctoritatis monu-
 mentum, notam illam generationis: *hujus filius*, hic o-
 mittat; non secus ac inferius, ubi Sigurdum Hringum
 nominat, quem Haraldi Hilditannis successorem tantum,
 non vero filium fuisse, omnes norunt.

Ad ea respondeo, nihil nobis contrarium ex *Snor-
 rii* loco concludi posse. Fuit quidem Drotta, Danpi filia,
 Dani soror; sed uterinam tantum fuisse, matremque il-
 lius mortuo Danpo in Olasi amplexus venisse facile colli-
 gitur.

gitur. Etenim notam generationis, quam *Langfedgatal* hic omittit, *Origines Norvegicae* suppeditant: Quorum testimonio quo minus acquiescamus nil causae video; cum *Langfedgatal* nihil contrarii adferat, sed saltem dictam generationis notam omittat. Quod illius silentium *Originum Norvegicarum* assertioni praeponderare, meo arbitrio, non debet; praesertim cum probari nequeat, eandem ob causam hic in Dano, ac in Sigurdo Hringo generationis notam omissam esse; sed meliori forte jure culpa in librarium referri queat. Adde quod Saxo sententiae nostrae robur adjiciat, ubi Danum hunc Olafi (quem alius Uffonem dictum tradit) filium fuisse expressè dicit. Cujus assertiones, ubi aliorum ex vetustate monumentorum testimoniis stabiliuntur, aut ad dubia illustranda faciunt, quin magnum habeant momentum, negari haud potest.

De Danpo & Rigo, quorum *Snorrius* adducto loco mentionem facit, parum scimus. Provinciae cuidam Danicae praefuisse, verisimile est; & forte hi quoque à Skioldo originem duxerunt. De Rigo *Snorrius* testatur, eum omnium primum Regis titulum assumpsisse posterisque usurpandum reliquisse. Hic in Chronico Norvegico, typis impresso, perperam *Ring* vocatur.

Extat Oda, veterilingua Danicâ conscripta, sub titulo *Rigsmaal*, quâ Heimdallus, Asarum seu Deorum unus, Rigi nomen assumpsisse, atque ita personam mentitus tria hominum genera, videlicet Nobiles, Rusticos & Servos progenerasse traditur; mythologicè ut apparet: forte quod Rigus hicce noster subditos suos, eatenus minus cultos confusosve, in certos ordines digesserit, singulis officia ministeriaque dispertiendo, cum sine eo rempubli-

cam consistere non posse animadverterit. Clauditur hæc Oda Dani Dappiqve nominibus elogiisque, unde Rigum, de quo nobis fermo est, mythologiâ illâ indigitari credimus; aliâs enim horum mentio inepte hic fieret; appositè vero, si alter horum Rigi istius filius, alter, nepotis loco fuerit. Ad Danum redeo.

Hicidem ille est Danus, quem Saxo ejus nominis Secundum facit, atqve ob superbiam & luxum valde vituperat. Nostri *Mikillati* cognominatur, quod *Magnanimum* seu *Magnificum* denotat: potest & *Superbus* verti, quod fortè Saxoni suæ narrationis occasionem præbuit. Nostri certè nihil vituperio dignum de Dano referunt. Ab hoc Dano Daniæ Regnum nomen sumfisse, *Snorrius* loco adducto & *Langfedgatal* testantur: Unde Dano, quem Saxo Primum posuit, nullum inter Daniæ Reges locum deberi patet. Hic tumultandi morem primus in Daniam invexit, quem à se ipso auspicatus, in posteros transmisit, donec tandem Christiana religio, misero eatenus Septentrioni divinitus indulta, melioribus eum ritibus correxit *Snorrius* in præfatione ad Chronicon suum Norveg. ita ait: En fyrsta aulld er kaullut Bru-
 „ na aulld. þa skyllði brenna alla dauda menn, oc
 „ reifa eptir bautasteina. Enn síðan er Freyr hafði
 „ heygdr verit at Upsölum, þa giordo margir hofdin-
 „ gjar eigi síðr hauga enn bautasteina til minningar ep-
 „ tir frændr sína. Enn síðann er Danr hinn Mikillati
 „ Danakonongr let sér haug giora, oc baud sík þan-
 „ gat bera daudan med Konongs skruda oc herbunadi,
 „ oc heft hans med sædulreidi, oc mikit fe annat, enn
 „ hans ættmenn giordo margir sva síðan, oc hofz þa
 „ haugs aulld i Danmorko, enn lengi síðan hellz bruna
 aulld

auld med Sviom oc Nordmonnom. *hoc est:* Prima „
ætas Combustionis ætas dicta est; tunc omnia mortu- „
orum corpora cremare mos erat, atque in eorum me- „
moriâ saxa erigere (*quæ bautasteinar dicebantur.*) Sed „
postquam Freyr Upsalis tumulo conditus fuisset, mul- „
ti procures non minus tumulos, quam saxa in cognato- „
rum suorum memoriâ erexerunt. At cum Danus „
Magnanimus, Danorum Rex, sibi tumulum fieri cu- „
rasset, iussissetque eo se mortuum condi, Regiis vesti- „
bus armisque indutum, atque secum unâ sepeliri e- „
quum suum phaleris ornatum, addita magnâ vi pecu- „
niæ (quod illius exemplum cognatorum illius multi „
postea imitati sunt) Tumulorum ætas in Daniâ cepit. „
In Svecia autem & Norvegia Combustionis ætas lon- „
go posthac tempore duravit.

Ad sepulturam Freyris quod attinet, ille ritum i- „
stum non invexit, sed à Svecis præter ejus voluntatem „
eo modo elatus est, quem secundum consuetudinem ab „
Odino introductam, atque ab Odini successore, Frey- „
risque patre Niordo confirmatam, moribundum mu- „
crone sauciari, ac deinde exanimem cremari oportebat. „
Etenim Sveci hunc eundem Freyrem pacis & fertilita- „
tis auctorem credentes, præter leges & receptum mo- „
rem eum tumularunt; persuasi, tamdiu se annonæ ferti- „
litate & pacis indulgentia fruituros, quoad cadaver illi- „
us integrum conservarent. Et ne Freyr animo ob ni- „
miam solitudinem langveret, tentârunt quidem homi- „
nibus persuadere, ut se vivos eo contumulari permitte- „
rent; quod cum minus succederet, duo hominum simu- „
lacula, e ligno fabrefacta, sepeliendo ei adjunxerunt; quæ „
colli sepulcrali postea exenta mirum in modum super- „
stitio-

stitionem promoverunt. Nam ad eorum formam reliqua idola struxerunt, uti hæc à *Snorrio* & *Olafi Tryggvini historia* referuntur. Ceterum de subsequantium Regum permultis constat, eos post mortem pristino ritu crematos esse; unde sepeliendi morem non à Freyre aut Frodio Pacifico, sed Dano Magnanimo investum esse patet.

Frodus Tranquillus, ordine nominis Tertius, Dano Magnanimo patri successit. Hic Saxonis Frotho Secundus esse videtur, quem ille perperam Huglethi filium esse existimavit. Fuit Huglethus, nobis Hugleicus, uti ex *Snorrii* Chronico constat, Sveciæ, non Daniæ Rex, Frodio huic Tranquillo, ut videtur, coævus. Nam Halfdanus Frodii hujus filius (qui Saxonis Danus III, est) Aunium Sveciæ Regem, Hugleico posteriorem, regno exuisse scribitur. Ex hoc Hugleico Saxo Frothonis sui Secundi patrem efformasse videtur. Et omnino ad eum pertinet historia illa, quam Saxo de Hugleto Hiberniæ Rege, & Hacone Daniæ tyranno, in vita Frodii IV. recenset, quod ex illius relationis collatione cum *Snorrii* Chronico Norvegico abundè patet. Nos utriusque, tam Saxonis quam *Snorrii* narrationem jungemus, & Saxonis quidem compendiosè, quod is à pluribus legatur. Tradit autem ille libro IV. pag. m. 104. Starcatherum, mortuo Bemono, cum apud Biarmenses, plurima memoratudina edidisset facinora, Sveonum finem ingressum, cum filiis Fró septennio feriatum esse. Hinc ad Haconem Daniæ tyrannum se contulisse, quod apud Upsalas sacrificiorum tempore constitutus, effæminatos corporum motus, scenicosque mimorum plausus, ac mollia nolarum crepitacula fastidiret. Itaque cum Hacone classem in Hiberniam extulisse, quam ea tempestate Hugletus rexit.

xerit, princeps opibus abundans, at avaritiæ adeo obnoxius, ut dandis aliquando calceis ligamenta detraheret; nec fere nisi in mimos & joculatores munificus. Fuisse tamen Hugleto spectatæ virtutis proceres Gegathum & Svibdavum, inter effæminatorum consortia, velut gemmas stercorebus infitas, conspicuo militarium operum fulgore pollentes, solosque Regiarum opum defensores. Igitur prælio inter Haconem & Hugletum capto, mimorum greges, trepidis aciem solvissè decursibus: Gegathum verò & Svibdavum, solos tot hostium millibus obiectos, incredibili bellum virtute gessissè, ut non duorum modo militum, sed universi agminis partes agere viderentur. Sed & Gegathum Haconem, sibi pertinacius imminentem, tanto pectoris vulnere affecissè, ut jecinoris suprema detegeret. Illic Starcatherus, dum Gegathum ferro peteret, acerbum adeo vulnus capite excepit, ut postmodum in quodam carmine, non aliàs tristiores sibi plagam incidissè perhibuerit; qui mox victo occisoque Hugleto, & Hiberniensibus in fugam actis, quoscunque ex histrionibus captioni casus obtulit, virgis cædendos curavit. Hæc Saxo. Sed *Snorrius Sturlaus* paulo aliter: Hugleikr het son Alfs, er konongdom tok yfir Svium, eptir þa brædr, þviat synir yngva voro þa born. Hugleikr Konongr var engi hermadr oc sat hann at laundom i kyrrfæti. hann var audigr mioc oc sinkr af fe. hafdi mioc i hird sinne allzkonar leikara, harpara oc gigjara oc fidlara, hann hafdi oc med fer seidmenn oc allzkonar fiolkunnigt folk. Haki oc Hagbardr heto brædr oc voro agætir mioc, þeir voro fiakonongar oc hofdo lid mikit. foro stundum badir samt, stundum ser hvarr, margir kappar voro með hvarom tveggja

„ gia þeirra. Haki Konongr fór með her sinn til Svi-
 „ þíðar á hendr Hugleiki Konongi, enn Hugleikr Ko-
 „ nongr samnadi her fyrir. Þá komu til lids við hann
 „ bræðr tveir Svípdagr og Geigadr, ágætir menn báðir
 „ og hinir mestu kappar. Haki Konongr hafði með sér
 „ XII. kapp, þar var þá Starkadr gamli með honum.
 „ Haki Konongr var og hinn mesti kappi. Þeir hittu á
 „ fyrir völlum. var þá mikil orrosta, féll bratt lið Hug-
 „ leiks. Þá söttu fram kapparnir Svípdagr og Geigadr,
 „ enn kappar Haka gengi sex moti hvarom þeirra og
 „ urðu þeir handteknir. Þá gekk Haki Konongr inn í
 „ skjaldborg at Hugleiki Konongi, og drap hann þá og
 „ sönu hans tva. Eptir það flýðu Svíar. hann sat þá at
 „ laundom þíra vetr. enn í því kyrrsæti fóru kappar hans
 „ í frá honum og í víking og fengu sér svo fjar. *hoc est:*
 „ Hugleico nomen fuit Alfi filio, qui post *Alfi & Ingvi*
 „ fratrum mortem Svecorum Rex factus est; filii enim
 „ Yngvi nimis teneræ ætatis erant. Hugleicus bellicis
 „ operibus parum deditus fuit, sed pacate regnum mo-
 „ deratus est. Hic opulentus erat sed pecuniæ parcus;
 „ habuitque in aula sua omnis generis ioculatores, ci-
 „ tharædos, auletas & lyricines, incantatores insuper,
 „ & veneficorum magnum gregem. Hakius & Hag-
 „ bardus fratres fuerunt viri admodum celebres, & ma-
 „ rini Reges (scilicet *nobiles piræ*). hi ingentibus copiis in-
 „ structi interdum conjunctim, interdum seorsim expe-
 „ ditiones nauticas susceperunt, uterque fortissimorum
 „ bellatorum satellitio stipatus. Rex Hakius Sveciam
 „ cum exercitu petebat, Hugleico bellum illaturus; qui
 „ exercitum mox coegit. Tunc ipsi in auxilium vene-
 „ runt duo fratres Svípdagus & Geigadus, ambo insignes
 viri,

virī, & bellatores fortissimi. Hakius duodecim magni „
 nominis bellatores in exercitu habebat, inter quos Star- „
 cadus Grandævus numerabatur; Hakius quoque Rex „
 ipse summus erat bellator. In campis igitur Fyrensisbus „
 atroci pugna utrinque concursus est, statimque in exer- „
 citu Hugleiki magna strages facta. Tunc Svipdagus & „
 Geigadus in hostium aciem impetum fecere: quo- „
 rum singulos sex ex præcipuis Hakii bellatoribus ex- „
 ceperunt, vivosque comprehenderent. Hinc agmen, „
 quod Hugleicum Regem instar valli undique cinge- „
 bat, perumpens Hakius, Regem cum duobus filiis „
 obtruncavit; quo facto Sveici fugam capeſſebant. Po- „
 titus victoria Hakius triennium summa in quiete „
 Sveciæ præfuit; quare præcipui illius bellatores ab eo „
 in alias terras prædatum discesserunt.

Ex his patet, eandem historiam à Saxone & Snor-
 rio exponi, licet in quibusdam dissentiant. Hakium Sa-
 xo Danum fuisse perhibet: Snorrii exemplaria MStæ, quæ
 ad manus habeo, cujas fuerit non definiunt: Norvegum
 fuisse ait Snorriani Chronici versio Danica, ex vetusto
 exemplari absque dubio adornata; quâ nos innixi eum
 superius libro II. Cap. II. pag. 102. Norvegum fuisse
 diximus. Quicquid illius sit, res istæ in Frodii Tran-
 quilli tempora bene quadrant. Nam Frodus V. hujus
 pronepos, Eigili Tunniciæ, filio Aunii Grandævi,
 illius qui primo à Frodii Tranquilli propatruo Halfdano
 I. deinde à patruo ejus Olio regno pulsus est, synchronus
 fuit; sed uterque Hugleico recentior.

Hic iterum observandum, historiam illam, quam
 Saxo de Hagbardo & Signe Sigaris filia libro VII. perfe-
 Mm
 qui-

qvitur ad hæc tempora pertinere. Etenim si præcedentem de Hakio & Hagleico seu Hagletho narrationem, quam in hæc tempora referendam dixi, ex utroque scriptore collectam, cum illa, quam dicto loco Saxo inserit, accuratius contulerimus, mira relationis harmonia resultat. Primo eadem nomina occurrunt, nam Hakius (Saxoni Haco) & Hagbardus, à Snorrio Sturlæo fratres fuisse memorantur, quod idem Saxo tradit, & Haconem fratris ultionem à Sigare exegisse memorat. Secundo idem Hakius, vel Haco, quem Snorrius piratarum Regem facit, à Saxone hic Daniæ tyrannus, inferius Hamundi Reguli filius audit. Tertio loco Starcadus Hakii (Haconis) comes ab utroque scriptore hic memoratur, qui illic Haconem (Hakium) ideo deseruisse refertur, quo is Sigari, cujus hospitio Starcadus aliquando usus fuerat, arma esset illaturus; cujus tamen auxilio non parvo tempore Haconem usum esse traditur. Quarto loco Hiberniam bello Haconem petivisse innuit Saxo, cujus loco Sveciam substituit Snorrius, sed constanti Saxonis relatione ab Hibernia in Daniam concessisse dicitur. Et quamvis hic Svecia verius sit intelligenda, tamen in cœpta narratione perseverat Saxo, ut pateat eum in unius ejusdemque Haconis historia occupari. In Scotiam exinde Haconem concessisse, ibique decurso biennio fatis functum Saxo scribit, cui Snorrius in tantum consentit, quod Hakium Sveciam, quam vivo Hagbardo occupavit, triennium tenuisse perhibeat. Ut autem synchronismus facilius pateat, subjungemus hic tam Frodii Tranquilli, quam Sigaris & Hagleiki, quem Hakius occidit, genealogias, quarum binas priores ex

pagg.

pagg. superius 215. 216. huc transtulimus; tertiam vero ex Originibus Norvegiæ descripsimus.

Odinus.	Niordus unus	Forniotus,
1. Skioldus.	1. Freyr. (ex Afis.	1. Karius.
2. Fridleifus I.	2. Fiolner.	2. Jokull.
3. Frodius Pacific.	3. Svegder.	3. Snær antiquus.
4. Fridleifus II.	4. Vanlandius.	4. Thorrius.
5. Havar.	5. Visbur.	5. Nor.
6. Frodius. II.	6. Domaldus.	6. Raumus.
7. Vermundus.	7. Domar.	7. Hringus.
8. Olafus. (nimus.	8. Dyggvius.	8. Halfdanus Se-
9. Danus Magna-	9. Dagus.	9. Sigar. (nex.
10. Frodius III.	10. Agnius.	10. Sigmundus.
feu Tranqvill-	11. Alrecus.	11. Sigar. Signyæ
lus.	12. Alfus.	pater, qvi Hag-
	13. Hugleicus.	bardum fufpen-
		di curavit.

Conspicuum credo, tum ex superius collatis narrationibus, tum ex hac serie evadit, historiam illam, quam Saxo de Hagbardo retulit, in Frodii hujus Tranqvilli tempora quadrare. Unde Sigarem inter genuinos Daniæ Reges collocari non posse apparet, cum Frodius per id tempus summæ rerum præfuerit. Regulum si quis statuatur haut ego obnitar. Patrem illius Saxo Syvaldum nominat, quod ego nihil moror: nam *Origines Norvegiæ* quas continet Codex Flateyensis, ipsius & plurimorum ejus cognatorum stemmata ex professo persequuntur, adduntque, ubi ad hunc Sigarem perveniunt, eum Signyam progenuisse & Hagbardum fufpendio absumendum curasse, prout ex iisdem Originibus nuper attulimus.

Rei gestæ vestigia Dani, Norvegi, Sveci, singuli in sua patria, ut evidentes testes, producunt loca, iis nominibus insignita, quæ ab Hagbardo & Signya Sigareque in perpetuam ad posteros memoriam id temporis sortita sunt. Qvin & tres Norvegiæ provinciæ inter se discordes, singulæ sibi fidelitatis hujus gloriam asserunt. Videtur in Listrìa campus, hodieque *Sigarsvoll* dictus, ceteraque rudera. In tractu Bergensi, in prædio Sogniæ Ornesiæ dicto, parum à promontorio Aungulsnesiæ, alter. In Halogiæ insula Aungulseya, & quidem prædio, supremi provinciæ judicis habitationi dicato, Steig dicto, Liber *Originum Islandiæ*, monumentum antiquitatis illustre, Arii etiam Polyhistoris auctoritate prope invictum, tertium, sed rei gestæ prototypum, indigitat, nomine *Fontis Signyæ*, insulæque, quæ ab Hagbardo *Hagbardsholmus* appellatur. Illa locorum ruderumque nomina perpetuâ famâ, quasi per manus ad posteros tradita, in hodiernum usque diem illic durare, confirmavit nobis vir Amplissimus & Nobilissimus *Canutus Gedde*, qui provinciam illam Præfecti titulo multis annis gubernavit. Admiratione tam illustris facti, gentes complures tragœdiæ istius monumenta in perpetuam memoriam apud se statuisse videntur. Nos ubi contigerit, haut decidemus, cum singulæ antiquitatis testimoniis monumentisque innitantur.

Anteqvam hinc digrediamur, monere visum est, Saxonem in Frodii hujus, Dani filii (qui ei Secundus nobis Tertius est) historiâ parum sibi prospexisse, ubi Frógerum Odini filium ab illo occisum esse retulit. Nam Odinus, Frógeri pater, Hadingo Daniæ Regi (ut ex ipsius

us hypothefi loquar) coævus erat; qua ratione Fróge-
rum duodecim Regum tempore vixiffe ftatuit, id eft
fecundum Svaningii calculum DXC. annis; tot enim in-
ter Hadingi mortem & initia imperii Frodii hujus, fecun-
dum illius fupputationem interfluxerunt.

Frodium III. feu Tranquillum Halfdanus I. & Frid-
leifus III. filii jure fucceffionis exceperunt. Halfdanus
ille Aunium Grandævum, Sveciæ Regem, oppugnavit,
devicit & in exilium abegit, atqve cum viginti annis
Sveciam ditione tenuiffet, fupremum diem claufit. Hujus
Aunii pater Jorundus patruelis erat Hugleiki illius, quem
Frodio Tranquillo fynchronum fuperius obfervavimus.
Postquam igitur Aunius novercantis fortunæ favitiâ a-
miffâ fcepra meliori fato recuperaffet, ab Olio, Fridlei-
fi Tertii, Halfdani hujus fratris, filio bello impetitus i-
terum fortunæ ludibrio expositus eft, priftinum & jam
familiare fibi exilium subire coactus, qvoad Olius, Star-
cadi pugilis opera vita fpoliatus, regnum priftino poffes-
fori relinqueret. Hunc Olium eum effe puto, quem
Saxo Olonem Vegetum appellat & Haraldi Hilditannis
ex fоре nepotem à Sigvardo Norvegiæ Rege procrea-
tum tradit. Certè hic Olius, Aunii victor, Vegeti nomi-
ne à noftris celebratur, & à Starcado occifus effe memo-
ratur. Qvo vero mortis genere perierit, non æqve com-
pertum habeo. In balneo interfectum Saxo fcribit; no-
ftrates vero Regem illum qvi fcleratâ Starcadi manu in
balneo occubuit Armodum nominant, & ab Olio hocce
diverfum fuiſſe innuunt. Olonem Saxo fceleſtâ
Starcadi manu interemtum refert, qvod Snorrius
huic Olio, Fridleifi, III. filio applicat. Saxo Olavum

Fridleifi II, filium aliàs depromit, è Grubbi cujusdam filia susceptum, cui Parcæ nævis permixtam indolem heroicam ingeneraverint. Hic unius hominis historiam duobus accommodari existimem; idque eo tutius, quo certior sum, Saxoni hoc aliquando contigisse. Quin & videor mihi tertium adhuc ex hoc Saxonis Olone elicere, Olafum nimirum, Anglum dictum, à Sigurdo Hringo Jutiæ præfectum, qui absque omni dubio Saxonis Olo Vegetus est. Nam tempora, quæ Oloni isti Saxo accommodat, Olafus Anglo competunt, cædes vero à Starcado illata, Olafus huic Fridleifi filio, quem Saxo Olavum nominat. Aliàs Olafum, quem nostrates Anglum vocant, sub Gormonis Anglici nomine apud Saxonem latitare puto; de quo suo loco.

Danum quem Frodio Saxo surrogat, non Danum, sed Halfdanum dicendum esse superius diximus, & agnoscit Clarissimus *Stephanus* Not. in Saxon, pag. 106. antiquâ, ut ait, Odini genealogiâ (*Langfedgatal* illa fuit) adductus. Huic cum ille hoc in loco tantam fidem habuerit, ut secundum illius tenorem Saxonem corrigere non dubitaverit, cur eandem ipsi in ceteris auctoritatem non tribuerit, haud video. Id, ut dixi cum memorato Stephanio statuo, hunc Danum, quem Saxo post Frodium, sibi Secundum, collocat, Halfdanum Primum esse, quem Sveciam sibi subjecisse constat; Daniam tamen cum fratre Fridleifo Tertio æquo jure tenuisse videtur, donec totius Daniæ imperium post ipsius mortem Fridleifo cessit. Et hic Fridleifus, Celeris cognomine insignitus, non Frodii illius, qui nobis Primus, Saxoni vero Tertius est, sed Frodii IV. & Olii Vegetorum pater fuit; pro-

prout ex Genealogiis & *Snorrii Sturlai* Chronico in vita Aunii Grandævi Sveciæ Regis, manifestè conspicitur.

CAPUT VI.

De Frodio IV. Vegeto dicto, Ingialdo Starcadi Alumno, Haldano II. Frodio V. Hroare & Helgio, ejus nominis Primo, Helgiique filio Hrolfo Krakio.

Prodit tandem Frodius Vegetus, quem eo nomine Quartum Saxoni largimur. Quod enim de Svertingo legimus, in hunc Regem quadrat. Et Starcadum filio ejus Ingialdo nutritii officium præstitisse, tam Saxo, quam antiquitates nostræ perhibent; in quibus idcirco Ingialdus *Starkadar fostri* 3: Starcadi alumnus audit. Cum hoc Frodio Quarto unum eundemque hominem esse Frothonem illum, qui apud Saxonem primus ordine collocatur, Haldanus filius, & Roe ac Helgo nepotes satis evincunt; de quibus plura inferius dicentur. Ad hunc Frodium Vegetum, Eigilem Sveciæ Rege a patris sui Consiliario, Tunnio dicto, quem ob infossos terræ thesauros, honore privatum, servilibus ministeriis adsciverat, gravi bello impetum octiesque acie victum confugisse, atque opem ipsius ac auxilia implorasse *Snorrius Sturlaus* scribit; sed gravi errore: Hoc enim auxilium in hunc Frodium non quadrat. Nam cum Aunius Rex Sveciæ octogenarius à fratre hujus Olio regno pulsus, post viginti annos redierit, centum annos natus; ætatemque postea ad centum & decem annos prorogaverit, non est consentaneum Frodium huncce, licet

cet quadraginta octo annis Olio fratre junior fuerit (quod in Chronologia nostra superius statuimus) ad tantam ætatem pervenisse, ut Aunii illius filium restituere potuerit. Eâ enim ratione centum & decem annos vixisse eum necesse est; quod sine certo auctore statuere non audemus. Melius itaque Eigilis restitutio convenit Frodii hujus IV. filio, patri cognomini, qui nobis in Frodiorum ordine Quintus est; de quo etiam plura mox dicentur. Frodio Quarto binam masculini sexus prolem *Langfedgatal* assignat: Ingialdum scilicet, Starcadi Alumnum dictum, & Halfdanum Hroaris & Helgii patrem, quem nos Halfdanum II. vocamus. Halfdani illius fratrem, Hroarisque & Helgii patrum *Hrolfi Krakii historia* Frodium nominat, unde tres filios Frodium Quartum reliquisse discimus: Ingialdum, Halfdanum & hunc Frodium, qui nobis Quintus erit.

Ingialdum patri Frodio IV. successisse Saxo verè perhibet. Et solum à parentis morte regnum administrasse, reliquis fratribus ob ætatis imbecillitatem imperio nondum aptis, verisimile est; quem & Starcadus acri objurgatione & investiva oratione ad necem patris vindicandam ideo impulisse videtur, quod ipsi soli id per ætatem liceret. Sed nec absurdum Regnum inter Frodii filios tripartitò divisum fuisse, Ingialdoque Lethrensem ditionem obtigisse. Hujus Ingialdi historiam Saxo, qui eum Ingellum vocat, elegantissimo stylo conscripsit; quâ nostris antiquitatibus nihil derogat; quin potius amissæ Skioldungorum historiæ damnum aliquo modo reparat. Ingialdus filium reliquit, non Olavum, ut Saxo eum vocat, sed Hrærecum Hnauggvanbaugium dictum; quem tamen

tamen in Lethrenſe Regnum patri non ſucceſſiſſe ex *Hrolfi Krakii vitâ* colligo , quæ Halſdanum , Ingialdi hujus fratrem, totius Daniæ Regem (ſupremum intelligo) fuiſſe, eoq; ſublato , fratrem ejus Frodium univerſam ejus hæreditatem invaſiſſe , occiſumqve ab Halſdani filiis , Hroare & Helgio, totam reliquiſſe innuit. Interea in aliâ parte Daniæ Ingialdi filius Hræreus Hnauggvanbaugius imperaſſe videtur ; & Lethrenſis ditio poſt mortem tandem Hrolfi Krakii ad poſteros ejus rediſſe. Nam Hræreus Slaungvanbaugius, Rex Lethrenſis, ab illo descendit, *Verelius* in Notis ad Hiſtor. Hervor. Cap. II. pag. 40. ex Ingialdi filio Hræreco Hnauggvanbaugio, binos homines exſtruxit , vitioſo exemplari , ut apparet, deceptus , quod ex his quæ aſſerimus, ſatis emendari poterit. Ingialdo plures filios Saxo attribuit, quorum nomina reticet & bello ſingulos occubiſſe memorat. *Landnama* Hrolfum Ingialdi filium nominat, ſcalamqve generationum ab eo ducit, ſed juſto breviorẽ.

Poſt Ingialdum Halſdanus frater, iſtius nominis in hac Regum ſerie. Secundus, ſummam rerum adeptus eſt. Hic Hroarem & Helgium filios progeniit, atqve, uti *Hrolfi Krakii vitâ* teſtatur, à fratre Frodio, invidiæ ſtimulis acto, nefariè occiſus eſt.

Frodus itaqve, poſtquam occiſi fratris ditionem invaſiſſet, ut in regni ſcelere parti poſſeſſione ſe confirmaret, Hroarem & Helgium Halſdani filios, in puerili adhuc ætate conſtitutos, ad necem quæſivit. Hos vivo patre Reginus quidam educaverat: qui tantis nunc anguſtiis implicitos deſtinatæ per patrum neci clam ſubdixit, iisque apud amicũ quendam latibulum procuravit. Frodius, ubi eos hic illic fruſtra diu quæſiviſſet, magos

conduxit, qui eos investigarent; cumque hi nil proficerent, fatidicæ mulieris opem accivit. Sed ne sic quidem ubi manerent certior factus est. Nam cum fatidica illa, Regi omnia quæ artibus suis explorâverat, revelatura esset, dictorum Reginum juvenum soror anulum aureum ei in sinum projecit. Quo corrupta conticuit, seqve illos investigare non posse professæ est. Hæc ex dictâ *Hrolfi Krakii historia*. Frodius hicce nobis & Saxoni illius nominis Quintus est; legiturque apud Saxonem libro VII, eadem hæc historia, paucissimis tantum circumstantiis variata. Halfdanus ibi Haraldus dicitur. Reginus, Regno. Regii illi juvenes Haraldus & Haldanus appellantur: cetera fere conveniunt. Frodium tandem à juvenibus istis, quorum vitæ tam pertinaciter insidiatus fuerat, nocturno incendio absumptum fuisse Saxo & memorata *Hrolfi Krakii vita* concorditer perhibent.

Frodii Primi, filii ejus Halfdani, ejusque natorum Hroaris (Roe) & Helgii historias libro II. Saxo exhibet. Frodium illum ex Frodio IV. desumptum esse, atque igitur cum illo in unum coalescere debere, non uno loco superius diximus. Cumque memorati Saxonis Haraldus & Halfdanus, Haraldus filii, Frodii IV. nepotes, reverâ sint Hroar & Helgius Halfdani filii, ejusdemque Frodii IV. nepotes, prout ex dictis manifestum est, temporum ordo postulat, ut hoc loco de iis verba faciamus.

Helgii itaque & Hroaris historiam *Hrolfi Krakii vita* nobis exhibet. Helgius Olufæ Saxonie Regine stuprum vi intulit, atque ex eâ filiam suscepit, Yrsam dictam. Hæc cum à matre plusquam negligenter haberetur, à patre Helgio, generis illius incio, rapta est, compressaque & imprægnata. Incestâ illâ copulâ natus Hrolfus,

fus, Krakius postea dictus, eandem & matrem & sororem habuit. Tandem Yrsa, suæ cum Helgio cognationis per matrem certior facta, ab eo digressa est. Cujus abitum Helgius ægrè adeo tulit, ut segregi domunculæ velut carceri sese includens hominum commercio renunciaret. Hæc ab iis quæ de Helgio Saxo refert, non multum abludunt. In eo autem graviter à Saxone erratum est, quod Helgium hunc Hundingi Interemtorem dictum fuisse crederet. Helgius enim Hundingsbanus, uti superius pag. 263. dictum est, Sigmundi Volsungii filius erat, ab Helgio hocce Haldani filio planè, diversus.

Helgius & Hroar ad Danici Regni gubernacula simul federunt; sed postea ad Helgium totius imperii possessio translata est, hoc tenore: Hroar Nordrii Northumbriæ, quæ Angliæ pars est, Regis filiam Ognem, uxorem duxit, ibique regnum nactus est. Hinc suam Regni Danici partem, quæ dimidium regni complectebatur, fratri Helgio pro bonis mobilibus vendidit, & inter alia pretiosa armillam omni æstimatione majorem, pretii loco accepit. Armillam illam Hrocur, Helgii & Hroaris ex sorore Signya nepos, ab avunculo sibi tradi postea postulavit. Quod cum ei Hroar denegaret, visendi tantum copiam petiit: eaque impetratâ, armillam in mare projecit. Quapropter ab avunculo altero pede mutilatus est. Sed ultus hanc contumeliam Hrocur Hroarem improvisum classe oppressit & occidit, uxorisque illius conjugium postulavit. Illa resistendi facultate destituta, annuit votis ipsius, pacta temporis intervallum, quoad partum ex marito conceptum enixa esset. Interim legationem in Daniam misit ad Helgium levirum suum; qui Hrocur nihil tale

cogitantem oppressit, captumque non occidit, sed quod maiore supplicio & ignominia condignum iudicaret, perfractis cruribus & brachiis, vel potius mutilatis, domum sic truncatum remisit. Helgius tandem in Sveciâ ab Adilse Rege cæsus est.

Post necem Helgii, in filium illius Hrolsum Krakium imperium translatum est, Regem virtutibus Principe dignis instructum, adeo ut Sanctus Olafus Norvegiæ Rex, cum interrogaretur, quemnam priscorum Regum vellet æmulari? Hrolsum Krakium, responderet. Huius Regis historiæ partem aliquam assecutus videtur Saxo. Nam in multis hic consentit cum libro illo Islandico, qui Hrolfi hujus & patris illius Helgii gesta fuisse persequitur. Librum illum nos *Hrolfi Krakii vitam* hic aliquoties vocavimus, & stylo paraphrastico in linguam Latinam aliâs traduximus, seorsim edendum, ne proluxa ista historia succinctæ hujus Dynastarum seriei contextum nimis interturbet. Hinc est quod Helgii & Hrolfi res gestæ adeo breviter hic commemorentur, quas in dictâ nostrâ Paraphrasi luculenter descriptas exhibemus. Ad ultimum Hrolfius sororii sui Hiorvardi insidiis petitus occubuit.

CAPUT VII.

De Interregno.

Postquam Hrolsum Krakium Hiorvardus, Hrolfi sororis Skuldæ maritus, scelestæ uxoris instinctu, vita simul & regno spoliasset, imperii summa, tanquam proditionis merces, penes Skuldam exiguo tempore mansit. Nam tres necis Hrolfinæ vindices, par-

tum

tum fraude regnum victrici cum vita paulo post eripuerunt; regnumque injusto domino mancipatum legitimis hæredibus restituerunt. Vindicibus istis nomina erant Elgfródus, seu Fródus cognomento Alcínus, Thorer Canipes & Voggr. De Voggo *Edda* hunc in modum loquitur: Konungr einn i Danmorker nefndr Hrolfr „ Kraki, hann er agataztr fornkönunga, fyrst af milldi „ oc frækneik oc litillæti. Þat er eitt mark um litillæti „ hans er miok er fært i frásagnir, at einn litill sveinn „ oc fatakr er nefndr Voggr. hann kom i haull Hrolfs „ Könungs. Þa var Konungrinn ungr at alldri oc „ grannligr a vöxt. Þa geck Voggr firir hann oc fa upp „ a hann. Þa mælti Konungrinn: hvat viltu mæla sve- „ inn er þu fer a mik. Voggr sagdi, þa er ek var hei- „ ma heyrdak sagt, at Hrolfr Konungr at Hleidru var „ meistr madr a norðrlöndum, en nu sitr her i hafæti „ kraki einn litill. oc kallit þer hann Konung. Þa svaradi „ Konungrinn. þu sveinn hefir gefit mér nafn, at ek skal „ heita Hrolfr Kraki, en þat er titt at gíof skal fylgia „ nafnsefti, nu se ek þik enga gíof hafa, til at gefa mér at „ nafnsefti, þa er mér se þægilig. nu skal þa gefa öðrum „ er til hefir. tok gullhring. af hendi fer oc gaf honum. „ Þa mælti Voggr. gef þu allra Könunga heilaztr, oc þess „ strengi ek heit. at verða þess manns bani er þinn bana- „ madr verðr. Þa mælti Konungr oc hlo yð: litlu verðr „ Voggr feginn. *i.e.* Quidam Daniæ Regum dictus est Hrol- „ fus Krakius. Hic propter liberalitatem, fortitudinem „ & mansuetudinem præcorum Regum celeberrimus est. „ Humanitatis ejus indicium tale in historias relat- „ um est, Voggo nomen erat pauperi cuidam adolescentu- „ lo, qui Hrolfi Regis aulam intravit, Rege in ju- „

„ niori adhuc ætate constituto corporisque staturâ tenero.
„ Voggus Regem accessit, eumque fixis intuebatur ocu-
„ lis. Cui Rex: quid, inquit, adolescens vis effari, cum ita
„ me accuratè contempleris. Tum Voggus: domi audi-
„ vi Hrolfum Regem Hleidrensem maximum esse viro-
„ rum, qui in aqvilonaribus conspiciuntur terris; sed
„ nunc in folio hic sedet exiguus pusio, quem Regem vo-
„ catis. Respondit Rex: Tu adolescens cognomen mi-
„ hi dedisti, ut Hrolfus Krakius (*pusio*) appeller, sed mo-
„ ris est ut cognomina dono aliquo confirmentur, te ve-
„ ro quod dones, nihil habere video; dabit ergo qui ha-
„ bet. Deinde annulum aureum digito extractum ipsi
„ dedit. Tum Voggus: Omnium Regum felicissimus
„ mihi hoc donum dato. De cetero ego votum voveo
„ eum interficiendi, qui te occiderit. Rex subridens di-
„ xit: exiguâ re Voggus exhilarari potest.

Elgfrodus, seu Frodius Alcinus, & Thorer Cani-
pes fratres fuere, quos unâ cum tertio, Bodvare Biar-
kio, simul conceptos idem partus absolvit. Pater eorum
fuit Biornus, Hringi Uplandorum in Norvegiâ Regis fi-
lius. Frodius fratrum robustissimus erat, solitudinem-
que amans sylvas inhabitavit, & vitam venatione susten-
tavit. Thorer Canipes, fratrum alter, cum Hrolfi Kra-
kii cædem ulcisceretur, Gothiæ Rex erat: quem insi-
gnis corporis magnitudo illic ad sceptra evexerat. Etenim
apud terræ illius incolas, perinde atque Gordios olim,
lex erat, ut ad Regium fastigium nemo ascenderet, nisi
qui solum Regium, quod tres mediocris staturæ viros
capiebat, proprii corporis mole repleret; quod cum
Thorer solus præstaret, haud difficulter Rex creatus est.

His duobus Voggum, copiis haud contemnendis, quas
Regi-

Regina Yrsa (auspiciis credo filii ipsius Sveciæ Regis Eysteini) in filii ultionem comparaverat, præfectum, se conjunxisse, atqve ita tres illos Hrolfinæ cædis vindices regnum Skuldæ ereptum non sibi sed Hrolfi filiabus (duas is reliquerat, Skurem & Drifam dictas) vindicasse *Hrolfi Krakii historia* memorat. Interea status Daniæ, qvi hactenus Monarchicus fuerat, in interregnum seu polyarchicum statum transiisse videtur. Etenim deletâ Skuldâ, Daniæ Regulos illas, quas Hrolfi tempore provincias gubernaverant, sibi asseruisse apparet; eorumqve singulos, pari potestate præditos, nulliqve superiori obnoxios, Regios titulos usurpasse. Horum id temporis magna messis: Scaniæ præfuit quidam Hakius, utet Haraldus Grandævus, Halfdani Diserti Gudrodique pater, Ivaris Vidfadmii avus, Auduris Prædivitis proavus, Haraldis Hilditannis abavus. Lethrenses rexisse videtur Frotho seu Frodius Sextus, Halfdani III. pater, Hræreki Slaungvanbaugii avus, Haraldis Hilditannis proavus. Partem Sælandiæ tenuit Reidar seu Hreidar, & qvi eum occidit Hordiæ (Norvegicæ provinciæ) Rex Hiorleifus Mulierosus. Alibi regnarunt Eysteinus & Svenus Victoriosus, nec non Solvius de Niardeya, qvi Sveciæ Regnum deinde subegit. Jutiam tenuit Heidrecus cognomento Ulfhamus, cujus filiam Hildem Haraldus Grandævus, Hilditannis, ut dictum, abavus, uxorem duxit.

Hiorleifum Mulierosum, provinciarum Norvegiæ Hordiæ & Rogalandiæ Regem, qvòd attinet, is Sælandiam, vel potius partem ejus aliquam, hoc modo acqvifivit. Erat Hreidari, Sælandiæ Regi, filia nomine Hringia, quam Hiorleifus, à Hreidare memorato svasu filii ejus Herii in Sælandiam ad convivium invitatus,

tus, connubio sibi junxit, binisque, quas antea in matrimonio habuit uxoribus, adjecit. Hæc cum novo marito in Norvegiam navigans, morbo decessit, feralique cuspæ inclusa in mare projecta est. Quam cum pater Hreidar, fraterq; Herius ad litus appulsam forte offenderent, à marito Hiorleifo necatam esse suspicabantur. Itaq; ad ultionem animum intendentes, Norvegiam classe petierunt: Hiorleifque aulam militum catervâ ex improvise circumdatam incenderunt: eâque in cineres redactâ opima spolia & duas Hiorleifi uxores secum abstulerunt. Interea Hiorleifus milites, qui domum coronâ cinxerant, transfiliendo frustratus evasit, & filium Regis Herium missili telo confossum necavit. Postea una tantum nave Daniam petens, solus, relictis apud navem sociis, ad Hreidaris aulam pervenit, cumque alteram uxorum suarum, quas Hreidar captivas abduxerat, deprehendisset, petivit ut Hreidarem è medio tollendi occasionem sibi monstraret. Illa operam suam pollicita, eum nihilominus Hreidari prodidit. Qui deprehensum inter binos ardentes focos suspendi curavit, idque propriis ipsius corrigiis, ut eo ignominiosius periisse videretur. Sed evasit periculum Hiorleifus. Uxor enim illius altera, cervisiæ coquendæ intenta, vim flammarum liqore, qui ad manus erat, sedavit, maritumque liberavit; qui præter omnium opinionem palatium subito ingressus, dormitantis Regis pectus gladio hausit, accitisque ad partes sociis, omnes Hreidaris satellites vinculis constrinxit, quibus tamen postea pepercit. Hoc modo Hreidaris ditionem sibi subjugavit, eamque Solvio affini suo, Comitibus titulo administrandam commisit. Solvius iste Eysteinum Adilfis filium, Sveciæ Regem (cujus tempore Hrolfum Krakium

occisum fuisse *Snorrius* testatur) postea devicit, Sveciamq; sibi subjecit.

Ex hisce patet , jam tum à Skuldæ morte interregnum seu statum polyarchicum cœpisse , cum absurdum sit regem Lethrensem constituere , qui universam Daniam regat , & nihilominus peregrinis Regibus Selandiam , Jutiam & Scaniam , jure belli , tanquam victoribus subjectas relinquere.

Hic methodi ratio postulat , ut Saxonem paulisper inspiciamus , examinemusque ea , quæ proximè post Hrolfi Krakii cædem contigisse memorat , ut quæ de interregno diximus , eo majorem lucem roburque accipiant.

Hrolfo occiso Hiartvarum , momentaneum fere Regem , successisse , eumque in Regni administratione Hotherum secutum esse *Saxo* tradit. Hotherum illum idem scriptor Hadingi pronepotem facit , & Baldum Odini filium , vivo adhuc patre Odino , ab eo prostratum memorat. Alibi Odinum Hadingo cœvum fuisse tradit ; quæ parum cohærent. Etenim ingens ætas hac ratione Odino tribuitur , qui Hadingo regnante maturæ ad minimum ; secundum Saxonem , ætatis erat (nostri in provectiore ætate Europam ingressum esse perhibent) & tamen Hadingi ejusdem pronepotis tempore tum bellis interfuit , tum novæ soboli , ultionem ab Hothero Baldi interfectore exacturæ , operam dedit. Multo minus ista Saxonis cum Svaningii calculo conveniunt , qui ab initio Regni Hadingi , ad mortem Hotheri CCCXV. annos numerat. Quin & Saxo ipse eorum hoc loco oblitus fuisse videtur , quæ paulo ante de Biarconis & Rutæ colloquio scripserat : nempe Biarconem , Hrolfi militem , in prælio illo constitutum , quod ei & Hrolfo ultimum ac exiti-

ale fuit, petiſſe, ut Ruta Odinum, bellorum præſidem, ac itaqve illic ſine dubio præſentem, ſibi monſtraret. Biarconem ita loquentem Saxo inducit:

” Et nunc ille ubi ſit, qui vulgo dicitur Othin,
 ” Armipotens, uno ſemper contentus oculo,
 ” Dic mihi, Ruta, precor, uſqve ſi conſpicias illum.

” Ad hæc Ruta:

” Adde oculum propius, & noſtras proſpice chelas,
 ” Antè ſacraturus victrici lumina ſigno,
 ” Si vis præſentem tutò cognoscere Martem.

” Tum Biarco:

” Si potero horrendum Friggæ ſpectare maritum,
 ” Quantumcumque albo clypeo ſit tectus, & altum
 ” Fleſtat eqvum, Lethra neqvaqve ſoſpes abibit:
 ” Fas eſt belligerum bello proſternere divum.

Nil (inquit *Bryniolſus Svenonius* apud *Stephanium* Not. in *Saxon.* pag. 80.) eſt certius, quàm petere hic *Biarconem* ab uxore, ut ſpectrum *Odini* ſuis oculis permittat, jamdiu rebus humanis adempti. Eodem modo *Vormius* & *Stephanius*, celeberrimi viri, *Saxonem* dicto loco interpretantur, & de *Odino* tanquam mortuo ſermonem hic fieri ſtatuunt. *Vormii* hæc ſunt verba: Biarco igitur, quam

” plurimis vulneribus faucius & morti vicinus, à
 ” Ruta quærit, an videat Othinum advenientem, qui
 ” ipſum ad inferorum deferat portas. Cui illa reſpondet:
 ” profanis oculis cerni non poſſe, ſed ſacris ritè peractis,
 ” in concha, quam tenebat, ejus ſe demonſtraturam idolum, *Stephanius* hunc in modum ſcribit: Qvum igitur
 ” Biarco Othinum videndi cupiditate duceretur, & ex Ruta
 ” conjuge, quæ forte tam ſtupenda oculorum acie
 ” prædita fuit, diligenter quæreret, ſi uſpiam conſpiceret
 illum

illum: illa existimans maritum auxilii implorandi cau-
sa de Othino percontari, respondit: *si vis presentem* „
tuto cognoscere Martem, hoc est Othinum, præsidem „
bellorum: (Othinum enim pro Marte colebant septen- „
trionales populi) *Propius adde & admove oculos, &* „
prospice sive transpice per *nostras Chelas*, id est, per bra- „
chia mea, ut antea *lumina* tua quasi consecrare possis, „
conspicito *signo victrici*, hoc est Othino, qui victorias „
conferre solet, quique profanis oculis cerni non potest. „
Hactenus doctissimorum illorum triumvirorum verbis
astruximus, Biarconem hic de Odini dudum mortui spe-
ctro, non vero Odino adhuc in vivis constituto loqui.
Et certe si Odinus id temporis vivus fuisset, absque tali-
bus cæremoniis & rituum apparatu vel digito monstrari
potuisset. Idem *Hrolfi Krakii historia* testatur, ubi Hrol-
fum, cum athletarum satellitio instructus aliquando Sve-
ciam peteret, in itinere apud senem quendam bis per-
noctasse memorat, ibique intensissimo frigore, nec re-
missiore æstu per vices gravatum evidentissima fortitu-
dinis documenta edidisse, atque omnes præstigiarum in-
cantamentis accitas vires mira animi constantia elusisse.
Deinde non procul Upsalis idem tugurium ac eundem
senem offendisse, armaque a vetulo illò dono oblata recu-
fasse: mox à Bodvare Barkio, satellitum uno, monitum,
ut rediret & munus vetuli non respueret, sese collegisse;
agnitoque, senem illum reverà Odinum fuisse, retrogres-
sum, nec tugurium nec dominum usquam invenisse.
Adjecisse itaque, frustra *malum* illum *genium* ab iis quæri.
Quod si Hrolfus Odinum *genium* appellavit, mortuus
absque dubio tum fuit, ac consequenter Hotherus, qui, vel
Saxone teste, Odino coævus erat, & contra Odini filium,

vivo Odino præliatus est, post Hrolsum sceptrum Danicum gestare non potuit. Sed quid rei adeo manifestæ tamdiu immoramur: Hrolfus, secundum *Genealogias*, superius adductas, in descendente lineâ decimus quartus est à Skioldo Odini filio. Atisus vel Adils, Sveciæ Rex, Hrolfi sororius & vitricus (matrem Hrolfi Yrſam, quæ etiam soror ejus fuit, in matrimonio habuit) quem circa hæc tempora vixisse Saxo verè perhibet, decimo septimo gradu à Niordo, Odini coævo & successore, descendit. Hic, ut refert *Snorrius*, cum sacris interfuisset, ab eqvo delapsus, ad lapidem caput ita confregit, ut paulo post vitam cum morte commutaret. Saxo eum dum Hrolfi inferias per summam animi hilaritatem convivio celebraret, potione avidius sumtâ, subito sine fordidæ intemperantiæ pœnas pendidisse refert. Quod cum *Snorrii* relatione non convenit, qui Hrolsum Adilfi, vel Atislo, supervixisse, filioque illius Eyſteino Sveciæ clavum tenente occisum esse scribit. Adilsem Saxo Hothbrodi filium facit, quem nostrates Ottaris Vendilkrakæ filium fuisse verius scribunt. Sed neque is Hotheri frater fuit, quippe quo Hotherus tempore longe prior extitit; Odino nempe synchronus, *Edda* & *Saxone* concorditer id testantibus.

Hotheri & Balderi *Edda*, quæ eos Haudum & Baldum vocat, sæpius meminit, Afisque seu Diis eos adnumerat, atque hunc ab illo occisum esse tradit. Locum qui de Baldi cæde agit, licet prolixiorem, verbotenus hic exscribere placet: Balldr enn goda dreymdi drauma, sto-
 „ ra oc hættliga um lif sitt. En er hann sagdi Afunum
 „ draumana, þa baru þeir saman rad sin, oc var þat giort,
 „ at beida grida Balldri firir allzkonar haska. oc Frigg toc
 „ ivar-

fvardaga til þess at eira skylldu Balldri elldr oc varn, „
 iarn, oc allzkonar malmr, steinar, iordin, vidirnir, sottir- „
 nar, dyrin, fuglarnir, eitormar. En er þetta var giort oc „
 vitat, þa var þat skemtun Balldr's oc Afanna, at hann „
 skyldi standa upp a þingum, en adrir æfir skylldu sumir „
 skiota a hann, sumir hauggva til, sumir beria grioti, „
 en hvat sem at var giort, sakadi hann ecki, oc þotti „
 þetta ollum mikill frami. En er þetta sa Loki Laufey- „
 iar son, þa likaði honum illa er Balldr sakadi ecki, „
 hann geck til Fensalar til Friggjar, oc bra sér i konu li- „
 ki, þa spyrr Frigg, ef su kona vissi hvat æfir hofduz „
 at a þinginu. hon sagdi at allir skutu at Balldri, oc „
 þat at hann sakadi ecki. þa mælti Frigg. eigi munu „
 vapn edr vidir granda Balldri, eida hafi ek þegit afaul- „
 lum þeim. þa spyrr konan. hafa allir lutir eida unnit at „
 eira Balldri. þa svaradi Frigg. vex vidarteinungr einn „
 firir austan valhaull, sa er mistilteinn kalladr, sa þotti „
 mer ungr at krefia eidsins. þvi næst hvarf konan abraut, „
 en Loki tok mistiltein oc sleit upp og geck til þings. „
 en Haudr stod utarliga i mannhringinum, þviathann „
 var blindr. þa mælti Loki vid hann. hvi skytr þu ecki „
 at Balldri. Hann svarar. þvi at ek se eigi hvar Balldr er, „
 oc þat annat at ek er vapnlaus. þa mælti Loki, gior „
 þu þo i liking annarra manna, oc veit Balldri sæmd, „
 sem adrir menn. ek mun visa þertil hvar hann stendr. „
 skiot at honum vendi þessum. Haudr tok mistiltein „
 ocskaut at Balldri at tilvisun Loka. flaug skotit i gog- „
 num hann, oc fell hann daudr til iardar. *Et mox:* O- „
 dinn bar þeim mun verst þenna skada, sem hann kunni „
 mesta skyn hverfu mikil aftaka oc missa Afunum var „
 i frafalli Balldr's, *id est:* Baldus Bonus gravibus & vitæ „

„ periculum indicantibus insomniis vexabatur. quæ cum
 „ coram Asis exponeret, consilium coactum est, & conclu-
 „ sum, ut Baldo ab omni re securitatem impetrarent. Frig-
 „ ga igitur in hoc juramenta accepit, quod Baldo neque ig-
 „ nis, neque aqua, neque ferrum aut ullum metallum, lapi-
 „ des, terra, ligna, morbi, animalia, volucres, venenative
 „ serpentes damnum inferrent. quibus peractis Asæ a-
 „ nimi gratia Baldum in foro stantem omnis generis
 „ missilibus, lapidibus & telis procul obruebant; quæ
 „ omnia illi nihil damni intulerunt, id quod omnibus
 „ singularis honor videbatur. Hoc cum videret Lokius
 „ Laufeyæ filius, invidia sufflatus, Fensålas iter
 „ suscepit, ubi Frigga degebat, mulierisque formam as-
 „ sumpsit. Frigga mulierem interrogavit, an sciret quid
 „ in conventu potissimum Asæ agerent? respondit mu-
 „ lier, omnes in Baldum absque ulla ejus læsione jacula
 „ mittere. Baldo, inquit Frigga, nec arma nec ulla
 „ ligna damnum inferent; juramenta enim ab istis in u-
 „ niversum accepi. Tum mulier Friggam interroga-
 „ vit: An ergo omnes res Baldo securitatem jurarunt?
 „ Respondit Frigga: Surculus quidam ad orientale
 „ Valhallæ latus extat, qui *Mistilteinus* appellatur, hic
 „ mihi nimis tener videbatur, à quo jusjurandum exi-
 „ gerem; his auditis mulier illa disparuit. Lokius fur-
 „ culum illum eruit atque ad conventum properavit.
 „ Haudus inter extremos astitit, quia luminibus captus
 „ erat. Hunc allocutus Lokius, cur, inquit, in Baldum
 „ non jacularis? Quia, ait ille, eum non video & insuper
 „ inermis sum. Facito, ait Lokius, ad exemplum alio-
 „ rum; exhibe Baldo honorem, & hoc illum bacillo
 „ pete: ego ubi stet te docebo. Haudus itaque acceptum
 ba-

bacillum in Baldum, Lokii indicio, projecit, qvo ille „
 mox transsoffus exanimis concidit: Odinum cædes il- „
 la eo magis afflixit, qvo ceteris melius intellexit, qvan- „
 tum damni Afæ Baldi interiritu accepissent. „

De Baldi cæde *Voluspæ* sequentia habet:

Ek sa Balldri
 blodgorn tivor
 Odins barni
 orlog folginn:
 ftod um vaxinn
 vollo hærri
 mior oc miok fagr
 mistilteinn.

Vard af þeim meidi
 er mer syndiz
 harmflaug hættlig
 Haudr nam skiota,
 Balldr's brodir var
 ofborrinn snemma
 sa nam Odins son
 einnættir vega.

Hæc ita vertit *Stephanus Olai*:

Ego vidi Baldro, Afæ cruore perfuso,
 Odini filio fata deposita,
 stetit campo quæ creverat altior
 tenuis & speciosa spina.

Quâ de spina, ut mihi quidem visum est,
 evererunt plagæ deplorandæ, Haudus jaculari cœpit.
 Baldi frater ante diem natus (est)
 Odini filius noctem natus cædem commisit.

Ultima hæcce intelligenda sunt de Valio, Odini &

Rin.

Rindæ filio, qui, ut veteres poetæ fabulati sunt, unicam tantum noctem natus Haudum in Baldi, Odini quoque filii, ultionem occidit. Extat præterea oda vetusta *Vegtamsqvída* dicta, quâ quomodo Odinus, ad necromantiam conversus, de Baldi fati futuroque ultore excitam sepulcro anum consuluerit, exponitur: quam huc inferre superfedemus.

Haudum ex Asarum ordine, uti superius dictum, fuisse, multis locis *Edda* docet; unicum hic adscribemus: Haudr „ heitir einn Asinn. hann er blindr. ærit er hann styrkr. „ en vilia mundu godin, at þenna As þyrfti eigi at nefna. „ þviat hans handaverk munu lengi hauðd at minnum „ með godum oc monnum. *id est*: Haudus Asarum unus nuncupatur, hic cæcus est & valde robustus. „ Vellent autem Dii, ne opus esset illius mentionem „ facere. Ipse enim (*noxia*) gesta memoriæ tam Deorum quam hominum diu inhærebunt.

Haudum illum *Edda* poetice dici ait: Baldi interfectorem, bacilli Mistilteini jaculatorem, Valii inimicum. Valium itidem, Odini & Rindæ filium, ultorem Baldi, & occisorem Haudi poetice appellari dicit, ut hinc appareat, eum quem Saxo Bo nuncupat ipsissimum esse Valium. Tandem in *Voluspá*, ubi felicissimus status & maxima concordia describitur, quæ post *Ragnaröckr*, id est, *Deorum crepusculum* (quo nomine extremus dies ibi significatur) demum exoritura refertur, Haudus & Baldus, ut amici & vicini, Odini triumphis claram aulam inhabitaturi prædicuntur. Versus qui huc pertinet, ita sese habet:

Muno ofanir
akrar vaxa

bavls

bauls mun allz batna
 Balldr mun koma :
 bua þeir Haudr oc Balldr
 hroptz figtoptir
 vel valtivar
 vito þer enn edr hvat. *boc est :*

Agri absque satione fertiles erunt: delebuntur omnes „
 ærumnæ: Baldus veniet: habitabunt Haudus & Bal- „
 dus Odini triumphalem aulam (*Valhalla intelligitur*) sic- „
 cine Asæ, intelligitis adhuc, nonne?

Satis, ni fallor, ex illis, quæ hæctenus attuli, appa-
 ret, Hotherum neque ab Hadingo genus duxisse, nec
 Hrolfo Krakio in Daniæ regno successisse; quippe qui
 tam Hrolfo quam Hadingo longè antiquior erat, Odino
 nempe, commentitio Septentrionis numini, coævus,
 ipse cæci illius temporis Deastrorum collega, ac itaque
 e Regum Danicorum albo penitus expungendus.

Hothero, qui nostratibus Haudus est, filium Ró-
 ricum, Slyngebond cognominatum, successisse *Saxo* scri-
 bit. Is nostratibus probè notus, Hrærecus Slaungvan-
 baugius ab iis dicitur. Fuit autem filius, non Hotheri,
 sed Halfdani, qui nobis istius nominis Tertius est, ne-
 posque Frodii VI. qui, ut superius diximus, in interregno
 seu itatu polyarchico Lethrensem sedem proximè post
 Hrolfum Krakium occupâsse videtur, eamque ditionem
 hæreditario jure demississe ad filium Halfdanum, nepotem-
 que Hrærecum memoratum; qui, uti ex inferioribus ma-
 nifestum fiet, Lethrensem ditionem rexit; ac itaque inter
 Daniæ Reges, sed Polyarchas, locum sibi jure vindicat,
 uno tantum gradu à Hrolfo Krakio remotiorem quam

Saxo ei dedit, qui sublato Hiartvaro secundum post Hrolfum Regem eum facit Hotherique successorem.

Vigletum Rórico successisse Vermundumque genuisse Saxo ait; sed perperam. Quemadmodum enim nostrates Vigletum illum penitus ignorant, ita Vermundum Rórico seu Hræreco Slaungvanbaugio tempore longe priorem fuisse & Frodio Secundo natum esse fati docent.

In Rórici & Vigleti memoratorum tempora Saxo Amlethi historiam refert, hominis fatuo simillimi, sed qui sub fictæ stoliditatis tegmine sagax ingenium, si vera Saxo scribit, occultavit. Islandi hominem stupidum & ad quasvis res peragendas ineptum *Amlodium* etiamnum vocant. Quam vocem in eadem vel simili significatione in Svecia quoque in usu fuisse colligo ex *Chronici Rhythmici Svecici*, per Joh. Hadorphium editi, pag. 131. ubi sequentia leguntur:

Tha slog Konungen handom samman,
ok log fast, ok giorde aff gamman,
rætt som han wore en *amblode*,
then sik intet godt förstode. *id est:*

Tunc Rex complois manibus valde risit & latabatur, non secus ac si Amblodius (fatuus) esset, qui nullam rerum cognitionem haberet.

Ad Saxonis Amlethum quod attinet, ego in patria puer à vetulis anibusque & ejusdem fursuris homuncionibus Amlodii historiam narratam audiui, inque tennerrima illa ætate pro fabula tantum æstimavi. Verum postquam adultior, svadâ Saxonis expositam amplificatam.

tamqve conspexi, conceptam prius persvasionem, ut puerilem antiqvavi. Exinde amicorum qvosvis sollicitare non destiti, ut illam historiam ubiqve qværent, qvi se nihil profecisse scriptis ad me literis crebrò qvesti sunt. Tandem ante aliqvot annos eam nactus, lectione omnino indignam deprehendi, anilem qvippe nec treffis fabulam, nuperqve confictam; qvæ Amlodium istum non Danum sed Hispanum fuisse suggerit. Fabulam post Tamerlanis seu Tamercutli tempora confictam esse ex eo liquet, qvòd ex ejus gestis aliquid ibi assutum compareat.

Qvos Vigleto Reges successisse Saxo libb. IV. V. VI. & VII. mi initio perhibet, superius in genuinum ordinem retulimus, atqve ita in Saxonis serie pervenimus ad Frothonem Quintum, ejusqve ex fratre Haraldo nepotes, simulqve occisores, Haraldum & Haldanum Biergrammum. Astruximus autem, satisqve, ut arbitramur, probavimus Haraldum illum, Frothonis V. fratrem, reverà esse Haldanum II. filiosqve illius Haraldum & Haldanum converti debere in Hroarem & Helgium, memorati Haldani II. filios; de qvibus, ut & Helgii filio Hrolfo Krakio, nuper verba fecimus. Interea non unius tantum hominis personam Saxonis ille Haldanus Biergrammus sustinet; qvippe qvem ex pluribus conflatum esse apparet. Etenim ubi Saxo eum a patruo ad necem unà cum fratre qvæsitus & paternam cædem ultum esse scribit, ibi Haldani II. filiorum alterutrum vivis coloribus depingit, quemadmodum superius abundè dictum est. Haldani nomen & expeditio Svecica desumta videntur ex Haldano I. Fridleifi III. fratre, Au-

nii Sveciæ Regis victore, de quo libri hujus Cap. V. superius diximus. Asmundum Haldano Biergggramo filium Saxo assignat, atque ad eum Norvegiæ Reges generis sui originem referre ait; id quod parum convenit cum eo, quod paulo post scribit, eundem Haldanum, cum sine liberis esset, Regias opes Regnumque Ungvino, Gothenfium Regi, testamento legasse. Neque enim filio, numerosa prole beato, & quidem ei, quem ætate provectus genuit, superesse potuit. Et sanè ea quæ de Norvegiæ Regum stirpe Saxo hic refert, neutiqvam ad hunc Haldanum Biergggramum, ex variis, ut hinc apparet, hominibus conflatum, pertinent; sed verius applicari possunt Haldano Norvegiæ Regulo, Seni vel Grandævo cognomine dicto, qui Hringi, Hringarikæ & Valdresæ in Norvegiâ Reguli filius erat, numerosamque Regum vel Regulorum cohortem, in *Originibus Norvegiæ* recensitam, progeniuit; à quo & veteres Norvegiæ Monarchæ ortum ducunt. Haldanus ille (de quo libri hujus Cap. III. pag. 249. superius nonnulla diximus) Almveigem (aliis Alvigem vel Alfyam) Eymundi Russiæ Regis filiam uxorem duxit: cum Sigtryggo quodam, celebri nominis Rege, ex provocatione confligit, eumque superavit: multa insuper celeberrima facinora perpetravit. Meminit horum carmen vetustum *Hyndlulied* inscriptum, his verbis:

Ali var adr
 aufigaztr manna,
 Haldan fyrri
 hæstr skioldunga,
 fræg voru folkvig

pau

pau er framir giordo,
hvarfla þottu hans verk
med himins skautum.

Efidiz hann vid Eymund
æztan manna,
enn va Sigtrygg
med svolum eggium,
eiga geck Almveig
æzta qvinnu,
olu þau oc attu
atian sonu.

þadan eru Skioldungar,
þadan eru Skilfingar,
þadan Audlingar,
þadan Ynglingar,
þadan haulldborit,
þadan hersborit,
mest manna val
und Midgardi. *boc est:*

Alius olim hominum robustissimus fuit; at Halfdanus Skioldungorum supremus (*maximus*). celebres erant cædes quas heroës illi perpetrarunt, ipsius acta per cœli cardines volitare videbantur.

Ab Eymundo, hominum summo, honoribus affectus est, at Sigtryggum frigido ferro occidit: præcipuam mulierum Almveigem duxit, ex qua XVIII. filios suscepit.

Illinc Skioldungi profluxere, illinc Skilfingi, illinc Audlingi, illinc Ynglingi, illinc Nobiles, illinc Comites, viri in quibus totius orbis incolarum flos consistit.

Quod hic de Skioldungorum & Ynglingorum profapiis dicitur, eas ab Halfdano Grandævo dimanasse, de posterioribus Skioldungis & Ynglingis accipiendum omnino est. Halfdanus enim vetustissimus Ynglingis & Skioldungis tempore junior est, & ab illis descendisse videtur. Cum autem omnes Halfdani filii, inter quos fuere Skioldus & Yngvius, præ omnibus sui temporis Regibus gloriosi fuissent, antiqui illi honoris tituli illis de novo & κατ' ἐξοχήν inditi fuisse videntur, eorumque nominibus posteritas censerī deinceps voluisse.

Igitur Haldanus Biergrammus, ex pluribus, uti mox diximus; Regibus compositus, in sua principia resolutus evanescit; nec aliter inter Daniæ Reges locum habet, quam ut ad Halfdanum I. Fridleifi III. fratrem, cujus nomen exprimit, referatur.

Haldano ex Regum ordine extruso, Ungvinus (quem ab illo adoptatum Saxo scribit) superesse non potest. Quod si quis eum, filiumque illius Syvaldum, nobis penitum ignotum, incerti temporis Regulorum collegio accensere voluerit, fecerit id me non repugnante. Neque enim illustre quicquam, præter Syvaldi filiae obstinatum pudicitiam, raptumque illius ac Othari virtute procuratam liberationem, insuper Regnaldi sanguine madens ferrum & Starcadi memorabilem metum, illo loco Saxo habet.

Sigaremm, quem Saxo Syvaldi filium statuit, in Frodii III. seu Tranqvilli tempora referendum esse, supra monui, ubi ejus genealogiam paulo altius repetitam, & à traditione Saxonis alienam exhibui. Patet exinde mortem filii ejus Syvaldi, si is unquam extitit, inter regno

regno causam non præbuisse, cum tam ante quam post Sigarem, Regnum a legitimis successoribus & Regibus genuinis longo tempore administratum fuerit.

Dictis itaque Saxonis Regibus à Danici sceptri administratione remotis, redit quod diximus interregnum; de quo & Saxo nonnulla inaudivisse videtur; quivamen illud ad inferiora tempora, propius nempe Haraldum Hilditannem, de quo inferius dicemus, refert, & quinqueviratu constituisse ait. Certum autem est plures id temporis Regulos sui juris, nulli superiori obligatos, vixisse: ex quibus nonnullos superius recensui; quorum ætas in hæc tempora apprimè quadrat, prout ex aliorum Regum synchronismo, & permultis vetustis genealogiis satis apparet. Quam longo autem tempore status ille polyarchicus duraverit, tam ex *Genealogiis* superius adductis quam *Snorrii* Chronico Norvegico colligi potest. Nam trium Sveciæ Regum Yngvaris, Aunundi, & Ingialdi Astuti temporibus absolvitur; nec ultra extrema Haraldus Grandævi tempora, integrum Haldani Diserti ævum, & partem ætatis Ivaris Vidfadmii, tempus illud extenditur. Quo ergo satore Regum posteritas succreverit, & per quem Regnum in pristinum Monarchiæ statum redactum fuerit, porro dicendum.

CAPUT VIII.

De Iware Vidfadmio, Danicæ Mo-

narchiæ restauratore, Haraldo Hilditanne, & Sigurdo

Hringo.

Haldanum II. præter Helgium, Hrolfi Krakii patrem, Hroarem genuisse, ex superioribus constat.

Hro-

Hroaris filius erat Valdar cognomento Munificus, pater Haraldus Grandævi. Haraldus ille, uti in *Hervoris Historia* habetur, Hildem (*Origines Norvegiæ* Hervorem nominant) Heidreki Ulfhami, Jutiæ Reguli, nepotis illius Heidreki qvi Gesti Blindi ænigmata solvit, filiam, matrimonio sibi junxit; ex qua duos filios suscepit, Halfdanum cognomento Disertum, & Gudrodum, ambos Scaniæ Regulos. Gudrodus Ingialdi Astuti Sveciæ Regis filiam Asam, similiter Astutam dictam, uxorem duxit, ejusque consilio fratrem Halfdanum occidi curavit. Postea ipse uxoris insidiis petitus occubuit; quod ut Ivar Vidfadmius, Halfdani Diserti filius, cognovit, ad ulciscendum tam patrem quam patruum properavit. Sveciam igitur cum exercitu ingressus est, quo Asa post tanta scelera se receperat: ad patrem nempe Ingialdum, duodecim Regulorum proditorem. Qvi cognito Ivaris adventu, subditorum, quos ob dolos & fraudes sibi inimicos novit, fidei & auxiliis diffusus, se ipsum cum filia & magno hominum per se prius inebriatorum numero voluntario incendio consumpsit, Ivarique Regnum reliquit, teste *Snorrio Sturleo*, qvi relationem suam his verbis claudit: Ivar Vidfadmilagdi undir sik allt Sviavellði. „ hann eignadiz oc allt Danavellði, oc mikinn lut Sax- „ landz, oc allt austr ríki, oc enn fimta lut Englandz. „ Af hans ætt ero komnir Dana konongar oc Svía ko- „ nongar, þeir er þar hafa innvalld haft. h. e. Ivar Vid- „ fadmíus (seu *Latipassus*, à ditionis amplitudine ita postea dictus) universam Sveciam in suam potestatem redegit, omnem insuper Daniam acquisivit, magnam partem Saxonie, totamque Russiam & quintam partem Angliæ. Ab illo ortum trahunt

Dania & Svecia Reges, qui in illis regnis monarchiam tenuerunt. Consentit Historia Herbora, edit. Svecic. Cap. XX. sed clarius omnia exponendo; integrum locum, ut sequentibus quoque lucem adferat, exscribam: Ivarr hinn Vidfarne kom med her sinn i Sviavelli, sem segir i Konunga saugum. Enn Ingialldr konungr hinn illradi hræddiz her hans oc brendi sik sialfr (inni) med allri hird sinni a þeim bæ er Ræningi heitir. Ivarr hinn Vidfarni lagdi þa undir sik allt Sviavelli oc Gautland, Saxland oc oll austrriki (Exemplar MStum, cujus mihi copiam fecit antea memoratus Arnas Magnus, quodque olim fuit Bryniolfi Svenonii Episcopi Scalholt. hunc locum ita habet:

Ivarr h. V. I. þa u. f. allt Svía velli, hann vann oc Danavelli oc Curland, Saxland oc Eyflland oc oll austrr.) allt til Gardarikis, hann red oc veftra Saxlandi oc vann hlut Englandz. þat er kallat Northumbraland. Ivarr lagdi þa undir sik allt Danavelli. Sidan setti hann þar ifir Valldar konung oc gipti honum dottur sína (Alfhildi dottur f. *habet Exemplar Bryn. Svenonii*) þeirra son var Haralldr Hildditonn oc Randver (er sidan fell a Englandi *addit Exemplar Bryn. Svenonii*) Enn Valldar andadiz i Danmork, tok þa Randver Danariki, oc giorðiz konungr ifir. enn Haralldr Hildditonn let gefa ser konungs nafn i Gautlandi. oc sidan lagdi hann undir sik oll framan nefnd ríki er Ivarr konungr enn Vidfarne hafði att. Randver atti Asu dottur Haralldar konungs ur Geirraudargordum i Noregi, son þeirra var Sigurdr Hringr. Randver konungr varð braddauðr, enn Sigurdr Hringr tok konungdom i Danmork. Hann bardiz við Haralld konung Hildditonna Bravelli i Ey-

„ ſtra Gautlandi, oc þar fell Haralldr konungr oc mi-
„ kill fioldi lids med honum. *b. e.* Ivar Vidfarnius (*i. e.*
„ *peregrinator: rectius aliàs* Vidfadmius) cum exercitu
„ Sveciam ingreſſus eſt, veluti in Regum hifloriis me-
„ moratur. Verum Rex Ingialdus Aftutus vim co-
„ piarum ejus metuens, ſe ipſum cum univerſo ſatelli-
„ tio ſuo cremavit, in villa cui Ræningi nomen. Ivar Vid-
„ farnius tunc ſibi ſubjecit univerſam Sveciam, Gothiam,
„ Saxoniam & omnes terras orientales (*Mſtum exem-*
„ *plar habet* : univ. Sveciam. Is etiam vicit Daniam &
„ Curlandiam, Saxoniam & Eſthoniam & omnes ter-
„ ras orient.) uſque ad Gardarikiam (*Ruſſiam*). Is præ-
„ terea rexit occidentalem Saxoniam, partemque An-
„ glia vicit, quæ Northumbria appellatur. Hinc Ivar
„ totam Daniam in ſuam poteſtatem redegit, cui dein-
„ de Regem Valdarem præfecit, deditque ei in matri-
„ monium filiam ſuam (Althildem *addit exemplar Mſtum*).
„ Eorum filii fuerunt Haraldus Hilditann & Randver, (qui
„ poſtea in Anglia cæſus eſt *addit exemplar Mſtum*). Val-
„ dar vero in Dania deceſſit. Tunc Randver Daniae re-
„ gnum accepit, Regiamque ibi dignitatem ſumſit.
„ Haraldus vero Hilditann ſe in Gothia Regio nomine
„ inſigniri curavit, & deinde omnia prædicta regna, quæ
„ Ivar Rex Vidfarnius poſſederat, ſibi ſubjecit. Rand-
„ ver in matrimonio habuit Aſam filiam Haraldi Geir-
„ raudargardarum in Norvegia Regis. Horum filius erat
„ Sigurdus Hringus. Randver Rex ſubitâ morte deceſ-
„ ſit, poſt quem Sigurdus Hringus Regium nomen in
„ Dania aſſumſit. Is cum Rege Haraldum Hilditanne
„ confligit in planitie Oſtro-Gothia, *Bravollr* dictâ, ubi
„ Haral-

Haraldus cum ingenti hominum multitudine occisus est.

Ivaris tempore Daniam plures Reges rexerunt. Nam & ipse hæreditario jure à morte patris patruisque Scaniam tenuit. Jutiam deinde acqvifivit, quo jure nescio. Hrærecus Slaungvanbaugius & frater ejus Helgius Acutus Lethrensem ditionem tenuerunt. Postquam autem Ivar Sveciam devicerat, Helgius filiam ejus Audurem ambivit. Is & suum consensum simulans, ne filia consentiret obstitit. Culpâ deinde in eam conjectâ, procus repulsam passus est. Postea Helgius fratris sui Hræreki causam in eâ expetendâ egit. Quo cognito Ivar in filiæ factum investus, negabat eam, repulso eo, fratri minus celebri nupturam videri; tamen in ejus gratiam postulata hæc ad eam se delaturum, quantumvis irritò conatu. Filiam deinde accedens, tantum non invitam, ad consensum in istas nuptias clanculum compulit, Helgioque mox retulit, fama illam, quam virtute feliciorẽ; sapientem perhiberi, reverâ stultam esse. Helgium deinde in Daniam comitata Audur, Hræreco nupsit, ei que filium peperit Haraldum, Hilditannem postea dictum. Paulo post Ivar, ditionis amplificandæ cupidissimus, quique eapropter filiam elocaverat, ut inter fratres (quorum concordiam conjunctasque vires, & maxime Helgii, Regis strenui, virtutem, rationibus suis obstore animadvertit) discordiæ causa esset, commentus est Helgium cum fratris uxore, ipsius filiâ, rem habuisse, idque genero callidè insinuavit, hortatus ut fratrem tanti sceleris reum per insidias, cum aperte non posset, summo veret. Id postquam Hrærecus perfecis-

set, Ivar tantum facinus, veluti se invito & inscio perpetratum, vehementer execratus, eum affinitate sua & sceptris Regni indignum pronunciavit, quod fratris, innocentis viri, & optimi Regis, suiqve intimi amici, sanguine se contaminasset. Mox ad se sponte profectum, & nihil sibi metuentem, ut qvī commune opprobrium instigante socero vindicasse ratus erat, imparatum per insidias occidi curavit, Daniamqve universam in suam potestatem redegit. Filia vidua cum parvulo nato Haraldo, ut sævitiam parentis & immensam perfidiam evitaret, è Dania in Russiam profugit, Regiqve istius Regni, Radbardo nomine, nupsit. Postea Ivar, tum cupidine istius Regni illectus, tum etiam ultionis stimulis agitatus, eo quod Radbardus filiam se invito & inconsulto matrimonio sibi jungere ausus esset, in Russiam expeditionem suscepit. Verum accidit in itinere, ut prodigioso somnio aliquando excitatus, familiarem suum & nutricium, nomine Hordum, sciscitaretur, ecquid portenderet? Qvī cum ultricibus furiis eum agitari respondisset, is de parentum suorum & cognatorum statu, qualis esset, interrogavit. Regessit Hordus ipsos in summo honore esse, & inter Deos Odinum & Asas in aula Valica genio indulgere; verum omnes illi esse infensissimos. Ad ultimum quæsit, qualis se locus in Valhallâ maneret? Regessit alter præparatam ipsi sedem apud serpentem Midgardensem (multa de eo *Edda* fabulatur). Experire igitur, inquit, qualis sit serpens Midgardensis, & provocato familiari, è navi præceps in undas exemplo prosiluit: quo conspecto Hordus de rupe, cui insistebat, in mare se projecit, nec postea visi sunt. Creditum est

est, quod sub undis conflagrando interierint. Hoc cognito nepos ipsius Haraldus Hilditann, quindecim tum annos natus, è Russia in Daniam ex templo profectus, omnium studiis exceptus est, Rexque salutatus. Hæc ex *Fragmento historico* de pugnâ Bravallensi, aliquoties à nobis superius allegato; quod & addit, Haraldus amicos, metuentes ne is tot præliis implicitus (permulta enim gessisse memoratur) armis hostilibus aliquando fortè occumberet, magicis artibus tantam illi cutis duritiem procurasse, ut exinde sine galea scutove prælia inire, nudumque corpus ictibus validissimis objicere potuerit.

In Haraldus hujus genere recensendo Saxo admodum fluctuat. Patrem enim ipsius interdum Borcarum, interdum Haldanum vocat; matrem vero nunc Gro, nunc Guritham appellat. Diversæ huic relationi vel Saxonis memoriæ lapsus vel librarii cujusdam glossema causam præbuisse existimat *Stephanus* Not. in Sax. pag. 155. Quicquid illius sit, certum est Saxonem hic à vero aberrasse. Satis enim ex superioribus genealogiis constat Haraldum Hilditannem filium fuisse Hræreki Slaungvanbaugii & Auduris, Ivaris Vidfadmii filiæ, prout sæpius antea dictum est. Nec solæ geneologiæ de Haraldus parentibus testimonium perhibent. Idem planè habetur in antiquissimo, ac à nobis non semel antea allegato carmine *Hyndlulied*. Verba hæc sunt:

Haraldr Hillditaunn
borinn Hræreki
Slaungvanbauga
sonr var hann Audar,
Audr Diupaudga
Ifvars dottir,

enn Radbardr var

Randvers fadir. *b. e.*

Haraldus Hilditann natus ex Hræreco Slaungvanbaugio, Auduris filius erat, Audur Prædives Ivaris filia erat, Radbardus autem Randveris pater fuit.

Similia de paterno & materno Haraldi Hilditannis genere tradunt qvotqvot illius è nostratibus meminerunt. Solus *Historie Hervoriane* locus, nuper à nobis adductus, in diversum abit atqve alium ei patrem, aliam matrem tribuit: & patrem qvidem Valdarem, qvem Daniæ à se devictæ Ivarem præfecisse asseverat, datâ ei in uxorem fideiqve pignus filiâ suâ Alfhide, qvæ ei Haraldum Hilditannem & Randverem pepererit. In eo memoratus locus cum aliis convenit, qvòd Haraldus & Randver Ivaris ex filia nepotes fuerint; in utriusqve tam patre qvam matre dissensus est. Etenim Haraldus, secundum constantem nostratium assertionem, non Valdare & Alfhide Ivaris filia, sed Hræreco Slaungvanbaugio & Audure dicti Ivaris filiâ natus est, prout superius satis dictum. Randver similiter, secundum omnes genealogias, parentes habuit, non Valdarem & Alfhidem, sed Radbardum Russiæ Regem & prædictam Audurem Ivaris filiam, fuitqve adeò Haraldi Hilditannis frater uterinus. Itaqve ad conciliandam huic genealogiæ fidem, dicendum erit duos fuisse Haraldos Hilditannes, unum Hræreco & Audure, alterum Valdare & Alfhide natum; qvorum utrumqve matres de necessariorum unius nomine Haraldum appellaverint, qvique postea idem Hilditannis cognomen usurpaverint. Et credi poterit Ivarem, postqvam Audur filia ejus è Daniâ in Russiam con-

fu-

fugerat, Valdarem illum Daniæ præfecisse, eiqve filiarum alteram elocasse; ipso namqve in Svecia manente, vel aliis negotiis impedito, Daniæ regnum nisi per vicarium commodè administrari non potuit. Qvod si Valdarem illum ex Alfhilde Ivaris filiâ præter Haraldum Hilditannem, alteri illi, Hræreki & Auduris filio, cognominem, Randverem quoqve, sobrino suo, Auduris filio, similiter cognominem, suscepisse credamus, adducto loco veritas constare potest, si Randver ille Valdari patri in regnum Daniæ successerit, priusquam sobrinus illius Haraldus Hilditann è Russia in Daniam venit & subditorum studiis ad sceptrum evectus fuit; in Gothia enim primò moram nexuisse Haraldum & deinde Daniam adiisse sæpeditus Historiæ Hervorianæ locus perhibet. Hæc ferre sunt, quæ in memoratæ genealogiæ stabilimen dici possunt. Interea dissimulare nolumus, nos allatis conjecturis tantum non tribuere, quin potius statuere velimus, sæpeditum locum hac in parte vitiosum esse, atqve illius solius auctoritatem tot aliis nostratium testimoniis cedere debere; præsertim cum in Randveris mortis genere referendo parum sibi constet, & de Sigurdi Hringi genere penitus falsa tradat; quippe quem, non Randvere Valdaris & Alfhildis filio, si is unquam extitit, sed Randvere Radbardi Russiæ Regis & Auduris filio natum esse constat. Ex permultis antiquitatum nostrarum testimoniis unicum hic locum adscribam ex *Originibus Norvegiæ* desumptum, qui dicta probat, & præcedentibus non parum roboris addit: Haralldr hinn „ gamli, son Valldars hins millda, Hroars sonar, atti „ Hervorn Heidreks dottur. þeirra son var Halfdan „ Sniak

„ Snialli , fadir Ivars Vidfadma, faudur Audar Diupaud-
 „ gu. hana atti Hrærekr Slaungvanbaugi, þeirra son var
 „ Haralldr Hilditaunn. Sidar atti Audi Radbardr ko-
 „ nungr. þeirra son var Randver, fadir Sigurdar Hrings,
 „ faudur Ragnars Lodbrokar. *i. e.* Haraldus Grandæ-
 „ vus , filius Valdaris Munifici , Hroaris filii, Hervorem
 „ Heidreki filiam in matrimonio habuit ; eorum filius
 „ erat Halfdanus Difertus , pater Ivaris Vidfadmii , pa-
 „ tris Auduris Prædivitis. Hanc in matrimonio habuit
 „ Hrærecus Slaungvanbaugius, fuitqve eorum filius Ha-
 „ raldus Hilditann. Posterius Audurem Radbardus
 „ Rex uxorem duxit, eratqve eorum filius Randver,
 „ pater Sigurdi Hringi, patris Ragnaris Lodbrochis.

Haraldi Hilditannis tempore Scatum & Hialum fra-
 tres Olavum Vermorum Regulum pro tuendâ filiz pu-
 dicitâ ad pugnam provocasse Saxo libro VII. pag. m. 141.
 perhibet. Olavus iste absqve omni dubio est Olafus Li-
 gnarius, Ingialdi Aftuti Sveciæ Regis filius, qvi, uti ex
Snorrii Chronico Norvegico constat, postquam pater In-
 gialdus metu Ivaris Vidfadmii, Hilditannis avi materni,
 necem sibi Vulcani ope accelerârat, Sveciâ profugus
 Vermelandiam seu Vermiam, ad id usqve tempus de-
 sertam, primus occupavit, excoluit, ac eo quod hodie
 retinet nomine vocavit, ibiqve se in Regem elevavit.
 Ita Saxo vel inscius nostratium monumentis accinit, Ha-
 raldumqve Hilditannem Olafo Lignario æqualem fuisse
 innuit.

Ab hoc Haraldo Hilditanne vocem Danicam *Arilds-
 tid* denominatam esse vult *Job. Lyschander* Antiquit. Dan.
 Serm. VIII. quem hac in re sequitur *Svavinius* in Chro-
 nolo-

nologia Dan. cujus hæc sunt verba : *Sunt qui suspicantur in memoriam libertatis patriæ, per Haraldum Hylletandum par-tæ, à Danis conditam æram illustrem, quæ hodieque iis vernaculè vocatur Arrilds tid, quasi Haralds tid, h. e. tempus sive æra Haralds.* Addit tamen Svaningius se nullum ejus certum vestigium in Danorum historiis legisse. Et nos illa, quæ de æræ illius initio dicuntur, tanquam dubia in medio relinquimus. Sane *Gudmundus Andrea*, vir veteris lingvæ Danicæ non imperitus, in Notis ad Stephani Olai versionem Carminis *Voluspa*, vocem *Arilds tid*, vitiata esse ait ex antiquâ voce *Arenstid*; cujus etymon statuit voculam *ar*, quam per *principium* explicat; ut *Arilds tid* eâ ratione nullam certam æram, sed antiquissimum quodvis tempus denotet.

Haraldi Hilditannis operum ultimum fuit pugna, cum Sigurdo Hringo, Randveris, uterini illius fratris, filio, in Ostrogothiæ campis commissâ; quâ cæsus Haraldus Sigurdo victori regnum reliquit. Acerrimum hocce prælium (quod nostrates à loco ubi pugnatum est *Bravallense* nominant) Saxo libri VIII. initio luculenter descripsit; & extat *Fragmentum* vetus à nostratibus concinnatum, quod memorati prælii historiam exhibet, fatis (uti superius lib. I. Cap. VII. pag 64. diximus) cum Saxonis relatione convenientem. Id saltem hoc loco apud Saxonem notari meretur, quod in memoratâ pugna Haraldo militasse scribat Blend ultimæ Thyles incolam; & sub Hringi signa à Thyle venisse Marem Ruffum, pago, qui Mithfrithi dicitur, ortum educatumque: Grombarem annosum: Gramum Brundelucum, & Grimum ex oppido Skierum apud Scaha fyrchi provinciam factum. Per *Thylen* & *Thylenfes* Saxonem ubivis *Islandiam* &

Islandos significare certum est, & hic vel sola locorum, quæ memorat, nomina testimonium perhibent. In dandi casu, ut cum Grammaticis loquar, Saxonem ea ponere voluisse apparet, unde in illius textu *Mithsfirþi* & *Scagafirþi* omnino legendum. Territoriorum illorum prius in Boreali Islandia situm, adhuc satis notum est, & *Midfjördr* in nominandi casu incolis dicitur. Posterius, *Skagafjördr* dictum, eadem insulæ parte continetur, & ab Episcopi Holensis sede celebritatem mutuatur. *Islandos* igitur cruento isti Bravallensi prælio interfuisse Saxo tradit. Nec aliter illum intellexit Danicus ejus interpres, eruditissimus vir *Andreas Vellejus*, qui illa: *à Thyle autem venire Mar Ruffus* &c. in versione suâ Danicè ita reddit: *Fra Island komne Mar Rødsfegge* / quemadmodum, & in Saxonis præfatione, nec non librò hocce VIII. in Gormonis & Gotrici vitis, *Thylensium* nomen *Islanders* interpretatur; atque tandem *Arnoldum Thylensem*, Saxoni lib. XIII. pag. m. 316. memoratum, *Arifð Islander* vocat. Quod autem idem doctus vir unico loco sibi ipsi dissimilis factus *Blend ultima* *Thyles incolam* vertit: *Blend af Tello* / id est, si Latine iterum reddatur, *Blendum ex insula Telloa*; ejus rei culpa fortasse referenda est in *Christiernum Petraum*, primum Saxonis interpretem, qui, teste *Stephanio* Not. in Saxonem pag. 172. *Blendum* illum in suâ Danica versione *Blend af Thyløe* vocavit. Illius translationem cum forte Vellejus ante oculos hic haberet, & ad singula non satis accuratè attenderet, aliis, ut credere par est, negotiis distractus, loco *Islandie* in illius versionem *Telloa* ista irrepsit, cujus situm se juxta cum ignarissimis scire *Stephanius* fatetur; idque jure, cum in mun-

mundo non extet. Manet itaque quod diximus, nempe Saxonem per *Thylen* Islandiam intelligere, ac itaque Islandis in hoc Bravallensi prælio partes aliquas tribuere. Id verò est, quod nos in Saxone nuper notavimus, & perperam ab eo tradi nunc asserimus. Etenim Sigurdus Hringus, qui Haraldum Hildetannem hac acie vicit, atavus erat Haraldus Pulchricornis Norvegiæ Regis, cujus tempore Islandia, eatenus deserta, (quod in antiquitatibus nostris vel hospiti notum est) incolæ primum cœpit, post medium sæculi à nato Christo Noni; unde sesquisæculo ferè post pugnam Bravallensem incultam, forte & ignotam, jacuisse apparet. Animadvertit illud Doctissimus *Stephanus* Not. in Sax. pagg. m. 172. 173. atque ideo in hac pugna Bravallensis descriptione per *Thylen* à Saxone indigitari credidit vel Norvegiæ aliquam provinciam, vel Christiæni Petri & Andrea Velleji Telløam, sibi tamen, ut ait, penitus ignotam. Sed parum ista pro Saxone valent. Is enim, uti superius probavimus, Thylenfium nomine Islandos constanter vocat; & Telløam insulam Utopiæ lateri adjacere certum est.

Quemadmodum autem Saxo in hac Islandorum expeditione recensendâ ea tradit, quæ cum ipsorum monumentis nullo modo consistunt, ita is vicissim nostratum traditiones illustrat, ubi sæpèdictæ Bravallensi pugna interfuisse ac à Hringi partibus stetisse ait Regnaldum Ruthenum, Rathbarti nepotem, virum Regia dignitate conspicuum. Regnaldum enim istum inter Sigurdi Hringi consanguineos nostri non recensent, quem tamen illius vel patruelem vel amatinum fuisse ex omnibus circumstantiis colligitur.

Post Haraldum Hilditannem Sigurdus Hringus regnavit, illius, uti antea dictum, ex fratre Randvere nepos. Hic à patruo Haraldo Sveciæ præfectus, post illius obitum tam isti regno quam Daniæ summâ cum potestate præfuit, atque in Dania tributarios Regulos Ducesque aliqvot instituit, qvi vicariâ potestate præditi incolas gubernarent. Sigurdus Hringus in matrimonio habuit Alfheldem, filiam Gandalfi, nepotis Alfi vel Finnalfi, Alfheimorum in Norvegia Regis, quæ illi Ragnarem Lodbrochem, celeberrimum postea Regem, peperit. Notabilem de Hringo locum habet *Olafi Tryggvini vita*, quam in binis membranis possidet amicissimus mihi Arnas Magnæus. Illum, licet prolixiorem, integrum hic excribam: þa, er „ Sigurdr Ringr, fadir Ragnars Lodbrokar, var konungr „ yfir Sviavelldi oc Danavelldi, oc hann hafdi frídat „ hvartveggja ríkit, oc sett yfir skattkonunga oc Jarla, „ þa mintiz hann þess ríkis er Haralldr Hílditonn „ frændi hans hafdi att i Englandi, oc fyrir Haralldr I- „ varr enn Víðfadmi. En þat ríki hófdu þa Enskirkon- „ ungar. het þa Ingialldr er þa red fyrir, oc er sva sagt „ at hann væri brodir Vestr-Saxa konungs. Ingialldr var „ ríkr konungr. Ringr konungr bauð ut leidangri mik- „ klum af ríki sínu oc fór vestr til Englandz. En er „ hann kom til Nordimbralandz, beiddi hann fer víd- „ toku, geck þar þa undir hann margt folk. En er In- „ gialldr konungr spurði þat, þa samnadi hann saman „ her miklum, oc fór i móti Ringi konungi, oc attu þeir „ saman nockurar orrostur. En i síðarstu fell Ingialdr „ konungr oc Ubbi son hans, oc mikill luti lids þeirra. „ Eignadiz þa Ringr konungr Nordimbraland, oc þar með

med allt þat ríki er att hafði Ingialdr konungr. En „
 ádr Ringr konungr færi lidi sínu vestan af Englandi, „
 setti hann skattkonung yfir Nordimbraland, þa er nefndr „
 Olafr. hann var son Kinríks þess er sagt er at væri bro- „
 durson Moalldar Digru modur Ivars Víðfadma. for þa „
 Ringr konungr aptr til ríkis síns. Olafr konungr red „
 lengi Nordimbralandi, þar til er son Ubba konungs „
 kom til ríkis. þa er nefndr Eava. attu þeir Olafr mar- „
 gar orrostur, oc i enni síðarstu flydi Olafr konungr, en „
 Eava lagði þa ríkit undir sik. Olafr konungr for þa til „
 Svíþjóðar a fund Rings konungs. setti Ringr konungr „
 þa Olaf hofðingia yfir Jotland. var Olafr konungr len- „
 gi síðan þar skattkonungr, fyrst Rings konungs, en sí- „
 dan Ragnars Lodbrokar. hann var kalladr Olafr En- „
 ski. Hans son var Grímr Grae, er konungdom oc rí- „
 ki tok eptir föður sínn. Grímr var faðir Audulfs Au- „
 fga, er skattkonungr var a Jotlandi Ragnars Lodbrokar. „
 Sonr Audulfs het Gormr, er enn var skattkonungr a „
 Jotlandi. hann var kalladr Gormr enn heimski, *id est.* „
 Sigurdus Hringus, Ragnaris Lodbrochis pater, Sveciæ „
 & Daniæ Rex, postquam utrique regno pacem red- „
 didisset, Regesque tributarios ac Duces præfecisset, „
 cogitare cœpit de regno illo quod Haraldus Hilditann „
 cognatus illius & ante Haraldum Ivar Víðfadmíus „
 in Anglia possederant; quod regnum tunc temporis „
 Anglicis regibus parebat. Ingialdo nomen erat Regi, „
 qui regnum istud tunc gubernavit; hic Occidentali- „
 um Saxonum Regis frater fuisse perhibetur, ipseque „
 potentia clarus. Hringus Rex collectis in regno suo „
 copiis ingentibus in Angliam trajecit. Cumque in „

„ Northumbriam veniret, incolas monere cœpit, ut
 „ debitum sibi obsequium præstarent; multiqve se ei
 „ sponte subdiderunt. Ingialdus Rex hoc audito gran-
 „ dem exercitum collegit, Hringumqve adortus cum
 „ eo aliquoties conflixit. Ultimo prælio Rex In-
 „ gialdus cum filio Ubbio & magna militum parte cæ-
 „ sus est. Quo factò Northumbria & insuper totum il-
 „ lud regum quod Ingialdus possederat, in Hringi Re-
 „ gis potestatem pervenerunt. Qui anteqvam copias
 „ suas ex Angliâ educeret, Northumbriæ tributarium
 „ Regem præposuit, nomine Olafum, cujus pater Kin-
 „ ricus filius fuisse dicitur fratris Moaldæ Crassæ, quæ
 „ Ivaris Vidfadmii mater erat. Hringus Rex in regnum
 „ suum rediit, Olafus vero Northumbriæ diu præfuit,
 „ donec Ubbii Regis filius, nomine Eava, regnum illud
 „ invaderet. Olafus cum eo multa prælia gessit, quo-
 „ rum ultimo victus aufugit, Eava vero regnum sibi
 „ subjecit. Olafus in Sveciam ad Hringum Regem se
 „ contulit; qui eum Jutiæ præfecit. Olafus ibi
 „ tributarius Rex diu fuit, primò sub Hringo Rege
 „ & deinde sub Ragnare Lodbroche. Hic Olafus Anglus
 „ dictus est. Ejus filius erat Grimus Cineraceus (Canus)
 „ qui Regium nomen regnumqve post patrem accepit.
 „ Grimus pater fuit Audulfi Robusti, qui Jutiæ Rex e-
 „ rat, tributarius Ragnari Lodbrochi. Audulfi filius e-
 „ rat Gormus; qui etiam Jutiæ tributarius Rex fuit;
 „ hic Gormus Stultus dictus est.

Ex hoc Sigurdo Hringo Saxo binos homines fecit;
 quorum unum, suppresso prænomine, Ringonem vocat,
 Ingeldoqve Sveciæ Rege ac Haraldi Hilditannis fo-
 re

rore natum esse lib. VII, scribit: atque cum avunculo Haraldum acri illo praelio, quod nos Bravallense vocamus, conflixisse libro VIII, perhibet. Alterius gesta libri IX. initio recenset, quem vero nomine Syvardum Ring vocat & Ragnarem Lodbrochem genuisse recte scribit. Verum graviter hic errat Saxo. Etenim unus idemque erat Hringus vel Ringo, Ragnaris Lodbrochis pater, cum illo, qui Haraldum Hilditannem vicit, veluti id ante nos recte observavit literisque tradidit Doctissimus *Argimus*, qui & Saxonis de Syvardi Ringi paterno genere hallucinationem annotare non omisit. Verba ejus *Stephanus* Prolegom. ad Not. in Saxon. Cap. XXII. talia exhibet: Libro Septimo Historiæ Danicæ Saxo commemorat Ringonem quendam, Inghaldi filium, qui Haraldum Hyldetand praelio victum occiderit. Ille autem Ringo, Haraldus Hyldetandi victor, fuit Sigvardus Ring, Lodbrochi pater, nostris id passim asserentibus. Id quod etiam Saxo nobiscum fatetur imprudens, eodem nomine loci in quo depugnatum est; quem Vvellejus Danicè vertit Bravellse, (*legendum* Bravelle) ut nos. Eundem hunc Sigvardum Ring affirmat Saxo natum patre Sigvardo quodam Norvego Lib. IX; sed neutrum verum est. Etenim Sigvardus Ring, Lodbrochi pater, parentem habuit Randverum nomine, debellavitque patrum Haraldum Hyldetand, in loco Bravellse, (*& hic legendum* Bravelle). Itaque hic Saxonem sibi contrarium judico, eundem Ringonem nunc Inghaldi, nunc Sigvardi filium statuentem.

Monstrato ita Ringonem, Haraldus Hilditannis victorem, & Syvardum Ringum, Ragnaris Lodbrochis patrem,

patrem, unum eundemque hominem esse, operæ pretium erit inspicere, an Reges isti, qui inter hos duos Ringones, vel Ringos, apud Saxonem comparent, genuini sint aut justo ordine collocati.

Horum primus sese Olo offert, quem Scania à Ringone primò præfectum esse Saxo scribit: mox reliquas Daniae partes procerum studiis nactum, Hethæ, bellatrici virgini, Jutiam sub tributis conditione concessisse; quam Slesvicum condidisse, ac à suo nomine *Hethaby* appellasse *Svaningius* in Chronologiâ Danicâ ad annum Christi CCCXXVI. & alii Danicarum rerum Scriptores tradunt. Olonem tandem post varias res strenuè gestas, quæ ei *Vegeti* cognomen dederint, à Starcado, cum corpus balneo ablueret, nefariè occisum esse Saxo perhibet. Hic Olo, non secus ac Haldanus Bierggrammus ex duobus diversis hominibus à Saxone compositus est, prout superius libri hujus Capite V. diximus. Nam illud quod à Hringo, Haraldi victore, parti Daniae præfectus sit, Olafo Anglo competit, cujus nuper mentio facta. Illum enim Sigurdus Hringus Jutiæ præfecit. *Vegeti* vero cognomen & cædes per Starcadum illata, in Olum Fridleifi Tertiî filium, uti antea dictum est, apprimè quadrant, qui à Starcado quidem interfectus est: an in balneo, non liquet. Armodum certè, Regem, à Starcado nefariè in balneo occisum nostrates commemorant, qui ab hoc Olio planè diversus est. De Hethâ obiter monendum, Hethæbyensis urbis nomen ab eâ derivatum non videri, sed potius a vocula *Heide*, quæ *desertum* denotat, eo quod forte prope desertum quoddam sita fuerit.

Olonis, ex pluribus, ut apparet, hominibus conflati,
Omuni-

Omundus nec filius nec hæres esse potest. Duos ei filios Saxo assignat, Syvardum & Buthlum, quorum natum majorem Syvardum patri in Daniae Regno successisse scribit, Buthlo in tenera ætate constituto, quem tamen ad Daniae sceptrum postea pervenisse tradit. Nostrates Omundum & Syvardum penitus ignorant, quos universales vel supremos Daniae Reges non fuisse, ex iis, quæ de Sigurdo Hringo superius dicta sunt, abunde patet.

Ad Buthlum quod attinet, is neque Omundi filius erat, nec unquam Danica sceptrum gessit. Saxoniae Regem fuisse nostrates innuunt, Sigurdo Hringo circiter coævum, cujus neptem Aslaugem Ragnar Lodbroch, Sigurdi Hringi filius, uxorem duxit, uti ex Tabula genealogica libri hujus Cap. III. pag. 251. superius posita, videri potest.

Jarmericum Syvardi filium patruo Buhtlo regnum eripuisse Saxo scribit. Is licet alieno schemate obnuptus hic exhibeatur, facile tamen à nobis cognoscitur. Etenim Biconis infidiosa consilia, quæ Svanhildam (male in Saxonis, quos habemus, libris *Svavilda* dicitur) ad mortem sub pecudum ungulis perferendam condemnarunt; reginae ejusdem raræ venustatis forma, quæ quadrupedum impetum refrenavit: in plumis accipiter & mutilatum Jarmerici corpus nostris non minus quam Saxoni nota sunt. Extat enim in *Ragnaris Lodbrochis Vita* prolixa hujus rei historia; binæ insuper tragædiæ in Odarum collectione illâ, quam *Semundi Eddam* vocant, comparent, quæ poetico artificio idem complectuntur. Nos rem, uti gesta esse dicitur, compendio enarrabimus.

Sigurdus quidam præ omnibus præsci sæculi heroibus à bellica fortitudine celebratur; qui ab occiso serpente, Fafnere dicto, *Fafnisbanius* vel Fafnericida vulgò cognominatur. Is cum Saxonie Regis sorori, Brynhildi Budlinæ, fidem conjugalem dedisset, filiam ex eâ suscepit Aslaugem, Ragnaris Lodbrochis deinceps uxorem. Relictâ deinde Brynhilde, Giukii, potentis ad Rhenum Regis, filiam, Gudrunam nomine, sibi sociavit; Brynhildem vero uxoris suæ fratri Gunnari matrimonio jungendam curavit; quæ Sigurdi inconstantia & uxoris rivalis invidia æstuans, maritum in illius necem accendit, perpulitque eò, ut illum, periculi securum, per insidias tolleret. Quo factò Brynhildis ipsa, indomiti amoris impetu vesana, nec desiderii illius ultra patiens, sibi manus intulit, ut rogì ejusdem particeps sola Sigurdi amplexibus post mortem frueretur. Gudruna, Sigurdi vidua, postea nupsit Atlio Budlii filio, Brynhildis fratri, Saxonie Regi. Hic cum conjugis fratres, Gunarem prædictum & Hognium (patronymico vel gentili nomini *Giukungos* vulgò dictos) insidiis circumventos, per varios cruciatus necasset, Gudruna in fratrum ultionem proprios filios, quos ex Atlio susceperat, occidit, & patri epulandos apposuit. Occiso deinde marito aulam illius incendit, seque tandem ipsam in mare præcipitem dedit; quod ei majorem, quam ipsa optavit, gratiam fecit. Etenim quæ submergi in votis unicè habuit, undarum æstu ad peregrinum littus incolumis delata est. Regnabat ibi Rex quidam, Jonacus nomine, qui Gudrunam, celeberrimam sui sæculi reginam (scelera enim quæ perpetraverat, iisve similia, virtutis & fortitudinis nomine tunc voca-

ca-

cabantur) memoratoque casu in ditionem ejus deportatam, postremo uxorem duxit, atque ex illa tres filios suscepit, Hamderem, Sorlium & Erpum. Tandem Jormunrecus Potens (id enim cognomen, tum à thesaurorum opulencia, tum etiam ditionis amplitudine consecutus est) filiam Gudrunæ ex primo conjugio natam, Svanhildem nomine, sibi matrimonio dari petivit & impetravit. Jormunreki filius fuit Randver (*Saxoni* perperam Broderus) qui legationis illius munereungebatur. Ei sponsam domum ducenti Bicco (quem Regiam virginem expetiture pater comitem dederat) svasit, ut quam patri pactus erat sponsam, ipse duceret, seni Regi tam teneram ætatem non convenire, sed virgineis amplexibus juvenilem copulam deberi affirmans. Malo consilio juvenis auscultans, paternam sponsam de amore sollicitavit. Et illa juvenem seni præferre visa est. Attamen Jormunrecum adeunt: cui quid in itinere actum sit Bicco protinus revelat. Jormunrecus tantâ filii perfidia ad iram excitatus, illum laqueo adjudicat. Mox ad supplicia rapitur Randver, qui antè quam infelici affigeretur stipiti, deplumatum accipitrem ad patrem perferri curavit; qui orbitatis suæ hac ratione commonefactus, per nudatam volucrum regnum præsidio vacuum adumbrari videns, post necem filii tandem resipuit. Mœrorem deinde ex orbitate contractum in furorem vertens, Svanhildem equinis ungulis ad inter necionem conterendam supposuit; quæ tanta visus acrimonia, & luminum continua mobilitate vibrantium fulgore polluisse dicitur, ut metu perculsa animalia propius accedere formidaverint, nec prius eam adorta sint;

quam, coopertâ facie, vividus ille oculorum fulgor absconderetur. Hæc ubi Gudruna Svanhildis mater cognovit, filios ad fororis ultionem exsequendam anxie sollicitavit. Eunt itaque domo in Jormunrecum armati. In itinere vero Sorlius & Hamder Erpum fratrem natu minimum rogant, quâ fide & promptitudine illis sit succursurus? Respondet ille, se tantam iis opem & subsidium latûrum, quantum manus pedi assoleat. Parum id fratribus videbatur, ac itaque eum tanquam inutilem interfecerunt. Paulo post eorum alter, pede vacillante in lapsum inclinans, manu in terram demissâ casum inhibuit, unde manum pedi subvenisse doctus, nimis serò se fratremque de Erpi cæde incusavit. Tandem ad Jormunreki penates ventum est; quem secure dormientem deprehendentes, cubiculum ejus mox ingressi sunt, alterque manus alter pedes ei amputavit. Ceterum priusquam eum penitus occidere possent, ab aulicis circumventi, lapidibus ad necem usque obruebantur. Cumque undique circumfusam multitudinem conspicerent, alter eorum dixisse fertur: Jormunreco nunc caput præcisum esset, si Erpus viveret. Hæc ferè sunt, quæ nostrates de Jormunreco seu Jarmerico habent; unde nemo colliget, eum in Daniâ rerum potitum esse, Et frustra illum inter Daniæ Reges collocari, inferius patebit, ubi illius historiam paulò accuratius examinabimus.

Broderum (qui nostratium Randver est) Jarmerico patri successisse Saxo tradit. Nostrates eum ante extremum patris casum, infelici morte periisse tradunt. Et si vel maxime patri supervixisset, Daniæ regnum, quod patri nunquam paruit, hæreditario jure occupare non potuit.

Bro-

Brodero Syvaldum Saxo subjungit, nomine tantum sibi notum. Huic Snionem filium successisse ait; in cuius historia id præ ceteris notabile occurrit, quod illius tempore Longobardi è Dania exierint, qui post tot itinerum anfractus & mille laborum molestias Italiæ partem postea occuparunt. Nos quemadmodum Syvaldum illum planè ignoramus, ita pro certo asserere non audemus, unde Snionem suum Saxo acceperit. Aliàs in nostris antiquitatibus commemoratur *Snar*, vel, uti alià dialecto effertur, *Snjar*, (in *Chronici Snorrini* versione Danicà *Snio* dicitur) antiquissimus Finlandiæ Rex, qui circa Christi nati tempora vixerit. Hujus nomen an Saxo mutuatus fuerit, Regumque Daniæ catalogo inferuerit, exactè sciri nequit, cum ex Finnländiæ illius Regis gestis nihil habeamus, quod cum Saxonis relatione hic conferri possit. Id pro certo habemus, Longobardorum exitum nihil ad Snionis tempora pertinere, quippe qui fixas in Italià sedes habuerunt ante id tempus, quo Haraldum Hilditannem & Sigurdum Hringum celebri illà Bravallensi pugna conflixisse constat; cuius pugnae ara supra annum Christi, quem libri hujus Cap. II. superius posuimus, parum aut nihil exaltari potest, genealogiis & aliis rerum circumstantiis id firmiter monstrantibus. Nec, si vel maximè Saxonis vestigia premamus, ista Longobardorum sub Snione emigratio absurditate caret. Etenim Longobardi, uti ex indubitatae veritatis scriptoribus constat, circa annum Christi DLXVIII. è Pannonià in Italiam transierunt, ibique regnum fundarunt, quod usque ad Caroli Magni tempora XVII. Regibus, sibi succedentibus, stetit. In Dania vi-

ciffim, fecundum Saxonem, inter Snionem & Gotricum, Carolo Magno, ut vult, coævum, tres tantum Reges, Biorno, Haraldus & Gormo, regnarunt, qui unâ cum Snione & Gotrico ultra CLX. annos regnare non poterunt, ut eâ ratione Longobardorum è Daniâ emigratio in feculum septimum cadat; qvod qvam absurdum fit, nemo non videt: tunc enim bellax ifte populus LXX. circiter annis qvietâ Inſubriæ poſſeſſione gavifus fuerat; ut de tempore, qvod ab eorum emigratione ad ingreſſum in Italiam defluxit, nihil dicatur. Sed opponet forte aliquis, fruſtra nos ex paucitate Regum inter Snionem & Gotricum, de Snionis ætate ac Longobardorum emigrationis ærâ argumentari: cum doctorem conſenſu ingenti hîc annales Danici hiatu laborent; Snionis itaqve ævum longè altius extolli poſſe, imò in tantum, ut ſubſequentia tempora lento illi & flexuoſo Longobardorum itineri abundè ſufficiant. Nos eqvidem communes iſtas Daniæ ſcriptorum de magna annalium ſuorum lacunâ qverelas non ignoramus, qvibus & haut parum ipſi moveremur, niſi earum fundamentum nobis tam benè conſtaret. Nempe animadverſerunt docti illi viri, id qvod nos nuperrimè in Saxone notavimus, quatuor ſcilicet Regum ætatem non ſufficere Longobardorum his è terris in Italiam migrationi, & ducentis inſuper annis, qvibus uſqve ad Carolum Magnum in Italiâ regnârunt; hos autem ſub Snione exiſſe indubitanter crediderunt; itaqve Snionis æram exaltandam eſſe arbitrati ſunt, ut tempus, qvod inter eum & Carolum Magnum intercederet, rerum Longobardicarum capax eſſet; unde annales Danicos ingenti defectu hîc laborare omninò ſeqve-

sequeretur. Nos, ut verum fateamur, causam non videmus, cur Saxonis ista relatio de Longobardorum sub Snione exitu, majorem quam sæpediti Snionis & subsequenter quatuor Regum successiones, fidem mereantur; neque enim Saxo de rerum Danicarum hiatu vel verbum hic habet, sed Reges istos continuo ordine regnasse innuit. Quod autem dicta relatio à temporum ratione adeo discrepat, id minus, credo, mirabitur is, qui è diligenti Saxonis lectione deprehendet, plura istiusmodi in illius opere inveniri, quæ accuratius examinata secum non satis conveniunt. Sed de Snione hic differendi finis erit; quem nos eò magis ex Daniæ Regum albo expungendum esse statuimus, quo minus in eorum serie aliquid hic desideramus.

Snione à sceptris Danicis remoto, de Biorno & Harald, quos post eum successivo ordine regnasse Saxo ait, parum solliciti sumus; quippe quorum sola nomina sine ullâ benè vel secus gestarum rerum memoriâ extant. Si quis eos in Ducum vel heròum ordinem redigere voluerit, nos non obnitemur: at locum iis inter Daniæ Reges dare, per Sigurdi Hringi, potentis monarchæ, præsentiam non licet.

Sequitur apud Saxonem Gormo, naturalium, ut ille ait, & si Diis placet, Theologicarum rerum diligens scrutator. Illius tota historia binis navigationibus absolvitur, quarum priorem ipse, ductu Thorkilli cujusdam, ad Geruthum, ingentis magnitudinis gigantem, in septentrionis remotissima suscepisse perhibetur; alteram dictus Thorkillus Gormonis jussu peregisse dicitur, ad investigandum Ugarthiloeum, magnæ apud dictum Regem

gem existimationis Deum. Pericula, quæ in navigationibus hisce occurrissè dicuntur, varias monstrorum formas, & mille dæmonum insultus referre piget. Adeo enim illæ rerum circumstantiæ fabulosæ sunt, ut non satis mirari queam, Saxonem virum alias doctum, tam absurdas relationes operi suo innectere voluisse. Et certè nihil nisi Poëtarum fabulas nobis scriptor iste hic exhibet. Legantur *Eddæ* Mythologiæ XXXVIII. & tres sequentes, de Thoris & Utgardalokii certaminibus; item LVII. quæ de Thoris ad Geirraudum itinere agit. *Thylenfes* (quo nomine Saxo hic, uti aliàs, Islandos vocat) hoc tempore in rerum naturâ non extitere, insulâ eorum incultâ adhuc jacente, quemadmodum nuper dictum est. Exeat igitur Danicorum collegio Regum Gormo, cujus historia in totum fabulosa est, & nomen ab insequentium Gormorum aliquo desumptum, fortè illo, qui Stulti cognomen gessit, & Knutum Exposititium adoptavit; de quo inferius plura dicentur.

Post Gormonem Gotricum filium regnassè Saxo tradit, quem & Godefridum alio nomine appellatum esse, ac cum Carolo Magno Francorum Rege inimicitias exercuisse perhibet: mirâ personarum, nominum, gestorum, temporum, ditionumque confusione. Gotrici historia extat, à nostratibus conscripta, ac Upsaliæ in Sveciâ cum Clariss. Verelii Notis anno MDCLXIII. edita; ubi ea, quæ Saxo de Gotrici in Refum (quem *Thylensem* seu Islandum vocat, errore è superioribus manifesto) liberalitate habet, eodem ferè modo occurrunt. Fuit autem Gotricus ille, non Daniæ, sed Vestro-Gothiæ Rex, aut verius Regulys, Carolo Magno seculis aliquot antiquior,

or, uti ex memoratæ historiæ contextu liquet. Cum Gotrico illo nihil commune habet Godefridus Daniæ Rex, memorati Caroli hostis. Sed neque is ad hæc tempora rectè à Saxone refertur, quippe qui circa annum Christi DCCC, vixit, ac itaque Ragnare Lodbroche tempore inferior erat, uti ex sequentibus manifestum fiet.

Gotrico vel Godefrido Olavum filium successisse Saxo perhibet; atque post eum ad sceptrum Danicæ Hemmingum pervenisse. Verum ex Francorum indubitatæ veritatis scriptoribus, eosque secuto *Adamo Bremense* constat, Godefrido immediate successisse Hemmingum; quâ ratione Olavus hic excluditur. Ceterum quemadmodum Godefridus infra Ragnarem Lodbrochem collocandus est, ita successori illius Hemmingo inferior adhuc locus debetur. Hemmingum cum Cæsare Ludovico (puta Pio, Caroli Magni filio) pacem iniisse Saxo scribit; quam non inter Hemmingum & Ludovicum, sed inter eum & Carolum Magnum conclusam esse ex melioris notæ scriptoribus certum est. Et sanè, res istas, quæ hujus ævi Danorum Regibus cum Imperatoribus Francicis fuerè, parum concinne Saxo tractat, ubi Godefridum Carolo Magno terrorem incussisse primò memorat, deinde Olavi Godefrido, ut vult, geniti successorem Hemmingum pacem cum Cæsare Ludovico composuisse ait, & tandem Gótrici, qui ei cum Godefrido idem est, pronepotem Ragnarem, post magnas res gestas, filiorum jamtum ad ultorum auxilio prædictum Imperatorem Carolum, imperii sui finibus immorantem, profligasse scribit; quæ quomodo cohæreant, nemo non videre potest.

Hactenus Reges illos, quos à pugnâ Bravallensi & Ringonis, qvi Haraldum Hilditannem illâ vicit, tempore, usque ad Syvardum Ringum, Ragnaris Lodbrochis patrem, in Dania rerum potitos esse Saxo perhibet, examinavimus, simulque monstravimus, nullos eorum ad hæc tempora pertinere, imò paucissimos ex iis inter Daniæ Reges rectè numerari. His itaqve loco motis Ringonem Haraldi Hilditannis victorem, quem pro genuino Daniæ Rege superius agnovimus, immediate excipit Syvardus Ringus, Ragnaris Lodbrochis genitor; idque rectè, cum bini hi Ringones vel Ringi unum eundemque hominem constituere debeant: Sigurdum nempe Hringum, qvi uti superius dictum est, post cæsuum prælio Bravallensi Haraldum Hilditannem Daniæ Rex factus est, & ex Alf hilde Gandalfi filiâ Ragnarem Lodbrochem genuit, qvi, Aslaugem, Sigurdi Fasnericidæ & Brynhildis Budlinæ filiam, uxorem postea duxit, & Daniæ regni habenas gloriose diu moderatus est.

CAPUT IX.

*Quo dictorum nonnulla illustrantur,
objectionesque quæ in contrarium adferri possunt
examinantur.*

Ex iis, quæ de Sigurdo Hringo, Sigurdo Fasnericidâ, Brynhilde Budlinâ, Gunnare & Hognio, Giukungis, sororeque illorum Gudrunâ Giukii filiâ, proximo Capite diximus, satis apparet, omnes illos eodem tempore vixisse. Nos libri hujus Capite II. Sigurdi Hringi, filiique ejus Ragnaris (qvi Sigurdi Fasnericidæ filiam Aslaugem in matrimonio habuit) ætatem in
se-

seculum à nato Christo VIII. retulimus, unde prædictum Fasnericidam, Brynhildem, ac Giucungos (i.e. Gunnarem & Hognium Giukii filios) iisdem temporibus vixisse statuendum erit. Nec Jormunrecus, si vera sunt, quæ ex *Ragnaris Lodbrochis historiâ* de eo nuper attulimus, supra hæc tempora exaltari potest. Etenim Svanhildis, quam is sibi deponfatam necari curavit, filia fuisse dicitur ejusdem Sigurdi Fasnericidæ, sororqve, sed natu minor, Aslaugis, quam in tenerrimâ adhuc ætate constitutam Ragnar Lodbroch secundis sibi nuptiis sociavit; quâ ratione, illa quæ circa Svanhildem & Jormunrecum acta esse perhibentur, regnante in Daniâ Ragnare, imò haut exiguo tempore rerum potito, accidisse oportet. Ceterum sunt nonnulla, quæ hic contra calculum nostrum & prædictorum hominum synchronismum adferri possunt. Et primò quod Jormunrecum attinet, ingentem scrupulum movet *Jornandes*, qui *Rer. Getic. Capite XXIII.* refert Ermanaricum Ostro-Gothorum Regem mulierem quandam, *Sanielh* nomine, ex gente Roxolanorum, pro mariti fraudulento discessu, equis ferocibus alligari, ac ea ratione divelli fecisse, fratresqve ejus *Sarum* & *Ammium* in illius rei vindictam Ermanaricum adortos eum graviter vulnerasse.

Hic sanè *Jornandes* eandem cum nostris historiam referre videtur: nam *Ermanaricus* & *Jormunrecus* (Saxo *Jarmericum* vocat) eadem planè sunt nomina; *Sanielh* à *Svanhildis* vocabulo parùm differt, nec magis *Sarus* à *Saurlii*, vel *Ammius* ab *Hamderie* nominibus abludunt; supplicii præterea genus idem fere *Jornandi* ac nostris memoratur, & fratres sororis necem in Rege ultos utriqve refe-

runt. Itaque si Svanhildis illa, à Jormunreco vel Ermanarico enecata, Sigurdi Fasnericidæ filia fuit, illius ætas non in sæculum VIII. uti nuper diximus, sed Quartum incidit; refert enim Jornandes Ermanaricum ex vulneribus per Sarum & Ammum accepto corporis ægritudinem contraxisse, cujus imbecillitatis occasione moti Hunni in Ostrogotos irruptionem fecerint, ipse verò Ermanaricus tam vulneris doloribus quam Hunnorum incursionibus mox succubuerit, vitæque finem fecerit, anno ætatis suæ centesimo decimo; quod circa annum Christi CCCLXXVI. accidisse ex *Orosio* discimus, qui dictam Hunnorum in Gothos expeditionem anno Valentis Imperatoris XIII. (id est Christi CCCLXXVI.) contigisse scribit.

Sed & plura sunt, quæ Sigurdum Fasnericidam sæculo Octavo antiquiorem fuisse innuunt. Genealogiam, quæ ab Odino Upsalensi quinque tantum gradibus removetur, *Floanorum historia* exhibet. Verba illius hæc sunt:

„ Sidan feck Halfdan Konungr Ragnhildar dottur Sigurdar Konungs Hiartar. Aslaug var modir Sigurdar Hiartar, dottir Sigurdar Orms i Auga, Ragnars sonar Lodbrokar. Modir Sigurdar Orms i Auga var Aslaug dottir Sigurdar Fafnisbana, Sigmundar sonar, Vaulfungs sonar, Rera sonar, Sigars sonar, Odins sonar er red fyrir Asgardi. Modir Aslaugar var Brynhilldr Budladottir.

„ *b. e.* postea (*i. e.* post prioris uxoris obitum) Halfdanus Rex (*Niger, Haraldus Pulchricomi pater*) in matrimonium accepit Ragnhildem filiam Sigurdi Cervi Regis. Mater Sigurdi Cervi erat Aslaugis, filia Sigurdi Angvioculi, filii Ragnaris Lodbrochis. Sigurdi Angvioculi

ma-

mater erat Aslaugis, filia Sigurdi Fathericidæ, filii „
Sigmundi, filii Vaulfungi, filii Rerii, filii Sigaris, filii „
Odini Asgardia Domini. Aslaugis mater erat Brynhil- „
dis Budlii filia.

Vixit seculo Sexto, Solvio Sveciæ Regi (de qvolibri hujus Caput II. Pag. 237. videatur) synchronus, Hroccus Niger, cujus carmina in *Halfi Regis vitâ* adhuc leguntur. Illis Hroccus Domini sui, memorati Halfi, ejusque militum laudes prolixè canit, ac interalia sic inquit:

Einn viſſa ek
iafnfniállan gram
Sigurd Konung
at ſolum Giuka. *b. e.*

Unicum novi Halfi militibus virtute parem Regem, Sigurdum nempe regem in palatijs Giukii. Sigurdum Fathericidam hîc indigitari indubium est, ut ea ratione Hrocco antiquior fuisse debeat.

Volundi, Aulrunæ Kiaris Vallandiæ Regis filia mariti, mentionem facit Oda quædam, libro, quem *Samundis Eddam* vulgò vocamus, comprehensa, ac *Volundarqvinda* dicta. Hunc ut ibi dicitur, Nidudus, Nericiæ Sveciæ Rex, (*Theodorici de Bernâ vita* Nidungum vocat, Jutiæque Regem facit) inventâ inter res ejus magnâ annulorum aureorum multitudine, compedibus impediri fecit, ac de surrepto sibi auro cum illo exposulavit. Verba, quibus ad Volundum loquens introducit, hæc sunt:

Kalladi nu Nidudr
Niára drottinn,
hvar gaztu Volundr
viſi Alſa
vara aura

Tt 3

i Ulf-

i Ulfðolom.

Gull var þar eigi
 á grana leido,
 fiarri hugða ec vort land
 fiollom Rinar. *b. c.*

*Quæsit tunc Nidudus, Nericiorum dominus: quomodo, tu
 Volunde, Alforum sapientissime, metallum nostrum Ulfðalis na-
 ctus es? Non ibi in Granii via aurum jacuit; & nostram
 regionem à Rbeni montibus remotam putavi. Nil certius
 est, quam sermonem hic esse de auro illo, quod Sigur-
 dus Fafnericida, occiso serpente Fafnere, nactus esse, &
 Granio, insignis præstantiæ eqvo, avexisse in Eddá &
 Ragnaris Lodbrochis vita perhibetur. At Aulruna, quan-
 tum ex veteribus genealogiis colligi potest, ante seculum
 VIII. vixit. Stemma illius Origines Norveg., tale exhibent.*

Nor, Norvegiæ Eponymus.

Raumus, Raumarikiæ eponymus.

Hringus, Hringarikiæ eponymus.

Halfdanus Grandævus.

Audius Vallandiæ (Galliæ partis) Rex, cujus poste-
 ri Audlingi dicti sunt.

Kaar (*rectius* Kiar).

Aulruna.

Tandem Theodorici de Berna vita in præfatione, Sigur-
 dum Fafnericidam, ceterosque, quos memorat ei coæ-
 vos heroas brevi post Constantini Magni tempora floru-
 isse disertis verbis ait.

Giucungorum nomen invariatur ferè occurrit apud
Paulum Diaconum Rer. Longobard. lib. I. Cap. XIII. ubi
 ita scribit: *Mortuis interea Ibor & Ayene Ducibus, qui Lon-
 gobar-*

*gobardos à Scandinavia eduxerant, & usque ad hæc temporarexerant, nolentes jam ultra Longobardi esse sub Ducibus, regem sibi ad ceterarum instar gentium statuerunt. Regnavit igitur super eos primus Agelmundus, filius Ayonis, ex prosapia ducens originem Gungincorum, quæ apud eos generosior habebatur. Nostri nullos Giucungos agnoscunt priores Gunnare & Hognio Giukii filiis, quorum sororem Gudrunam Sigurdus Fafuericida in matrimonio habuit: quos antiquissimis temporibus vixisse oportet, si ab iis Gungincorum nomen in posteros derivatum sit; nam Agelmundus, quem ex Gungincorum prosapia fuisse Paulus hic dicit, regnare cœpit anno Christi CCCLXXXIX, velut ex *Prospere Ariqvanici Chronico Calvisius* docet.*

Nunc ad objectiones hæcæ respondebimus, ordine retrogrado procedentes. *Giucungorum* vocabulum ancum *Gungincorum* nomine idem sit, nos in medio relinquimus. Et si vel maxime idem esse statuamus, id nostro calculo parum officit. Etenim Gungincorum stirps Giukium illum, unde nostrates Giucungos derivant, aliquot seculis præcedere potuit, licet id in historiis omissum sit; unde scriptoribus nostris hallucinandi occasio forte data est, familiæ originem ad posteriorem huncce Giukium referentium, quæ longe antiquiori heroi, illi cognomini, debebatur. Et plures in eadem familia Giukios fuisse apparet ex prologo in *Odam Godrunarqvada* inscriptam, quæ Sæmundi Eddâ continetur, ubi prædicti Hognii, Giucungorum unius, filius Giukius, avi nomen referens commemoratur. Sic in cognatâ Giucungis Budlungorum gente, quam libri hujus Cap. III. pag. 251, exhibuimus, bini occurrunt Budlii: unus Bryn-
hil-

hildis & Atlii pater, Giukio huic nostro coævus, & alter qui illius abavus erat. Quod si cui hæc responsio minus probetur, dici poterit, Gungincorum & Giucungorum nomina vocibus quidem concordare, sed diversis gentibus competere, non secus ac in *Audlingorum* & *Adelingorum* familiis factum videtur, quarum priorem nos ex *Originibus Norvegiæ* nuper attulimus, posteriorem (*Adelingorum* nempe) *Paulus Diaconus* lib. I. Cap. XXI. eumque, ut apparet, secutus *Gotfridus Viterbiensis* *Chronic.* Part. XVII. exhibent (in nonnullis Pauli editionibus *Lithingorum* perperam vocatur) quæ bina familiarum nomina, licet sono simillima, uni eidemque genti nemo tutò applicabit. Sic binas *Skioldungorum* familias à se invicem diversas, antiquitates suppeditant, nobis libri hujus Cap. III. pag. 245. superius memoratas. Harum prior vetustissimorum Daniæ Regum est, & à Skioldo Odini filio descendit: posterior à Skioldo Halfdani Grandævi nepote derivatur, quam *Origines Norveg.* ad Haraldi usque Pulchricomi tempora deducunt.

Quæ de Sigurdi Fafnericidæ ætate in *Theodorici Bernensis* vitâ habentur, nos nihil feriunt. Nam totum istud opus fabulam magis quam historiam sapit, ineptis relationibus ac antichronismis passim constans.

Nec gravioris fortè ponderis argumentum est, quod contra Sigurdi ætatem ex *Volundi Oda* attulimus. Etenim Odam illam fabulosâ relatione maximè constare cuivis legenti manifestum esse potest. Præterea auctorem illius ignoramus; quem tamen res, ante suum ævum, ut voluit, gestas, verbaque eorum qui, secundum eum, rebus illis interfuere, carminibus suis illigasse apparet. Unde suspi-

susplicari possumus, dictum auctorem, Sigurdo Fasnericidâ longe juniorem, illa de Sigurdo, ad majorem sermonis ornatum, de suo addidisse, Nidudoque applicuisse. Cujusmodi ornamenta scriptorum plurimi adhibere solent, iisque, quos loquentes introducunt, verba adscribere, non quæ dixisse eos noverunt, sed quæ oportune dicere potuisse illis visi sunt. Tandem certum non est Aulrunam illam, de quâ Vólundi Oda agit, eandem esse cum illâ, cujus stemma nuper attulimus. Neque enim in *Originibus Norvegicis* dicitur illam Volundo nupsisse. Et potuerunt quidem Kiaris & Aulrunæ nomina in Audlingorum familiâ ultra Sigurdi Fasnericidæ tempora continuari, atque à majoribus ad posteros derivari, licet eos qui post Aulrunam *Originibus Norvegiæ* memoratam vixerunt annotare vetustas neglexerit. Ita enim in Giucungorum & Budlungorum gentibus nepotes avorum nominibus insigniti occurrunt, uti antea dictum est; et vel hodie plurimi majorum suorum nomina gerunt.

Majorem difficultatem Hroki Nigri carmen parit. Sed metuo ne interpolatio aliquæ hic intervenerit, cum certum sit, Haldi Regis historiæ auctorem, qui nobis carmen istud servavit, Hroco seculis aliquot juniorem esse. Unde id solum chronologiam nostram evertere non posse arbitramur.

Genealogia, quam Floanorum historia exhibet, se ipsam evertit, ac itaque positioni nostræ nihil incommodi adfert. Haraldus Pulchricomus ibi nono gradu ab Odino distat; quod si cum aliis illius genealogiis libri hujus Capite I. adductis, conferatur, ingentem hujusce defectum abunde monstrat.

Ad Jormunrecum quod attinet, diffitendum non

est multa in Jornandis & nostrorum relationibus similia deprehendi; sed & sunt ibi vicissim nonnulla, quæ secum invicem parum conveniunt: veluti quod mulier illa Roxolanâ gente oriunda Jornandi, nobis vero in Germania nata esse dicitur. Jornandes ob discessum à marito enecatam innuit; nostri amoris in Jormunreki filium suspectam periisse tradunt. Præterea nostri Jormunrecum improlem obiisse volunt, cum Ermanarico Hunimundum filium supervixisse Jornandes Cap. XLVIII. asserat. Interea mens eò inclinât, ut nostratium Jormunrecum, non alium esse credamus, quam Jornandes Ermanaricum, ac itaque ea, quæ nostri de Svanhildis genere (nempe quod Sigurdi Fasnericidæ & Gudrunæ Giukinæ filia, Aslaugisqve, Ragnaris Lodbrochis uxoris, soror fuerit) referunt, falsa esse: imò istas rerum circumstantias pro effectis vel saltem incertis habendas, quæ cum Jornandis relatione hic non conveniunt, cum is illas, si veræ sint, magis quam alia de Ermanarico ignorare vix potuerit, & describere noluisse, à verisimili abluat: nostri autem narrationes suas non videantur haurire potuisse ex aliquo auctore, cujus fides Jornandi præponderare debeat. Quod si quis omnino credere velit Ermanarici vel Jormunreki uxorem Svanhildem (Sanielh) Sigurdi Fasnericidæ filiam fuisse, ei bini Sigurdi Fasnericidæ statuendi sunt, unus qui seculo VIII. vixerit, Sigurdo Hringo Daniæ Regi synchronus, & alter qui Ermanarico cœvus fuerit, quartoqve vixerit seculo; id quod prædicto Hroki Nigri carmini suppetias ferre possit, nisi *Giukii* ibidem mentio fieret. Vix enim fidem meretur, binos Fasnericidas, quatuor circiter seculis abinvicem distan-

distantes, soceros habuisse, quorum uterque Giukii nomen gesserit : licet simile quid apud *Vossium* de Orig. & Progress. Idololatriæ lib. I. Cap. XXVIII. habeatur, ubi in prima Ægypti Dynastiâ Menæ filius Athethis, & multis post sæculis ejusdem nominis patris filius, uterque genitoris in imperio successor occurrunt. Giucungos autem, Gunnarem & Hognium, Sigurdo Hringo coævus fuisse, ac una cum sororis marito Sigurdo Fafnericidâ contra eum pugnasse in *Nornagesli Vita* memoratur. Quod si quis ulterius Svanhildis sororem Ragnari Lodbrochi nupsisse velit, istum Ragnarem Ermanarico coævum fuisse oportet, diversumque omnino ab illo, qui Sigurdi Hringi filius fuit, & ex Aslauge Sigurdum Angvioculum illiusque fratres suscepit. Nos priores illos Sigurdum Fafnericidam & Ragnarem Lodbrochem admittere quidem non audemus; interea ex diligenti historiarum nostrarum lectione multos deprehendimus, qui diversis temporibus viventes eadem simul nomina & cognomina gesserunt; quorum nonnullos hic annotabimus. Audures Profundè Divites binæ occurrunt, una Ivaris Vidfadmii filia, Haraldî Hilditannis Daniæ Regis mater: altera Ketillis Flatnesi (i. e. Simi) Hæbudarum Principis filia, inter primos Islandiæ incolas numeratur. Haurdaknuti in Dania duo regnarunt; prior, Sigurdi Angvioculi filius, Gormi Grandævi Daniæ Regis pater fuit: posterior Knuto Magno genitus, cui Magnus Bonus, Norvegiæ Rex, in sceptrâ Danica successit. Geirstada-Alfi, vel Alfi Geirstadenses, duo occurrunt, duo itidem Halfdani Nigri; priores Haraldî Puchricomi pater & patruus fuere; posteriores dictus Haraldus progenuit.

genuit. Hræreco Slaungvanbaugio natus est Haraldus Hilditann, qui rursus alterum Hrærecum Slaungvanbaugium genuit, *Originum Island. libro* in australis quadrantis descriptione memoratum. Vedra-Grimi seu Grimi Ventosi duo extant; alter Biorni Bunæ pater, Ketillis Flatnesi, seu Simi, avus: alter pater Kolli, qui postea Dala-Kollus dictus est, ac inter primos Islandiæ cultores gentisque illius conditores præcipuus numeratur. Ketillem Thrymum, quarto à Nore gradu descendentem, *Origines Norvegiæ* exhibent; alter ei cognominis inter primos orientalis Islandiæ incolas cernitur. Thorleifi cognomento Spakii, seu Sapientes, in unâ familia duo extitere: prior Haurda-Karii filius, tempore Halfdani Nigri & Haraldi Pulchricomi, posterior Haconi Diviti, Hladensi Comiti, Olafø Tryggvino & Eirico Comiti cœvus vixit. Sigurdum Biodaskallium *Originum Islandiæ liber* exhibet, cujus pater Eiricus Steinare de Canibus, Duce Anglico, & Olufâ Ragnaris Lódbrochis Daniæ Regis filiâ natus est: alter Sigurdus Biodaskallius filius erat Augmundi Akraspilleris, seu Satorum Corruptoris, Thoreris Haleggi (i. e. Altipedis) nepos, Anisqve Bogfveigeris (i. e. arcuum tensoris) pronepos. Haraldi Granskii duo fuerunt; prior Haraldi Pulchricomi proavus, pater nempe Asæ Imperiosæ, quæ Halfdanum Nigrum, Pulchricomi patrem, peperit: posterior Sancti Olafi, Norvegiæ Regis pater. Gudrodi Liomii (i. e. Splendores) duo itidem occurrunt; unus Haraldi Pulchricomi filius, qui ad fyrtes Jadrenses in Norvegia naufragio periit: alter ejusdem Pulchricomi avus, alio cognomine Venator dictus, in Appendice autem ad *Originum*

ginum Island. librum Liomii cognomento insignitus, Bionos Ferrei lateris binos habemus; unum Ragnare Lodbroche genitum, alterum Haraldi Kesiæ filium, Eirici Boni Daniæ Regis nepotem, *Knytlingorum historia* memoratum. Thorolfi Mostrarskeggii, vel Mostrobarbi, bini extant; alter Islandiæ primitus occupatæ incolæ, alter miles Haraldi Imperiosi Norvegiæ Regis in pugna cum Svenno Estridio in Hallandia ad Nizam fluvium confertâ. Thorgilfès Giallandii duo occurrunt, alter Audunis Skokulis comes, alter Thorolfi Kveldulfi filii œconomus, unâ cum illo occisus. Gunnlaugus Ormstunga Illugii Nigri, Gilsbackensis in Islandia prædii incolæ, avus maternus erat: alter Gunnlaugus Ormstunga eodem Illugio genitus est, cujus vita à nostratibus in literas relata est. Skallagrimi Kveldulfi filii, insignis athletæ, Haraldoque Pulchricomo inimicissimi, nomen pariter & cognomen retulit Skallagrimus, Audunis cujusdâ Islandi filius, qui anno Christi MCCCCLIII. in fata concessit. Plura adducere exempla superfluum erit; Satis enim hinc apparet veteres liberis suis tam majorum suorum, quam aliorum insignium virorum & nomina & cognomina haut infrequenter indidisse. Sed nunc ad Ragnarem Lodbrochem nos convertamus.

CAPUT X.

*De Ragnare Lodbroche, Sigurdi**Hringi filio.*

Sigurdo Hringo, Daniæ Regi, Ragnarem Lodbrochem in regno successisse nostrates constanter tradunt,

dunt, & Saxonem hac in re consentientem sibi habent. Ejus vita extat, à nostratibus vernaculo idiomate conscripta, comprehensaque libro, quem nonnulli *Volsungorum historiam* appellant, nos vero sub *Ragnaris Lodbrochis Vita* nomine sæpius in hoc nostro opere allegamus. Summa rerum, quæ de eo inibi referuntur, hæc est.

Sigurdi Hringi, Daniæ Regis, qui Haraldum Hilditannem in campis Bravallinis acie vicit, filius fuit Ragnar; qui cum per ætatem liceret, piraticis exercitiis incumbere cœpit. Iisdem temporibus Gothiam Herraudus Comes rexit, cui filia erat nomine Thora, cognomine Borgarhiortis dicta. Ei pater Herraudus aliquando limacem dederat, qui pedetentim crescens, ad tantam magnitudinem tandem pervenit, ut universum virginis palatium circumflexu suo ambiret, integrumque bovem unâ cœna devoraret. Thorâ itaque hoc monstro circumdatâ pater divulgari fecit, se ei illam in matrimonium daturum, qui horrendum istum palatii custodem amoveret. Ragnar, hoc audito, villosas sibi vestes fieri curavit, quas pice illitas ad solem deinde indurari fecit. Hinc in Gothiam transiens, dicto amictu vestitus serpenti se obtulit, eumque interfecit; quo facinore virginis nuptias Lodbrochisque (id est hirsutæ braccæ) cognomen promeruit. Duos ex Thorâ Ragnar filios suscepit, Eiricum & Agnarem, (*Originum Islandiæ liber Olufatn* filiam adjicit). Postea dictâ uxore orbatus; dum in remedium luctus ad piraticam familiare sibi olim exercitium rediret, classem fortè supra promontorium Norvegiæ Lidandisnéfiam (hodie *Lindisnes*) propè Spangareidam in statione collocavit: ubi in inusitata forma

mæ virginem, Kracam dictam, sed extremæ paupertatis, capris ovibusque pascendis adhibitam incidit; quæ deinde domum devexit, sibi que conjugio sociavit. Exinde, postquam ex illa filios Ivarem (qui quod ossium vires cartilago continua per universam corporis compagem suppleret, Exos dictus est) Biornum Ferrei lateris, Hvitsercum & Rognvaldum progenerasset, eam tanquam ob generis vilitatem Regiis amplexibus indignam, fastidire cœpit. Nec multum abfuit, quin repudiâtâ illâ Eysteini Sveciæ Regis filiam Ingibiorgem uxorem duxisset, cum illa genus suum, quod unâ cum genuino nomine certo consilio eatenus celaverat, proderet: nempe se Regio stemmate fatam esse, patre scilicet Sigurdo Fafnericidâ, celeberrimo nuper heroe, matre Brynhilde Budlinâ, Saxoniarum Regis filiâ; veroque se nomine Aslaugem vocari. Addidit serpentis imaginem in oculis partus quem utero ferret (gravida enim erat) apparituram, generis evidens argumentum, stemmatisque à Sigurdo, Fafneris serpentis occifore, derivati indubium testimonium. Mox filium serpentis imaginem oculis circumferentem enixa dictis fidem fecit. Sigurdi nomen puero inditum, qui postea mortuo patre Daniam insularem, Scaniam & Hallandiam hæreditate obtinuit, atque ab oculorum colore Angvioculus vulgo cognominatur. Itaque Ragnar præfenti conjugæ, cujus nobilitas illi nunc perspecta fuit, contentus, quæ de matrimonio cum Ingibiorge Svecicâ ineundo proposuerat, animo penitus excussit; unde Eysteinus se filiamque contemni arbitratus, irâ in Ragnarem exarsit. Interea Ragnar filii, militaris gloriæ avidi, piraticam exercere cœperunt. Aslau-

laugis filii unâ ibant, excepto Sigurdo, qui adhuc puera-
pud matrem domi mansit. Sed prima eorum expeditio
Rognvaldo fatalis fuit, qui in expugnatione urbis cujus-
dam interfectus est. Thoræ filii Eysteino Sveciæ Regi, pa-
tri nunc inimico, bellum intulerunt, quo Agnar occubuit,
Eiricus vero captus ac postea Eysteini jussu occisus est.
Mox ad eorum cædem ulciscendam, Ivar ejusque fra-
tres uterini in Sveciam irruunt, Eysteinumque Regem,
cum exercitu sibi occurrentem, occidunt. Hinc in
Germaniam arma vertunt, eamque vicendo latè percur-
santes obvia quævis occupant. Tandem Wifilsbur-
gum veniunt (Helvetiæ urbs est, ad Murthanum lacum
sitâ; veteres Aventicum dixere) cujus incolæ, strenuè
sefe diu defendebant. Ad ultimum vero Lodbrochidæ
(Ragnaris filios sic nominare libet) urbe potiuntur, e-
amque, civibus trucidatis, solo æqvant. Inde ulteri-
us progressi Lunam urbem occupant, quam in Germa-
nia sitam historiæ hujus auctor credidisse videtur: nos
Hetruriæ oppidum ad Macræ fluvii ostium situm indigi-
tari arbitramur. Heic, dum Romam recto itinere per-
gere atque ex nobilis urbis expugnatione gloriam acqui-
rere meditabantur, senex quidam eos fortè accessit, qui
varias sese terras peragrasse ac itaque locorum viarum-
que non leviter gnarum esse jactavit. Hunc Lodbro-
chidæ interrogarunt, quantum itineris Romam adhuc
restaret? cumque is urbem Lunâ longissimè distare in-
nueret, hi viarum ignari tam laborioso, ut existimarunt,
itineri se committere nolentes consilium mutarunt, & ad
ea, quæ à tergo fortè vincenda restabant, se converte-
runt; tandemque victoriæ gloriâ pleni domum redie-
runt.

runt. Interea Ragnar, filiorum famâ ad æmulationem accensus, duas ingentis magnitudinis naves fieri curavit, iisque, ut filiorum gloriam transcenderet, Angliam invadere, totamque non majoribus copiis sibi subicere paravit. Aslaug cognito illius proposito consilium istud valde dissuasit, pulvinos maris vadosaque breviter litoribus Anglicanis prætexta, tantæ molis navigiis periculosa commemorans, rectiusque facturum monuit, si sparsis per longarum navium copias exercitu fortunam maris experiretur: neque enim minores impensas in tam machinosa navigia, quam justas longarum classes requiri. Ragnar expeditionem hanc verè gloriosam fore regeffit; nec enim exemplo notum esse, tam vastum validumque regnum exiguis adeò copiis antea superatum unquam esse. Cum itaque dimoveri à sententia nequireret, Aslaug ei interulam dedit ferro infecabilem. Mox binæ istæ naves in altum deducuntur, Angliæque Ragnar advehitur; sed infelicitè. Etenim navis utraque brevibus illis periiit; milites tamen cum armis suis incolumes evaserunt, quibus mox Ragnar castella Angliæ vicosque invadit. Ella tunc regio titulo potestateque Angliæ præfuit, qui collecto mox exercitu, tam numeroso, ut copias Ragnaris longe superaret, hosti extraneo obviam processit. Mox pugna confertur; cui Ragnar casside tantum interulamque, dono conjugis, loco lorice munitus se immiscuit, ac strenue procedens quocumque se vertebat, magnam stragem fecit; ipse adversus omnes ictus obfirmatus. Ad ultimum copiis funditus deletis, orbe clypeorum admoto, ictuum inferendum oportunitate frustratus capitur; cumque quis esse

profiteri nollet, in carcerem viperis confpersum detruditur, subornato, qui è latebris singula circa illum notaret, Regique nunciaret. Cum autem magici illius vestimenti genio absterriti colubri ipsum non adorirentur, mandante Rege nudatur, quo facto ii pectus & intestina strenue dilaniarunt. Notata vox est, quam primò solutâ, mox etiam metro inclusa oratione extulit, quâ grunituros porcellos dixit, si statum verris cognoscerent; addens se semel & quinqvages cum hoste iusto prælio certasse, ac præter spem in hanc calamitatem incidisse. (Carmen illud exequiale, quod in fine vitæ ejus extat, atque ad calcem Literaturæ Runicæ *Wormii* explicatum habetur, ipsum in illa coporis sui lanienâ composuisse, sunt qui credant; quod tamen fidem superat. Et uxorem illius Aslaugem, quæ & ipsa inter insignes poetas numeratur, id pepegisse, vel ipsa inscriptio docet: appellatur enim *Kraku mal*, de nomine quo infimæ sorti damnata olim gesserat). Filii deinde, publicato per internuncios tristi parentis fato, ultionem accelerantes classem in Angliam dirigunt. Mox cum Ellâ Rege configunt, Marteque inferiores, clade damnoque tantum nobilitati domum revertunt. Solus Ivar in hostili terra remansit, doloque hostem aggressus, pacem cum eo fecit: in compensationem paternæ cædis tantum arvi pactus, quantum taurino posset circumdare tergo. Corio deinde emollito expansoque, ac in tenuissimas corrigias dissecto, ingentem aream complexus, locum urbi delegit, quam Londinum appellavit. Securitati autem Regis pro se juramento cavit, neque arma se illi illaturum, nec inferentium partibus accessurum. Urbe deinde
ex-

exstructâ, in intimam Regis gratiam admissionemque se insinuavit, ita ut non tantum consiliis secretioribus, sed etiam multis regiæ administrationis partibus admoveretur; quas tanta dexteritate obivit, ut procerum omnium studia, imprimis Regis affectum, in se converteret. Nam & profusa largitione aliorum indigentiam sublevavit, aliorum opes auxit, aliorum avaritiam irritavit, alios locupletavit, donec omnes sibi obnoxios reddidisset. Hinc potentiores Anglorum clam sollicitare cepit, quorum plures sponponderunt, si vel ipse, vel fratres ejus arma in Regem moverent, se nil auxiliû Regi laturos. Deinde in Daniam ad fratres nuncios misit, qui eos monerent, adesse nunc tempus vindictæ de paterna cæde exequendæ idoneum. Illi cum classe militibusque, totâ Dania Gothiaque & ceteris regnis, quibus præfuerant, excitis, quam primum licuit, in Angliam transierunt. Quo Ella audito copias colligere cepit, sed pauci admodum operam suam ad propulsandos hostes ei addixerunt, Ivaris pecuniâ corrupti. Ella itaque Ivarem pacis ineundæ causâ ad fratres mittit, qui sponte in Regem exasperatos magis adhuc accendit, atque ad Ellam reversus, non per se sterisse ait, quominus pacis condiciones admiserint, ferociores esse, quam ut sisti se patiantur. Prælium itaque committitur, quo regis copię, numero longè inferiores, profligantur, ipse Rex capitur, supplicioque figuratæ in dorso aquilæ, Ivaris jussu perimitur. Post mortem Ellæ Ivâr Angliæ dominium invasit, eamque quamdiu vixit imperio tenuit, morboque tandem decessit. Fratres illius Hvitfercus, Biornus & Sigurdus domum rediere, atque deinde per varias terras arma circum-

ferentes, gloriam nominis sui famamque latè propagârunt. De Hvítserco memoratur qvòd aliquando in orientem (Russiam credo) provectus, confluxu multitudinis inferior vivus in hostium manus pervenerit, cædiqve destinatus tale sibi mortis genus elegerit, ut ex capitibus humanis exstructo rogo ipse vivus imponeretur, qvòd & impetravit. Sigurdo Angvioculo Haraldum Pulchrìcomum, primum Norvegiæ Monarcham, ortum esse auctor hicce dicit :cujus genealogiæ seriem nos libri hujus Cap.I. pag: 214. superius posuimus. Atq; hæc sunt quæ ex Ragnaris historiâ summatim hic excerpere visum est.

Proximum locum merentur illa, quæ de Ragnare *Saxo* libro IX. suppeditat, cujus relationis compendium hoc est : Gotricus Daniæ Rex, Caroli Magni hostis, duos nepotes reliquit, Syvardum cogmento Ringum ex filiâ, Syvardo Norvegiæ Duci, alibi Regi, elocatâ, qui Scaniæ Sialandiæqve præfuit; atqve ex altera prole, (filione an filiâ non additur) Ringonem Jutiæ Regem. Hi bello inter se confligentes ad internecionem dimicârunt, Ringone in acie, Syvardo ex vulneribus occumbente. Syvardo vivo Sialandi filium ejus Regnerum admodum puerum, Regis nomine censuerunt, qui deinde, patre patrisqve consobrino mortuis, totius Daniæ imperium adeptus est. Regnerus primò Fró Sveciæ Regem, qui Syvardum, paternum illius avum, neci dederat, interfecit; mox Lathgertham, illustri inter Norvegos loco natam peritamqve bellandi sæminam, matrimonio sibi junxit, susceptoqve ex illâ filio Fridlevo triennium feriatum est. Interea Juti Scaniqve, desperato Regneri reditu, defectionem moliti sunt, quos tamen ille

ille rediens mox iterum domuit ; nec multò post Lathgerthæ conjugii repudium misit. Sveciam hoc tempore Herothus Rex rexit, qui repertos forte in venatione binos serpentes filiæ Thoræ enutriendos inconsumptè dederat. Noxia enim ista animalia non solum ad tantam voracitatem pervenere, ut integrum bovis cadaver quotidie absumerent, sed & pestilenti halitu vicinum aërem tandem infecerunt. Herothus itaque facti poenitentiam ductus, potiturum filiâ, qui pestem amoveret, edixit. Regnerus hoc audito in Sveciam trajecit, sumtis secum villosis femoralibus laneoque sagulo. Antequam vero cum venenato hoste congrediretur, vestes aquæ immersit, geluque (bruma erat) constringi fecit. Hinc Regiam armatus accessit, quem serpentes protinus invasere, virusque in eum certatim evomuerunt, enecassentque, ni rigens gelu vestis à vi veneni corpus protexisset. Tandem utroque serpente occiso, Herothus ei Thoram filiam dedit, atque à villosis illis braccis *Lothbrog* cognominavit. Regneri & Thoræ filii erant Rathbarthus, Dunvattus, Syvardus, Biornus, Agnerus & Ivarus. Succedente tempore Juti & Scani defectionem iterantes, Haraldum quendam sibi Regem præposuere, quem Regnerus Norvegorum, & repudiata præsertim uxoris Lathgerthæ auxiliis fugavit. Eo prælio filius ejus Syvardus grave vulnus accepit, quem Rostarus quidam sanitati restituit, ac pupillas ejus pulvere aspersit ; unde in oculis ejus exortæ maculæ, vermiculorum speciem referentes, *serpentine oculi* cognomen illi dedere. Interea Thora moritur. Regnerus ut contractam ex conjugis obitu animi ægritudinem dispelleret, pi-

raticis sese exercitiis addixit. Primò Britanniam adortus Regem illius terræ Hamam (alias Hamonem) Hellæ nobilissimi juvenis patrem, occidit. Inde Scotiam, Petiam, Australesque insulas (Hæbudas intellige) subegit, dictasque terras, rectoribus vacuas, Syvardo & Rathbartho filiis regendas commisit. Nec minus Norvegiæ Orcadesque Fridlevo filio suo parere coëgit. Inde Haraldum prædictum, cum Danorum nonnullis iterum rebellantem, denuò devicit, atque in Germaniam fugere compulit. Supplicio deinde deperduellibus sumto, Saxoniam, quod Haraldo complicibusque asyli instar esset, vocatis in auxilium filiis, invasit, Carolum (Francorum Regem, vulgò Magnum) istis in locis tunc morantem, in fugam egit, Saxonibusque tributum imposuit. Dehinc ad artes amatorias digressus, Svanlogam quamdam matrimonio junxit, atque ex eâ Regnaldum, Witsercum & Ericum progeniuit. Interea Herothus Sveciæ Rex moritur, post quem Sorlus sceptrum invadit. Hoc comperto Regnerus, Biorno, Fridlevo ac Rathbartho filiis comitatus, in Sveciam cum exercitu transit, occisoque Sorlo Biornum regno præfecit; qui quod è pugnâ incolumis evasisset, *Ferrei Lateris* cognomen postea usurpavit. Regnerus exinde ex obscuri generis fæmina Ubbonem procreavit. Posthæc expeditione in Helleponticos (Livones forte intelliguntur) factâ, Regem eorum Dian, variis contusum bellis perdomuit, atque ad ultimum extinxit. Filios quoque ejus Dian & Daxon, Rutenorum Regis generos, qui paternæ necis vindictam moliebantur, prælio devicit, Scythasque Daxoni amicos eodem conflictu obtrevit, & Witsercu diti-

ones

ones istas regendas commisit. Rutenorum Rex viribus suis diffusus Regnerianorum armorum vim fugâ declinavit. Quinquennio circiter bellis hisce infumto, Regnerus in Biarmos, devictos nuper, sed obsequio exire parantes, arma vertit. Qui ad magicas conversi artes magnam exercitui illius cladem intulere; unde retrocedere coactus, Curorum Semborumque regionem accessit, ibique exercitum parumper refecit. Mox Biarthus iterum aggreditur, quorum Rex subitâ hostium irruptione territus ad Matullum Finnorum Regem perfugit. Ambo itaque conjunctis viribus in Regnerum movent, qui prælio secum congressos superavit, Biarmorum Rege occiso, Finnorum vero in fugam acto. Interea Ubbo Regneri filius Sveciam paterno obsequio subducere sibi que asserere tentavit, sed infelici nisu; mox enim à patre superatus captusque, ægrè tandem delicti veniam impetravit. Dum hæc aguntur, Daxon antememoratus, Witsercum, qui patri illius Diani in Hellepontico regno successerat, (Sveciæ præfuisse Saxo hic dicit: sed perperam, uti ex antecedentibus apparet; Livonia forte, uti prius dictum, intelligi debet) fraudulentè superatum occidit, regnumque illius occupavit. Hoc audito Regnerus classem paravit, quâ in Russiam transvectus, Daxonem invasit protinusque cepit; at mox annua tributa suppliciter stipulantem, è custodiâ dimisit, patriæque reddidit ac præfecit. Hinc classem iterum ingressus, solutâque Russiæ orâ, Sveciam petiit, cui Ericum filium præfecit. *Ventosi pilei* cognomine celebren. Regnero his rebus occupato, filiisque illius Syvardo & Fridlevo paterna castra sequentibus; Norvegi Scotique re-

bel-

bellandi occasionem nacti, alios sibi Reges sumfere. Quo comperto Regnerus primò in Norvegos expeditionem movit, iisque Biornum filium, sublato regni usurpatore, rectorem præposuit. Deinde, Orcades insulas adnavigans illas populatur. Hinc Scotiæ advectus, cum Muriale, Regis nomen ibi usurpante, triduo pugnavit, eumque tandem occidit; sed vicissim Dunvatum & Rathbarthum filios hic amisit. Inde in Daniam rediens Svanlogam uxorem mortuam deprehendit. Nec multo post ex Angliâ Ivarus filius ad eum venit, quem regno illi præfectum Angli expulerant, ascito in illius locum Hellâ, Hamæ (vel Hamonis) à Regnero olim occisi filio. Itaque ut Ivarum in regnum restitueret, Angliam classe petiit, Hellamque Gallicanis auxiliis fultum post tridui pugnam tandem vicit, ac extra regnum fugere compulit. Cumque in Angliâ annum victor exegisset, arma in Hiberniam transtulit, occisoque insulæ Rege Melbrico, per integrum annum Dublini commoratus est. Hinc trajecto oceano per fretum, quod vulgo Herculeum dicitur, mediterraneum mare intravit, atque ad Hellespontum usque navibus permeans, litorea regna sine suorum clade passim vastavit, indeque retrocedens salvis rebus in Daniam pervenit. Ceterum Regnero expeditionibus hisce occupato, memoratus antea Haraldus regnum illius invasit, Danorumque nonnullorum auxiliis fretus, Regium nomen sibi sumsit. Sed Regnerus ab Hellesponto redux, eum statim adortus, tertiâ vice fudit, atque in Germaniam denuò se recipere compulit. Haraldus itaque Ludovicum (Pium Caroli Magni filium) Moguntiaë tunc constitutum, accessit, auxiliumque illius imploravit.

vit. Cui Ludovicus opem se laturum promisit, si relictis gentilitatis erroribus Christo nomen dare vellet. Accepit conditionem Haraldus sacrâque sese ablui fecit undâ. Mox à Ludovico discessit, Saxonis roboratus auxiliis; nec multo post Slesvicense territorium cum copiis ingressus Christianam religionem propagare cœpit, ædemque sacram suis impensis extruxit, dirutis passim ethnicorum delubris. Hæc agenti Regnerus supervenit; cui se viribus imparem cernens Haraldus, fugâ salutem quæsit, abjectâque postea Christianâ religione, quem à teneris inbiberat paganismum recoluit. Regnerus vero allata per Haraldum Christianorum sacra proscript, eorumque loco pristinam gentilium religionem restituit. Dum hæc aguntur, Hella (quem à Regnero Angliâ exturbatum fuisse superius dictum est) Hiberniam invadens, Regneri partibus addictos ferro supplicisqve mulctat. Quem Regnerus classe adortus post infelicem pugnam ipse capitur, atque in carcerem conjectus serpentibus lacerandus objicitur. Cujus adeo jecnore, cum cor ipsum coluber obsideret, operum suorum cursum animosâ voce recensuit, hanc adjiciens clausulam: si fuculæ verris supplicium scirent, haud dubiè, irruptis haris, afflictum absolvere properarent; atque hoc dicto non minus fortiter quam calamitosè expiravit. Regneri filii, de paternâ nece certiores facti, ultionem anhelarunt. Ivarus astu rem peragere consultum duxit. Itaque Hellam adiens, pacem amicitiamque ei obtulit, spatium arvi, quantum eqvino tergo complecti posset, in sequestre pacis pignus exposulans. Annuit petitis Hella; Ivarus vero corio in subtilissimas corrigias

scisso, habilem exædificandæ urbi agrum occupavit, urbemque condidit, ac com meatibus replevit. Hoc factò Syvardus & Biornus cum qvadringentarum navium classe superveniunt, bellumque Hellæ inferunt. Quo comprehensus in hostium potestatem vivus pervenit. Itaque Regneri filii dorso illius plagam aquilam figurantem infligi, scissasque ab invicem carnes sale aspergi curarunt, atque ita patris occisorem per cruciatus enecarunt. Peremto Hellâ Syvardus & Biornus regna sua repetiere; Ivarus vero Angliam biennio rexit. Exinde vero Danorum rebellione revocatus, post compressos perduelles in Daniâ resedit, Agnerus vero, Regneri filius, Angliæ dominatum obtinuit.


Expositis hæcenus iis quæ nostrorum relationibus partim convenientia, partim dissimilia de Ragnare Lodbroche Saxo retulit, locus postulare videtur, ut in chronotaxæ nostræ stabilimentum progeniem ejus hic subjungamus, eamque ad notiora nobis tempora deducamus.

Hæc primam sese Olufa offert, quam ex Thorâ, Herraudi Gothiæ Comitæ filiâ, Ragnarem suscepisse superius diximus. Olufa. (uti ex *Landnama* & *Olafi Tryggvini Vita* discimus) Steinaride Canibus, Duci Anglico, nupsit, eique binos filios, Eiricum & Biornum peperit, Eiricus Sigurdum genuit, cognomento Biodaskallium, patrem Vikinga-Karii, cujus filius Eiricus de Ofstrutadis Astridem genuit, matrem Olafi Tryggvini, Norvegiæ Regis, qui in flore ætatis anno Christi millesimo regnum amisit. Biornus, Olufæ & Steinaris filiorum alter, Audunum Skokulem genuit, Islandiæ postea incolam, cujus filia Thora Hallum peperit: Hallo nata est Ulphil-

dis

dis, mater Astæ, cujus filius Olafus Rex Norvegiæ, vulgo Sanctus, anno Christi MXXX. occisus est. Genealogia, quæ sequitur, singula melius ob oculos ponet.

Ragnar Lodbroch — Thora Borgarhiortis.



S. Olafus Rex Norv. anno 1030.

Aslaug, secunda Ragnaris Lodbrochis uxor, Biornum Ferrei Lateris & Sigurdum Angvioculum ei peperit, prout superius dictum est. Ex Biorno Sveciæ Reges procreati sunt, & duo procures inter Islandiæ aborigines primarii, Tordus de Hofdio & Slettu Biornus. Sveciæ Regum stemma prius persequar: cumque in eo recensendo monumenta nostra varient, diversas eorum

traditiones primò exponam , ac deinde qvomodo singula conciliari possint. *Herboris Historia* curâ Verelii apud Svecos impressa, hac de re ita loqvitur: Epter dauda
 „ Ragnars Kongs tok Biorn sonur hans Jarnsida Svia-
 „ velldi. - - Syner Biarnar Jarnsidu voru þeir Eiríkur oc
 „ Refill, hann var herkongur oc sækongur. enn Eiri-
 „ kur Kongur riedi Sviaríki epter faður sinn. oc lifdi
 „ litla hrid. þa tok ríkid son Refils Eiríkur ad nafni.
 „ hann var mikill hermadur oc allríkr Kongur. Biar-
 „ nar syner voru þeir Eiríkur Upsali oc Biorn Kongur.
 „ þa kom Sviaríki enn i brædra skipti: þeir toku ríked
 „ epter Eirík Refils (son). Biorn Kongur esdi þann bæ-
 „ er ad Haugi hiet, hann var kalladur Biorn ad Haugi.
 „ med honom var Bragi Skald. Eiríkur hiet son Amun-
 „ dar Kongs, er ríki tok epter faður sinn ad Upsolum.
 „ hann var ríkur Kongur. A hans dogum hófst til ríkis
 „ Haraldr Kongr Harfagre i Norege er fyrstur kom
 „ einvalldskongr i Norege sinna ættmanna. *id est*: Post
 „ mortem Ragnaris Regis (*Lodbrochis*) Biornus Ferreum
 „ Latus Sveciam regendam accepit. Filii Biorni Ferrei
 „ Lateris erant Eiricus & Refill; & hic quidem exerci-
 „ tus marisque Rex fuit, Eiricus vero Sveciam post pa-
 „ trem suum rexit, & brevi tempore vixit. Tunc reg-
 „ num adiit filius Refilis nomine Eiricus; qvi strenuus
 „ Dux & potens Rex erat. Biorni filii fuerunt Eiricus
 „ Upsalius & Biornus Rex: tunc regnum Sveciæ denuo
 „ inter fratres divisum est. Illi regnum acceperunt post
 „ Eiricum Refilis filium. Biornus Rex amplificavit
 „ villam, qvæ Haugr (i. e. *Collis*) appellata est; unde Bior-
 „ nus de Colle dicebatur. Apud ipsum Bragi Poëta
 com-

commorabatur. Eiricus Amundi Regis filius nomine fuit, qui regnum Upsalis adiit post patrem suum. Hic fuit potens Rex. In diebus illius coepit regnare in Norvegiâ Haraldus Pulchricomus, qui suæ stirpis hominum primus monarchiam in Norvegiâ condidit. Hactenus Svecica editio. Aliud *Hervoriana historia* exemplar, manu exaratum, nobis communicavit memoratus antea Arnas Magnæus, idque Bryniolfi Svenonii, Episcopi Scalholtensis olim fuisse dixit. (idem illud est, quod libri hujus Capite VIII. non procul ab initio allegavimus). Dictum exemplar ia pluribus ab editione Svecicâ hoc loco discrepat, quæ omnia diligentissimè annotare, operæ pretium non ducimus, cum plurima eorum minoris sint momenti. Id saltem mentionem hic meretur, quod ubi in Svecicâ editione legitur: *Eiríkur bjet son Amundar Kongs.* id est: *Eiricus Amundi Regis filius nomine fuit.* prædictum Bryniolfi exemplar habeat: *Aunundr k. bjet son Eireks Kongs.* hoc est: *Aunundus Rex nomine fuit filius Eirici Regis.* Extant in vetusto codice pergameno Bibliothecæ Resenianæ, item alio pervetusto qui in sæpe dicti Arnæ Magnæi musæo asservatur, Septentrionis principum series (*Langfedgatal* vulgo vocamus) quarum nonnullas libri hujus Cap. I. superius adduximus. Ex dictis seriebus ad hunc locum pertinet Catalogus Sveciæ Regum qui Ragnarem Lodbrochem immediatè secuti sunt. Est autem hujusmodi:

Ragnarr Lodbrok,
 Biörn Jarnsida.
 Eiríkr Biarnarson.

Eiríkr Refilsfón.
 Emundr oc Biorn at Haugi
 Eiríkr Emundar fón.
 Biorn fón hans.
 Eiríkr Sigrfæli oc Olaf
 Olaf Sænski. *id est:*

Ragnar Lodbroch.
Biornus Ferrei Lateris.
Eiricus Biorni filius.
Eiricus Reflis filius.
Emundus & Biornus de Colle.
Eiricus Emundi filius.
Biornus filius illius.
Eiricus Victoriosus & Olafus.
Olafus Svecus.

Tandem *Verelius* in Notis ad Histor. Hervor. Cap. XX. ex
 editionis suæ textu sequentem genealogiam format:

Ragnar Lodbrok.

Biornus Ferreum Latus.

Eiricus Rex Svec.

Refill.

Biornus.

Eiricus R. Svec.

Eiricus Biornus de
 Rex Svec. Colle R. Svec.

Emundus vel Amundus Rex Svec.

Eiricus Rex Sveciæ.

Biornus Rex Sveciæ.

Eiricus Victoriosus R. Svec.

Olafus.

Olafus Skautkonungus Rex Sve-
 ciæ, alio cognomine *Svecus*.

Strybiornus.

Nunc

Nunc singula examinabimus, obscurioraque, quantum in nobis est, enucleabimus. Primò de Biorno Ferreo Latere ex *Langfedgatal* & *Histor. Hervoriana* satis constat, quod in Sveciæ regno patri Ragnari successerit, nec non quod Eiricum regni hæredem genuerit. Eirici istius fratrem & Biorni filium Refilem fuisse *Historia Hervoriana* nos docet, quem *Langfedgatal* eapropter omisisse videtur, quod regnum non tenuerit, piraticis saltem exercitiis deditus. Refili Eiricum filium fuisse, eumque patruo Eirico in regno successisse tam *Langfedgatal* quam *Hervoris Historia* testatur. Post hunc Eiricum in Svecico solio Emundum & Biornum de Colle fratres *Langfedgatal* collocat. *Hervoris historia* Eiricum Upsalium & Biornum de Colle ei surrogat, Biorni cujusdam filios. Biornus ille (quem *Verelius*, solâ conjecturâ ductus, Eirici filium, Biornique Ferrei Lateris nepotem facit) præterquam in adducto *Historiæ Hervoriana* loco, nusquam, quod sciam, invenitur. Quem librariorum culpa vitiatum hic esse, satis apparet. Nulla enim *Biorni* aliqujus mentio præcedit, qui Biorni de Colle ac fratris illius pater esse possit. Et *Eiricus* ille *Upsalius* pro *Emundo* perperam ponitur, quod vel ex ipso hoc loco satis astrui potest, ubi statim post Biornum de Colle, fratremque illius, *Amundi filius Eiricus* adducitur, nullâ in antecessum *Amundi* mentione factâ. Satis itaque tutò adductum *Historiæ Hervoriana* locum hic emendare possumus, pro: *Biarnar syner voru þeir Eirikur Upsali oc Biorn Kongur.* (i. e. *Biorni filii fuerunt Eiricus Upsalius & Biornus Rex*) legendo: *Eiriks syner voru þeir Emundr oc Biorn Kongur* (i. e. *Eirici filii fuerunt Emundus & Biornus Rex*) quo facto cum *Langfed-*
ga-

gatale nobis optime convenit; eritque fratrum illorum, Emundi & Biorni, pater, vel Eiricus Biorni Ferrei Lateris filius, vel, quod nobis statuere magis placet, Eiricus Refilis filius. Hæc si Doctiss. Verelio in mentem venissent, adeo hæsitanter de Amundi, secuturi mox Eirici patris, (qui hic idem est Emundus, Biorni de Colle frater) paterno genere non scripisset: nempe obscurum esse, an is Biorni de Colle aut fratris illius (quem Eiricum Upsalium nomine fuisse, ac Amundum nino gradu præcessisse existimavit) filius fuisset; quum Amundus iste, cum Eirico illo Upsalio unus idemque sit homo, ac itaque prædicti Biorni de Colle nec filium, nec fratris filium, sed fratrem germanum constituere debeat. Emundo & Biorno de Colle Eiricum Emundi filium successisse *Langfedgatal* testatur, suffragante *Hervor, historie* editione Svecicæ, nisi quod pro *Emundo* levi errore *Amundum* habeat. Varia illa lectio, quam ex Bryniolfi codice superius attulimus, vitiosissima est, patrisque & filii nomina transponit, ac itaque ulterius excuti non meretur. Eiricus ille Upsalis regnavit cum Haraldus Pulchricomus in Norvegiâ regnare cæpisset, testantibus id, præter *Herboris historie*, pluribus nostratum scriptoribus. Decimo imperii Haraldiani anno in facta cessasse perhibetur; qui a principio regni, non vero monarchiæ, numerandus est, & in annum DCCCLXXIII. aut proximè sequentem definit. Successit illi Biorno, etiam de Colle à nonnullis dictus; cujus regni periodus, secundum *Snorrium* in Haraldus Pulchricomi vitâ, quinquaginta annis absolvitur, ut eâ ratione anno Christi DCCCCXXIII. obierit. Post eum in Svecia regnarunt filii ejus Eiricus Victoriosus & Ola-

Olafus, quod ex *Hervoris historia* & multis aliis auctoribus certum est. Olafi filius erat Styrbjornus, à patre Eirico, cum Sveciam ei eripere tentaret, praelio victus & occisus. Hic Eiricus filium & regni hæredem reliquit Olafum, quem nostrates *Svecum* & *Skautkonungum* promiscuè cognominant. Notari hoc loco merentur Olafi istius ad Hialtium Skegginum verba, quæ *Snorrius Sturleus* in vitâ S. Olafi tali modo refert: Ek em hinn „ tiundi konungr at Uppsolum, sva at hverr hefir eptir „ annan tekit varra frænda, oc verit einvalldz konun- „ gar yfir Sviaveldi oc yfir morgum odrum storum lon- „ dum. id est: *Egon nunc Upsalis regno, decimus eorum, qui ex mea gente ordine continuo regnarunt, absoluti Svecie Reges & multarum aliarum magnarumque terrarum.* Snorrii versio Danica pro *decimus*, habet *trigesimus*: sed contra vetustorum codicum tenorem; unde frustra eam tuetur *Rudbeckius* Atlant. Cap. VII. pag. m. 209. Olafum Skautkonungum trigesimo vel trigesimo quinto gradu à Gylfio, antiquissimo Sveonum Rege, recta lineâ descendisse arbitratus; cum tamen vetustissimorum Upsalensium Regum stemma in Ingialdo Astuto desierit, qui Ivaris Vidfadmii, Daniæ Regis, arma metuens, seipsum incendio absumpsit, uti superius dictum est. Decem itaque istorum Upsalensium Regum numerus ordiendus est à Sigurdo Hringo, qui Haraldi Hilditannis, Daniæ Regis, beneficio ad Svecicæ scepra pervenit. Et ecce Sveciæ Regum stemma à Ragnare Lodbrochè, Sigurdi Hringi filio, ad Olafum Skautkonungum; prout nos id ad *Hervoris historia* & *Langfedgatalis* tenorem delineavimus, & genuinum esse arbitramur:

Ragnar Lodbroch.

|

Biornus Ferreum Latus

Eiricus.

Refill.

|

Eiricus

Emundus.

Biorno de Colle.

|

Eiricus

|

Biornus.

Eiricus Victoriosus.

Olafus.

|

Olafus Skaut-
konungus.

|

Styrbiornus.

Nunc dictorum Sveciæ Regum tempora ad certos annos referemus, chronologiam proponentes non eam, quæ omnibus numeris absoluta sit, sed quam cum rerum & temporum circumstantiis satis concordare existimamus.

Ragnaris Lodbrochis nativitatem ad annum Christi DCCXX. mortem ad annum Christi DCCXC. libri hujus Capite II. retulimus.

Biornum Ferreum Latus anno Christi DCCL. natum esse supponimus: regnum in Svecia inchoasse anno Christi DCCXC. ætatis suæ XL. Eiricum filium genuisse anno Christi DCCLXX. ætatis XX. Refilem vero

ro DCCLXXIII. ætatis XXIII. regnasse XIII. annis, ac obiisse anno Christi DCCCIII. ætatis suæ LIII.

Eiricus anno Christi DCCLXX. natus, regnare cœperit anno Christi DCCCIII. ætatis XXXIII. regnaveritque quadriennio: Implem obiisse statuimus anno Christi DCCCVIII. ætatis XXXVIII.

Refill anno Christi, ut diximus, DCCLXXIII. natus, scepra Svecica non gessit; sed saltem Eiricum regni hæredem procreavit, anno, ut conjicimus, DCCXC. ætatis XVII. obiisse Refilem statuimus anno Christi DCCC. ætatis XXVII.

Eiricum, anno DCCXC. natum, anno Christi DCCCVIII. ætatis XVIII. patruo Eirico successisse conjicimus. Emundum genuerit anno Christi DCCCX. ætatis XX. Biornum vero de Colle anno Christi DCCCXII. ætatis XXII. regnaverit XII. annis, mortuus anno Christi DCCCXX. ætatis XXX.

Emundus anno Christi DCCCX. genitus, anno Christi DCCCXX. regnare cœperit, ætatis suæ X. Eiricum procreaverit anno ætatis suæ XX. Christi DCCCXXX. regnum XXVIII. annis tenuerit, decesseritque anno Christi DCCCXLVIII. ætatis suæ XXXVIII.

Biornus de Colle cum Emundo Sveciæ scepra tenuit, ac itaque iisdem ac ille annis vixit & regnavit; neque ullam, quantum scimus, progeniem reliquit.

Eiricum, quem anno Christi DCCCXXX. natum esse conjecimus, regnum inchoasse statuimus anno Christi DCCCXLVIII. ætatis suæ XVIII. Biornum filium progenuerit anno Christi DCCCLXII. ætatis XXXII. regnaverit XXV. annis, mortuus anno Christi DCCC-LXXIII. ætatis XLIII.

Biornus (nonnullis patrui magni cognomine *de Colle* dictus) anno, ut diximus, DCCCLXII. natus, regnare cepit anno Christi DCCCLXXIII. ætatis suæ XI. filios procreavit Eiricum & Olafum: illum, ut conjicimus, anno Christi DCCCCVIII. ætatis XLVI. hunc vero DCCCCXX. ætatis LVIII. Biornum L. annis regnasse constat, ut eâ ratione anno Christi DCCCCXXIII. decesserit, ætatis suæ LXI.

Eiricus, cognomento Victoriosus, quem anno DCCCCVIII. natum esse volumus, Biorno patri successit anno Christi DCCCCXXIII. ætatis suæ XV. Olafum Skautkonungum genuit, anno, ut videtur, DCCCC-LXXXII. ætatis suæ LXXIII. regnasse eum statuimus annis LXX. atque obiisse anno Christi DCCCC-XCIII. ætatis suæ LXXXV.

Olafus Eirici frater, anno DCCCCXX. natus, cum fratre regnare cepit, anno Christi DCCCCXXIII. ætatis suæ III. Styrbiornum filium procreavit, qui ad sceptrum Svecica nunquam pervenit, cæsus à patruo Eirico. Olafum XLVII. annis regnasse statuimus, ut mortuus sit anno Christi DCCCCLXX. ætatis suæ L.


Olafus Skautkonungus, Eirici Victoriosi filius, anno DCCCCLXXXII. natus, patri in regno successerit anno Christi DCCCCXCIII. ætatis suæ XI. Hic anno Christi MXXII. obiit, ætatis suæ, secundum nostrum calculum, anno XL.

Hactenus Sveciæ Reges recensuimus, quos Ragnar Lodbroch, mediante filio Biorno Ferrei Lateris, progeniuit. Nunc inferioris ordinis viros addemus, sed claros tamen, ab eodem Biorno prognatos. Integer
Land-

Landname, seu Originum Islandicarum libri locus ex pag. illius 100. desumptus, hic inferi meretur: Gormr het herfir agiætr i Svipiod. hann atti þoru, dottur Eiriks Konungs at Uppfolum. Þorgils het son þeirra. hann atti Elinu dottur Burislafs Konungs or Gordum austan oc Ingibiargar systur Dagstigs Rísa konungs. Synir þeirra voru þeir Hergrímr oc Herfinnr. — Groa het dottir Herfinns — hana atti Hroar, þeirra son var Slettubiörn. id est: *Gormus insignis quidam in Sveciâ Baro nomine fuit; hic Thoram Eirici Regis Upsalensis filiam in matrimonio habuit, Eorum filius erat Þorgils, qui connubio sibi junxit Helenam, natam Burislafio Russiæ Rege & Ingibierge sorore Dagstigi Rísalandiæ Regis. Eorum filii erant Hergrímus & Herfinnus. Herfinni filia erat Groa, quam Roar uxorem duxit, atque ex ea Slettubiörnnum suscepit. Slettubiörnnum inter Islandiæ clarissimos aborigines numeratur. Quantum autem ad Eiricum, Upsalensem vel Sveciæ Regem attinet, non additur quisnam Eiricorum. Refillis vel Biorni Ferrei Lateris filius is fuerit: nos Biorni filium intelligi arbitramur, graduum inter eum & Slettubiörnnum multitudine inducti.*

Alterum adhuc ramum, à sæpedito Biorno Ferrei Lateris in Islandiam derivatum, antememoratus *Originum Islandic. liber pag. 102. suppeditat. Verba hæc sunt: Þórdr het madr agiætr. hann var son Biarnar Byrðufimiors, Hroalldz sonar Hryggs, Asleiks sonar, Biarnar sonar Jarnsídú, Ragnars sonar Lodbrokar. Þórdr for til Islandz oc nam Hofdastrond — oc bio at Hofda. id est: Thordus, vir insignis, nomine fuit, filius Biorni Byrðufmior, filii Hroaldi Hryggi, filii Asleik i, filii Borni Ferrei Lateris, filii Ragnaris Lodbrochis. Thordus in Islandiam se transtulit,*

lit, territoriumque Hofdastrandense occupavit, & Hofdii habitavit. Is communiter Thordus de Hofdio in antiquitatibus nostris appellatur, ac magni nominis vir fuit. Sed libet has generationes schemate genealogico simul exhibere:



Talis erat Biorni Ferrei Lateris progenies; restat ut Sigurdi Angvioculi posteros, usque in nonum à Christo nato seculum (quo Septentrionis Chronologia clarius esse incipit) deducamus. Inter illos præcipuum sibi locum vendicant successores illius, Daniæ Reges, Hordaknutus ejus filius, Gormi Grandævi pater, Hæraldi Cæ-
ruli-

rulidentis avus, Sveni Admorsæ (aliis Furcatæ) barbæ proavus.

Hordaknuti soror & Sigurdi Angvioculi filia fuit Aslaug, mater Sigurdi Hiorti, seu Cervi; cujus filia Ragnhildis Haraldum Pulchricomum peperit, prout hæc stemmata in Genealogiis libri hujus capite I. à nobis adductis, & ubivis ferè aliàs visuntur.

Thora Sigurdi Angvioculi filia in *Eyrbyggjorum Historia* occurrit. Verba illius hæc sunt: Ketill Flatnefr gip-
 ti Audi dottur sina Olafi Hvita er þa var mestr herko-
 nungr fyrir vestan haf. hann var son Ingialldz Helga
 sonar, en modir Ingialldz var þora dottir Sigurdar
 Orms i auga, Ragnars sonar Lodbrokar, id est: *Ketill
 Simus Audurem filiam suam in matrimonium dedit Olaso Albo,*
qui tunc temporis in occidente maximus erat pirata: Is filius e-
rat Ingialdi, filii Helgii, mater vero Ingialdi erat Thora filia
Sigurdi Angvioculi, filii Ragnaris Lodbrochis. Olafi hujus pa-
 ternum genus *Landnama* pag. 51. ulterius hoc modo re-
 fert: Oleifr hinn hviti het herkonungr. hann var son
 Ingialldz Konungs Helgasonar, Olafs sonar, Gudrau-
 dar sonar, Halfdanar sonar Hvitbeins Upplendinga
 konungs. h. e. *Oleifus Albus pirata quidam nomine fuit;*
hic filius erat Ingialdi Regis, filii Helgii, filii Olafi, filii Gudraudi,
filii Halfdani Albipedis, Uplandorum Regis. Oafus iste
 Albus idem esse videtur cum Amlavo illo, cujus ad an-
 num DCCCLIII. meminit *Waraus* Antiquit. Hibern.
 Cap. XXIII. & paulo post annum DCCCLXX. obiisse
 scribit. Olafi & Auduris filius erat Thorsteinus Ruffus,
 celebris quoque pirata, qui magnam Scotiæ partem si-
 bi subjecit; cujus & liberi nobilissimas in Islandiâ, Or-
 cadi-

cadibus & Færeyis familias propagarunt. Genealogicâ tabulâ hæc Ragnarianæ sobolis pars clarius quoque fiet.

Ragnar Lodbroch — Aslaug.

Sigurdus Angvioculus

Hordaknutus

Aslaug.

Thora.

Dan. Rex.

Gormus Grand-
ævus, Dan. R.

Sigurdus
Cervus.

Ingialdus

Haraldus Cæru-
lidens, Dan. R.

Ragnhildis

Olafus
Albus.

Svenus admor-
fæ Barbæ, Dan.
Rex.

Haraldus
Pulchrico-
mus.

Thorsteinus Ruffus,
Pulchricomus syn-
chronus.

Sed nunc ad alia, quæ de Ragnare Lodbroche agunt, diversi generis scriptorum loca stylium convertamus.

CAPUT XI.

Quo varia auctorum testimonia de

Ragnare Lodbroche ulterius adferuntur.

Hactenus Ragnaris Lodbrochis, Sigurdi Hringi filii, vitam compendio descripsimus; progeniem quoque illius per aliquot generationes usque ad noni ferè seculi exitum, optimæ notæ scriptorum testimoniis insistentes deduximus. Sunt autem longè plures qui
Ragna-

Ragnaris Lodbrochis filiorumque illius meminere auctores; ex quibus nonnulla heic describere à re alienum non erit.

Primum hic locum dabimus *Wilhelmo Gemmeticensi*, qui Historiæ Normannorum lib. I. Cap. V. & sequentibus, scribit Lothrocum (*puta* Lodbrochem) Daniæ Regem, ad exhauriendam nimia populi multitudine patriam, filium suum Bierem Ferreæ Costæ cum ingenti juvenum agmine à suo abdicasse regno, ut peregrina regna petens exteris sibi armis acquireret sedes. Bierem itaque, cum pædagogo suo Hastingo & magna militum manu, naves conscendisse, iisque sine ullâ morâ ad Veromandensem Galliæ Belgicæ tractum pervenisse. Mox ascensionem in terram exteris hos piratas fecisse, totumque illum Comitatum populatos esse. Hinc subsequente tempore per Galliam huc illuc armatos curritasse, omniaque devastasse, incolas cecidisse, ac urbes flammis absumtisse. Tringenta annis Galliam malis hisce miseriusque succubuisse, antequam Hastinguus ad majora adspirans, Dominumque suum Bierem ad Romanum solium evehere cupiens, relicta Galliâ classem in Italiam dirigeret. Accidisse autem, ut qui Romam rectâ tendere armisque eam subigere in animo haberent, adverso vento ad Lunam (Hetruriæ urbem) deferrentur. Hanc itaque, Romam se venisse ratos, adortos esse, doloque tandem cepisse, atque ingentem hominum stragem edidisse. Comperto autem se à scopo aberrasse, ac pro Româ Lunam expugnasse, metuentes ne Itali conjunctis viribus sibi occurrentes parturimeatenus victoriarum gloriam forte offuscarent, Lunâ solo æquatâ retrocessisse. Ac Hastinguus quidem Galli-

am repetiisse, & cum Carolo Francorum Rege, cujus regno tanta mala intulerat, reconciliatum esse. Bieri vero Ferræ Costæ, totius excidii signifero, exercituumque Regi, cum in patriam redire cogitaret, tempestates marisq. & procellas supervenisse, magnamque classis illius partem submersisse; ipsum in Angliæ quendam portum ægrè pervenisse, indeque Frisiam petentem mortem obtinisse. Hactenus Gemmeticensis, qui primum Hastingsi & Bieris in Veromandos adventum ad annum Christi DCCCLI. refert. Alii rectius in annum DCCCXLI. Radulfus de Diceto in Abbreviationibus Chronicorum ad annum DCCCXLIII. hæc habet: *Normanni sub Bier filio Regis Danemarchiæ & magistro ejus Haslungo Franciam infestant & usque Parisius navigio veniunt. Et ad annum DCCCLXXIII. Normanni Ducem habentes Bier, cum per XX. (corrigere XXX) annos Galliam infestassent, in patriam suam reversi intestino bello perierunt.*

Olafi Tryggvini vita, quam in membranis exaratam possidet Arnas Magnæus, postquam Jutiæ Regulos, Sigurdi Hringi, Ragnaris Lodbrochis & filiorum ejus vasallos, usque ad Gormum, Hordaknuti Daniæ Regis nutritum, (quidam eorum superius Capite VIII. pag. 322. enumerantur, de singulis plura inferius dicentur) recensuit, sequentia subjungit: Synir Ragnars Lodbrokar voru
 „ hermenn miklir; þeir hefndu fodur síns oc drapu El-
 „ lo Konung i Englandi. giordiz ívarr enn Beinlausi þa
 „ Konungr yfir þeim luta Englandz er adr hófdu att hans
 „ ættmenn oc frændr. Hann jók ríki sitt á marga ve-
 „ ga. hann let drepa hinn heilaga Eatmund Konung, oc
 „ lagdi undir sik ríki hans. Sva er sagt at Lodbrokar
 fynir

synir hafi rekit mestan hernad i forneskiu um oll þef-
 si lond: England, Valland, Frakland, Saxland, oc alt ut
 um Lungbardi. Sva komu þeir fremzt at þeir unnu
 þa borg er Luna het. oc um hrid ætladu þeir at vin-
 na Roma borg. En er þeir komu apr i riki sitt, ski-
 ptu þeir med ser rikinu, tok Biorn Jarnsida Uppsala
 riki, Svipiod alla, oc hvarttveggia Gautland, oc oll
 þau lond er þar liggia til. Sigurdr Ormr i auga hafdi
 Eygotaland oc allar eyiar, Skani oc Hallland. Hvitfer-
 kr hafdi Reidgotaland oc þar med Vindland. Si-
 gurdr Ormr i auga atti Blæjo dottur Ello Konungs
 þeirra son var Hordaknutr. *id est*: Filii Ragnaris Lod-
 brochis strenui bellatores erant; hi patris sui cædem
 ulti sunt, Ellamqve Angliæ Regem occiderunt. Tunc
 Ivar Exos illam Angliæ partem, cui majores illius an-
 tea præfuerant, regendam accepit. Hic ditionem su-
 am variis modis auxit, Sanctumqve Edmundum Re-
 gem occidi curavit, ac regnum illius sibi asseruit. Tradi-
 tum est, Lodbrochis filios præ omnibus aliis vetusta-
 tis heroibus has terras armis laceffivisse: Angliam,
 Vallandiam, Galliam, Saxoniam & Lombardiam. Ad
 ultimum urbem Lunam devicerunt; hæbueruntqve
 aliquando in animo, Romam expugnare. Cum vero
 in regnum suum redirent, illud inter se dividerunt.
 Biornus Ferreum Latus Upsalense regnum accepit, Sve-
 ciam totam & utramqve Gothiam, cum omnibus pro-
 vinciiis illuc pertinentibus. Sigurdo Angvioculo ces-
 serè Eygothia (*Gothia insularis*) & omnes insulæ,
 Scania quoqve & Hallandia. Hvitfercus Reidgothi-
 am & Vandaliam obtinuit. Sigurdus Angvioculus in

„ matrimonio habuit Blæjam filiam Ellæ Regis: eorum
 „ filius Hordaknutus erat.

Huc pertinet alius *Olafi Tryggvini vita* locus, quem
 ex citatis Arnæ Magnæi membranis adferam, licet ea-
 dem ferè verba repræsentet dicti Olafi vita, quæ Codice
 Regio Flateyensi continetur: Ivarr enn Beinlausí var Ko-
 „ nungr i Englandi langa æfi. hann atti ecki barn. þviat
 „ sva segiz at hann hefði til þess enga fyft ne edli, en ei-
 „ gi skorti hann spekt ne grimd. hann vard ellidaudr þar a
 „ Englandi oc var þar heygdr. þa voru daudir allir Lod-
 „ brokarfynir. Eptir þat tok Konungdom i Englandi
 „ Adalmundr Jatgeirs son, brodur son Eatmundar hins
 „ helga, oc kristnadi hann vida England oc tok skatt af
 „ Nordimbralandi er heidit var. Eptir hann var Konungr
 „ Adalbrikt. hann var godr konungr, oc vard gamall. A
 „ hans dogum ofarliga kom Danaherr til Englandz. oc
 „ voru þeir brædr hofdingiar fyrir lidinu synir Gorms
 „ hins gamla, Knutr oc Haralldr. *id est*: Ivar Exos lon-
 „ go tempore in Anglia regnavit. Hic improlis erat;
 „ traditur enim nullum procreandæ sobolis appetitum
 „ habuisse, prudentia vero & ferocia illi non defuere. Senio
 „ in Angliâ mortuus est, ibique tumulo conditus. Tum
 „ omnes Lodbrochis filii mortui fuere. Post hæc in An-
 „ glia Regium imperium accepit Adalmundus filius Edge-
 „ ri fratris Sancti Edmundi. Hic Angliam passim ad Chri-
 „ sti fidem convertit, & tributa ex Northumbriâ, tunc
 „ ethnicâ, accepit. Post eum regnavit Adalbrichtus, qui
 „ bonus Rex erat & ad senium pervenit. Eo senescen-
 „ te Danorum exercitus in Angliam venit, cui præfue-
 „ re Knutus & Haraldus (*postea Dania Rex*) Gormi Grand-
 „ ævi (*Dania Regis*) filii.

An

Annales Islandici, quos inter alia continet codex Regius Flateyensis, ad annum DCCCIX. hæc habent: *Hofz riki Ragnars Lodbrokar.* id est: *Initium regni Ragnaris Lodbrochis.* Ad annum DCCCXII. *Segia sumir ber befiaz riki Ragnars Lodbrokar.* id est: *quidam initium regni Ragnaris Lodbrochis hic collocant.* Ad annum DCCCXXXVIII. *Drap Ragnars sona.* id est: *Cedes filiorum Ragnaris.* Item ad annum DCCCXLV. *Drap Ragnars Lodbrokar.* id est: *Cedes Ragnaris Lodbrochis.*

Ex Historiæ Danicæ compendio, quod *Erico Pomerano*, Daniæ Regi, vulgò adscribitur, sequentia huc pertinent: Anno Domini DCCLXXVI. venit Carolus Imperator, cum toto imperio suo, contra Godefrith Regem Daciæ, cui idem Godefrith ultra Albiam occurrens, fugavit Carolum de Saxonia, & eam totam vastavit, quod eodem anno Saxonia conversa fuerat ad fidem Christi per Carolum, postquam contra Francos XXXVI. annis continuis pugnaverat. Postea idem Godefrith, fugato Imperatore, & Saxonia vastatâ, ibidem à proprio milite cultro transfixus est in ventre. Post ipsum regnavit Olaf filius ejus.

Olaf dictus Gothdranker. Huic successit Henning filius ejus.

Henning regnavit XXVIII. annis, qui cum Imperatore pacem faciens, Eydoram terminum regni sui accepit. Huic successerunt duo Reges, Ring & Siwardus.

Ring regnavit in Jutiâ.

Siwardus regnavit in insulis. Isti duo Reges inter se diu pugnaverunt, & tandem in bello mutuo am-

„ bo corruerunt. Quibus successit in regnum Reyner
„ filius Ring.

„ Reyner Lechbroki (*lege* Lothbrok). Iste subjugavit
„ Angliam, Scotiam, Hyberniam, Norwegiam, Sweciam,
„ Teutoniam, Slaviā, Rusciā & omnia regna occi-
„ dentis; ita quod IX. filios suos, singulos in singulis terris,
„ Reges fecit, & ipse de uno regno in aliud inter illos
„ pertransiit. Tandem in Hybernia occisus est &
„ filii ejus fere omnes in diversis locis sunt occisi. Hic
„ per XI. annos urbes Franciæ vastavit, & Parisiis veni-
„ ens in Ecclesia Sancti Germani & Aquisgrani in pala-
„ tio Imperatoris stabulum eqvorum fecit, & multa ma-
„ la ecclesiæ intulit. Huic successit Ingvar filius ejus.

„ Ingvar filius Lotbroki. Iste omnium fratrum suo-
„ rum crudelissimus fuit. Cui successit Sywardus.

„ Huic successerunt Anulo & Sigefridus.

„ Anulo: Sigefridus. Isti duo nepotes fuerunt Regis
„ Godefridi: inter quos pugna fuit X. annis; & cum
„ inter se de primatu regni convenire non possent, sce-
„ ptrum prælio diviserunt, in quo ambo Reges corruer-
„ unt, & cum illis XI. M. hominum. Pars autem Anu-
„ lonis cruenta victoria potita, Reinfridum & Haraldum
„ in regnum posuit, & facta est pugna inter eos IX.
„ annis.

„ Haraldus tandem Reinfridum de regno expulit,
„ & solus regnavit. Tunc filii Sigefridi Haraldum de
„ regno expulerunt. Qui ad Imperatorem Lodewicum
„ supplex confugit.

„ Anno Domini DCCCXXVI, baptizatus prædictus
„ Rex Haraldus apud Maguntiam cum uxore & fratre
suo

ſuo Erico, & per auxilium Imperatoris in regnum reſtitutus eſt; moxqve Chriſtianitatem reliquit.

Regenarium qvendam ex *Aimonio*, ſcriptore Gallico, ad annum DCCCXLV. *Pontanus* Rer: Danic. lib. IV. adfert, eumqve cum Ragnare Lodbroche unum eundemqve eſſe cenſet; verba Pontani hæc ſunt: Regenarius Rorici Danorum Regis auſpiciis, majore animo ac vi ad littora vicina applicans, modo Friſiam, modo Flandriam, atqve ultimo Gallias armis infeſtas habuit. Ad oſtia Seqvanæ delatus, primo Pariſiorum civitatem incurſavit, mox D. Germani monaſterium depopulatus, ad Melodunum, Senonum oppidum, igne & flammis devaſtandum ſe vertit, prius, quæ in urbis erat conſpectu, inſulâ in ſuam poteſtatem redactâ. Tandem etiam prælio cum regis copiis, intes Santonas & Burdigalam commiſſo, ſuperior diſceſſit. Siguino Vaſconum præfecto inter pugnandum cæſo, ipſoque Rege Calvo vix ægrè per fugam dilapſo, tantâ omnium conſternatione, ut ingentis pecuniæ ſummâ in publicum collectâ, Rex gravioris belli metu, mercari ab eo pacem coactus fuerit. Addit miraculum Aimonius, Ragenarium ſcilicet, dum ſe ſuosqve adverſus Calvum ſucceſſus, & hanc præcipue S. Germani devaſtationem Regi Rorico jactaret, diceretqve plus ibi mortuos quam vivos potuiſſe, quod ſolos ſibi Divi Germani manes occuſantes habuiſſet, continuo collapſum, atqve inde per triduum exſpiſaſſe; ex commilitonibus quoqve permultos, qui ſacrilegas ædi manus intuliſſent, dyſenteria extinctos. Hunc Regenarium, Aimonio dictum, regem eſſe Regnerum Lothbrogum

pa-

„ parum ambigam; licet Saxo, qui eum quoque pere-
„ gre fato suo functum ait, paulo aliter narret. Hacten-
„ tus Pontanus.

Longè aliud mortis genus Ragnari Lodbrochi
scriptores Anglici assignant: audiamus *Polydorum Vergili-*
um Histor. Anglicæ libro III. ita scribentem: Lothe-
„ bricus quidam, natione Dacus, pater Agneri & Hubo-
„ nis (de his alibi sæpius fiet mentio) cum aucupio plu-
„ rimum delectaretur, fertur hyberno tempore, ascensâ
„ parvula naviculâ, dum studio insectandi aquatiles a-
„ ves circa littus vagaretur, subita ventorum vi in al-
„ tum raptus, duas noctes huc atque illuc agitatus fuis-
„ se, ac tertio tandem die ad Orientalium Anglorum lit-
„ tus pervenisse, & ob scientiam aucupandi ab Edmun-
„ do in familiam receptus. Non intercesserant multi
„ dies, cum hunc quidam servus, accipitrum domitor,
„ invidiâ motus, quod ille in ea aucupandi parte periti-
„ or esset, per insidias interemit: propter quod facinus,
„ cum à Rege venia negaretur, in Daciam aufugit, ibi-
„ que Edmundo infensus, quod impunitatem non con-
„ cessisset, tale comminiscitur scelus: Indicat enim Ag-
„ nero & Huboni ob patris casum valde anxius, de Lothe-
„ brico, narratque Edmundi jussu illum necatum esse
„ apud Orientales Anglos. Agnerus cognita patris
„ morte, ira & furore accensus, dicitur sumptis repente
„ armis, cum bene magna armatorum manu in insulam
„ properasse ad ulciscendam injuriam: & ut ad Orienta-
„ les Anglos pervenit, unum ex suis exploratum misisse,
„ ubi terrarum Edmundus Rex se teneret, mandasseque
„ ut nomine suo Regi tanquam jam victo imperaret pec-
cu-

cuniam ac cætera usui necessaria, atqve ediceret illum „
non amplius regnaturum, nisi se maturè Dacis dede- „
ret. Interea ipse exploratorem hostilem in modum „
sequebatur, omnia cæde & igne complens. Edmun- „
dus audito nuntio, magnopere admiratus barbaricam „
temeritatem, nonnihil timore afficitur, & aliquan- „
tum cunctando secum cogitat, ecquid factu optimum „
sit in re tam subitâ. Tandem vir innocentissimus „
memor documenti Christi: Qui perdiderit animam su- „
am, inueniet eam; omni metu prorsus deposito in hunc „
fere modum nuntio respondit: Dicito duci tuo, Ed- „
mundum Regem Christianum nequaquam velle se ser- „
uili ter subicere populo Daco, pietatem Christianam „
abhorrenti, nisi illam prius complectatur. Vix ea fa- „
tus erat; cum Agnerus repente adfuit, regiamqve in- „
gressus, multis mortalibus trucidatis, Edmundum cepit. „
Sunt qui scribant Regem aufugisse & persequen- „
tibus Dacis sponte occurrisse, atqve interrogatum an „
sciret ubi loci Rex esset, respondisse sic: Dum ego in „
regia fui, ibi etiam Edmundus quem quæritis fuit; ubi „
abiui, ille quoque abiit: qui utrum manus vestras „
fugiturus sit, nec ne, solus Deus noscit: & Dacos ubi „
per interpretem audivissent Deum nominari, probe in- „
telligentes, illum esse Regem ilicò cepisse, ac primo „
fustibus ferè ad necem cæsum sagittis transfixisse, de- „
inde Christum invocantem obruncasse. Sic pius Rex „
martyrii palmam tulit. At barbari in demortuum ad- „
huc sævientes, ejus caput inter densissimas vepres ab- „
diderunt, ne Christiani illud debitis colerent cære- „
moniis.

Eandem hanc historiam adfert *Johannes Bromton* Chronici sui pag. m. 804. ubi Lothebricum Polydori, Lothebrocum rectius nominat, filiumque ejus Agnerum Ingvaris nomine appellat; atque eum cum fratre Hubbâ Sanctum Edmundum Orientalium Anglorum Regem anno Christi DCCCLXX. vel secundum alios anno DCCCLXVI. occidisse ait: addens Hubbam postea anno DCCCLXXIII. ab Aluredo Rege cæsum esse. Ingvarem anno DCCCLXXVII. in Anglia interfectum scribit *Simeon Dunelmensis* de gestis Regum Angliæ. Unde omninò emendandus est *Radulfi de Diceto* calculus, qui Hingvarem & Hubbam Angliam circa annum DCCCCXCV. vastasse scribit.

Adamus Bremensis Hist. suæ Ecclesiast. libro I. Cap. XXXIII. sequentia scribit: Qvi Reges Danorum suo
 „ (*Rimberti Archiepiscopi*, qvi sedit ab anno DCCCLXV. ad
 „ annum DCCCLXXXVIII.) tempore fuerint, non inveni-
 „ tur in gestis ejus. In historia Francorum Sigafrid cum
 „ fratre Haldan regnasse leguntur; qvi etiam munera
 „ Ludovico Cæsari miserunt: gladium videlicet capu-
 „ lotenus aureum & alia, pacem rogantes. Et missis
 „ utrinque ad Egdoram fluvium mediatoribus, pacem
 „ firmam, ritu gentis, per arma juraverunt. Erant &
 „ alii Reges Danorum vel Nordmannorum, qvi pirati-
 „ cis excursionibus eo tempore Galliam vexabant; quo-
 „ rum præcipui erant: Horich, Orduig, Godafrid,
 „ Rodulff & Ingvar Tyranni. Scriptum est in Gestis
 „ Francorum: Crudelissimus omnium fuit Ingvar fili-
 „ us Lodparchi, qvi Christianos ubique per supplicia
 „ necavit.

CAPUT. XII.

Qvo plures fuisse Ragnares Lodbroches astruitur, & Sigurdi Hringi filii atas ulterius demonstratur.

Huc usque veterum de Ragnare Lodbroche filiisque illius scriptorum loca exhibuimus; restat ut nonnulla disquisitionis loco heic annectamus. Nostrates quæcunque de Lodbroche audiverunt; ad unicum hominem retulere; in quo eos valde errasse apparet. Etenim plures fuisse Ragnares Lodbroches, ex allatis auctorum testimoniis satis evincitur. Neque enim illa, quæ scriptores Anglici Gallicique & nostratium nonnulli Lodbrochis filios in Angliâ Galliâque gessisse tradunt, in Sigurdi Hringi nepotes ullo modo quadrant. Qvin, si vera sint, quæ nostrates de conditâ per Lodbrochis filium urbe Londinensi referunt, istum Lodbrochem à duobus illis diversum esse oportet, ac ante Christi nativitatem vixisse: cum Londinum Neronis temporibus *copiâ negotiatorum & commentuum maxime celebre* fuisse ex Taciti *Annal.* lib. XIII. discamus. Sed neque ad ullum horum referri potest is, quem Jormunreco vel Ermanarico coævum fuisse, ac uxoris illius filiam duxisse tradunt; cum Ermanaricus ab anno Christi CCLXVI. ad CCCLXXVI. vixerit, uti ex libri hujus Cap. IX. pag. 336. superius videri potest. Nos, ne quid dissimulemus, illa quæ de Londini initiis nostri adferunt, exiguam fidem mereri arbitramur. Nec minus nobis suspecta est affinitas ista, quam inter Jormunrecum & Ragnarem Lod-

brochem intercessisse volunt, veluti nos citato Capite pag. 343. nostram de eâ re sententiam declaravimus. Etenim mirum videri posset, si unus Ragnar Lodbroch seculo quarto in matrimonio habuisset Aslaugem, Sigurdi Fasnericidæ & Brynhildis Budlinæ filiam: & post quatuor secula alter ejusdem nominis vir (quod ex tot vetustis monumentis abundè probari potest) Aslaugem duxisset, Sigurdo Fasnericidâ & Brynhilde Budlinâ similiter natam. Nobis itaque primus Ragnar Lodbroch erit is, qui, secundum nostrates & Saxonem, Sigurdo Hringo natus est, ac primò Thoram Herraudi filiam, deinde Aslaugem Sigurdi Fasnericidæ & Brynhildis filiam in matrimonio habuit. Illius majores usque ad Odinum, libri hujus Capite I. videri possunt, & hic Ragnar locum inter Daniæ Monarchas omni jure sibi vendicat. Ætatem ejus in seculum à nato Christo Octavum incidere sæpius antea dictum est. Nec facile loco, quem nos in Chronologiâ nostrâ libri hujus Capite II. ei assignavimus, dimoveri potest. Altius quominus evehi queat, in causâ est Ingialdi Astuti Ivarisque Vidfadmii synchronismus, Haraldî deinde Hilditannis longævitas & bellum Bravallense, cui Sigurdus Hringus, Ragnaris pater, interfuit, nostratibus & Saxone id abunde testantibus. Qvîn & Herraudum, Thoræ Ragnaris uxoris patrem, in memorato Bravallensi bello sub Sigurdi Hringi signis militasse *Herraudi & Bosfi vita* testatur, id quod cum temporum circumstantiis optimè concordat. Sed nec ad inferiora tempora deprimi Ragnar Lodbroch potest, obstantibus tam nepotum ejus genealogiis Capite X. superius adductis, quam Jutiæ Regulorum, inferius à nobis exhibendo.

dorum , chronologiâ, & cum dicto Ragnare filiisque il-
lius synchronismis. Adde qvòd Haraldi Hilditannis ,
Lodbrochis patrui magni , posterorum series , cum
genealogiis à Ragnare derivatis in graduum numero
satis benè conveniat. Ex quibus omnibus abunde
patet , nos in hac chronologiâ nostrâ parte non mul-
tum à vero aberrasse. Ad rem nostram heic non pa-
rum facit locus ex *Nornagesti historia* desumptus, qvò haud
obscurè monstratur, Sigurdum Fafnericidam, Ragna-
ris Lodbrochis focerum , vixisse anteqvam Carolus
Magnus Imperatoriam dignitatem Francis asseruit.
Verba dictæ historiæ hæc sunt: Helgi Sigmundar-
son, er Hundings bani var kalladr, var brodir Sigur-
dar , er sidan var kalladr Fafnisbani. Helgi brodir Si-
gurdar hafdi drept Hunding konung oc sonu hans
pria, Eyiulf Herraud Hiorvard. Lyngvi komzt undan
oc tveir brædr hans Alfr oc Hemingr. voru þeir hinir
fræguztu menn um alla atgiorvi, oc var Lyngvi fyrir
þeim brædrum. Þeir voru miok fiolkunnigir. Þeir
hofdu kugat marga smakonunga, oc marga kappa
drept, oc margar borgir brent, oc giordu hit mesta
hervirki i Spanialandi oc Fracklandi, en þa var eigi
Keisrarariki komit norðr hingat yfir fiallit. *id est:*
Helgius Sigmundi filius, qvi Hundingsbanus seu Hun-
dingicida dictus est, frater fuit Sigurdi, qvi postea
Fafnisbanus seu Fafnericida cognominatus est. Hel-
gius, Sigurdi frater, Hundingum Regem & tres, fili-
os ejus, Eyiulfum, Herraudum & Hiorvardum, occide-
rat, Lyngvius vero cum duobus fratribus suis
Alfo & Hemingo fugâ evaserat. Hi qvâvis masculâ

„ virtute celeberrimi fuerunt, primas tamen Lyngyius
 „ tenuit, Artibus etiam magicis exercitatissimi erant.
 „ Hi Regulos permultos subjugaverant, pugnatore for-
 „ tissimos interfecerant, urbesque incendio deleverant,
 „ ac in Hispania & Gallia immensam stragem ediderant.
 „ Tunc autem Imperatoria dignitas Alpes nondum
 „ transcenderat.

Sigurdo Fafnericidæ coævus erat Sigurdus Hringus, Ragnaris Lodbrochis pater: uti aliquoties antea dictum est. Unde in tempore non parum hallucinatum esse apparet auctorem *Catalogi Regum Danie*, quem ex Bibliothecæ Academ. Hafniensis codice pergameno exscriptum mihi communicavit sæpius antea memoratus Arnas Magnæus; verba illius ita sese habent: I
 „ þenna tima er Carll Konungr, er kalladr er Maghus,
 „ oc um sídir vard Keisari, styrði Rómveriaríki, hyg-
 „ gio var ríki oc konungdom haft hafa a norðrland-
 „ um Sigurd Ring, fadur Ragnars Lodbrokar. þann
 „ Sigurd segja menn verit hafa broðorson Haralldz Hilditannar. Carll Keisari andadiz a því are er lidit var
 „ fra burd vars herra Jesu Kristi VIII. hundrat oc XV.
 „ ar. *id est*: Tempore quo Carolus, cognomento Magnus, qui tandem Cæsar factus est, Romano imperio præfuit, in septentrionalibus terris regnasse existimamus Sigurdum Ringum, Ragnaris Lodbrochis patrem. Sigurdus ille Haraldis Hilditannis ex fratre nepos fuisse perhibetur. Ceterum Carolus Imperator anno à nativitate Domini nostri Jesu Christi octingentesimo decimo quinto obiit. Diversorum hominum homonymia decepisse videtur hunc scriptorem; qui cum
 Ragna-

Ragnaris Lodbrochis patrem Carolo Magno coævum fuisse fortè audivisset, istud ad Sigurdi Hringi filium retulit, quod alteri Lodbrochi, tempore posteriori, verius applicandum erat, uti ex sequentibus colligi poterit.

Sed & plura sunt, quæ contra hunc nostrum calculum opponi posse videmus; ac ingens quidem dubium suppeditare queunt genealogiæ: quarum unam ex *Originibus Norveg.* desumptam libri hujus Capite III. pag. 251. superius attulimus, ubi Aslaug, Ragnaris uxor, quindecim tantum vel sedecim gradibus à Fornio, (quem Odino coævum fuisse apparet) removetur. Alteram eandem *Origines Norvegice* exhibent, quæ Ragnarem ipsum à memorato Fornio nonnisi quindecim gradibus separat, majoresque illius hac serie recenset: 1. Forniotus; 2. Karius; 3. Jocull; 4. Snær; 5. Thorrius; 6. Nor; 7. Raumus; 8. Finnalfus; 9. Svanus Rufus; 10. Sæfarius; 11. Ulfus; 12. Alfus Senex; 13. Alfgeir; 14. Gandalfus; 15. Alfhildis, Sigurdi Hringi uxor Ragnarisque Lodbrochis mater. Tertia libri hujus Capite I. extat, ex *Hervoris historia* desumpta, quæ ab Odino ad Ragnarem quindecim tantum gradus recenset. Qui generationum numerus, cum temporum ratione collatus, Ragnarem altius quam nos fecimus collocare videtur. Et multis antea seculis vixisse ex *Herraudi & Bosii vita* colligi poterit, quæ Herraudum, Thoræ Lodbrochis uxoris patrem, Hringo genitum esse ait, Hringum vero Gautio Odini Asiatici filio; ut Thora hac ratione non nisi quatuor generationibus Odino sit inferior.

Nos genealogiis hisce Ragnaris ipsius genealogiam opponimus, libri hujus Capite I. superius exhibitam,
ubi

ubi ab Odino duabus & viginti generationibus distat; unde faciliè apparet, stemmatographias illas, quas hic & superius pag. 251. ex *Originibus Norvegia* attulimus, multas esse, iisque aliquot in medio deesse generationes, quod & dicto tractatui sæpius aliàs usu venit, quippe qui multas genealogias continet, quibus nunc plures nunc pauciores gradus deesse plusquam manifestum est. De tertia, quæ hic memoratur genealogiâ superius Cap. IV. pag. 261. sententiam nostram diximus. Ultima vero, quam Herraudi & Bosii vita exhibet, omnium vitiosissima est, quod vel ex ipsâ illa historiâ probari potest: Dicitur enim ibi Herraudum illum, Odini Asiatici pronepotem, pugna Bravallensi interfuisse, quam ab unâ parte gessisse constat Haraldum Hilditannem, ab altera vero Sigurdum Hringum, quorum hic viginti uno, ille vero viginti gradibus ab Odino distant, uti ex genealogiis libri hujus Capite I. adductis videre est. Nihil itaque memoratæ genealogiæ nostrum turbant calculum, nec Ragnarem Lodbrochem Sigurdi Hringi filium, supra locum ei per nos assignatum summovere altiusve elevare possunt.

Tertium contra hanc chronologiæ nostræ partem argumentum *Saxo* suggerit, ubi Ragnaris Lodbrochis proavum facit Gotricum seu Gothofredum, Carolo Magno coævum, ac itaque non solum regnum, sed & nativitatem ejus in seculum IX. rejicit; suffragante *Erici Pomerani* Chronico, quod Ragnaris ætatem longe infra illa quæ nos ei attribuimus tempora similiter deprimit, Quorum assertis, ut & iis quæ de Lodbroche ac filius illius Gallici Anglicique scriptores referunt, moti Danorum

Danorum chronographi Ragnarem seculo IX. vixisse communiter existimarunt; & *Hvitfeldius* quidem regni illius initia ad annum Christi DCCCXVIII. refert, mortem ad DCCCLXV. *Lyschander* eum ab anno DCCCXII. ad DCCCXLI. regnasse scribit: *Svaningius* anno DCCCXV. regnum inchoasse & DCCCXLI. occisum esse statuit.

Ad Saxonem quod attinet, nos superius Cap. VIII. pag. 333. ubi de illius Gotrico actum est, monuimus, relationes illius hoc loco parum sibi constare: et *Crantzius* Dan. lib. IV. Cap. VII. ingentem temporum confusionem ei heic exprobat, assertionesque illius *Somnia* vocat. Exigui itaque ponderis argumentum ex eo contra nos depromi arbitramur.

Nec majoris auctoritatis esse existimamus Chronicon quod *Erici Pomerani* nomen præfert; quippe cujus auctor in temporibus dirigendis plusquam negligens erat, uti ex sequentibus abunde patebit: Anno DCC-LXXVI. *Godefridum* cum *Carolo Magno* congressum refert. Ei postea (forte post aliquot annos) occiso, *Olafum* successisse memorat, non additâ regni illius periodo. Hinc *Henningum* XXVIII. annis regnasse ait; atque post eum ad sceptrâ ascendisse *Ringum* & *Sywardum*, quorum regni tempus non definit. Exinde *Reynerum* (*Ragnarem*) *Lothbrochem* ad regnum pervenisse tradit: qui præter alia non parum temporis requirentia gesta Franciam XI. annis vastaverit. Ei *Ingvarem* successisse memorat; atque illi *Sywardum*: omisso quod isti annis regnaverint. Hinc *Anulonem* & *Sigefridum* decennio de rerum summâ dimicasse ait: atque post illos *Reinfri-*

Ccc

dum

dum & Haraldum novem annis. Fugato tandem Reinfrido Haraldum regnasse, donec per Sigetridi filios regno pulsus, ab Imperatore Ludovico auxilia petere coactus fuerit anno Christi DCCCXXVI.

Nos si ab anno DCCLXXVI. rationes ducamus, licet omnes illos reges, quibus nullos certos annos Chronici auctor assignat, prætereamus, eosque solos annos in calculum nostrum admittamus, quos ille expressis verbis addit, nihilo tamen minus ad annum DCCCXXXIII. pervenimus. Addantur nunc eorum regum tempora, quorum annos dicti Chronici auctor exprimere vel neglexit vel non potuit, (quum eos à tempore penitus excludere illum voluisse verisimile non sit) & nos eò magis infra annum DCCCXXVI. qui in calculo illius ultimus est, descendemus.

Hinc lubrico fundamento calculum suum superstruxisse Hvítfeldium, Lyschandrum & Svaningium apparet. Neque illos Gallici Anglicique scriptores hic quicquam juvare poterunt; cum illa quæ hi de Lodbroche & filiis ejus habent, ad hunc nostrum, Sigurdi Hringi filium, illiusque natos, nullo modo pertineant, utinos id superius diximus & inferius adhuc repetemus.

Quarto loco contra nostrum de Ragnaris Lodbrochis ætate calculum opponi poterit *Epicedii Lodbrochiani*, à Celeberrimo Wormio editi, Strophæ XIX. quæ ita sonat :

Hiuggum ver med hiorve
Hartagran sa ek rockva
Meyiar dreng enn um morgin
oc malvin eckiu. *id est:*

Pugnauimus gladio: Pulchricomum vidi fugere (*crepusculare apud Wormium habetur, quasi vox rockva à rockr, quod crepusculum notat, descenderet: quæ tamen hic pro brockva, quod fugere vel loco cedere significat, omisâ aspiratione, ponitur*) *virginis amatorem tempore matutino, & confabulatorem vidua.* Addit Wormius: *Intelligit Haraldum Harfagre* (*Pulchricomum*) *primum Norvagiæ Monarcham, de quo consule editam historiam nostro* (*Danico*) *idiomate.* Haraldus ille anno Christi DCCCLIII. natus est, ut Ragnarem Lodbrochem ad longe inferiora, quam quæ nos diximus, tempora vitam produxisse oporteat, si cum eo pugnaverit.

Ceterum nulla nos necessitas cogit, ut istam *Harfagrii* vel *Pulchricomi* vocem ad Haraldum Pulchricomum Norvagiæ Regem referamus, quippe quam epithetum esse apparet, ad *virginis amatorem & viduæ confabulatorem* pertinens. Unde nihil ex hoc loco de Ragnaris Lodbrochis ætate concludi potest; quem cum Haraldo Pulchricomo præliatum esse, nusquam, quod scio, aliasextat. Manebit itaque Lodbrochi huic, Sigurdi Hringi filio, suus in seculo octavo locus, quem ei in Chronologia nostra assignauimus, donec meliores iis, quas nos attulimus, rationes eum inde deturbaverint. Et sane heic in calculi nostri stabilimentum ipsum Saxonem aduocare possumus, ubi Ragnarem Lodbrochem cum filiis suis, iam tum adultis, Carolum Francorum Regem, postea Imperatorem, & Magnum dictum, bello lacesseuisse ait; id quod cum nostrâ Chronologiâ apprime convenit, & à verisimili nihil abludit; cum negare non possumus, Saxoni de Ragnaris gestis plura constituisse, quam posteritas apud nostrates conservavit; quorum notitiam cum

Skioldungorum historiâ nostratibus periisse suspicamur. Ruunt itaque, uti superius attigimus, illa, quæ de Ragnaris stemmate à Gottrico vel Godefrido Saxo habet: cum Godefridus hac ratione Ragnare inferior fuerit; quò & *Eginbardi* testimonium pertinet, tradentis, ultimum Carolo bellum fuisse cum Godefrido Danorum Rege; quod *Regino* & alii ad annum DCCCVIII. referunt. Nec magis ea sibi constant, quæ de præliis Ragnaris & Haraldi illius, qui Moguntia anno Christi DCCCXXVI. baptizatus est, idem Saxo adfert. Ista enim non ad Ragnarem Lodbrochem, sed ad Reginfridum Jutia Regulum pertinent, uti ex inferioribus patebit, & vel ipsum Erici Pomerani Chronicon satis innuit.

Ragnarem, Sigurdi Hringi filium, in Anglia ab Ella Rege necatum esse, nostrates & Saxo concorditer asserunt. Nos inter terræ illius Reges tres eo nomine vocatos invenimus: unum Australium Saxonum Regem, qui ab anno CCCCXCI. ad ann. DXIII. regnavit; alterum Northumbrorum Regem ab anno DLIX. ad ann. DLXXXIX. & tertium qui dictos Northumbros ab anno DCCCLXII. ad annum DCCCLXVII. rexit. Sed nullus eorum in Ragnaris hujus tempora quadrat. Aut igitur in hoc *Ella* nomine erratum est: aut, quod magis credimus, Ella iste, qui Ragnarem interfecisse perhibetur, exercitus Dux vel alius conspicuæ dignitatis vir fuit; unde nostrates, qui Saxoni hac in re præiverunt, eum forte Regem fuisse credidere.

Nescio an huc pertineat, quod in sua de gestis Regum Anglorum historiâ scribit *Simeon Dunelmensis*, hunc in modum: Eodem sane anno (*id est* DCCXCIII.) pagani

gani (*Danos eo nomine intelligit*) ab aqvilonali climate na-
 vali exercitu ut aculeati crabrones Britanniam venien-
 tes, hac illacque ut dirissimi lupi discurrentes, prædan-
 tes, mordentes, interficientes, non solum jumenta, o-
 ves & boves, verum etiam sacerdotes Levitasque, cho-
 rosque monachorum atque sanctimonialium, veni-
 unt, ut præfati sumus, ad Lindisfarnensem Ecclesiam:
 miserabili prædatione vastant cuncta, calcant sancta
 pollutis vestigiis, altaria suffodiunt, & omnia thesaura-
 ria sanctæ ecclesiæ rapiunt. Quosdam è fratribus inter-
 ficiunt, nonnullos secum vinctos assumunt, perpluri-
 mos opprobriis vexatos nudos projiciunt, aliquos in
 mare demergunt. Anno DCCXCIII. prædicti pa-
 gani portum Ecgfridi Regis vastantes, monasterium ad
 ostium Doni amnis prædarunt. Sed Sanctus Cuthber-
 tus non sine punitione eos sinebat abire. Princeps
 quippe eorum ibidem crudeli nece occisus est ab An-
 glis; & post exigui temporis spatium vis tempestatis
 eorum naves quassavit, perdidit, contrivit, & perplu-
 rimos mare operuit. Nonnulli itaque ad littus sunt
 ejecti, & mox interfecti absque misericordia. Ne-
 scio, inquam, an hæc ad Ragnarem Lodbrochem,
 ejusve in Angliam expeditionem pertineant. Tempora
 certè satis concordant, nec multum à Dunelmensis re-
 latione nostrates discedunt, qui Ragnarem naves ad An-
 gliæ littora amisisse, ac postea crudeli nece interem-
 tum tradunt.

Hunc eundem Ragnarem, Sigurdi Hringi filium,
Annalium Flateyensis auctor cujus verba proximo Capite
 pag 377. adduximus, respexisse videtur, etsi in tempore
 Ccc 3 illius

illius graviter eum errasse, ex iis, quæ de Ragnaris ætate nuper differuimus, appareat. Nec enim nos ista ad *Aimonii* Regenarium trahere audemus, licet *Pontanus* (*Hvitfeldii*, ut videtur, & *Lyschandri* chronographiis inductus) non dubitaverit, illum cum Ragnare Lodbroche unum eundemque hominem esse. Etenim nusquam, quantum scio, Regenarius iste *Lodbrochis* cognomine insignitur, & nullum ei inter Daniæ Reges locum deberi vel illud arguit, quod Galliæ arma intulerit, non propriis innixus viribus, sed auspiciis Rorici, quem Pontanus Daniæ Regem vocat, nos Regulum tantum fuisse inferius monstrabimus.

A Ragnare Lodbroche, Sigurdi Hringi filio, diversus plane est Lothbrocus ille, quem scriptores Anglici à S. Edmundi Regis aucupe non procul ab anno DCCC-LXX. interentum perhibent: cujus & necem filii illius Ingvar ac Hubba in dicto Rege ulti sunt. Istius filius etiam fuisse videtur Bier Ferrei Lateris, qui circa seculi IX. medium Galliam armis suis infestavit, ac Lunam Italiæ urbem cepit; quod nostrates, posteriorem hunc Ragnarem ignorantes, ad prioris Ragnaris, Sigurdi Hringi filii, natos perperam referunt, uti ex iis, quæ ex *Ragnaris Lodbrochis vitâ* & *Olafi Tryggvini historiâ* superius adduximus, abunde liquet. Lothbrocum huncce in Dania regnasse *Wilhelmus Gemmeti:ensis* innuit; quod de universâ Daniâ neutiqvam intelligi potest: quippe quam illius tempore Gormo Grandævo paruisse certum est. Fuerit itaque celebris pirata, vel, si mavis, territorii aliqujus in Daniâ Dominus: fortè in occidentali Jutiæ litore siti; id enim tam festina illius in Angliam jactatio innuere

nuere videtur. Regiâ Danorum stirpe Lothbrocum genitum fuisse *Bromton* testatur. Potuit superioris Lodbrochis, Sigurdi Hringi filii, nepos esse; quod tamen solâ conjecturâ nititur. Atque hæc de Ragnare Lodbroche Sigurdi Hringi filio, Daniæ Rege, eiqve cognomine, altero illo Lodbroche, dicta sunt.

CAPUT XIII.

De ditionis Ragnarianæ divisione,

et de Sigurdo Angvioculo Daniæ Rege.

Expositis hætenus iis, quæ de Ragnare Lodbroche, Sigurdi Hringi filio, Daniæ Rege, alteroque ei cognomine Lodbroche vetusti scriptores tradunt, operis ratio exigit, ut quid de prioris istius posteris, antiquæ in hunc usque diem apud nostrates conservatæ memoriæ suppeditant, nunc etiam depromamus. Constat autem ex iis, quæ ex sæpediti *Ragnaris*, Sigurdi Hringi filii, *Vita* superius Capite X. attulimus, filios illius, tam vivo patre, quam post mortem illius, varias & longinquas expeditiones suscepisse. Tandem in patriam reduces vastissimam parentis ditionem inter se divisisse *Olafr Tryggvini Vita* testatur. Verba illius, licet superius libri hujus Capite XI. pag. 375. adducta, hæc apponi merentur: En er þeir (*Lodbrokar synir*) komu aptr i ríki sitt, skip- „ tu þeir með sér ríkinu, tok Biorn Jarnfida Uppsalaríki, „ Svíþíod alla, oc hvarttveggia Gautland, oc oll þaulond „ er þar liggja til. Sigurdr Ormr i áuga hafði Eygota- „ land oc allar eyjar, Skani oc Hallland. Hvítferkr hafði „ Reid-

„ Reidgotaland oc þar med Vindland. *id est*: Cum
 „ vero in regnum suum rediissent *Lodbrochis filii*, illud in-
 „ ter se diuiserunt. Biornus Ferreum Latus Upsalense
 „ regnum accepit, Sveciam totam & utramqve Gothi-
 „ am, cum omnibus provinciis illuc pertinentibus. Sigur-
 „ do Angvioculo cessere Eygothia (*Gothia insularis*) (in
 „ Chronici Snorrini *versione Danica pro Eygothiâ perperam*
 „ *legitur* Jutia.) & omnes insulæ *Danice*, Scania quoque
 „ & Hallandia. Hvitfercus Reidgothiam (*Jutiam*) & Van-
 „ daliam obtinuit.

Ad Biornum Ferrei Lateris (alteri, in Frisiâ, uti su-
 perius dictum, mortuo, cognominem) quod attinet, is
 suam ditionem posteris suis, quorum nonnullos libri hu-
 jus Capite X. pag. 366. recensuimus) possidendam re-
 liquit.

De Hvitferki progenie nihil scimus: neque de eo in
 nostratium monumentis quicquam habetur præter ea,
 quæ ex *Ragnaris Lodbrochis Vita* superius retulimus. *Saxo*
 eum ante patrem obiisse scribit, quod nostris planè ad-
 versatur, & omninò erroneum esse videtur.

Sigurdus inferiores Daniæ Reges progeniuit, Ra-
 gnaris filiorum natu minimus, ab oculorum maculis An-
 gvioculus dictus. Expeditiones illius, quas unâ cum
 fratribus suis suscepit, superius attigimus. Verum quæ
 post accepta rerum gubernacula, tam in regno quam ex-
 tra regnum egerit, parùm constat. *Olafi Tryggvini vita* su-
 perius pag. 375. adducta, uxorem Sigurdo assignat Blæ-
 jam, (*Helenam* dicti Olafi vita in Codice Flateyensi nomi-
 nat) filiam Ellæ illius, qui patrem ejus Ragnarem occi-
 disse perhibetur. Eorum filius erat Hordaknutus, de quo
 plura

plura inferius dicentur. A Sigurdo quoque genus duxit Haraldus Pulchricomus, primus Norvegiæ Monarcha, uti ex tabellâ genealogicâ in calce Capitis X. superius positâ constare potest,

CAPUT XIV.

De Jutiæ Regulis, Sigurdi Hringi,

Ragnaris Lodbrochis & filiorum illius vasallis.

Huc usque de Regibus locuti sumus, qui Danicas terras summâ cum potestate gubernârunt: nunc Regulos interferemus, recensitorum monarcharum nonnullis subditos tributariosque.

Hos inter primus nominari meretur Olafus Anglus, Kinrici filius, quem Northumbriâ profugum Sigurdus Hringus recepit, Jutiæque præfecit, testante *Olafi Tryggvini vita*, cujus verba ex Arnæ Magnæi membranis superius Capite VIII. pagg. 320. 321. exscripsimus. Kinricus Olafi pater, secundum memoratam hîstoriâ, genitus est fratre Moaldæ Crassæ, matris Ivaris Vidfadmii Daniæ Regis. *Olafi Tryggvini vita*, quæ codice Flateyensi continetur, Kinricum Moaldæ, non fratris filium, sed fratrem fuisse perhibet, consentiente *Snorrini Chronici* versione Danicâ pag. 116. id quod cum temporum ratione minus concordat. Olafus Jutiæ diu præfuit, primum vivente Sigurdo Hringo, ac deinde sub Ragnare Lodbroche, illius filio & in monarchiâ Danicâ hærede. Hic Olafus absque omni dubio ille est, quem *Saxo* libb. VII. & VIII. Olonem vocat, Vegetique cognomine decorat, ac

Ddd

Sca-

Scaniæ à Ringone, Haraldi Hilditannis nepote & antagonistâ præfectum esse ait; quemadmodum nos superius libri hujus Cap. V. pag. 281. & Cap. VIII. pag. 324. id uberius adstruximus. Abeodem quoque Olafò Saxonem *Anglici* cognomen, quod Gormonum suorum medio assignat, mutuatum fuisse, Cap. VI. pag. 282. conjecimus, & tutò credi posse arbitramur.

Olafò in Jutiæ præfecturâ & Reguli dignitate successit filius illius Grimus, *Canus* vel *Cineraceus* cognomine dictus: quem Ragnarì Lodbrochi vectigalem fuisse temporum series evincit.

Post Grimum in Jutiâ regnavit filius ejus Audulfus cognomine *Ausgius* id est *Robustus*. *Audgium*, id est *Divitem* alii eum cognominant. Hunc Ragnarì Lodbrochis filiis vectigalem fuisse dicit *Olafì Tryggvini vita* in codice Flateyensi: ipsius Ragnarì vasallum verius eum faciunt sæpius memoratæ *Arne Magnæ* membranæ, quibus in hac re consentit *Snorrini Chronici* versio Danica pag. 117.

Audulfi filius erat Gormus, *Stultus* ac *sine liberis* cognomine dictus, qui patri in Jutiâ successit. Ragnarì Lodbrochis vasallum fuisse *Snorrini Chronici* versio Danica pag. cit. tradit; quod licet alibi, quantum scimus, non extet, falsum tamen non esse, ex temporum serie apparet. Ex hoc Gormo, illum, quem *Saxo* libro VIII. ab abstrusarum rerum cognoscendarum aviditate commendat, & Gotrici patrem facit, efformatum esse, libri hujus Cap. VIII. pag. 332. conjecturam fecimus. Hujus nostri tempore rerum in Holsatiâ potiebatur Comes quidam, nomine Arnfinnus, qui propriam sororem incesto amore complexus, filium ex eâ genuit. Id facinus ne
in

in vulgus emanaret, infantem recens natum servorum suorum duobus exponendum clam tradidit; qui eum in silvam, *Myrkvid*, id est *Opacum saltum* (*Snorrini Chronici* versio Danica *Dysterholt* appellat, id quod idem denotat) dictum, detulerunt, ibique sub arbore quâdam depositum reliquerunt. Accidit autem (*Olafi Tryggvini vitam* in sæpius allegatis Arnæ Magnæi membranis, hæc sequimur) ut prædicti Regis Gormi servorum nonnulli, quos ille negotiorum quorundam expediendorum causâ in Holfatiam ablegaverat, hoc eodem tempore per memoratam silvam domum versus iter facerent. Ubi cum, supervenientibus forte tenebris, inter saltus pernoctarent, vagientem non procul infantem audivere; quem anxie mox quærentes tandem invenerunt, pretiosis involutum panis, obnuptumque exterius linteo, quod in pectore illius nodus connectebat, aureos tres annulos complexu suo interius abscondens. Inventum itaque puerum servi ad dominum suum Gormum detulere, qui eum enutriri curavit, *Knutumque* (id est *Nodum*) appellavit, nominis ratione à nodo illo, qui linteo puerum circumdanti innexus, aureos istos annulos in pectore pueri servaverat, deducto. Arnfinnum, Knuti patrem, *Olafi Tryggvini vita*, quæ codice Flateyensi continetur, territorium quoddam in Saxonia rexisse, ac Caroli Magni vasallum fuisse refert; id quod vix subsistere potest. Rei quoque gestæ circumstantias eadem historia non nihil variat; ac inter alia, puerum repertum esse tradit, non à servis, sed satellitibus binis Gormi Regis, ad *Opacam* illam silvam venationem cum suis exercentis. Ad *Knuti* nomen quod attinet, nobiscum consentit *Sveno Aggonis*, (qui eum

Siwardi filium & Ragnaris Lodbrochis nepotem fuisse credidit) ubi eum à materni cinguli *modo* nomen accepisse memorat. Knutum Gormus sollicitè educari curavit; qvi ingenii acumine corporisque agilitate alios longe anteibat. Hinc Gormus eum valde dilexit; cumque improlis esset, filii loco semper habuit. Provectior Gormus in morbum incidens lethalem, multos amicorum cognatorumque convocavit, petebatque ab iis, ut potestatem sibi facerent, Regem sibi, qvem liberet, substituendi; se vero, permissu eorum Knuto omne regnum; reliquamque substantiam ad illum augendum necessariam, testamento legaturum. Datum est illud voluntati Regis extremæ, studiis civium valde culti; atque hoc modo Knutus Gormi, patris adscititii, successor designatur. Observationem heic meretur, Regem fiduciarium, inconsulto summo principe, successorem sibi, subditorum tantum voluntatibus sultum, in regno hæreditario constituere potuisse: nisi per *cognatos* Gormi, Ragnaris Lodbrochis filios intelligere velimus, qvi septimo gradu lineæ inæqualis eum cognatione attingebant. Nobis tamen verisimilius videtur, clientelares illius temporis Reges, subditosque illorum, eo potissimum jure vixisse, quo gaudebant anteqvam in superioris potestatem ditiones illæ pervenissent, sive regna ista electiva essent, sive successiva: supremæque potestatis Reges, tributis & conventionibus, quæ intercesserint, contentos fuisse. Forte etiam consensus populi, talisque vasalli testamentum à supremi Regis confirmatione dependebat.

Mortuo Gormo Knutus successit; adoptivus illius filius, ac moribundo, uti dictum est, successor datus.
Hic

Hic ut primum rerum gubernacula accepit, proclamari latè fecit, magna se illi munera daturum, qvi stemma suum (qvod hætenus latuerat) verè sibi indicaret. Ita de genere sollicitum duo viri aliquando accessere, qvi se Comitis cujusdam in Saxoniâ servos esse dicebant; retuleruntqve Arnfinnum Holfatiæ Comitem ex propriâ sorore filium qvondam progenerasse, sibiqve, tunc temporis ipsi servitio addictis, exponendum tradidisse; se autem eum in Opacam silvam deportatum, sub arbore qvadam deposuisse. Enumeratis dein omnibus expositi infantis notis, rei veritas ex simili Knuti repertorum relatione agnita omnium calculo comprobabatur. Indicibus stemmatis Knutus pecuniam ad libertatem redimendam dedit: Illos nec minus servos, qvi expositum olim invenerant, libertate donavit: ac utrosqve amplis ditioribus præfectos, Comitum titulis ornavit. Ob tantam in servos munificentiam cognomen Knuto adhæsit, ut *þræla-knutr*, id est *Knutus Servius*, diceretur. Alio cognomine *Inventus* (*Exposititium* nos alibi eum vocamus, qvod idem est) dictus est, vernaculè *Knutr Fundne*: unde desumptam esse puto *Lodne-knuti* appellationem, qvam Canuto, Erics Pueri (ut volunt) filio, rerum Danicarum scriptores communiter imponunt. Knutus Servius gloriose qvidem, sed paucis tantum annis regnavit.

Knuto filius ejus successit, qvem ille nutritii sui & adscitii patris nomine Gormum vocaverat. Gormum huncce *Olafi Tryggvini vita* in codice Flateyensi primò *Heimskium*, id est *Stultum*, ac deinde in provectiori ætate *Rikium*, id est *Potentem*, cognominatum esse tradit. *Stulti* cognomen non ad hunc Gormum Knuti filium, sed alte-

rum, Audulfi filium, refert *Olafr Tryggvini vita* in membranis Arnæ Magnæ: suffragante *Snorrini Chronici* versione Danicâ pag. 117. Ad *Potentis* appellationem quod attinet, illa huic Gormo jure competere poterit: quippe qui majores suos potentiâ multum superavit. Etenim Ragnaris Lodbrochis filiorum beneficio non solum in Jutiâ regnavit, sed & (testantibus sæpius allegatis *Arnæ Magnæ* membranis, ut & *Snorrini Chronici* versione Danicâ pag. 118.) toti Daniæ, eorum vice præfuit; cum scilicet illi, post mortuum patrem peregrinis expeditionibus exterisque bellis occuparentur. Sigurdo Angvioculo inprimis carus erat, ac filium illius Hordaknutum educavit; eidemque, post mortuum patrem Sigurdum, in pueritia ad sceptrâ venienti, tutoris officium præstitisse videtur. Ex hoc Gormo & Olafo Anglo, cujus superius mentio facta, coaluisse videtur Gormo Anglicus apud Saxonem libro IX. Nec mirum, nostrum hunc Gormum à scriptoribus Danicis inter genuinos Reges recenseri: cum ampliori ditioni præfuerit, quam singuli Lodbrochis filii, postquam regnum inter eos divisum erat. Gormus hicce an liberos reliquerit, vel improlis decesserit, in incerto est; de posteris sanè illius altum apud nostrates est silentium. Hic recensitorum Jutiæ Regulorum chronologiam subnectere libet, ex conjecturis quidem magnam partem concinnatam, cum temporum tamen rerumque circumstantiis bene concordem, ac itaque vero, uti putamus, simillimam.

Olasum Kinrici filium Sigurdo Hringo natu majorem fuisse, cognationis illorum gradus innuunt: natus itaque erit anno Christi DCLXX. In Jutiâ regnare eum
cœ-

cœpisse statuimus anno Christi DCCXXXVIII. ætatis suæ LXVIII. Grimum Cineraceum progenuisse conjicimus anno Christi DCXC. ætatis XX. Sedecim annis regnaverit, ut mortuus sit anno Christi DCCLIV. ætatis suæ LXXXIV.

Grimus Cineraceus, anno Christi DCXC. natus, regnare cœperit anno Christi DCCLIV. ætatis suæ LXIV. Audulfum progenuerit anno ætatis XX. Christi DCCX. Biennio eum regnasse statuimus, mortuumque anno Christi DCCLVI. ætatis suæ LXVI.

Audulfum Robustum anno Christi DCCX. natum esse conjecimus. Patri successerit anno Christi DCCLVI. ætatis suæ XLVI. Gormum progenaverit anno Christi DCCXXX. ætatis XX. regnaverit duobus annis, mortuus anno Christi DCCLVIII. ætatis suæ XLVIII.

Gormus, quem alii *Stultum*, alii *sine liberis* dicunt, natus erit anno Christi, ut diximus, DCCXXX. regnare cœperit anno Christi DCCLVIII. ætatis suæ XXVIII. regnaverit XXXIV. annis, obieritque anno ætatis LXII. Christi DCCXCII.

Knutum Exposititium anno Christi DCCLX. natum esse statuimus. Nutritio suo Gormo successerit anno Christi DCCXCII. ætatis XXXII. Gormum genuerit anno Christi DCCLXXXVIII. ætatis suæ XVIII. Quadriennio regnasse eum ponimus, ac itaque mortuum anno ætatis XXXVI. Christi DCCXCVI.

Gormus, anno Christi DCCLXXXVIII. natus, patri Knuto successerit anno Christi DCCXCVI. ætatis suæ XVIII. Lodbrochis filiorum, in peregrinis expeditionibus occupatorum, vicarius fuit, totamque Daniam rexit.

rexit. Hordaknutum, Sigurdi Angvioculi filium, anno Christi DCCCX. ex nostro calculo natum, educavit, ejusque, post mortuum anno DCCCXX. patrem, in regimine curator fuisse videtur. Gormum XXXII. annis ad scepra sedisse ponimus; decessisseque anno Christi DCCCXXVIII. ætatis suæ qvinqvagesimo.

CAPUT XV.

De posterioribus Jutiæ Regulis.

Hi fuere Reguli, qvi Daniæ monarchis cognati, centum circiter annis eorum beneficio in Jutiâ regnarunt. Sunt autem alii Jutiæ Reguli, de quorum generis origine non æqvè constat. Horum primi recentiorum ultimis tempore æquales sunt. Agmen illorum Godefridus ducit: de quo & successoribus illius sequentia habet *Olaf Trygvini vita*, quam ex binis Arnæ Magnæi membranis sæpius antea allegavimus. A þeim tíma er Karlamagnus var konungr. þa red fyrir Jotlandi sa konungr er Godefridus het. hann drap Hæreke Frifa höfðingia oc skattgilldi Frifi. síðan fór Karlamagnus konungr með mikinn her i moti Godefrido. þa var Godefridus drepinn af síalfs síns lidi. en Hemingr brodir hans tekinn til konungs. Hemingr hellt fram lidinu til motz við Karlamagnus konung. þar til er þeir funduz við a þa er Egda heitir. þar sætuz þeir. en Hemingr andadiz vetri síðarr. þa giordoz konungar at Jotlandi Sigfrodr (Sigraudr) frændi Godefridi. en annarr het Hringr Anulo. þeir deildo um ríkit. oc drogu báðir her at sér. Um síðir attu þeir mikla

mikla orroftu. oc lauk fva at hvartvegg þeirra fell. I „
 þeirri orroftu fella X. þufundir oc DCCCC. oc XL. „
 (tiu þufundir oc fimh hundrat oc sextigir) manna. „
 þa tok konungdom fa madr er Haralldr het. hann var „
 fimh vetr konungr adr hann bardiz vid Reinfriðum „
 fon Godefridi. I þeirri orroftu het Haralldr þvi tilfigs „
 fer. ef hann kæmiz or orroftu þeirri. at hann skyldi „
 taka skirn med ollu skulldalidi finu. I þeim bardaga „
 feck hann figr. oc for litlu fidarr med konu fína oc Ha- „
 rek broður (broður fon) finn oc mikit Dana lid til fun- „
 dar vid Lodue fon Karlamagnuſs. er þa var keifari. „
 Var Haralldr þa skidr oc hans menn i Meginzuborg. „
 a dogum Paskalis pava. for þa Haralldr apr i Danmork. „
 oc med honum Anſgarius biskup. oc skirdi hann þar „
 margt manna. Haralldr varð sottdaur. en Harekr fræn- „
 di hans tok konungdom. oc red fyrir Jotlandi. þar til „
 er Guthormr broður fon (modur broðir) hans bardiz „
 vid hann. þa var lidit fra holldgan vars herra Jefu Kri- „
 ſti atta hundrat ara sextigir oc tvau ar. I þeirri fokn fel- „
 lu þeir badir oc alt konunga kyn þat er med þeim var. „
 utan fveinn einn lifdi eptir er Harekr het. oc varð „
 fa konungr fidan. Anſgarius biskup for þa enn i Dan- „
 mork til fundar vid Harek. oc skirdi hann. Harekr „
 let giora kirkiu i Ripum. en Haralldr (Harekr) hafði „
 adr latit giora i Heidabæ. Anſgarius biskup andadiz „
 þrim vetrum eptir bardaga þeirra Hareks oc Gu- „
 thorms. þa er ſagt at Harekr kaſtadi kriftni oc dolitlu „
 fidarr. Eptir þat voru konungar heidnir Sigfroðr oc „
 Halðan. *id eſt.* Carolo Rege Magno imperante, Ju- „
 tia Rex præfuit, Godefridus dictus. Hic Hrærecun „

„ Frisorum principem occidit, & Frisos sub tributum
„ misit. Postea Rex Carolus Magnus numerofo cum
„ exercitu contra Godefridum movit; Godefridus au-
„ tem tunc à propriis militibus occifus eft, fraterque il-
„ lius Hemingus Rex creatus; qui Regi Carolo Magno
„ cum exercitu obviam proceffit, donec convenirent
„ ad amnem, qui Egda (*Egdora*) vocatur. Ibi pax utrin-
„ que facta eft: Hemingus autem proximè feqvente an-
„ no deceffit. Tunc Reges in Jutia facti funt Sigfro-
„ dus Godefridi cognatus, & alius nomine Hringus Anulo.
„ Hi de regno invicem contendentes exercitum utria-
„ que confcripferunt, ac ingenti prælio conflixerunt,
„ quod utriusque villorum cæde finiebatur. Iſto prælio de-
„ cem millia hominum, nongenti & quadraginta (quin-
„ genti ſexaginta) occubuerunt. Tum Rex factus eft vir
„ quidam, nomine Haraldus, Is quinquennium regna-
„ vit, antequam cum Reinfrido Godefridi filio prælio de-
„ certaret. Eo prælio Haraldus, obtinendæ victoriæ gra-
„ tia, voto ſe obſtrinxit recipiendi cum univerſa familiâ
„ ſacri baptiſmatis, ſi ſalvus evaderet. Itaque victor fa-
„ ctus, paullo poſt cum uxore ſua & fratre (fratris ſui
„ filio) Hareco & magno Danorum comitatu, ad Ludovi-
„ cum, Caroli Magni filium, qui tunc Imperator erat,
„ profectus eft, ſacroque ſe baptiſmate cum ſuis omni-
„ bus ablui fecit, Moguntiæ, ſedente Paſchali Pontifice.
„ Hinc in Daniâ regressus eft Haraldus, Anſgario E-
„ piſcopo comitatus, qui magnam populi partem ſacro
„ fonte ibi abluit. Haraldus morbo deceſſit. Cui Ha-
„ recus cognatus ejus ſucceſſit, Jutiæque præfuit, do-
„ nec Guthormus fratris illius filius (avunculus illius)
præ-

prælium cum eo committeret. Tunc temporis e-
 lapsi fuere ab incarnatione Domini nostri Jesu Christi
 DCCCLXII. anni. Illo certamine uterqve eorum cæ-
 sus est: ceciditqve universa Regia profapia, quæ isti
 bello interfuit. Unicus saltem puer supervixit, nomine
 Harecus, qui postea Rex factus est. Ansgarius Epi-
 scopus tunc in Daniam ad Harecum denuo profectus
 est, eumqve baptizavit. Harecus Ripis templum ex-
 struicuravit; ceterum Haraldus (Harecus) aliud pri-
 us Heidabæi (*Slesvici*) ædificari curaverat. Ansgarius
 Episcopus triennio post conflictum Hareki & Guthor-
 mi fato functus est. Harecus tunc Christianam religio-
 nem abjecisse dicitur, & paullo post vitam cum mor-
 te commutasse. Ei Sigfrodus & Halfdanus succedere:
 Reges à Christiana religione alieni.

Eadem fere habentur in *Olafi Tryggvini vita*, quæ
 Codice Regio Flateyensi continentur: pauculas quæ oc-
 currunt differentias, nos occasione datâ in sequenti-
 bus annotabimus. Ceterum notari hoc loco meretur, in-
 terpolatio illa, quam *Snorrinum Chronicon*, versionis Dani-
 cæ pag. 112. & sequentibus passum est. Traditur ibi,
 tempore Caroli Magni, Daniæ (non Jutiæ tantum) sce-
 ptrâ gessisse Godefridum vel Gotricum; eiqve à suis oc-
 ciso successisse Hemingum, qui cum Carolo fœdus fan-
 civerit. Post eum Regium in Jutiâ nomen assumpsisse Si-
 gurdum vel Sigrodum, Godefridi filiâ ac Sigurdo Nor-
 vegiæ Rege natum, & Ringum Annulonem, Sigurdo Sæ-
 landiâ & Scania paruisse mox dicuntur: Ringo autem
 Jutiâ. Hi de summâ rerum præliis decertasse memoran-
 tur, quod, præter utrumqve eorum, hominum decem mil-

lia quingentos & quindecim absumserit. Posthæc Daniæ regnum invalisse traditur princeps quidam, nomine Haraldus; cui, cum quinquennio regnasset, Ragnar Lodbroch bellum intulerit. De Christiana religione assumendâ votum tunc concepisse Haraldus dicitur, ac obtentâ de hoste victoriâ cum fratre Hareco & uxore Ludovicum Imperatorem adiisse, sacrumque cum suis baptisma Moguntia suscepisse. Mox in Daniam Ansgario Episcopo comitatus rediisse perhibetur; additurque: scribere nonnullos, hunc Haraldum, à Ragnare Lodbroche expulsum, Ludovici Imperatoris ope in Daniæ Regnum restitutum esse, tempore Sigurdi Angvioculi; ditionem tamen illius ultra Jutiam sese non extendisse. Post Haraldum, morbo extinctum, Harecus frater illius regnasse perhibetur, frustra se ei opponente Erico, Sigurdi Angvioculi filio. Hunc cum avunculus illius Guttormus anno Christi DCCCXXVI. bello lacefferet, uterque eorum concidisse traditur, cum universâ Daniæ Regum prosapia, unico tantum excepto Sigurdi Angvioculi filio, qui postea ad sceptrum pervenerit. Hunc Ansgarius, de novo in Daniam profectus, baptizasse dicitur; additurque: istum Regem, Harecum, Ripis sacram ædem extruxisse, cum alteram Slesvici prior Harecus antea ædificari curasset. Triennio exinde Ansgarius decessisse scribitur, anno Christi DCCCXXIX. posteaque Harecus ad paganismum relapsus mortem oppetiisse. Hactenus interpolatio ista; cujus in Snorrini Chronici codicibus manuscriptis ne minimum quidem fundamentum apparet. Et certè, quæ de Jutiæ Regibus memorata Snorrini Chronici versio pag. cit. usque ad pag. 120. profert; à Snor-

à Snorrii manu haud sunt profecta, sed desumpta primum ex *Olafi Tryggvini* seorsim editâ vitâ: ac deinde à recentiore quodam interpolata & corrupta: idque, veluti apparet, ut eo melius cum Saxonis relationibus convenire possent. Nunc posteriores hosce Jutiæ Regulos singulatim examinabimus.

Primus eorum, uti nuper diximus, Godefridus est, qui anno Christi DCCLXXXII. legatos ad Carolum Magnum misit. Legati isti in *Reginonis* chronico *Altdeni* et *Hofmundus* nominantur: in *Fuldensibus* autem *Annalibus* prior illorum *Halpdani* vocatur; *Halpdanum* & *Asmundum* nomine fuisse clarum est. *Danorum Regem* Godefridum appellant *Annales Fuldenses*; quem in Jutiâ tantum rerum potitum ex *Olafi Tryggvini vitâ* constat; non tamen solum, uti ex historiarum collatione patet. Legatos itaque ad Imperatorem, ut ei maximè vicinus, misisse videtur. *Adamus Bremensis* eum tam potentem fuisse tradit, ut *Frisos*, *Nordalbingos*, *Obotritos* & alios Sclavorum populos sub tributum miserit. Nos militiæ præfectum à ceteris Regulis eum constitutum fuisse existimamus. Eâ ratione is, qui magnam Jutiæ partem proprio jure tenuit, ditionem suam extra eam extendere potuit, fortè usque ad *Westfaliam*, quam postea *Danis* rebellem factam, ac ab *Haraldo* & *Reginfrido*, de quibus inferius dicetur, ad obsequium redactam esse, *Regino* ad annum DCCCXIII. innuit, suffragantibus incerti auctoris *Annalibus Francicis* de *Pipino Carolo M.* & *Ludovico*. Godefridi genus nostratium monumenta reticent. *Gormi* filium Saxo facit, quod ad *Gormum* illum, qui *Stulti* cognomine vocatus est, & *Knutum* *Expositum* filii loco habuit, refer-

ferri posset, nisi eum sine liberis obiisse constaret. Hvítferco, Ragnaris Lodbrochis filio, genitus esse potuit, ac eâ ratione absoluto jure in Jutiâ regnasse; neque enim Hvítferki illius in Jutiâ & Vandalia successores usquam exprimitur. Nihil tamen absque præviâ literarum auctoritate, quæ hic omnino deest, pronunciare audemus. Tributum, à Godefrido Frisis impositum, quam superbe avaræque exactum sit, *Ubbø Emmius* Rer. Frisic. lib. V. exponit. Godefridum anno Christi DCCCX. à proprio satellite interemptum *Annales Fuldenses* & *Regino* testantur.

Hemingus Godefrido successit, frater illius secundum *Olaf Tryggvini vitam*: patruelem Godefridi *Adamus Bremensis* vocat: *Sigebertus* filium fuisse scribit: nepotem, nempe Olaf Godefridi filio prognatum, eum facit *Chronicon*, quod *Erico Pomerano* vulgò adscribitur. Hemingus cum Carolo Magno pacem composuit, limite regnorum Eydorâ fluvio constituto, obiitque anno Christi DCCCXII. testibus *Reginone* & pluribus vetustis *Annalibus*.

Sigfrodum & Hringum Anulonem Hemingo in Jutiâ successisse *Olaf Tryggvini vita*, cujus verba nuper adduximus, ait. Hringus ille in Flateyensi codice perperam Hergeir vocatur: scribæ, absque dubio, culpâ. Exteri scriptores Sigefridum & Anulonem appellant, omisso *Hringi* nomine, quod alias *annulum* significat. Sigefridum Godefridi nepotem fuisse volunt; quem *Olaf Tryggvini vita*, generaliori voce, cognatum illius vocat. Anulo Herioldi (Haraldi) cujusdam, Regio ut credere par est sanguine prognati, nepos fuisse perhibetur. Hos du-

os sceptrâ attigisse magis quam gestasse ex eo apparet, quod uterque eorum dicto anno DCCCXII. mutuo prælio conciderit. Etenim cum inter eos de divisione regni non conveniret, comparatis copiis & commisso prælio ambo moriuntur, victoriâ tamen penes Anulonis partem manente, uti hæc in *Annalibus Fuldensibus & Reginonis* chronico ad dictum annum habentur. Decies mille nongentos quadraginta viros isto prælio cecidisse, memorati scriptores tradunt: XM. DCCCC. LX. ait *Olaf Tryggvini vita*, quæ Codice Flateyensi continetur: *Arne Magnæi* membranarum altera XM. D. LX. habet: *Adamus Bremensis*, qui prædictum prælium in Ludovici pii tempora perperam rejicit, undecim millia hominum eo perisse scribit.

Sigefrido & Anulone occisis, victrix hujus pars Herioldum & Reginfridum, defuncti Domini fratres, ad Regiam dignitatem allevârunt, testibus *Reginone & Fuldensibus Annalibus* ad ann. DCCCXII. Herioldus nostris Haraldus appellatur, in Codice Flateyensi corruptissime Herdus dictus. Haraldum & Reginfridum memorato anno DCCCXII. ad Imperatorem Carolum concorditer legatos misisse, ex *Reginone* liquet; qui & eos, communibus copiis, Westfalos, dominium eorum detrectantes, anno sequenti DCCCXIII. perdomuisse innuit, consentientibus incerti auctoris *Annalibus Francicis* de Pipino, Carolo M. & Ludovico. Eodem anno Godefridi Regis filii, & ex primoribus Danorum non pauci, qui patriâ profugi apud Svecnes exulârant, domum reversi, Haraldum & Reginfridum prælio adorti, eos regno expulerunt, prout ad annum DCCCXIII. *Regino* & memorati incerti auctoris *Annales* habent.

bent. Sequenti anno, qvi DCCCXIV. fuit, Haraldus & Reginfridus, reparatis viribus in Daniâ regreffi, cum Godefridi filiis prælium commiferunt; qvo Godefridi filiorum unus cecidit: Reginfridus qvoque occifus; Haraldus vero, desperatis rebus ad Ludovicum Pium, nuper tunc Imperatorem factum, fe conferens, auxilium illius imploravit, testantibus prædictis incerti auctoris *Annalibus*. Reginfridum Godefridi filium fuiffe, ac itaqve Haraldum hostem credidit *Olafi Tryggvini vitæ* auctor. Concorde eos vixiffe, ac Godefridi filiis communibus viribus obstitiffe, ex citatis scriptorum locis clarum est; qviquid in contrarium afferant Chronicon, qvòd *Erici Pomerani* nomen præfixum habet, & *Adamus Bremensis*: qvorum illud Reinfridum & Haraldum novem annis de rerum summâ decertasse tradit: hic Reginfridum ab Haraldoregno pulsum memorat. Anno DCCCXV. Ludovicus Imperator Haraldum, priori anno ad se profugo, contra Godefridi filios copias subministravit: quæ tamen, prævalentibus in Daniâ dictis Godefridi filiis, re infectâ in Germaniam rediere, prout *Fuldenses* & incerti auctoris de Pipino, Carolo & Ludovico *Annales* testantur. *Sigebertus Gemblacensis* hanc auxilium Ludovici militum expeditionem in Daniâ ad ann. DCCCXVI. refert. Sequentibus annis Haraldum, Imperatoris auxiliis suffultum, Godefridi filios infestasse, ex sæpèdictis incerti auctoris *Annalibus* ad ann. DCCCXVII. colligi potest. Anno DCCCXIX. in societatem regni aliquo modo receptum iidem *Annales* innuunt; confirmante id *Sigeberto*, qvi ad hunc eundem annum, Haraldum in regnum Danorum à Ludovico remiffum scribit. Anno DCCCXXI.

in-

inter Haraldum & Godefridi filios omnia pacata fuisse, in sapeditis *Annalibus* traditur. Sic anno sequenti DCCCXXII. tam Haraldum quam Godefridi filios legatos ad Imperatorem e Daniâ misisse ibidem habetur. Anno DCCCXXIII. inter eos lites de novo exortas, inde patet, quod Haraldus, dicto anno, Imperatorem accesserit, *auxilium petens contra filios Godefridi, qui eum patria pellere minabantur*, uti loquuntur sapediti anonymi *Annales* de Pipino, Carolo M. & Ludovico. Anno DCCCXXV. Ludovicus Imperator cum Godefridi filius pacem fecit; qui & anno sequenti legatos ad eum pacis ac fœderis causa miserunt. Hoc eodem anno DCCCXXVI. Haraldus cum uxore suâ & magna Danorum multitudine veniens Moguntiam, ibidem cum iis, quos secum adduxerat, baptizatus est, testantibus incerti auctoris *Annalibus*, & iis, quos *Fuldenses* vocant. *Sigebertus* Haraldi filios unâ cum patre baptizatos scribit, idque ad annum DCCCXXV. refert. *Adamus Bremensis* eâ quoque vice baptizatum scribit fratrem Haraldi Horicum, eique partem Frisiæ ab Imperatore in feudum concessam. Horicus ille in *Olasi Tryggvini vitâ* Harecus nominatur, atque in *Arne Magnæi* codicum uno Haraldi frater dicitur: in altero, ut & Flateyensi, Haraldi fratre genitus perhibetur. *Fuldenses Annales* eum Roruc appellant, ac exiguum Danici regni partem postea accepisse innuunt, prout inferius dicitur. In baptismi Haraldiani tempore graviter errat *Gotfridus* presbyter *Viterbiensis*, in suo Pantheo, qui eum suosque salutare undâ ablutos scribit, sedente ad imperii clavum Cæsare Lothario, Ludovici Pii filio. Versus illius hac de re ita sonant:

Fff

Solus

Solus in imperii Lotharius arce refedit,
 Jureque Teutonicis Romana monarchia fedit,
 Juraque Teutonicus Cæsar in urbe dedit:
 Tunc Rex Danorum baptismum recepit Heroldus,
 Filius ipsius cum matre puer Manigoldus.
 Et reliqui populi christum tulere sui.

Hæc de Haraldi & Godefridi filiorum contentionibus, ac baptismo Haraldi *Adamus Bremensis* parum distinctè refert lib. I. Cap. XV. quasi Haraldus, cum primum regno pulsus Imperatorem Ludovicum adiret, Christo nomen dedisset; quod ita se non habere, ex superioribus manifestum est. Ad votum Haraldi de Christiana religione suscipiendâ, cujus *Olaf Tryggvini vita* meminit, quod attinet, id longè serius quam ibi dicitur conceptum esse videtur: fortè post annum DCCCXXIII. cum scilicet inimiciæ inter eum & Godefridi filios recrudescerent. Et non potuit Haraldus, post tam crebram cum Francis & Saxonibus Christianis conversationem de religione eorum non benè sentire. Suscepto baptismo Haraldus in Daniam mox regressus est, Ansgario comitatus, qui biennio ibi mansit, multosque ad veri Dei notitiam perduxit, teste *Adamo Brem.* lib. I. Cap. XVI. Haraldo autem diurnâ quies non dabatur. Etenim anno DCCCXXVII. à Godefridi filiis consortio regni ejectus Daniâque expulsus est. Quos cum Imperator Ludovicus anno sequenti DCCCXXVIII. conciliare vellet, ac in eam rem, omnes ferè Saxonie magnates convocasset, Haraldus rerum gerendarum nimis cupidus, conductam & per obsides firmatam pacem rupit, incensis ac direptis aliquot Danorum villis. Quâ injuriâ accensis Godefridi filii,

transito

transito flumine Eydorâ, Imperatoris milites, nil adversi metuentes, castris exuunt, eaqve diripiunt. Mox missâ ad Imperatorem legatione exponi curant, quam inviti & quantâ necessitate compulsi hæc fecerint; esse se ad æquas condiciones paratos, posseque Imperatorem ita sese in hac re gerere, ut firma in posterum pax maneat. Restitutum paulo post Haraldum ex *Adami Bremensis* lib. I. Cap. XVI. colligi satis clarè potest. Ansgarius enim illum anno DCCCXXVI. in Daniam secutus, biennium ibi mansit. Inde ad Imperatorem reversus, Svecicam legationem in se suscepit. Qua perfuncturus cum Daniam transiret, Gislemarum socium suum apud Haraldum ibi reliquit, anno, ut apparet, DCCCXXIX. vel qui proximè sequitur. Hic ille est Haraldus, quem cum Ragnare Lodbroche toties conflixisse, Christianum factum sacram ædem Slesvici extruxisse, tandemque ad paganisimum relapsum esse *Saxo* scribit, prout nos illius relationem superius Cap. X. pag. 356. & seq. compendio exhibuimus. Verum illa, quæ de Haraldi & Ragnaris synchronismo à Saxone & recentioribus rerum Danicarum scriptoribus traduntur, fundamento carere, abundè, ut credimus, ex superioribus patent: confusio vero isti occasionem dedisse videtur Ragnaris & Reginfridi nominum convenientia; ad quam nos antea digitum intendimus libri hujus Cap. XII. pag. 392. Quod de Haraldi apostasiâ *Saxo* scribit, indubiam apud nos fidem non invenit, cum *Adamus Bremensis* & alii, quotquot illius meminere scriptores veteres, ne verbum quidem eâ de re habeant. *Olaf Tryggvini vita* impietatem istam posteriori Hareco, de quo inferius, impingit, &

Haraldum morbo decessisse tradit. Ad templum vero Slesvicense quantum attinet, illius ædificationem Haraldo huic attribuit *Olasf Tryggvini vita* in codice Flateyensi, ubi illud ab Herdo extractum esse tradit: ita enim corruptum Haraldi nomen ibi legitur, uti superius dictum est. *Arne Magni* membranarum una eundem illius conditorem facit: altera vero Hareco, qui ei proxime successit, pietatem illam adscribit, suffragante *Adamo Bremsensi* lib. I. Cap. XXV. Haraldum huncce inter universales Daniæ Reges Danicarum Rerum scriptores collocant, Klackiiqve cognomine vulgò insigniunt. Ab universæ Daniæ regimine quantum abfuerit, abundè ex superius dictis elucescit. In Klackii cognomine personarum error est, quippe quod ad hunc non pertinet, sed alterum Haraldum, qui Comitis dignitatem officiumque in Jutiâ (aliis Holsatiâ) gessisse scribitur, ac, secundum nostratum assertiones, pater fuit Thyra, quæ Gormo Grandævo, Daniæ Regi nupsit, eiqve Haraldum Cærulidentem, Daniæ itidem Regem, peperit. Ipsum Haraldum Klackium, Comitis officio postea sese abdicasse, ac in Galliam profectum, Christianam religionem suscepisse, nec unquam in Daniam rediisse tradit *Olasf Tryggvini vita*, quæ Flateyensi Codice continetur. Haraldus Jutiæ Regulus quamdiu vixerit, nobis non satis constat: *Hvitfeldius* eum anno Christi DCCCXLVI, decessisse scribit; quod licet antiquiorum scriptorum auctoritati, quantum scimus, non innitatur, absurdi tamen nihil inferre, ex sequentibus patefiet.

Harecus Haraldo successit: quem *Olasf Tryggvini vita* superius adducta antecessoris sui cognatum appellat; eum-

umque sine dubio intelligit, qui cum Haraldo Moguntiae baptizatus est. Codex Flateyensis eum hoc quoque loco *Haraldi fratris filium* vocat: quo adhuc clarius ostenditur, de praedicto Hareco Moguntiae baptizato sermonem esse. Idem Danici scriptores intendunt, qui Haraldi Moguntiae baptizati fratrem, Ericum communiter appellant, eumque Daniae regnum invasisse, tandemque cum Guthormo mutua caede periisse tradunt: addentes eundem cum fratre Haraldo sacro fonte ablutum esse. Verum sunt quae dubitandi ansam suggerunt, sitne hic Harecus, Haraldi successor, idem cum eo, qui Moguntiae baptizatus est, an vero hi duo homines diversi sint: imò sunt quae persuadent, solum nomen his commune fuisse. *Adamus Bremensis* Horici Danorum Regis, qui hic ipse est Haraldi successor, meminit lib. I. Cap. XXV. his verbis: *Hoc regalis munificentiae dono (sc. Episcopatu Bremensi sibi collato) confessor Dei (Ansgarius) valde gavisus in Daniam festinavit: ubi Regem Danorum Horicum inveniens Christianum reddidit. Is statim ecclesiam in portu maritimo erexit apud Sliasuug, datà pariter licentià, ut quisque vellet in regno suo, fieret Christianus.* Circa annum Christi DCCCXLVII, hæc acta esse, Adami contextus monstrat; quæ in Harecum anno DCCCXXVI. conversum & baptizatum bene non quadrant. Viderunt id *Pontanus Meursius*que, ac igitur Ericum suum ab Ansgario tunc non ad Christum conversum, sed in verâ fide ac pietate magis firmatum esse scribunt. Ceterum, quo minus hanc limitationem admittamus, præter allata Adami verba, in causâ est *Archiepiscoporum Bremensium historia*, quæ Ansgarium Daniae Regem baptizasse, & primam Slesvici eccle-

fiam construxisse, disertis verbis perhibet. De Hareco, Moguntia baptizato, sequentia habent *Annales Fuldenfes*, qui eum Roruc appellant: Anno DCCCL. Roruc natione Nordmannus (*i. e. Danus*) qui temporibus Hluduici Imperatoris, cum fratre Haraldo vicum Dorestadum jure beneficii tenuit, post obitum Imperatoris, defuncto fratre, ad Hlutharium, qui patri successit in regno, proditionis crimine falso (ut fama est) infimulatus, tentus & in custodiam missus est: unde fugâ lapsus in fidem Hludouici Regis Orientalium Francorum veniens, cum per annos aliquot ibi moraretur, & inter Saxones, qui confines Nordmannis (*Danis*) sunt, mansitaret, collecta Danigenarum non modica manu, cœpit piraticam exercere, & loca regni Hlutharii septentrionalis Oceani littoribus contigua vastare; venitque per ostia Rheni fluminis Dorestadum, & occupavit eam atque possedit. Et cum à Hluthario principe sine periculo suorum non posset expelli, cum consilio senatus, legatis mediantibus, in fidem receptus est, eâ conditione, ut tributis cæterisque negotiis, ad Regis ærarium pertinentibus, fideliter inseruiret, & piraticis Danorum incurfionibus obviando resisteret. *De eodem in dictis Annalibus hæc leguntur ad Annum DCCCLVII.* Roruc Nordmannus (*Danus*), qui præerat Dorestado, cum consensu Domini sui, Lutharii Regis, classem duxit in fines Danorum, & consentiente Horico Danorum Rege (*de quo mox dicetur*) partem regni, quæ est inter mare & Egidoram, cum sociis suis possedit. Ejusdem planè sensus sunt quæ ex Pithœi Annalibus Francicis *Pontanns* præfert pag. m. 105. hunc

hunc in modum : Annales Francorum , quos à Pi-
 thæo editos habemus, ferè eodem hoc tempore, anno
 nimirum præcedente octavum & octingentesimum
 quinqvinquagesimum, (DCCCLVII) iterum Erici (ita
Pontanus & alii recentiores rerum Danicarum scriptores voca-
re solent , quos exteri Horici nomine appellant) qui Dore-
 ftado fuit præpositus, mentionem injiciunt; quafi is
 Lotharii auspiciis, ductâ in fines Normannorum clas-
 se, eam regni Danici partem, quæ inter Eidoram &
 mare est, ab Erico (*Horico*), quem Regem Danorum
 iidem Annales appellant, una cum sociis obtinuerit.
 Ex adductis locis clarè satis apparet, Harecum, qui Mo-
 guntiaë baptizatus est, Haraldo (quem ante annum
 DCCCL. mortuum esse ex allatis *Annalium Fuldensium*
ut ex Adamo colligitur) non successisse, sed patriâ
 quafi extorrem, diu post illius obitum, piraticam
 exercuisse, donec tandem, alterius in Daniâ Re-
 gis beneficio, exiguam regni partem acciperet: idque
 triennio post necem illius Hareci, qui Haraldo successit,
 uti mox dicetur. Diverſi itaque ab invicem sunt Hare-
 cus, Haraldi Daniæ Reguli successor, & Harecus, qui
 Moguntiaë baptizatus, Dorestado præfectus, tandemque
 in Danici regni, vel rectius partis illius societatem ad-
 missus est: & hic Harecus, altero in Daniâ regnante,
 Dorestadi sedem habuit, piraticisque Danorum incurſio-
 nibus validè restitit. Nec dubitamus quin is ille sic Ro-
 ricus, cujus auspiciis Regenarium piraticam exercuisse,
 ex Aimonio *Pontanus* refert, cujus verba nos superius
 Cap. XI. pag. 379. exscripsimus. De Hareki (non Do-
 resta-

restadensis illius, sed ejus qui Haraldo in Jutiâ successit) morte in *Annalibus Fuldensibus* ad ann. DCCCLIV. hæc leguntur: Ibi (in *Dania*) inter Horuc Regem Danorum „ & Gudurm filium fratris ejus, qui eatenus ab eo regno pulsus, piratico more vixit, ortâ contentione, ita „ se mutuâ sede mactaverunt, ut vulgus quidem promiscuum innumerabile caderet, de stirpe vero Regiâ „ nisi unus puer nullus remaneret. Hanc Regii sanguinis effusionem ad dictum annum DCCCLIV. *Sigebertus* quoque refert. Liber vero qui inscribitur: *Gesta Normanorum in Franciâ*, istam lanienam anno DCCCLIII. contigisse perhibet. *Olafi Tryggvini vita* annum DCCCLXII. præfert; cui hac in re minorem fidem habemus, licet illa Ansgarium (qui anno DCCCLXV. decessit) triennio tantum post memoratam cladem vixisse addat: ista enim ad suam mentem historiæ auctor absque dubio disposuit, non vero in antiquioribus monumentis invenit. Gutormum, qui cum Hareco pugnans unâ interiit, fratris illius filium fuisse testantur *Annales Fuldenses*, *Adamus Bremensis* & *Olafi Tryggvini vita* exemplar unum penes Arnam Magnæum: alterum Hareci avunculum eum facit, quod nullibi aliâs, quantum scimus, invenitur; *Codex Flateyensis* fratres fuisse tradit.

Hareco occiso, in Jutiæ regno alter Harecus successit; qui, ut *Olafi Tryggvini vita* in codice Flateyensi perhibet, ex universo Jutiæ Regum sanguine solus supererat. Illius *Adamus Bremensis* lib. I. Cap. XXVIII. meminit, ac *Juniorem Horicum* vocat: respectu prioris, qui in communi illâ principum lanienâ periit. Danicarum rerum scriptores Ericum, more suo, eum appellant, & in univ-

ver-

versatum Regum catalogo collocant, *Puerum* vulgò cognominatum. Hic est Harecus, qui (utinos *Fuldensium Annalium* fide nuper retulimus) Harecum Dorestadensem, Haraldi Moguntiae baptizati fratrem, anno Christi DCCCLVII. in regni partem admisit, ditione, haut ex modicâ parte, Regii sanguinis internecione, nunc auctus. Harecus hicce ex acerrimo Christianae religionis persecutore, salutaribus Ansgarii monitis mitior factus, fidem suscepit; atq; ab eodem baptizatus sacram ædem Rîpis extrui curavit. Post obitum Ansgarii, qui anno DCCC-LXV. contigit, Harecum Christianae religioni renunciasse, nec diu exinde superstitem fuisse nostrates tradunt.

Sigfrodo & Halfdanum *Olafi Trygvini vita* Hareco successisse ait: Reges à Christiana religione alienos. Horum in *Annalibus Fuldensibus* ad annum DCCC-LXXIII. his verbis mentio occurrit: Venerunt quoque illuc (*Wormatiam ad Ludovicum Germaniae Regem*) Sigfridi (*Sigfrodi*) Danorum Regis legati, pacis faciendae gratia inter illos & Saxones, & ut negotiatores utriusque Regni invicem transeuntes, & mercimonia deferentes, emerent & venderent pacificè; quæ omnia Rex ex sua parte rata fore permisit. Et paulo post: Deinde mense Augusto, cum apud urbem Mediomatricorum generalem conventum habuisset, Halbdeni frater Sigfridi Regis etiam suos ad eum nuntios misit, eadem postulans, quæ frater suus postulaverat, videlicet ut Rex legatos suos ad fluvium nomine Egidoram, qui illos & Saxones dirimit, mitteret, & illi, eisdem occurrentes, pacem ex utraque parte omni tempore stabilem confirmarent. Obtulerunt quoque iidem nun-

„ tii gladium Regi promunere, aureum habentem ca-
 „ pulum, obnixè flagitantes, ut Rex dominos suos, su-
 „ pradiçtos scilicet Reges, in loco filiorum habere di-
 „ gnaretur, & illi eum qvafi patrem venerari vellent
 „ cunctis diebus vitæ suæ; jurabant etiam juxta ritum
 „ gentis suæ per arma sua, qvòd nullus deinceps de re-
 „ gno Dominorum suorum, regnum Regis inquietare,
 „ aut alicui in illo læsionem inferre deberet. Qvæ om-
 „ nia Rex gratulanter accepit, & postulata se facturum
 „ spondit.

Huc pertinent *Adami Bremensis* verba, in calce Ca-
 pitis XI. pag. 382. superius a nobis exscripta, qvibus Si-
 gafridi & Haldani mentio similiter injicitur. Danorum
 expeditiones, in exterar nationes his temporibus susce-
 ptas, *Olasi Tryggvini vita* sequentibus edisserit: qvæ Latine
 tantum exhibenda, tam in Regio Flateyensi, quam
 binis Arnæ Magnæi codicibus, immediatè subjunguntur
 illis, qvæ ex eadem historiâ Capitis hujus initio, de Jutiæ
 Regulis, tam veteri lingvâ Danicâ (qvâ conscripta est)
 qvam Latinâ, attulimus: Ansgario (*ait*) proximus in
 „ Episcopali cathedra (*Bremensi*) Rimburtus sedit. Illius
 „ Episcopatus anno duodecimo (*id est anno Christi DCCC-*
 „ *LXXVI.*) Dani & Nordmanni regionem, quam suâ lin-
 „ gvâ Kerlingalandiam seu *Kerlingiam* (Burgundiam habet
 „ *Codex Flateyensis sed minus rectè*) dicunt, armis infesta-
 „ runt. Ludovicus vero Junior, Ludovici filius (*id est*,
 „ *Ludovicus, Ludovici Germaniæ Regis filius, Caroli Crassi &*
 „ *Carolomanni frater*) adversus eos exercitum misit, eo-
 „ rumqve XIII. (IV. *est in Codice Flateyensi*) millia occidit.
 „ Qvinqvennio exinde elapso (Proximo exinde anno, *est*
 in

in Codice Flateyensi ; Ludovicus autem anno Christi DCCC-
 LXXXII. decessit) Ludovicus obiit. Eo anno Dani &
 Nordmanni vindictam quærentes, cum ingenti exer-
 citu adverſo Rheno profecti, vicinas quasque urbes ac
 ædes ſacras in cineres redegerunt; præcipuo Aquisgra-
 nensis urbis templo pro ſtabulo eqvorum uſi ſunt; Co-
 loniam (Agrippinam) omnesque Rheno adjacentes
 urbes uſque ad Moguntiam incendiis vaſtarunt.
 Tunc Carolus frater Lotharii (in Codice Flateyensi Lu-
 dovici habetur: idque rectius; cum Carolus Cræſſus Impera-
 tor hic intelligi debeat) exercitum iis obviam miſit. Utri-
 que ad amnem Moſam convenere. In Danorum exer-
 citu erant Sigfrodus & Gudfrodus Reges, filique Ra-
 gnaris Lodbrochis; qui cum Imperatore pacem fece-
 runt, ſacrumque baptiſma ſuſceperunt. Paulo poſt,
 rupto fœdere, Occidentalem Franciam invaſerunt, in-
 feſtaque arma uſque ad Pariſios geſtarunt, urbemque
 flammis dederunt. Deinde iis cum perinagno exerci-
 tu Arnaldus (Arnulfus) occurrit, qui tunc Imperator e-
 rat, eorumque nongentos (octingentos eſt in Codice
 Flateyensi ; Snorriini Chronici verſio Danica novem millia
 habet, quod nullibi aliàs occurrit) occidit. Poſthæc Da-
 norum exercitus gradum ſiſtebat. Tum à nativitate
 Domini noſtri Jeſu Chriſti nongenti vel circiter anni eſ-
 fluxerant. Septemdecim exinde annis elapſis Huno,
 Bremensis in Saxonia Epiſcopus, conſecratus eſt. Hac-
 tenus Olaf Tryggvini vita: ſed minus diſtinctè; nos ſin-
 gula illuſtrabimus. De excuſſione illâ, quam duodeci-
 mo Rimberti Archiepiſcopi anno, ideſt Chriſti DCCC-
 LXXVI. Dani feciſſe perhibentur, cum fructu legi po-
 terit

terit *Pontanius*, qui prolixè tradit, quomodo ii dicto anno patriâ egressi, primò Saxones invaserint; hinc, perculsâ & clade affectâ Frisiâ, ad Batavos & Gelros versi, Ultrajectum exsciderint; inde, lectis Galliæ littoribus, Ligeris ostia ingressi, Nannetum, Andium, Turonum, Pictonumque agros diripuerint; hinc in Aquitanos versi clades incolis intulerint. Partem Rhenum subeuntem utriusque ripæ incolas malè tractasse ait: Frisiam præ ceteris iis objectis regionibus fortunatam fuisse: quippe cuius incolæ piratarum istorum partem, cum ingenti prædâ ad se venientem, majorique adhuc lucro inhiantem, spoliis exuerint, ac occiderint; sociosque eorum, sequenti anno ingenti numero sibi imminentes, ad internecionem deleverint. De ultimâ hac Danorum in Frisiâ clade loquitur *Adamus Bremensis* lib. I. Cap. XXXV. atque ex illis X. millia CCCLXXVII. ibi perisse scribit, plures insuper, dum fugâ salutem quæerent, in transitu fluviorum necatos esse addens. De *Kerlingia* nomine monendum, illud, secundum *Aeneam Sylvium*, à Carolo Martello inditum esse provinciæ inter Sequanam & Ligerim, quæ antea Gaudiana dicebatur. Verum *Siffridus Presbyter* Franciam Germanicè ita dici sequentibus innuit: Rex eorum (Francorum) *Carolus Martellus*, Francos in duas partes divisit: partem illam, in quâ Sequana & Ligeris, quæ Gaudiana dicebatur, currunt, Franciam, & populos Francigenas idest à Francis genitos, appellavit, & in Teutonico Kerlingen, idiomate suo: alteram vero partem, in quâ Rhenus currit, Franconiam, cujus populi Franci dicuntur. Hoc *Kerlingia* nomen, cum veteri Danicâ lingvâ loquentibus contumeliosum videretur, (*Vetularum terram* denotare potest,) ipfis

ipſis eo tempore placuiſſe, ac itaqve dictam provinciam
 iſtâ appellatione, cujus interpretatio in eorum idiomate
 tam obvia erat, apud illos communiter veniſſe veriſſi-
 mile eſt, & cum allato Olafi Tryggvini vitæ loco congruit.
 Clades à Ludovico accepta, ad annum DCCCLXXIX.
 pertinet: eo enim anno, *Reginone* teſte, Ludovicus ad Car-
 bonariam Silvam, in loco qvi dicitur Thimnin, innume-
 ram Nordmannorum multitudinem occidit. *Annales*
Fuldenses iſta ad annum DCCCLXXX. referunt, ac
 quinque Nordmannorum millia caſa eſſe perhibent. *Por-*
tanus in tempore errat, ubi hæc anno DCCCLXXVII.
 geſta eſſe ſcribit. Quæ ſeqvuntur, ab *Adamo Bremense* lu-
 men mutuari poſſunt, lib. I. Cap. XXXV. ita ſcribente:
 Nordmanni plagam, qvam in Freſiâ receperunt, in to-
 tum imperium ulturi, cum Regibus Sigafrido & Go-
 dafrido, per Rhenum & Moſam & Scaldam fluvios
 Galliam invadentes, miſerabili cæde Chriſtianos ob-
 truncarunt; ipſumqve Regem Carolum (*Cræſſum*) bel-
 lo petentes, ludibrio noſtros habuerunt. In Angliam
 qvoqve miſerunt unum ex ſociis Haldan (*hic abſqve du-*
bio eſt Sigfrodi in regno ſocius) qvi dum ab Anglis occi-
 deretur, clam conſtituerunt in locum ejus Gundre-
 dum. Flebilis illa civitatum templorumqve devaſtatio
 partim anno DCCCLXXXI. partim anno ſeqvienti con-
 tigit, prout de eâ re luculenter teſtantur *Sigebertus*, *Regi-*
no, *Annales Fuldenses*, & qvi reliquos ſecutus eſt, *Job. Iſ-*
Pontanius. Carolus, cujus in adducto Olafi Tryggvini
 vitæ loco mentio injicitur, Imperator eſt, Cræſſus vulgo
 cognominatus: qvi cum Nordmannis, in loco Haſlou prope
 Moſam confidentibus, fœdus pepigit, qvo Godefrido

Regi, baptismum cum Christianâ fide suscipienti, Frisia in beneficium concessa est; Sigefrido autem & reliquis Nordmannis immensa pecunia data, jurantibus se Caroli regno nunquam exinde infestos fore. Fœdus istud scriptorum nonnulli ad annum DCCCLXXXII. referunt: alii anno serius factum esse tradunt: sunt & qui anno DCCCLXXXIV. conclusum esse scribant. Ad Ragnaris Lodbrochis filios quod attinet, qui Danorum huic exercitui interfuisse, in adducto Olafi Tryggvini vitæ loco traduntur, omnino statuendum: aut memoratæ historiæ auctorem (qui Ragnaris Lodbrochis Daniæ Regis, filios, Sigurdi Hringi nepotes, Galliam infestasse scivit, uti ex illius loco, superius Cap. XI. pag. 375. allato, patet) tempora confudisse, istasque Lodbrochidarum expeditiones huic rejecisse; aut, quod magis placet, hos Lodbrochis filios ad posteriorem Ragnarem (de quo in calce Cap. XII. pag. 394. superius egimus) pertinere. Neque enim nos *Pontani* auctoritate hic quicquam movemur, qui prioris istius Ragnaris Ringi filii natos, Danicis hisce excursionibus interfuisse passim scribit, eosque Horici sive Rorici, Ordvigi, Rodulfi & Godefridi nominibus appellat. Etenim ista sine ullo antiquo auctore à Pontano traduntur: & recensitos homines (quorum nomina ex *Adami Bremensis* libr. I. Cap. XXXIII. desumpta sunt) Ragnare Lodbroche, priore vel posteriore, natos esse, nemo veterum dixit; etiamsi credi possit, nonnullos eorum posterioris filios fuisse. Prioris certè filiorum nomina quæ à Danicarum rerum scriptoribus ut & nostratibus recensentur, omnino ab his diversa sunt: nec video, quâ ratione ex *Saxonis* Fridlevo, Godefridus extrui possit; quos ta-

men

men unicum virum fuisse *Pontano* pag. 113. asserere placuit. Godefridus (quem Christianam religionem cum Frisiæ feudo suscepisse nuper dictum) dum res novas moliretur, Caroli Crassi iussu occisus est, anno, ut nonnulli tradunt, DCCCLXXXV. alii anno DCCCLXXXVI. interemtum verius scribunt. Eodem anno Sigefridus, rupto fœdere, cum triginta armatorum millibus Lutetiam Parisiorum perrexit; ubi quid ab una & alterâ parte factum sit, ut & quid insequentibus annis hi Nordmanni seu Dani egerint, apud *Pontanum* pagg. 113, 114. legi potest. Interea post Carolum Crassum ad Imperialem dignitatem evectus est Arnulfus, qui Nordmannorum grassationibus occurrere volens, infeliciter primò cum eis pugnavit: sed postea reparatis viribus, eos non procul à Lovanio, Brabantiae oppidò, adortus singulos ferè concidit. Cætorum numerum nostrates exteris scriptoribus longè minorem referunt. *Regino* ex innumerablei multitudine vix fuisse residuum scribit, qui ad classem adversum nuncium reportaret, *Adamus Bremensis* centum millia paganorum perisse auctor est. *Annales Fuldenses* tantam multitudinem fluminemersam tradunt, ut cadaveribus interceptus alveus siccus appareret; adduntque: cæsos eo prælio duos Nortmannorum seu Danorum Reges, Sigefridum & Godefridum; cui & *Albertus Stadenſis* consentit. De fide utriusque jure ambigi potest, „ ait *Pontanus* pag. 15. Nam de Sigefrido fortassis ut „ concedam, de Godefredo, Lotharii genero, quomodo „ concedi aut verum id esse potest? Godefredum enim „ in Batavâ insulâ dolo Ducis Henrici jam ante interfectum, fide *Reginonis* aliorumque idem accuratè referen-

„ rentium modò memoravimus. Et accedunt Frisio-
 „ rum annales, qvi testantur, tacentibus licet Franco-
 „ rum chronologis, etiam Sigefridum, Godefredi soci-
 „ um ac necis vindicem, cum tota ætate Franciam af-
 „ flixisset, sub autumnum in Frisiam celeriter regressum,
 „ sive ut tumultuantem à morte Godefridi præfens com-
 „ pesceret, sive ut hibernorum sedem quietam eam ha-
 „ beret; ibique (quam verè nescio) ferro peremptum
 „ occubuisse. In Nordmannicæ hujus cladis anno com-
 „ putando scriptores valde dissentiunt. Anno DCCCXC.
 contigisse eam vult *Conradus à Liechtenau*, Urspergensis
 Abbas: Ad sequentem annum DCCCXCI. *Regino & An-
 nales Fuldenses* illam referunt: Annus DCCCXCIII. *Peta-
 vio* placet Rationar. Temp. Part. I. lib. VIII. Cap. XI. *Sige-
 lbertus Gemblacensis* annum DCCCXCV. habet: *Ubbø Emmius*
 DCCCXCVI. *Annales Islandici*, qvi Regio codice Fla-
 teyensi continentur, annum DCCCII. præferunt; qvi-
 bus huc in re consentit Chronicon, qvòd *Erico Pomerano*
 vulgò adscribitur. Anno DCCCC. vel circiter memo-
 ratam cladem accidisse, *Olaf Tryggvini vitæ* auctor perhibet:
 qvi cum addat, septendecim post illam annis Hunonem
 Archiepiscopum Bremensem consecratum esse, eam hoc
 ipso ad annum DCCCCL. refert. Etenim Huno, uti in
 suâ Metropoli *Crantzii* testatur, sedere cæpit anno qvin-
 to Conradi Imperatoris: qvem, omiſſis Chronologorum
 hac in re disſensionibus, anno DCCCCXIII. imperium
 orditum cum *Carione* statuimus; ut eâ ratione Huno con-
 secratus sit anno Christi DCCCCXVIII. id qvòd cum
Adami Bremensis & Historia Archiepisc. Bremens. calculo con-
 venit. Hæc de Sigfrodo & Halldano, Jutiæ Regibus,
 dicta

dicta sunt; quorum prior in memoratâ Danis per Arnulfum illatâ clade, vel paulo post, uti dictum est, periit: posteriorem circa annum DCCCLXXX. in Angliâ cæsum esse, ex allatis Adami Bremensis verbis concludipotest: & tertium sociorum Godefredum, nostratibus commissum, circa annum DCCCLXXXVI. Caroli Crassii consiliis occisum esse, superius quoque dictum est.

Hic continua illa posteriorum Jutiæ Regulorum series, quam *Olofi Tryggvini vita* auctor exhibendam sibi proposuit, abrumptur. Persequitur quidem dictus auctor inchoatæ relationis contextum, hoc modo: Duodecimo ab Hunonis (*Archiepiscopi Bremensis*) consecratione anno, Henricus Imperator, ejus nominis primus, in Daniam expeditionem movit, Danosque, tum minis, tum blandimentis, tum etiam bellis ad Christianam religionem suscipiendam perduxit: nec prius destitit, quam se Christo nomina duros pollicerentur. Exinde Huno Episcopus Frodium Regem, qui tunc Jutiam rexit, (*in Codice Flateyensi est: qui tunc in Jutiâ regnavit*) accessit, eumque cum universo populo baptizavit. Tunc reparata sunt templa, quæ Heidabæi (Slesvici) & Ripis desolata fuerunt: tunc & Arosiæ templum ædificatum est. Posthæc Frodus Romam legatos misit, atque tres in Jutiam Episcopos, Agapiti (Aganippi *in Cod. Flat.*) Pontificis consilio, consecrari curavit. Heredus ad sedem Heidabæensem (*Slesvicensem*) Lifdagus ad Ripensem & Rimbrandus (*Cod. Flat. Rimbertus*) ad Arosiensem consecrati sunt. Acta sunt hæc anno à nativitate Domini DCCCCXLVIII. regni Ottonis Magni duodecimo.

His sequentia statim auctor sub-
H h h *nectit:*

„ *necit*: þar var fyrr fra horfit konungatali, er þeirredu
 „ fyrir Danmork Sigfrodr oc Halfdan. Eptir þa red fy-
 „ rir Donum sa konungr er Helgi het. hann atti barda-
 „ ga vid Olaf Sviakonung, oc fell Helgi þar. en Olaf
 „ red lengi sidan fyrir Danmork oc Svipiod, oc vard
 „ sottedaur. Eptir hann toku riki i Danmork Gyrdr oc
 „ Knutr. en eptir þa Siggeirr. *hoc est*: A Regum serie
 „ superius discessum est, ubi Sigfrodus & Halfdanus
 „ Daniæ præfuerunt. Post illos Danis Rex imperavit,
 „ nomine Helgius. Hic cum Olaf Svecorum Rege pu-
 „ gnans occubuit; Olafus vero longo exinde tempore
 „ Daniam & Sveciam rexit. Post illum regnum in Da-
 „ niâ susceperunt Gyrdrus & Knutus: & post eos Sig-
 „ geirr.

Persequi, inquam, his videtur *Olaf Tryggvini vitæ* au-
 ctor cœptam à se Jutiæ Regulorum seriem; verum nos
 proximè sequenti Capite monstrabimus, frustrâ heic di-
 ctum auctorem esse: nec ullum ex his ab eo recensitis
 Regulis, post prædictam Nordmannorum seu Danorum
 cladem vixisse. De Frodio quoque, quem Ottoni Ma-
 gnô & Agapito (*Secundo*) coætaneum in Jutiâ regnasse
 memorat, oportunior loco agemus.

CAPUT XVI.

*De Hordaknuto & Gormo Grandæ-
 vo, Haraldi Cerulidentis patre, ac Danicæ monarchiæ re-
 stauratore secundo.*

Sic binis Jutiæ Regulorum seriebus absolutis, ad Da-
 niæ monarcharum ramum styllum, transferemus:
 eum-

eumque ad tempus interruptum porro continuabimus. Ultimus quem in isto ordine superius recensuimus, Sigurdus Angvioculus erat, Insularum Danicarum, Scaniae & Hallandiae Rex.

Sigurdi filius erat Hordaknutus, (i. e. *Knutus Hordensis*) quem *Olaf Tryggvini* vita ita dictum asserit, eò quod in Hordâ, Jutiæ provinciâ, (hodie *Hardyssfel*) in lucem editus esset. Illius nomen retulit Hordaknutus, vel, uti alii scribere malunt, Hardeknutus, Knuti Magni, Daniæ & Angliæ Regis filius, quem scriptores vulgo Canutum Durum vocant. *Sveno Aggonis* Cap. V. nomen istud à provinciâ, ex quâ natalem duxit originem, profluxisse, rectius scribit: licet id ad eum Knutum non pertineat, sed nostrum huncce, Sigurdi Angvioculi filium. Hunc recens natum Gormus, Knuti Servii filius (qui in parte Jutiæ, Regis, sed beneficiarii, nomen tunc gessit) pro seculi more aquâ asperfit, patrisque sui nomine appellavit. Nec minus ei intra pueritiæ annos constituto, nutricii officium præstitit. De Hordaknuto nihil nobis antiquæ memoriæ suggerunt, nisi quod Sigurdo patri, in provinciarum Danicarum, quas ille gubernaverat, (insulæ Danicæ hæc fuere, Scania & Hallandia) regimine successerit. Quod cum in pueritiâ illius factum supponamus, sub tutelâ dicti Gormi primum regnasse statuimus, donec adaultior sceptris gerendis ipse sufficeret.

Ad hæc tempora pertinere videntur Heiligo, Olaph, Ehnob, Giurd, Sigerich, Reges, quorum *Adamus Bre-mensis* lib. I. Cap. XL. & XLIV. meminit, his verbis: Audiui autem ex ore veracissimi Regis Danorum Sveni (*Esfridis*) cum nobis stipulantibus atavos suos nume-

„ raret; Post cladem, inquit, Nordmannicam Heiligo-
 „ nem (*in Daniâ*) regnasse comperi, virum populis ama-
 „ bilem propter justitiam & sanctitatem suam. Cui
 „ successit Olaph: qui veniens à Sveoniâ regnum obti-
 „ nuit Danicum vi & armis, habuitque filios multos, ex
 „ quibus Ehnob & Giurd regnum post patris sui obitum
 „ tenuerunt. *Item*: Post Olaph, inquit *idem Danorum*
 „ *Rex Sventus*, Sveonum Principem, qui regnavit in Da-
 „ niâ cum filiis suis, ponitur in locum ejus Sigerich:
 „ cumque parvo regnasset tempore, Hardegon filius
 „ Sveni, à Nordmannia (*Norvegiâ*) veniens, eum regno
 „ privavit. Tanti autem Reges, imò tyranni Dano-
 „ rum, utrum simul aliqui regnaverint, an alter post al-
 „ terum brevi tempore vixerit, incertum est. Hacte-
 „ nus Adamus: qui singulos hosce Reges post Normanni-
 „ cam cladem, de quâ superius dictum, regnasse existi-
 „ mat, consentientem habens *Olafi Tryggvini vitam*, cujus
 „ locum nuper attulimus. Utrique Chronicon, quod *Erici*
 „ Regis *Pomerani* nomen præfert, adstipulatur, ubi anno
 „ DCCCCII. in quem cladem Nordmannicam refert, O-
 „ laf Sveciæ Regem regnare cœpisse, ac ei post quin-
 „ quennium Gyurth nepotem illius successisse tradit.

Ad Adamum quod attinet, is ex propriis verbis hec
 refutari potest. Etenim Sigericum, qui recensitorum
 Regum ultimus est, Hardegon, secundum eum, regno
 privavit. Hardegonem autem illius, nostrum esse Hor-
 daknutum, præter nominis similitudinem, illud arguit,
 quod Cap. XLVII. illius filium faciat Gormum, qui no-
 bis similiter Hordaknuti filius est. Illius inquam: neque
 enim hic pro diversis habenda *Hardegonis* & *Hardevichi*
 nomi-

nomina; quorum prius ab Adamo, septentrionis nominibus parum assveto, ex *Hordaknuti* vocabulo, uti dictum, corruptum est: posterius librariorum oscitantia magis adhuc vitiatum, ad Hardegonis nomen reduci debet; id quod vel inde apparet, quod proximè post Hardegonem, Gormum, Hardewichi filium, in folio Danico collocet, nullumque inter eos Regem interferat: argumento, Hardegonem & corruptum hunc Hardewichum, ei unum eundemque hominem fuisse. Quod autem Hardegonem Sueni filium facit, in eo, uti sæpius aliàs in septentrionis historia, vir bonus lapsus est: nisi librario hunc errorem imputare malimus, credereque *Sigurdi* ab Adamo hoc loco scriptum, ubi nunc *Sveni* legitur. De *Hordaknuti* ætate quicquid Adamus dicat, certissimum est, eum longe ante stragem illam Nordmannicam vixisse. Etenim Aslaugis, illius sororis, filius erat Sigurdus Cervus, pater Ragnhildis, quæ circa annum Christi DCCC-LIII, quod certum est, Haraldum Pulchricomum peperit, primum Norvegiæ monarchiam. Cui, virginis cujusdam amores circa annum DCCCLXV, vel LXVI. appetenti, superbè illa, *Snorrio Sturlæo* teste, respondit; tunc demum se ei nupturam, cum ad exemplum Gormi Daniae Regis, totius Norvegiæ Regulis extirpatis, universæ regionis monarchiam sibi asseruisset: id quod de *Hordaknuti* ætate iterum testatur. Si enim Gormus, illius filius, post debellatos Daniae Regulos, regni istius monarchiam hoc tempore solus tenuit, ac itaque glorioso principi tanquam exemplum proponi meruit, sequitur patrem illius *Hordaknutum*, ante aliquot ad minimum annos rebus humanis exemptum fuisse, ac itaque longè,

ut diximus, ante prædictam Nordmannorum stragem vixisse. Jam Hordaknutus, agnoscente ipso Adamo, recensitorum Regum ultimum regno privavit: omnes igitur isti Reges sæpèdictam cladem non parum antecessere, ac Adamus consequenter heic in tempore valdè hallucinatur. De cetero dictum auctorem non nisi confusam memoratorum Regum notitiam habuisse, ex eo patet, quod primò Sveni Regis auctoritate tradat, eos ordine regnasse: ac mox, temporis angustias fortè metuens, nescire se fateatur, utrum illi simul regnaverint, aut unus post alterum brevi tempore vixerit.

Similis cum Adamo temporum confusionis reus peragi, atqve ex proprio opere redargui potest *Olafr Tryggvini vite* auctor. Recenset ille (uti in prioris Capituli s calce verba ejus jacent) Helgium, Olafum, Gyrðum & Knutum, ac Siggeirem; eosqve post Sigfrødum & Halfdanum clademqve Nordmannicam successivo ordine in Daniâ regnasse tradit. Hinc immediatè de Sigurdi Hringi expeditione in Angliam loquitur, incipiendo ab illis, quæ nos Cap. VIII. pag. 320. superius attulimus; indeqve priorum Jutiæ Regulorum seriem ab Olafu Kinrici filio usqve ad Hordaknuti tempora pertexit: quasi omnes isti homines post Siggeirem, vel, ut Adamus eum vocat, Sigericum, ac consequenter longè post cladem Nordmannicam vixerint. In *Flateyensi Codice* sine ambagibus traditur, Siggeiri Olafum Kinrici filium successisse. Quæ omnia quantum absurditatis involvant, ex Sigurdi Hringi posterorum stemmate, Jutiæqve Regulorum genealogiâ ac successionibus, & nostrâ, quæ his innititur, chronologiâ plusquam manifestum est.

Erici Pomerani vulgò sic dictum Chronicon refutationem hoc loco vix meretur; quippe quod Olafum suum & Gyurthum Adamo Bremensi debet. Aliàs dictum chronicon heic uti sæpius mirè in calculo confusum est. Etenim anno cladis Nordmannicæ, qui eidem est Christi DCCCCII. Erico in Daniæ regno successisse tradit Olaf Regem Sveciæ, eumque quinquennio regnasse. Post Olaf Gyurth nepotem ejus regnum adeptum perhibet, qui quinquennio itidem ad rerum gubernacula federit. Illi succedit Lotheneknut, XI. annis regnans. Post eum Frothi solum ascendit, ac XX. annis regnum moderatus dicitur. Sequitur eum Gorm hin Enske, i. e. Anglicus, Orm Hartisnut alias dictus, quem quatuor annos regnasse tradit. Ei Haraldum surrogat, nullo certo annorum regni numero addito. Haraldum Gorm Gamele, i. e. Grandævus sequitur, mortuus anno DCCCCL. Hinc Haraldus Blatan, i. e. Cærulidens regnat, cujus imperium L. annis describit, ac eâ ratione obitum illius in annum Christi millesimum refert.

Haraldi imperium ad annum Christi M. quam malè protrahatur, inde evidens est, quod Svenus Admorfæ barbæ, illius in Daniæ regno successor, dicto anno, cum Olåso Tryggvino conflixerit, uti ex veteri historiâ notissimum est, & chronici hujus auctor vel ex solo Adamo Bremensi discere poterat. Nec ceterorum Regum chronologia melior est; utpote secundum quam Gormus Anglicus regnare desiit anno Christi DCCCXLVII. adeo ut hoc modo Haraldo, & cui non paucos annos assignari debuissè vel solum *Grandevis* cognomen ostendit, Gormo, triennium tantum relinqvatur,

Nos

Nos Helgium, & qui eum apud Adamum & Olafi Tryggvini vitæ auctorem sequuntur Reges, in Hordaknuti temporâ, uti antedictum est, referimus: videturque Helgius ille, veterum piratarum more, memorati Hordaknuti vel minorennis vel absentis ditionem invasisse; devicto fortè vel ex insulis Danicis fugato, qui illius tum tutelam gessit, Gormo Potente, Jütia Regulo. Helgio innox supervenire potuit Olafus, Sveciæ Regulus (inter monarchas Svécia id temporis non reperitur) vel fortè pirata; cui Ehnob & Giurd (Knutum & Giurdum) successisse Adamus libro I. Cap. XL. tradit: eum patre Adamo simul regnasse Cap. XLIV. verius fortè innuit. Ultimus Sigericus, vel Siggeir, quem Olafus Sveco successisse, regnoque ab Hardegone, vel Hordaknuto, privatum Adamus scribit, ipso fatente, parvo tempore regnavit; adeo ut hac ratione exigua imperii periodus ab Helgio ad Sigericum vel Siggeirem juvenili Hordaknuti ætate facile absolvi potuerit. Qvin & *Erici Pomerani* Chronicon eundem hunc Hordaknutum & nutricium ejus Gormum, Regum licet temporumque ordine inverfo, indicare nobis videtur. Nam *Lothucknut*, *Fundne-knutus* est, uti antea dictum. Hic Erici Barni vel Pueri filius dicitur; non quod eum reverâ patrem habuerit, sed confusione traditionum. Etenim deletâ profapiâ Regiâ, unicus puer, vernaculâ *barn*, Ericus scilicet hicce (nobis Harecus II.) superfuit. Knutus autem ipse puer expositus & inventus est. Hinc eum posteri, confusis relationibus seducti, Erici Barni vel Pueri filium credere. Knuti filius erat, non Fróthius, qui frustra heic interseritur, sed Gormus (Hordaknuti nutricius) quem

quem dicti Chronici auctor nepotem ejus facit, ac *Enske*, i. e. *Anglicum*, cognominat. *Enskii* illud cognomen ex *Heimskii* i. e. *Stulti* appellatione fortè profluxit; quam huic eidem Gormo, Knuti Exposititii filio, *Olafi Tryggvini vita*, quæ codice Flateyensi continetur, annectit, uti superius dictum extat. Gormum huncce *Orm Hartifnut* aliàs dictum fuisse, idem Chronicon tradit; quo nihil magis indicatur, quam Gormum &, quem ille educavit, Hordaknutum eodem tempore vixisse. Cumque Chronici auctor statum Daniæ, absolutis & stipendiariis Regibus hoc tempore mixtum, non percepisset, hinc duorum simul, vel diversâ conditione imperantium Regum nomina uni tribuere visum est. Helgium & ceteros usque ad Siggeirem Reges, tempore Gormi Grandævi, patris Haraldi Cærulidentis, tributarios in Dania Reges fuisse, in *Snorrini Chronici* versione Danicâ pag. 116. legitur; id quod nusquam aliàs extat, nec ullo modo consistere potest: cum Hordaknutus, qui memoratorum Regum ultimum, Adamo Bremenſe testante, throno dejecit, Gormi illius pater fuerit, prout antea sæpius dictum est, & mille nostratium testimoniis probari potest.

Ad hunc Hordaknutum referendum puto *Guthredum filium Hardecnut*, cujus *Simcon Dunelmensis* lib. II. de Dunelm, Eccles. Cap. XIII. meminit, & ex servitute ad regale fastigium pervenisse, atque anno Christi DCCC. XCIII. obiisse scribit.

Nunc pristinâ methodo observatâ, Saxonem parumper inspiciamus, Regesque, qui post Ragnarem Lodbrochem apud eum sequuntur, examinemus. Primus eorum Sivardus est, Angvioculus nostratibus dictus,

quem inter supremos Daniæ Reges Saxo jure collocavit. Sequuntur illum duo Erici: quos sub Harecorum nomine proximè præcedenti Capite exhibuimus, ostendimusque in Jutiâ eos regnum tenuisse, non vero universæ Daniæ præfuisse. Succedit Canutus, posterioris Erici, ut vult Saxo, filius. Hunc nostratium Knutum Exposititum esse, superius Cap. XIV. pag. 401. & nuper pag. 436. dictum est: et hic ad Jutiæ Regulos, non vero Daniæ monarchas pertinet. Frotho quem Canuto successisse Saxo scribit, frustra in hunc ordinem intruditur: quippe qui ad longè inferiora tempora pertinet, coævus nempe, secundum ipsum Saxonem, Agapito Pontifici Romano, qui Secundus illius nominis est, in thronum evectus anno Christi DCCCCXLVI. Haraldum Cærulidentem, Gormi Grandævi filium, Daniæ monarchiam tum tenuisse certum est: unde Frothonem supremorum Regum ordine excludendum esse patet. In Jutia eum regnasse ac circa annum DCCCCXLVIII. ab Hunone (Unnio) Bræmensi Archiepiscopo baptizatum esse tradit *Olafr Tryggvini vita*, cujus verba proximo Capite pag. 429. superius recitavimus. Gormonem Anglicum ex Gormo Knuti Exposititi filio nutricioque Hordaknuti, ac Olafo Anglo, Sigurdi Hringi in Jutiâ vasallo; compositum esse, sæpius antea conjecimus; quæ opinio si nos non fallit (fallere autem non putamus) ille à Daniæ monarcharum ordine longe abest. Haraldus, quem Gormoni huic successisse Saxo voluit, quisnam fuerit, inventu tam difficile est quam inutile; etenim Saxoni de gestis illius nihil planè constitit: forsan & pauca memorabilia gessit, si modo unquam in rerum naturâ extitit. Nos de illo parum solliciti

citi fumus, dummodo nullum inter Daniæ Reges locum ei deberi sciamus.

Itaque ad Gormum ventum est, Haraldî Cærulidentis patrem; quem nos, cum Saxone, Daniæ monarcham jure agnoscimus, & Hordaknuto, Sigurdi Angvioculi filio, successisse, nostrarum antiquitatum fide asserimus; nullum consequenter illorum, quos inter Sivardum Ragnaris Lodbrochis filium (qui nostratibus Angvioculus dicitur) & hunc Gormum regnasse, Saxo & ejus sectatores scribunt, in supremis Daniæ Regibus habentes. Nec omninò temporum ratio tot generationes patitur, quot Danici scriptores ab hoc Sivardo ad Gormonem proponunt. Clarum id fiet, si Regum istorum stemma cum chronologiâ eorum à *Lyschandro* & *Svaningio* exhibitâ conferamus; quæ ita est:

Sivardus Angvioculus	}	}	846.
Ericus Puer - -			863.
Canutus - - -			obiit
Frotho - - -			anno
Gormo Anglicus -			873.
Haraldus - - -			889.
Gormo Grandævus -	}	}	Christi
			897.
			909.
			930.

Anni ab obitu Angvioculi ad mortem Gormi Grandævi LXXXIV. hic numerantur. Ceterum Ericus Puer ante annum Christi DCCCXLIV. nasci non potuit, si parvulus erat, cum post prioris Erici (Hareci) & Guttormi conflictum ad sceptrâ perveniret anno Christi DCCC-LIV. uti ipse Lyschander agnoscit. Gormum Grandævum senio confectum decessisse idem Lyschander verè scribit. Sexaginta sex annos natum obiisse eum ponamus: vix eâ ratione Erici Pueri filius esse potest, ne-

dum Haraldi, quem ejusdem Erici abnepotem esse volunt. Absurdissima igitur hæc genealogia est, atque à temporum ratione planè dissentit. Sed & haud exiguum antichronismum Saxo proponit, ubi Frothonis æram in Agapiti Pontificis (qui, ut dictum est, anno DCCCCXLVI. ad Ecclesiastici regiminis clavum pervenit) tempora refert, atque ab illo ad Haraldi Cærulidentis tempora satis longam nepotum seriem deducit; & nihilo tamen minus eundem Haraldum contra Ottonem Imperatorem, puta Primum, pugnasse asserit, Christianisque sacris initiatum esse; quod plurimi anno DCCCCXLVIII. alii anno serius factum scribunt. Hæc fortè animadvertens Lyschander, Frothonem longè supra Agapiti hujus tempora exaltat, atque ab anno Christi DCCC-LXXIII. ad DCCCLXXXIX. regnasse statuit; ut scilicet abavi regiminis æram longiori ab abnepotis temporibus intervallo separet. Agapeti tamen Pontificis nomen retinet, Frothonemque anno Christi DCCCLXXXVIII. legatos ad eum misisse tradit: istam, ni fallor, chronographiam superstruens *Mariani Scoti* & *Sigeberti Gemblacensis* chronicis; quorum illud ad annum DCCC-LXXXVII. Pontificem Romanum, Agapetum nomine, exhibet, eumque unico tantum anno sedisse testatur: hoc eundem ad annum sequentem DCCCLXXXVIII. refert, addito: Agapetum istum in quibusdam libris Pontificibus Romanis non annumerari. Verum irrita hæc Lyschandri circumspectio est, faciliè, uti monstratum est, ex propriis hypothesibus convincendi. Nec magis stemmatographiam, à Saxone hoc loco exhibitam, cum temporibus conciliare valet *Stephanii* emendatio, qui Not. in

Saxon. lib. IX. pag. 194. præeunte *Andreas Vellejo*, Agaperi II. loco restituendum putat Adrianum III. unico duntaxat anno, id est DCCCLXXXIV. teste *Baronio*, Ecclesiæ gubernacula tenentem. Neque enim tempus, quod à dicto anno ad initia regni Haraldi Cærulidentis profluxit, quatuor generationibus: nec illud, quod inter eundem annum & Erici Pueri nativitatem intercessit, duabus generationibus ac ætati insuper Frothonis ullo modo sufficere potest. Hæc sine omni dubio *Arnoldum Hvitsfeldium* permoverunt, ut posthabitis Canuto, Gormone quem Saxo Anglicum vocat, ac Haraldo, inter Ericum Puerum & Gormonem Grandævum Haraldi Cærulidentis patrem, solum Frothonem Regem agnosceret. *Meursius* temporis angustias, Hvitsfeldio, uti dictum, perspectas, nil metuens, generis seriem à Saxone ab Erico Puero ad Haraldum Blotandum, vel Cærulidentem, propositam, strictè observat: Saxonisque Regibus haut contentus, Olaum Svecum, Sivardum & Sveonem Longipedem interserit; ac dictis Regibus illam quæ sequitur chronologiam applicat.

Erico Puero, Sivardi Angvioculi filio, cum mortuo patrè regnum adire deberet, Ericus, Haraldi Claghii frater se opponit, regnumque occupat anno Christi DCCCXLVII. vel LVII.

Erico illo regnum usurpante, Dania septennio circiter sacerdotibus caruit: septem ergo ad minimum annis regnavit.

Eo occiso Ericus Puer avitum regnum nanciscitur, atque ad reipublicæ clavum sedet annis XLVI.

Olaus Svecus, Canuti, Erico Puero geniti, te-

neriore ætate contemtâ , regnum occupat , tenetqve quinquennio.

Sivardus Olai nepos, similis regni usurpator, quinquennio, vel secundum alios decennio regnat.

Canutus tandem, Erics Pueri filius, ad sceptrâ pervenit, annoqve regni undecimo moritur.

Sveno Longipes, illius filius, novem annis sceptrâ gubernat.

Frotho Svenonis frater ac Canuti filius, viginti annorum spatio reipublicæ præest.

Gormo Anglicus, Frothonis filius, quadriennio regnat.

Haraldus filius ei succedit: qui quamdiu regnaverit, non annotatur.

Gormo filius eum sequitur, *quod ætatem ultra vitæ humane terminum usitatum produxisset*, Grandævus cognomen-
to dictus. Hic cum Henrico Aucupe pugnavit, regnum-
qve Haraldo Blotando moriens reliquit, anteqvam Adel-
stanus Angliæ Rex vita decederet.

Hæc Meursii chronologia, si paulo accuratius inspi-
ciatur, vix à negligentiae culpâ vir aliàs doctissimus ex-
cusari poterit. Etenim recensitorum Regum tempori-
bus computatis, Gormonis Anglici exitus in annum
Christi DCCCCLIV. vel DCCCCLXIV. & si Sivardum
decennio regnasse ponamus, in annum DCCCCLIX. vel
DCCCCLXIX. incidit. Sequuntur Haraldî tempora,
quæ prolixa non fuisse Meursius fortè credidit. Hinc
Gormonis Grandævi regnum succedit, quem Henrico
Aucupi æqualem fuisse, cumqve eo pugnavisse dictus au-
ctor agnoscit. At Henricus ille anno Christi DCCCC-
XXXVI.

XXXVI. decessit, regnante, ex Meursii calculo, vel Frothone Gormonis Grandævi proavo, vel Frothonis fratre Svenone; id quod secum invicem nullo modo cohæret. Nec cum priorum Regum chronologiâ conciliari melius potest, Gormonem Haraldo Blotando (Cærulidenti) regnum morientem reliquissè anteqvam Adelstānus Angliæ Rex vitâ decederet (accidit illud anno Christi DCCCCXL.) quod tamen sæpeditus auctor scribit, Omnium minimè cum præcedentibus congruit, Haraldum Blotandum L. vel LII. annis regnassè, ac ultimis regni sui annis à filio profligatum in Normanniam concessissè; ibique rege (*Gallia*) Ludovico, (qvi Richardo, Gulielmi Ducis filio, & insidias struebat, & Normanniam regno suo vindicare satagebat) profligato, cum Normannorum auxiliis in Daniam rediissè, nec multo post à Svenonis milite occisum esse. Etenim Haraldum ante Gulielmi Ducis mortem, quam anno Christi DCCCCXLIII. oppetiit, in Normanniam hac vice appulissè constat: quâ ratione regni illius initia in seculum nonum temporaque, quæ Erico Puero Meursius antea assignavit, absurdissimo, ut cuivis apparet, ac secum invicem pugnante calculo, incidunt.

Abundè, ut putamus, nunc monstratum est, Reges illos, quos inter Sigurdum Angvioculum & Gormum Grandævum Danicarum rerum scriptores vulgò collocant, eorumque genealogiam, temporibus neutiqvam convenire. Ceterum credi volumus, nos scriptores illos traducendi occasionem heic non quæsisse, sed investigandæ veritatis amore illectos dictorum singula protulissè; imò necessitate coactos: ne quis, nostrum à sæpe-

predictis auctoribus dissensum animadvertens, sine causâ id nos fecisse, ac itaque fumos vendere arbitretur.

Eliminatis itaque memoratis Regibus, eorum in monarcharum Danicorum ordine vicem supplet Hordaknutus, Sigurdi Angvioculi filius ac regni hæres; de quo nuper actum est.

Proximus ei, uti antea dictum, Gormus regnavit; illius, non vero Haraldi filius. Hic Gormi Potentis, qui patrem Hordaknutum enutriverat, nomen gessit, atque à prolixâ, quam vixit ætate, tam nostratibus quam Danicis scriptoribus *Grandævus* vulgò cognominatur. Gormus hicce pro Danicæ monarchiæ restauratore meritò haberi debet; quippe qui paternâ ditione, hæreditario jure ad se devolutâ, non contentus, Jutiam, quæ à Ragnaris Lodbrochis temporibus per divisionem inter illius filios, uti Cap. XIII. pag. 396. dictum est, factam, à reliquâ Daniâ hucusque separata fuerat, maximâ virtute subegit, regnoque, unde avulsâ erat, postliminio restituit. Repeti heic meretur *Olofi Tryggvinae vite* locus lib. II. Cap. I. pag. 86. superius adductus, qui ita sonat:

„ Gormr konungr for med her sinn i þat ríki Danmerkr,
 „ er þa var kallat Reidgotaland, enn nu er kallat Jot-
 „ land, a hendr þeim konungi er þa red þar fyrer. þa
 „ var nefndr Gnupa, þeir attuz vid nokkurar orrostur. en
 „ sva lauk at Gormr felldi þann konung, oc eignadz allt
 „ þat ríki. þvi næst for Gormr a hendr þeim konungi,
 „ er Silfraskalli var kalladr, oc atti vid hann ofrid oc or-
 „ rustur. oc hafdi Gormr iafnan figr. oc um sídir felldi
 „ hann þann konung. Eptir þat geck hann uppa Jot-
 „ land. oc eyddi þar ollum konungum, allt súdr til Slets.

oc

oc sua vann hann mikit riki i Vindlandi. Margar orroftur „
 atti hann vid Saxa. oc giordiz inn rikazti konungr. *id est:* „
 Gormus Rex in illam partem Daniae, quæ tunc Reid- „
 gotalandia, jam vero Jutia nuncupatur, adversus Regem „
 qvendam, Gnupam dictum, cum exercitu profectus „
 est; quem post aliquot prælia occidit, & regnum ipsi- „
 us in suam potestatem redegit. Deinde expeditionem „
 suscepit contra Regem qvendam, nomine Silfraskal- „
 lium; ac cum eo aliquoties conflixit, semper victor: „
 tandemque Regem illum occidit. Postea in interiora „
 Jutiæ pergens, omnes Reges ad Slesvicum usque de- „
 vicit, & magnam partem Vindlandiæ (Vandalia) sibi „
 subjecit. Multa prælia contra Saxones gerebat, & „
 Rex potentissimus evasit. Expeditionibus hinc qvan- „
 tum gloriæ Gormus, etiam apud exterarum gentes acqui- „
 siverit, ex virginis Norvegicæ responso, pag. 433. superius „
 à nobis allato, patet: quo illa, cum, tanquam consum- „
 mati Regis exemplar, grassanti ad honores juveni Regi „
 proponere non dubitavit. Gormus in matrimonio ha- „
 buiit Thyram *Danmarkar bot*, id est *Daniæ Ornamentum* cogno- „
 mento dictam. Hæc, si Saxoni credimus, Angliæ Rege nata „
 erat; nostrates vero, uti Cap. XV, pag. 416. superius dictum, „
 Klack-Haraldi Comitis filiam eam fuisse tradunt. Binam „
 masculini sexus prolem ex eâ Gormus suscepit: Knutum „
 nempe, qui ante patrem obiit, & Haraldum Cæruliden- „
 tem. Hic primum cum patre, ac deinde post illius obi- „
 tum solus, Daniæ regni gubernacula administravit: Sve- „
 numque genuit ab admorsa barbâ *Tinguskeggum* dictum, „
 qui post Haraldum regnavit, & sequentes Daniæ Reges „
 progeneravit. Ab hoc tempore Daniæ Regum series in-

dubia est, nostratibusque cum scriptoribus Danicis eadem: chronologia quoque eorum certior heic esse incipit. De tribus hisce ultimis regibus, Gormo Grandævo, Haraldo Cærulidente & Sveno Admorsæ barbæ, peculiare opus scripsimus, eoque haud pauca, vitas eorum non leviter, ut putamus, illustrantia, congeessimus. Brevis, ut speramus, liber iste, nondum editus, in publicum prodibit, doctorumque se censuræ submittet. Et nos heic nostræ Dynastiarum Regumque Daniæ Series finem imponemus.



AD SERIEM REGUM DANIÆ

Appendix I.

*De Johannis Magni in describendo
Daniae Sveciæque Regum ordine
callidâ Saxonis imitatione.*

Prologium.

Seriei nostræ libro I. Cap. IX. ubi de Johanne Magno, Svecicarum rerum scriptore, egimus, ad calcem operis monstrare promissimus: non Saxonem eidem imposuisse, sed eum Saxonem in ordine Regum Svecicorum tam religiose secutum fuisse, eo tantum fine, ut celeberrimæ gentis Daniæ famam convelleret, orbique literato illuderet. Similia ejusdem libri Cap. VIII. pag. 75. scripsimus: nempe, scriptorem istum methodum Saxonis in Regum Daniae & Sveciæ indice sapius ita accuratè observasse, ut utriusque Regni Principes omni tempore & singulis seculis sustentasse videantur, qui acta publicaliteris proderent; id vero nequaquam gratis fecisse: inde enim comminiscendi materiam arripuisse ad eum refellendum & Danos cavillandos, quasi inficiari non posset, æquales quidem corun-

*dem temporum fuisse Reges, quos Saxo retulit: verum aliter in monumentis Svedicis rem expositam inveniri; cum tamen ex proprio cerebro plurima finxerit. Nunc id agendum, ne dicto scriptori injuriam à nobis factam esse quis suspicetur. Et primo quidem heic appellandus est Doctissimus Vere-
lius, qui in Notis ad Hervoris historiæ Cap. II. pag. 42. postquam lineas genealogicas tam Daniæ quam Sveciæ Regum, rhythmis excellentium poetarum, Thiodolfi Hvi-nensis & Eyvindi Skaldaspilleris, proditas, atque à Snor-rio Sturlæo cynosuræ instar habitas, recensuit, primò de Saxone valde qveritur, quòd Danici regni exordium plus justò exaltaverit, & numerum successionum multiplica-
verit, Lethrensum quoque Regum vasallos supremis permiscuerit: maximè vero quòd Christi natalem in Frothonis Tertiæ ætatem retulerit; illo enim, ut & Longobardorum egressu sub Rege Snione collocato, posteri-ores scriptores in fraudem induxissè, ut magnum in hi-
storiâ Danicâ hiatum esse existimarent, pluresque Reges & Regum gesta desiderarent: ac Lyschander, novis cre-
atis Regibus, defectum illum supplere conatus fuerit. Deinde ad Jóhannem Magnum memoratus scriptor trans-
iens, eum Crantzii querelâ motum, æqvè ut Lyschan-
drum, ait, providere voluisse, ne aliqua in historiâ Svedi-
câ lacuna deprehenderetur, Regibus non paucis recensiti-
tis, quorum apud alios nulla mentio. Illaudata profectò
(hoc viri candidi judicium est) industria, & pessimi apud
posteritatem meriti, dubia vel ficta à genuinis hoc pacto vix
discernentem. Nos, cum amica illa scriptorum in antiquissi-
morum Daniæ Sveciæque Regum ordine harmonia, gesto-
rumque in utrisque consensus suspectus nobis semper a-
lias*

liās fuerit, laudati viri monito non leviter confirmati, utrosque diligentius evolvimus, deprehendimusque vera nimis esse, quæ *Petrus Rosefontanus* Johanni Magno improperat: nimirum cum, patriis documentis destitutum, propria commenta in operis formam redegisſe, & *confidenter magis quam verè, antiquiſſimorum autorum ac patriæ hiſtoriæ fidem jactare*, quod & certo conſilio, imò aſtuto inſtituto ab eo factum videtur. Nam cum gentis ſuæ hiſtoriam ſcripturus, magnâ patriorum documentorum penuriâ laboraret, gentem vero ſuam meritis quidem ob patrata, ſed ſibi minus quam ad tantum opus requirebatur cognita facinora, laudibus extollere, ſimul etiam Danos non juſta modo gloriâ fraudare, ſed graviſſimis etiam conviciis aſpergere decreviſſet, Saxonis methodum ordinemque ſibi omnino ſeqvendum propoſuit, eumque cum patriæ ſuæ archivis optimè in generalibus conſentientem finxit: non alio fine quam ut particularem diſſenſum, pari artificio a ſe ipſo excogitatum, majori veriſimilitudine auctoritateque, ſcriptorum utriusque gentis, quali in ordine dynaſtarum ſibi invicem ſuffragantium, geſtis vero & circumſtantiis quibusdam diſſidentium indicare, Saxonisque relationes velut ex patriæ ſuæ documentis convellere poſſet. Hæc ne ipſi à nobis malevolè affingi quis credat, ad aſſertionis noſtræ probationem nos accingentes, utriusque ſcriptoris ordinem & quæ aliās incidunt, quam breviffimè examinabimus, præmiſſis in antecellum regulis iis, quas Joh. Magnum ſibi obſervandas propoſuiſſe apparet.

Prima earum fuit: ut Saxonis methodum univerſalem ubique ſeqveretur, quo in particularibus ab eo, ubi li-

beret, deflectere, narrationesque ejus, tanquam è patriæ suæ certioribusque antiquitatis thesauris depromtas refutare posset.

Secunda: ut conficta à se documenta in testimonium vocaret; quod ita esse, iis testibus probo, qui Saxonis scripta ab eodem Johanne Magno suo consensu probata improbarunt, longèque ab eo recesserunt; id quod haudquaquam fecissent, si eadem documenta extitisse unquam credidissent.

Tertia: ut si quid à Saxone omissum videretur, id novis commentis repleret: non sine simulatâ admiratione, quod ista ab aliis omisâ fuerint.

Quarta: ut si temporis lacunam in Saxone observaret, fictis eam Regibus refarciret, Regum, si quos forte Saxo interspererat, synchronismo haudquaquam turbato.

Quinta, quæ caput est: ut ubique res Svecorum extolleret, Danorum non deprimeret saltem, sed ignominiosè etiam traduceret.

CAPUT I.

De Dano Primo Daniæ Rege.

Ut prima Johannis Magni, quæ de Svecorum Gothorumque origine tradit, omittam (neque enim Saxo tantam genti suæ antiquitatem vendicat, ut originem ejus à Noâ, ejusve nepote Magogo, ultimisque reparati mundi primordiis repetat, ut facit alter ille; qui ut Svecis suis Gothisque principatum omnium ferè gentium

tium asserat, Svenum Magogi primogenitum, Getharem natu proximum fingit) ab eo tempore incipiam, qvo utriusque scripta inter se conferri possunt: Dani nempe Humblī filii, qvem una cum fratre Angulo, gentis Danicæ conditorem rectoremque fuisse, & ab eo Regum Daniæ stemmata, ceu quodam derivata principio, splendido successionis ordine profluxisse Saxo tradit. Hic cum cujas fuerit, quāve progenie satus à Saxone non exprimitur, scriptum autem, quod Regis *Erici Pomerani* nomen præfert, è Svecia eum accersat, id Johannes Manus (hoc enim libello, licet tum temporis nondum impresso, usus esse videtur: certè aut illum, aut ejusdem fursuris alium hīc secutus est) ut suis rationibus perutile, arctius premens, novis commentariis illustravit. Cumque Dani de Gothia prodiisse inibi dicantur, non solum Gothiam Svedicam, primam eorum patriam interpretatur, sed etiam, exsuperante incolarum multitudine, infimæ plebis colluviem, facinorosoꝝque turbam regno exactam, Danicumque agrum, post sexcentos circiter & sexaginta annos ita dictum, hac sentinâ hominum repletum cultumque, vel ipse comminiscitur, vel commenta aliorum secutus est: carmen videlicet antiquum, quod in testimonium assertionis suæ, velut omni exceptione majus, inque Sapphiceo à se numeros redactum, producit. Carminis illius, Svetico sermone à primo auctore conditi, genuinam partem *Verelius* in Notis ad Cap. X. Historiæ Hervorianæ nobis exhibet; cui doctissimum virum tantum pretii statuisse miror. Nam utut lingvæ veteris formulas ac nexum aliquo modo sapiat, genus tamen carminis recentius est, quàm ut inter remotioris antiquitatis

tatis monumenta numerari debeat; quale neque in *Edda Semundi*, neque *Inglingatæle*, neque inter encomiastica alia, in subsequantium Regum honorem aut gestorum memoriam concinnata, ad Magni Haconis filii, istius qui Legum Emendator usurpatur, tempora occurrit. Rectius circa Eirici Pomerani tempora factum fortè statuitur: istius enim ævi genium sapit. Jacto hoc fundamento, tanquam ex omni parte immoto, Johannes Magnus Dani genus ab ipsâ origine altius petum producit, consentiensque Saxoni, Humblo seu Humelo eum procreatum perhibenti, Humulphi pronepotem, Bericonisque abnepotem eum facit: sed & ne maternum genus ei desit, Gefildâ nobilissimâ in Svecia sceminâ natum, atque ita è Svecis integrè procreatum scribit, datumque genti illi, quæ Danicos agros, deinceps ita dictos, incoluit, ab Humelo patre Regem. Quo nomine ager iste tot seculis antea venerit, quove gens illa à ceteris internosci voluerit, non exprimit; neque enim, uti credo, *Viteslet*, in Eirici Pomerani chronico nominatum, admittit. Eo silentio nil aliud innuere videtur, quam progeniem hanc Gothicam, à majoribus suis *Gothos*, terramque quam incoluerunt *Gothiam* dictam: licet Dani tempore Jutiam à Saxonum Duce Juthone, eam oppugnante, denominatam gratis affirmet. Ad ejus vim reprimendam, progenitoribus suis nuper rebelles, sed nunc in gratiam receptos, ab Humelo Danum filium Regem impetrasse tradit; cui postquam acerrimo prælio Daniâ liberasset, duo præcepta pater dederit: primum, ne in aliquâ parte Daniæ delubra construeret, sed apud Upsalam Sveorum metropolim Deos coleret; alterum, ut consideratâ Danicæ

tel-

telluris angustia, nulli, nisi gravissimâ laceffitus injuriâ, bellum inferret. Posthæc fratrem Angulum, consortium regni postulantem, infidiis à Dano petitem memorat, eumque in Angliæ regnum fugâ servatum evasisse. Hinc ad potentiam Humeli prædicandam prolapsus, mirum quam ab *Erici Pomerani* Chronico (sic scriptum illud vocare libet, licet Regium fœtum minimè agnoscamus) recedit, dum Gothis eum & Sveonibus, Helsingis, Biarmis Bothniis, Lappiis, Finnis, Scricfinnis, totique Scandianæ insulæ præfuisse, ac vicinis Danorum insulis, non solum imperâsse, sed Regem etiam super ipsas constituisse refert; cum tamen dictum Chronicon Danum, devictis Jutis, Syoniam (Sveoniam intelligit) Scaniam ac omnes alias Daniæ insulas subjugasse tradat: quod itaque Joh. Magnus pro utilitate suâ tantum sequitur. Hic consensus annalium Svecicorum cum Saxone in Dano, primo Daniæ Rege, mirus apparet; hinc fidem sibi, hanc materiam tanquam uberius tractaturo, Joh. Magnus præstruxit. Ceterum Danum Humbli vel Humeli filium, primum Daniæ Regem, nec nostrorum scriptorum ullus, nec *Sveno Aggonis*, Saxoni coævus, prior tamen, ac igitur primus Daniæ Historiographus, agnoscunt, sed Skioldum, quem nostrates Odini filium faciunt: quod ipse *Verelius* suo calculo probat.

CAPUT II.

De Regibus inter Danum & Frothonem Tertium.

L otherum & Humblum Dani filios successoresque Saxo, pulsumque Humblum à fratre memorat. Joh.
 Lll han-

hannes Magnus Dano & Angulo tertium fratrem Gothilam, Humelo procreatum, affingit, eumque deinde, Humblo Regiâ maiestate exuto, Lotherum in Danica sceptrâ reposuisse ait. Gyritham eorum matrem, non summo inter Teutones loco natam, ut Saxo, sed Siggonis Svetici Regis neptem fuisse tradit lib. II. Cap. IV.

Skioldum Daniæ Regem, tum Grami patrem, tum etiam Sigtrugo Sveciæ Regi synchronum, Groque Sigtrugi filiam à Daniæ Rege Gramo raptam, ipsumque occisum, Saxoni consentiens Joh. Magnus agnoscit. Sigtrugum aliàs Sigthunium dictum esse, de suo addit: quin & è Svarino Saxonis, quo Scaræ Vestro-Gothicæ urbis conditorem lucraretur, Scarinum exstruxit. Quem cum Saxo à Gramo oppressum tantum, nec quomodo, scripserit, occasionem arripuit plura de monomachiâ eorum ætatumque discrimine inferendi, senem à juvene occisum prædicans. Sibdagerum deinde (Saxoni Svibdagerum) Norvegiæ Regem, Gothico sanguine illustrem, suffragio Svecorum Regem creatum, non ex Saxone, sed aliunde addit. De quo deinde Cap. VIII. ea commemorat, quibus Saxonem, ubi is succinctior, illustrare videtur; causasque bellorum latius exequitur, ac raptu Gro virginis, sibi consanguineæ, exasperatum Sibdagerum commentus, ituprum sorori Grami intulisse, filiam etiam rapuisse, Saxoni subscribens tradit, eumque oppresso Gramo, trium septentrionalium regnorum primum monarcham confitetur, tandem ab Hadingo oppressum. In hæc quoque tempora Odinum pariter ac Saxo refert Cap. IX.

Asmundum deinde Sibdageri filium ab Hadingo occi-

occisum confitetur, eiqve filium Uffonem in Sveciæ regno successisse agnoscit. Ibi quoque quædam de suo addit: inter alia Hadingum, per colloqvii simulationem Uffonem oppressurum, ab eo facinus occupante præventum, ægrè infidias evasisse. Sic Uffonem magnifico mausoléo, non ab Hadingo hoste, qvòd Saxo scribit, sed fratre suo Hunningo illatum tradit.

Hunningum istum Uffonis successorem (Hundinum rectius Saxo vocat) non casu, dum inferias Hadingi, qvem fama falsò occubuisse detulerat, celebraret, in dolium incidisse, ut Saxo scribit, sed studio illud mortis genus elegisse tradit. Hinc in successione Regneri Saxoni consentiens adjicit, victum à Regneri Sveciæ Regis uxore, sorore suâ, Frothonem Dania Regem, captivumque in triumphum ductum: nec prius libertati restitutum, quam Ubboni genero suo, qvòd Daniam vi & armis occupasset, ignovisset; ingratum postea in Regnum Frothonem, bello illum absque causa lacezivisse ait, eoqve prælio armis Regneri occubuisse.

Hothbrodum deinde Regneri ex uxore Svanhvitâ filium, à Saxone productum, ad sceptrâ Svedica admittit, non sine applausu, qvòd, Saxone facem præferente, materia gestorum ejus illustrandorum ampla satis se offerat. Haud enim sibi heic deest; qvippe Saxonis testimonium nactus, primò, qvòd proferendi imperii studio orienti bellum intulerit, immensamqve populorum stragem ediderit: populos, qvibus illatum est, nempe, Russos, Estones, Sembos, ex *Crantzio* enumerat: additqve de suo Curetes; qvos omnes Frothoni Dania Regi fœderatos olim expeditionisqve socios fuisse, ac eâ de causâ ab Hoth-

brodo armis infestatos scribit. Deinde, quod Saxo perhibet, Hothbrodum orientis victoriâ haud contentum Daniam petiisse, ejusque Regem Rœetribus præliis provocatum occidisse, id universum non modo agnoscit, sed ne tantum è Saxonis relationibus notus Hothbrodus videatur, uxorem ei tribuit Gyritam, illustrissimâ Norvegorum Regum familiâ oriundam. Mox ditionis Hothbrodi limites, Tanaim versus orientem, Albimque vel Visurgum (neque enim distinctius id tradit) ad orientem, nullo scriptore præeunte profert. Hinc rebelles Danos domituros, non ab Helgone Dano, ut Saxo scribit, cum universo exercitu profligatum occisumque, sed tempestate maris obrutum aquisque suffocatum refert, ac itaque Saxonem hoc loco mendacii tacitè insinuat, qui Helgonem à victoriâ de Hothbrodo reportatâ *Hothbrodi Stragem* cognominatum esse scribit.

Attilum exinde Hothbrodi filium, à Saxone, qui eum Atislum vocat, mutuatum, patri in Sveciæ regno successorem constituit. Cumque insignem contumeliam Svecis ab Helgone Daniæ Rege illatam, in Saxone legit, reponit, Attilum, canem nomine Racchonem, deinde gigantem nomine Laës, tandem etiam servum Suionem dictum, à pediculis postea consumptum, Danis Reges præfecisse. Verum tempus idoneum non indicat; neque enim temporis Helgonis, neque Hrolfi, neque cum Attilus Hotherum Danis, ut idem vult, præfecit, monstrofa hæcce regna conveniunt. Ceterum Hotherum ab Attilo Danis devictis præfectum, quod ex Saxone Joh. Magnus libro II. Cap. XX. allegat, in Saxone non invenio; sed contrarium: nempe eum, non à fratre, sed ab

occurrente sibi Danorum populo Regem constitutum; imò eum fratrem suum Atislum Svecis præfecisse, ejusque obitu cognito Sveticum Danico imperium sociasse,

Roricum deinde Slyngebond, seu funditorem, Hotheri filium, in Sveciæ Regum album inscribit, Rodericumque appellat; cui Danos subjectos sed mox rebelles factos fingit, primum Duce Horvendillo (quem Saxoni consentiens, in Jutiæ præsidem ab eo promotum, filiaque ejus conjugio sociatum fatetur), deinde Fengone fratris Horvendilli interfectore, tandemque Amletho patris sui ultore: quos totam Daniam, Roderico in Sveciam concedente, occupasse tradit. Cumque Saxo in Daniâ Rórico scribat successisse Vigletum, non addito, quo is genere fatus fuerit, atque ejus filium Vermundum, in dicto regno patri substituatur, illiusque tempore Atislum Sveciæ Regem memoret, Johannes Magnus, Atislum seu, ut ille vocat, Attilum, Roderici filium mox facit, occasioneque à Saxone arreptâ, qui Balderum in Daniâ ab Hothero Sveciæ Rege occisum antea quoque scripserat, omnia ista tanquam de rebellibus Danis ac Svecorum jugo, auspiciis ductuque ducum eorum, quorum mentio facta est, se subducere conantibus, proponit. Attilum ergo litem de Daniæ possessione Vermundo, velut injusto sceptoris usurpatore, movisse, Frovinum Slesvici exercitusque Danici præfectum duello sustulisse, Vermundoque Daniam tributario jure regendam commisisse; mox rebellanti arma denuò intulisse, absque tamen successu; itaque nec victum nec victorem in Sveciam rediisse; subornatos deinde a Vermundo Frovini filios, binos simul Regem solitarium inventum oppressisse, Saxonis quasi inter-

pretem agens scribit. Quod si *Crantzium* audire voluisset, is Roricum Daniae à patre Hothero praefectum ait: cumque, mortuo eodem, Sveciam quoque hæreditario jure sibi cessuram crederet, Svecos ab eo defecisse, creato è Regiâ stirpe Atislo, qui Danica arma metuens bellum occupaverit.

Inter Attilum & Alaricum Sveciæ Reges, cum Johannes Magnus nullam à Saxone Sveciæ Regum mentionem fieri animadverteret, eaque de re *Crantzi* verba Sveciæ lib. I. Cap. XXXVI. ante oculos haberet, scribentis, jam dudum nihil magnum aut præclarum in Sveciâ gente recoli, quod vel Danorum imperio per ea tempora paruerint, contenti subesse: vel (quod potius credit) quod præclara illorum temporum facinora, in eâ gente per incuriam scribentium sint sepulta. Ut, inquam, querelæ isti satisfaceret, novem Reges, Botvildum scilicet, Carolum, Grimmerum, Tordonem, Gotharum, Adulphum, Algothum, Ericum & Lindormum, qui quingentorum circiter annorum lacunam à Cyro ad Christi tempora repleant, ex archivis, nescio quibus, & in his fragmentis quibusdam historicis, Romæ in ædibus S. Birgittæ à se inventis, profert, quorum nomina nemini alias audita sunt: adeo ut *Loccenius* Hist. Svec. lib. I. illam Regum seriem, *ut non satis liquidam & compertam*, ipsi huic scriptori reliquendam non injuriâ statuerit. In dictis autem Regibus sequentia scriptoris artificia observanda veniunt. Primum: quod in horum ordine digerendo ita se gesserit, ut generis eorum series cum iis Regibus conveniat, quos Saxo interea Daniam rexisse tradit. Itaque Botvildum Attili vel filium vel nepotem facit,

cit, ejusque auspiciis Hemotum & Hegrimum adversus Huglethum Daniæ Regem, Vermundi pronepotem (quem Hugulinum, quasi levi quadam codicum Svecicorum à Danicis variatione, appellat) cum classe missos tradit, ac à Danis oppressos; ne eâ in re à Saxone recedat, licet occasionem, silentio Saxonis sibi ad uberiores narrationem datam, nec hic neglexerit. Gotharum tamen, Botvildi abnepotem, minus consideratè cum Frothone II. Daniæ Rege, Huglethi filio, congressum memorat, nisi Gotharum juvenem cum Frothone sene committi voluerit: appositè autem Danum ejus nominis Tertium, Daniæ Regem, Frothonis filium, in Gothari & filii ejus Adulphi tempora refert. Cumque Adulphum, cum filiis nepotibusque Algotho & Erico, Daniæ regnum sibi subjectum, potenter usque ad Fridleifum Celerem gubernasse tradat, defecisseque Danos sub pronepote Lindormo, concitore eodem Fridleifo, prudenter de eo tanquam ignoti generis homine loquitur: neque eum, uti Saxo, Dani Tertiæ filium agnoscit, sed priscorum Regum sanguine illustrem Lindormoque consanguineum facit, atque non successionis jure, sed suffragiis procerum in sceptrum missum scribit; ne scilicet ordo concentusque synchronis fini Daniæ ac Sveoniæ Regum turbetur; filium enim Dani, pronepoti Adulphi regnum extorsisse, minus probabiliter dici posse videbat. Secundum artificium in Daniæ subjectione, Svecorumque in eam imperio demonstrando versatur, Crantziique opinione refutandâ, qui Daniæ Sveciam tanto tempore subjectam suspicatus est. Itaque Frothonem Vegetum, eò quod Saxo nihil de obitu ejus tradat, à Gotharo Sveciæ Rege occisum Daniamque sub-

subactam nugatur: Frogerum insuper Norvegiæ Regem Gothari socerum fuisse comminiscitur, conflictumque a Saxonem traditum accidem Frogeri in præsidium causæ belli Frothoni à Gotharo illati rapit. Tertium artificium Johannes Magnus ad præstruendam sibi fidem excogitavit, simulando, se ea quæ tradit, à Saxone omissa mirari; neque enim verisimile esse, prælium inter Danum & Adulphum ei fuisse incognitum, cum inter præcipua numerari possit, quæ inter Gothos & Danos unquam contigerint: simile prorsus illi, quòd longè postea inter Haraldum Daniæ & Ringonem Sveciæ Reges confectum. In hac admiratione prolixius quasi hærens suspicionem movet, Danos, qui Saxonis libros transcripserint, ea omisisse, quæ patriæ suæ decorem minuere visa fuerint; quo commento scriptoris istius opus interpolatum, nec sincera fide publicatum persuadere nititur; ipse tamen quasi dubius, Saxoni veniam dandam judicat, si magis in suos quam alienos affectus, Daniæ regnum Adulpho subiectum, atque ab eo, collatis per oportuna loca præfidiis, ad finem vitæ prudenter potenterque gubernatum, filiisque & nepotibus suis ad Fridleifum usque Celerem, Frothonis Tertiæ patrem, sub tributum missum, commemorare noluerit. Tandem in Lindormo ad familiares sibi artes redit, Saxonisque traditiones secutus, Hervillum (Saxoni Huyrvillum) Hollandiæ Frisiæque principem, Danis fœderatum, ad Norvegos defecisse docet, illectum præmiis & pollicitis magnis. Verum *Hollandiæ* principem eum fuisse, ex archivis Svedicis demonstrari posse omninò dubito, cum istud nomen Saxonis ævo parum cognitum fuerit. Rectius itaque *Stephanus* præviam

Pon-

Pontani aliorumque magnorum virorum auctoritatem secutus *Hallandiam* reposuit, sua tamen adeo confidenter Joh. Magnus tradit, tanquam ex patriæ documentis eruta: adjicitque causam defectionis, quod Norvegi clam immixtis in Danorum exercitum exploratoribus, seditiones, odia & mutuas rixas excitaverint, multosque præmiorum magnitudine in suas partes allexerint; quæ omnia in Saxone non habentur, sed ab ipso Johanne Magno inventa sunt.

CAPUT III.

De Regibus à Frothone III. ad tempora Ingonis I. qui Sigardo LIII. Sveciæ Regi successisse perhibetur.

Ad Christi nativitatem ex Saxonis mente methodoque perventum est: quo tempore Frothonem III. Danis imperasse idem Saxo scribit. Coævus ei Johannes Magnus Alaricum Sveciæ, Gestillum seu Gestiblum Gothiæ ac Getherum Norvegiæ Reges agnoscit, quæque à Saxone de iis accepit posteritati tradit. Ericum autem Regem Svecis à Frothone datum negat, scriptoresque Danicos id tradentes culpât, ac ingratitude insinuat; cum beneficio ipsius Frothonem potius regnasse constet, ut & quod Ericus à Gestiblando adoptatus Sveciæ Gothiæque principatum sit adeptus. Sciendum autem est (ut id in transitu moneamus) multa eorum, quæ de Alrico (rectius Heidreco) & Gestiblando à Saxone & eum secuto *Johanne Magno* traduntur, aliter sese habere; prout

Mmm

prout id ex *Hervoris Historia* & iis quæ nos Seriei nostræ lib. III. Cap. IV. pag. 255. inde desumimus, evidenter apparere potest. Ceterum notari heic *Rudbeckius* meretur, quod Atlant. Cap. XXXVI. Frothonem inter Daniæ Reges non agnoscat, dicatque, post exortos inter homines bellatores, titulum aut nomen Frodi, apud Reges in usu esse desuisse, quippe quod solis antea & pacificæ ætatis Regibus, præsertim vero Upsalensibus convenerit. Hoc asserto enim non solum Olafi Tryggvini orationi, Seriei lib. II. Cap. II. pag. 105. à nobis allegatæ, sed & universæ antiquitatis testimoniis, de tot in Dania ejusdem nominis Regibus adversatur: imo iis scriptoribus, quibus in Sveciæ rebus illustrandis aliàs plurimum tribuit. Similem errorem Dotissimus aliàs *Verelius* erravit, ubi Not. ad Histor. Hervor. Cap. II. Saxonem, nominum similitudine deceptum, pro Freyo Sveciæ Rege, Christi natalem prope contingente, Frothonem III. Daniæ Regem perperam substituisse arbitratur: atque insuper Not. in Cap. IV. *Frodii* nomen, non proprium, sed eruditis sapientibusque commune fuisse. Verum tanta in prisca septentrionis lingvâ nominum istorum convenientia non est, ut ambiguitatem parere possint; Freyus enim *Freyr* ubique dicitur, hodiernâ Danicâ dialecto *Frøe*, unde *Froum* *Rudbeckius* efformavit; cum Frotho eodem idiomate *Frodi* usurpetur. De cetero Saxo eorundem scriptorum auctoritate, qui Freyrem Sveciæ Regem isto tempore constituunt, ad asserendum Daniæ Frodium seu Frothonem nititur: qui etiam Freyre longè potentior fuisse perhibetur, omnium quippe Septentrionalium Regum potentissimus, uti ex præfatione carminis *Grotta-saungr* Seriei lib. II. Cap. II. pag.

pag. 104. à nobis adductâ & aliunde constat. Alias Saxonem multa in Regis hujus laudes conjecisse, quæ aliis competunt, Rudbeckio largimur; nec veritati litat, Russos maris dominium sibi id temporis asseruisse. Quod vero Johannem Magnum ab eodem scriptore deceptum quæritur, minimè consistit. Neque enim deceptus dici potest, qui patrios annales sequitur, indèque ea depromit, quæ adversario refutando deligit: imò, quod majus est, Saxonis ordinem Sveciæ documentis conformem suffragio suo probat; saltem Saxonem minus candidè nonnulla, non item universa, prodidisse quæritur, quæ ipse ex patriæ suæ monumentis emendare, candidiusque referre vult videri. Interea mirum est, quæ de Asmundi fortuitâ inventione in specu, Arngrimoque Frothonis genero, ac ejus filiorum fato traduntur, nusquam amplius in Sveciæ archivis inveniri; cum tamen Johannes Magnus hæc omnia legerit, uno excepto (quod se in suis Gothicis historiis invenire negat) nimirum, quod Ericus, ut Saxo affirmat, unà cum Frothone Angliam, Britanniam & Hiberniam subjecerit. Id certè verè scripsit, se ista de Erico in patriæ annalibus nunquam legisse; sed nec quicquam eorum, quæ de eo pluribusque aliis è Saxone in sua scrinia congestit, inibi legisse, haud vanâ conjecturâ quilibet assequi poterit.

Erico huic filium deinde affigit Gethericum Gothorum Regem: ejusque expeditiones ex proprio penu maximam partem depromtas adfert, atque ab eo seriem Gothiæ Regum, qui peregrinas terras exercitū subjecerunt, textit. De Halfdano, altero Erici filio, Sveciæ Rege, Saxonis relationi similia narrat, Getherico vero filium

dat Vilmerum, qui imperium Gothicum, exemplo majorum suorum, usque ad Tanaim protulerit, rediensque in patriam filium Nordianum Gothis in Russiâ relictis præfecerit.

Sivardum deinde Haldani filium ope Starchateri ad Sveciæ sceptrum pervenisse, atque ab Haldano (Bierggratmo) Daniæ Rege occisum esse, Saxoni similis scribit. Hinc, nè Carolum, quem is Gothiæ præfectum libri VII. initio memorat, ignorasse videatur, Nordiani nepotem eum facit, avoque in externâ militiâ occupato, regno isti præfectum scribit, tandemque à Frothone Daniæ Rege occisum Saxoni consentiens fatetur. Ericum deinde Sivardi nepotem, varia fortuna cum prædicto Haldano Daniæ Rege congressum, tandemque insidiis circumventum periisse, Saxonem secutus perhibet. Hinc victorem Haldanum in imperium Svecanum successisse, jure quidem victoriæ, sed generis præterea favore nixum, quod ex Svedica stirpe per Signem Caroli Gothiæ Regis filiam descendisset. Ejus gesta cum Anundo & Tochione, Sivaldo quoque ac ejus filiis, nec non Harthbeno & asseclis, tandem etiam Ebbone, velut ex ore Saxonis excepta, verbis saltem diversis recenset, atque ita librum historiæ suæ quintum concludit.

Exinde libro VII. Ungvinum Gothiæ Regem, adoptatum ab Haldano fatetur, cæsum etiam à Régnaldo, quem Sveciæ Regibus adnumerat, atque ab Ungvini filio Sivaldo, Daniæ Rege, deinceps oppressum scribit. Hinc à Saxone dissentit, Amundum, Hachonis, Helvini, Hagbarti & Amundi patrem, coronâ Svedicâ donando; quem Regulorum albo Saxo inscripsit. In narratione
ta-

tamen parum à Saxone deflectit, saltem parcius in historiis Svedicis Hagbarti temeraria facta, quam apud Saxonem exponi refert. Hachonem exinde patri Amundo in Sveciæ Regnum successorem, pari modo ac patrem antea, providet; eumque Amundo, ætate gravi ad Regiæ dignitatis labores assumto, omnem administrandi regni sollicitudinem in se suscepisse scribit. Saxo sicut Hachonis patrem Regulum, sic eum Reguli filium fuisse innuit. Sed & Johannes Magnus à Saxonis relationibus ulterius heic recedit, ubi Hachonem non in Scotiæ regno profugum periisse, sed apud suos Sveones, postquam in paterna regna successerat, nonnullosque annos regnaverat, in fata concessisse asserit. De cetero Saxonis vestigia premit, in ejus actis describendis, enarrandoque exitiali & Regiæ Danicæ familiæ internecino bello, quam ad solam Gyritham Alfi filiam, Sigari Regis neptem, eo tempore redactam, uterque scribit.

CAPUT IV.

*De Regibus Svecicis, quos aliunde
quam à Saxone Joh. Magnus mutuatus est.*

Hucusque Regibus è Saxone collectis contentus Johannes Magnus, jam eos in medium producit, quos ex Norvegicis antiquitatibus partim desumptos esse apparet: ordine tamen nonnunquam interrupto, & ad concentum Saxoniani ordinis formato, ne fucus deprehendi possit. Ita cum Gunnarum, Sveconum fortissimum, Norvegos variis injuriarum generibus vexasse, Saxo statim post excessum Syvaldi Haconi coævireferat;

Mimm;

rat;

rat; Joh. Magnus, ut quatuor Sveciæ Regibus, quos inter ejus tempora & dictum Haconem inserit, appositus locus concedi possit, Amundum & Hachonem paucis tantum annis Sveciæ regno præfuisse scribit.

Ingonem deinde in ejusdem regni folio collocatum memorat, qui inviolabili decreto statuerit, ut caput & sedes regni Sveciæ in metropoli Upsala deinceps censeretur. Hunc ego Ingonem, subsequen- tium Regum ordine inductus, ipsum Odinum agnosco. Nam *Arius Polyhistor* in calce suarum de Islandiâ Schedarum, ubi suum ab Ynglingis genus repetit, sic orditur: *Hæc sunt nomina patrum Ynglingorum & Breidfirðingorum* (i. e. accolarum finus Breidfiordensis in occidentali Islandia, unde genus duxerat). *Yngvius Turcarum Rex. Niordus Sveonum Rex. Freyr. Fiolner, qui in domo Frodii Pacifici mortuus est. Sveigder, Vanlandius.* & sic consequenter. Quæ itaque Johannes Magnus de Upsalis ab hoc Ingone fundatis tradit, de Sigtunâ intelligenda sunt: ibi enim Odinus, teste *Snorrio*, sedem suam locavit.

Sequitur Nearchus, qui *Snorrii* Niordus est: *Loccenio* non diffidente. Frotho, quem aliis rectius Frøe vocari tradit, Freyr est, divinis honoribus cultus. His Urbarum subjungit, intuitu Gunnari; quem cum Saxo Sveonum fortissimum scripisset, statim hic præceptorem filiis Urbani eum creat. Cumque forte legisset, Eysteinum seu Osteinum, Uplandorum Regem, canem Norvegis Regem constituisse, protinus Gunnarum, seu ut ille vocat Gunnonem, ejus auspiciis bellum iis intulisse tradit; et ne a Saxone hac in re dissentire, sed illius traditionem magis illustrare videatur, Gunnonis filium Hildigerum uti ille commemorat. Post

Post hæc regna Sveciæ Gothiæque ab invicem divulsa, suis quæque Regibus administrata perhibet, Gothis Fiolnum (qui nostratum Fiolner est, Sveciæ quidem Rex; id quod ipse, de obitu ejus, Snorrio Sturlæo cæterisque Historicis nostris conforme differens, prodit), Svercherum, qui nobis Loccenioque Sveigder, Vanlandrum, Visburum, Domaldrum & Domarum præfuisse vult: Svecis Attilum, nescio unde petatum, cui Dignerus, nobis Dyggvius, à Regio sanguine alienus, vel, ut alios affirmare perhibet, Osteni ex sorore nepos, procerum populique consensu creatus successerit; ejusque filius Dagerus, nobis Dagus, Gothiam iterum à Domari five morte five abdicatione Sveciæ conjunxerit. Quæ *Loccenius*, ut minus vera, certioribusque documentis adversa rejicit, omnesque hos Reges præter Attilum, suis quemque patribus successisse agnoscit. Sanè Johannes Magnus sibi heic parum constat, ubi Vanlandrum contra Rethonem, Ruthenum piratam, sese ad pugnam apparasse ait: ac postea eundem Rethonem à Dagero, quem Domaro Vanlandri pronepoti supervixisse scribit, deletum esse perhibet. Neque enim Rethonis ætas in tantum extendi benè potest, ut Vanlandri, Visburi, Domaldri, & Domari tempora exhauriat, partemque ætatis Dageri. Sed & æquè absurdum est, post mortem Osteni in Gothia regnasse Fiolnum illiusque nepotes usque ad Domarum ejusdem atnepotem, dum Attilus, Dignerus, dicti Osteni ex sorore nepos, atque ejus filius Dagerus, Domaro mortuo superstes, Sveciæ sceptrum gererent.

Dagi filium *Snorrius* Agnium facit, eoque Alrecum genitum prodit. Joh. Magnus, præterito Agnio, Alaricum

cum Dagero patri successisse scribit, eumque cum Saxonis Alvero eundem esse statuit: tum ut synchronismum à Saxone traditum observet, tum ut ea, quæ is de Hildigero & Haldano refert, rebus suis inferat. Potuisset meliori ratione Agnium, Alrecum & ejus filium Alfum, ex *Snorrio* ordine recensere, quo Saxonis Alverum ex istius Alfi nomine lucraretur. Verum nihil ad Alreki filiive illius Alfi tempora Saxonis Alverus facit, Regulus fortè, non vero Upsalensis fastigii Rex, quem Alrecus Alfusque longo intervallo præcessere. Ceterum quod ex Haldani, Hilditannis patris, Upsalensi itinere, ad sobolem sterili uxori suæ à Diis expetendam suscepto, infert, præceptum, ab Humelo Gothorum Rege Dano primo Danorum Regi, cum ipsum Daniæ Regem (ut ipsi placet) designaret, de delubro in nullâ Daniæ parte exstruendo datum, religiosè in illam diem à Danorum Regibus observatum esse, nullâ ratione nititur. Scimus enim varia oracula à diversis gentibus pro lubitu consulta, templaque adita, ad quorum observationem nullâ lege vel pacto tenebantur. Exemplo sit Delphicum, à Tarquinio Superbo, Cræso Lydiae Rege, magnâque orbis parte consultum. Celebre etiam in Norvegia Balldrshagensè. Sognicum illud, à Fridthiofo incensum, longèque antè ejus tempora ædificatum, à variis frequentatum quis dubitat? Multò autem magnificentius illud Lethrense in Sælandia fuisse suspicari licet, ubi nonaginta novem homines, & totidem eqvos, cum canibus & gallis pro accipitribus oblatis, nono quovis anno, etiam suo tempore Diis immolatos notavit *Ditmarus* Episcopus Merseburgensis. Neque enim tantum sacrificium sine templo, post-

postquam ea in usu esse cœperant, peractum ratio dicitur.

Ingimarum, seu Ingonem, Alarici filium, sibi à scriptoribus, tum patriis, tum etiam Norvegicis oblatum, Joh. Magnus exinde in Sveciâ regnasse agnoscit. Quem postquam Saxonis Ingonem, Alveri filium, Olasique & Ingeldi fratrem esse statuit, mirum quam historiam ejus detorqueat. Neque enim eum apud Sveciam, ut Saxo scribit, ab Haraldo Hilditanne; bellum sibi imminens anticipante, oppressum confiteri sustinet; sed illud ei fatum tribuit, quo Agnius Skialfæ, Finnicæ feminae, maritus periit, locumque supplicii eundem assignat, Danicam ei uxorem, eamque Haraldi Hilditannis consanguineam affingens, quæ illius suggestionem virum strangulaverit. Quæ scribendi occasionem Ingonisqve mortis genus prolubitu addendi eo nactus est, quod Saxo eum *oppressum* tantum dicat. Agnoscit calumniam hanc *Loccenius*, ac postquam memoratum necis genus, non ad Ingemarum, sed Agnium Dagi filium pertinere rectè observasset, remque secundum *Snorrium* exposuisset, adjicit hæc verba: *Anna- libus Norvegiis hoc referentibus, consentit Ericus Upsalensis, etsi brevius narrat, sed aliter Johannes Gothus refert, & qui eum secuti sunt.* Melius itaque doctissimus vir fecisset, si in historiâ suâ *Snorrii*, ulterius secutus fuisset, nec ab ordine, quem cœperat, discessisset, occasione Drottæ, quam Dagi aviam (non matrem) Dani vero illius, à quo Dania nomen accepit, sororem, Annales Norvegici referunt; quem cum Saxo, Svecicique scriptores (qui tamen omnes eum videntur secuti) Humblî filium faciant, ad eorum methodum deflectit, omnesque ante numera-

Nnn

tos

tos Reges, præter eos, quos Johannes Magnus ipse hic finxerat, à Saxone petitos, inter Agnium & Ingellum I. interferit.

Ingellum Joh. Magnus, à Saxone hac in parte recedens, Ingonis seu Ingemari filium facit, Loccenius tamen Saxoni consentiens fratrem agnoscit. Hunc sororem Hilditannis rapuisse Saxonem secutus scribit; additque, quod in Saxone non extat, eam impudiciâ suâ mariti cædis causam fuisse, quem frater ejus inter rixandum occiderit. Verum parricidium istud, quo bini fratres, Sveciæ Reges, se invicem impetentes, mutuâ strage ceciderunt, secundum *Snorrii Sturlæi* relationem, ad Yngvium & Alfum Alreki filios, Agnii nepotes, pertinet. Nec constat, ubi Bera, quæ parricidio isti occasionem dedit, nata sit; certè Hilditannis sororem fuisse temporum dissensus non patitur.

Germundum Ingello subjicit Joh. Magnus, eumque à Saxone omissum qveritur. Quod mirari non debuerat. Neque enim ad hæc tempora pertinet, nec ei unquam res cum Haraldo Hilditanne fuit. Genuinum illius nomen Jorundus est, fuitque Yngvii filius, Alreki nepos, Agnii pronepos, atque Haconi, qui Hugleicum occidit, in Sveciæ Regno successit; postea ab Halogiensium Rege Gylaugo in Daniâ patibulo affixus, uti ex *Snorrii* Chronico constat.

Germundo, qui nobis Jorundus est, Johannes Magnus & plurimi Svecicarum rerum scriptores, filium illius Haqvinum successisse tradunt, Ringonem vel alio nomine vel cognomine dictum. Hunc cum Haraldo Hilditanne Daniæ Rege in campis Bravallensibus dimicasse

volunt: ac communiter illa, quæ de hoc prælio suoque Ringone Saxo fuisse tradit, in illius vitam referunt. Egillum quoque filium & regni hæredem reliquisse memorant. Ceterum valde hic Johannes Magnus ejusque sectatores tempora, res & personas confundunt. Etenim *Haqvini* istud nomen desumptum est ex *Hakio* piratâ, *Hagbardi* fratre, qui *Hugleicum* *Sveciæ* Regem, post *Yngvii* & *Alfi* mutuam cædem immediatè regnantem, interfecit, prout id nos ex *Snorrio* *Seriei* nostræ lib. III. Cap. V. pagg. 275. 276. retulimus. *Hakius* iste, *Jorundi* *Yngvio* geniti filius non erat, sed, uti ex memorato *Snorrio* constat, contra eundem *Jorundum* pugnavit, lethaliqve vulnere accepto, moribundum se navi imponi curavit; eaque incensâ tantum non ardens in altum velis vehebatur: quemadmodum à nobis *Seriei* lib. II. Cap. II. pag. 102. memoratum est. Sed neque *Hakius* *Egilis* pater fuit, quippe qui genitus est *Aunio* *Grandæyo*, *Jorundi* filio; illo qui prodigiosâ senectute confectus est, cum *Hakius* violentâ morte, uti dictum, perierit. Diversas itaque personas *Svecici* scriptores heic confundunt, ubi *Haqvinum* huncce, vel *Hakium*, in *Aunii* *Grandævi* locum ponunt, eumque *Regum* suorum genealogiæ inserunt, cum tamen peregrinus fuerit. Absurdius adhuc *Ringonis* cognomen heic additur, ac inter eum & *Haraldum* *Hilditannem* pugnatum esse traditur. Nam trecentis annis tam *Hakius* quam *Aunius* *Haraldo* vetustiores sunt, prout ex *Chronologiâ* nostrâ *Seriei* lib. III. Cap. II. exhibitâ manifestum est. Et rem totam aliter quam à *Svecicis* scriptoribus proponitur, sese habere, ex sæpèdictæ *Seriei* lib. III. Cap. VIII. evidenter, ut credimus, patet.

Egillum patri Haqvino successisse Johannes Magnus scribit: qui reverâ Aunii Grandævi filius erat. Hæc inveterato in Danos odio, uti binas istas feminas, quas nuper memoravimus, Danicas fuisse finxit, ita nunc Thonnonem, Eigilis hostem è Dania primò ad eum profugisse, mox ab Omundo Daniæ Rege in Dominum sollicitatum esse, nullo auctore præeunte scribit. Id vero omisit, multis jam præliis fustum Egilem à Frodio Daniæ Rege in regnum restitutum statumque turbulentum tranquillo ejus beneficio permutasse.

Gotharum à Saxone in Syvardi Omundi filii vitâ nominatum, eundem aut esse putavit aut voluit, qui in Historiâ Norvegica Eigilis filius legitur, Ottarque Vendilkraka seu cornix Vendelina audit, propterea quod illo in Jutia occiso alitumque lanienæ exposito, cornix lignea in Sveciam à Danis in illius ludibrium missa fuerit. Verum nulla in historiâ Norvegicâ mentio occurrit gestorum ejus cum Omundo, susceptique prælii ob falsam suspicionem immissi in legatum Ebbonem sicarii, aut Syvardi Daniæ Regis infelicis pugnae cum Simone Scaniæ Satrapæ, à Gotharo constituto: quæ Johannes Magnus partim ex Saxone partim ex proprio cerebro defumta, huc congerit. Nec sanè Ottar Eigilis filius cum Saxonis Gotharo quicquam commune habet; sed iste Regum ordo huc contorquetur, saltem ut Saxonis relationes ad ferri Svedicæque historiæ hæc inseri possint.

Adelum Ottaris filium, rectius Adilsem, agnoscimus, cujus nullam mentionem Saxo hic facit; nec ei cum Jarnero rem unquam, sed cum Helgio & Rolfo Krakio fuisse legimus. Johannes Magnus, qui Snorrii ordinem
ali-

aliàs hic secutus est, Sclavis adiutorem contra Jarmen-
rum finxit, ne à Saxone in tempore dissentiret; facit ta-
men cum nostratibus, ubi corruentis equi lapsu interi-
isse ait.

Ostanus, nobis Eysteinus, Adelo quidem successit,
in eoqve Johannes Magnus nobiscum consentit, quod
is incendio consumtus sit; verum non à suis: sed Solvio
de Niardeya, Norvego, primum piratâ, mox Comite
fatrapâqve Sælandiæ, ac Jutiæ Regulo; tandemqve Sve-
ciæ Rege, victoris vel potius felicitis prædonis jure facto.
Ceterum neqve illius mentionem Saxo facit, nec Johan-
nes Magnus gesta ejus Daniæ rebus immiscet.

Ingemarum, *Snorrio & Långfedgatali* Yngvar rectius
dictus, Eysteino patri successisse verè à Johanne Magno
scribitur: quod autem Daniam subjecerit, insidiisque in-
colarum postea in insula Longâ occubuerit, gratis tra-
duntur. *Snorrius* pace cum Danis factâ Esthoniâ bello
laccessivisse, ibiqve occisi corpus tumulo illatum me-
morat.

Posthæc cum Saxo Gothorum Regis filiam, Regi
Sveciæ nuptam, astu in Snionis Daniæ Regis matrimo-
nium illectam concessisse, nec tamen eorum Regum
nomina exprimat, Johannes Magnus, ne quid hic plenæ
narrationi desit, Gothiæ istum Regem Holstani, Sveciæ ve-
ro Biorni nominibus insignit. Præterea Saxoni non con-
cedit, Gothiam victoriæ jure, sed tantum Scaniam Daniæ
regno cessisse, tanquam hoc uno excepto Annales Sve-
dici cum Danicis exactè consentirent.

Biorno tandem octodecim Reges subjungit, nulli
alii Svecico scriptori visos: sed è proprio, cerebro de-

promptos, ad suppleendum ingentem temporum hiatum, qvem à primo Longobardorum egressu ad Carolum Magnum, qvatuor tantum domesticorum Regum ætatibus definitum, magna ratione observatum aliis, ipse qvoqve deprehendit. Regum illorum nomina hæc sunt: 1. Raval-
 valdus. 2. Suartmannus. 3. Tordo. 4. Rodulphus. 5. Hathinus. 6. Attilus. 7. Tordo. 8. Algothus. 9. Gostagus vel Ostanus. 10. Arthus. 11. Haqvinus. 12. Carolus. 13. Carolus alter. 14. Birgerus. 15. Ericus. 16. Torillus. 17. Biornus. 18. Alaricus. Hi Reges (qvos *Laccenius* ab Erico Upsalense & aliis veterum annalium conditoribus ignorari fatetur) cum, auctore illorum disponente, multa secula impleant, qvibus nihil de Danorum Regibus Saxo memorat, is egregiam occasionem nactus ignominiosissima qvævis de Danis pro lubitu effutit, omniumqve imperio, libidini, tyrannidi eos subjectos toto illo temporis intervallo comminiscitur: conaturqve persvadere, non esse à Saxone præteritos Reges, qvi Danis hoc tempore imperaverint, cum nullos habuerint; Saxonem autem tam longi temporis res Danicas studiosè dissimulasse, ne insignes patriæ suæ calamitates, quas tunc multis modis passa sit, commemorare cogeretur. Ne vero dissensus in alterutrius gentis annalibus quantum ad successionum ordinem Regumqve synchronismos appareat, Erici, in facto hocce Regum numero decimi qvinti, tempore, Biornum, qvem Saxo Snioni successisse tradit, Daniam Regem nactam refert: Torillo qvoqve Haraldum Danicæ Regem coævum facit: tandemqve Gormonem, Harald filium, Sigritham Alarici Sveonum Regis filiam uxorem duxisse fingit.

Lon-

Longius in hac collatione progredi nec opus nec
otium est, cum satis superque ex his pateat, Johannem
Magnum, qui Svecicorum scriptorum locupletissimus
est, à Saxone minime deceptum, sed decipiendi studio
subdolè Saxonis vestigiis instituisse, ut captatis occasioni-
bus tutius inde recedere, majorique veritatis specie
sua figmenta obtrudere deinceps
posset.

FINIS.



AD

AD SERIEM REGUM DANIÆ
Appendix II.
De Hognio & Hedino.

Hognii & Hedini mentionem Seriei nostræ libro III. Cap. IV. pag. 262. iniecimus, atqve de iis ad calcem libri uberius agere promissimus: ne scilicet consuetam operis brevitatem prolixia nimis relatio interturbaret. Nunc promissi memores, singula, quæ de illis tam Saxo quam nostrates in literas retulere, bonâ fide proferemus, initio à *Saxonis* traditione factò, qui libro V. eorum sub Hógini & Hithini nominibus meminit, ac Frothoni III. circa Christianæ æræ primordia regnanti, coævus fuisse scribit. Verba illius hæc sunt: Inter hæc, *ait*, Hithinus „ Rex aliquantæ Norvagiensium gentis, Frothonis classis centum quinquaginta navigiis accedebat. Qui „ Regi in proximum amicitiae gradum receptus, magnum copiis ejus attulit supplementum. Eidem postmodum cum Hildâ, Hógini Jutorum Reguli filiâ, „ spectatæ admodum opinionis virgine, mutuus amor incessit. Quippe nondum invicem conspectos altera incenderat fama. At ubi mutuae conspectionis copia incidit, neuter obtutum ab altero remittere poterat: „ adeo pertinax amor oculos morabatur. *Interea* Hithino Hóginoque socialem exequi piraticam placuit: „ ignorabat enim Hóginus suam à sodali filiam adamari. „ *ri.* Erat autem is corporis habitu præstans, igenio pervi-

pervicax; Hithinus vero corpore perquam decoro sed
 brevi extitit. *Exinde* Hóginus filiam suam Hithino
 deso ndit, conjurato invicem, uter ferro perisset, al-
 terum alterius ultorem fore. *Varie circa hoc tempus pro-*
vincia à Frothonis Ducibus, illius auspiciis subacta sunt. Hi-
 thino quoque & Hógino Orcadum trophæâ cessere.
Postea Hithinus apud Hóginum quorundam obtrecta-
 tione infimulatus est, quasi filiam ejus ante sponsali-
 um sacra stupri illecebris temerâset: quod tunc im-
 mane cunctis gentibus facinus habebatur. Igitur Hó-
 ginus credulis auribus rem falso nunciatam excipiens,
 Hithinum, Regia apud Sclavos stipendia colligentem,
 classe laceffit, consertâque manu victus Jutiam peti-
 vit. Frotho missis, qui simul eos accerferent, scrupu-
 losius causam simultatis inquirat. *Quâ* cognitâ, juxta
 legis à se latæ formulam pronunciavit. Videns autem
 ne sic quidem eos in gratiam reduci posse, patre fili-
 am pertinacius reposcente, litem ferro decidendam
 edixit. Id quippe solum dirimendæ controversiæ re-
 medium videbatur. Initâ pugná Hithinus acerrimâ
 perstrictus plagâ, cum sanguine & viribus corporis
 deficeret, insperatam hostis clementiam expertus est.
 Hóginus siquidem promptissimam occidendi ipsius fa-
 cultatem adeptus, formæ tamen ejus, & juventæ mi-
 seratione, sævitiam mansuetudini cedere coëgit. Ita-
 que ne ephēbum inter extremi spiritus momenta pal-
 pitantem extingveret, abstinuit ferro. Olim namque
 impuberem aut invalidum vitâ spoliare rubori deputa-
 batur. Ita Hithinus sociorum operâ ad naves relatus
 hostis beneficio servatus est. *Iidem septimo abinde*

„ anno apud insulam Hithinsö pugnam exorsi, mutuis
 „ vulneribus consumpti sunt. Ferunt Hildam tantâ ma-
 „ riti cupiditate flagrasse, ut noctu interfectorum manes
 „ redintegrandi belli gratiâ carminibus excitasse cre-
 „ datur.

Ex Eddâ, libro poetico, sequentia hæc pertinent, Latine tantum, ut chartæ parcatur, à nobis exhibenda: Rex quidam, Hognius nomine, filiam habuit Hildem dictam.
 „ Hanc Rex quidam, nomine Hedinus Hiarrandii filius,
 „ captivam abduxit, patre illius in conventu Regum occu-
 „ pato. Hognius, regni sui populatione raptuque fi-
 „ liæ cognitis, Hedinum cum armatâ manu quærere cœ-
 „ pit. Auditoque illum aqvilonem versus littora legis-
 „ se, in Norvegiam perrexit. Ibi Hedinum in occi-
 „ dentalem oceanum navigasse comperit. Quem è ve-
 „ stigio secutus, ad Haeyam, Orcadum unam, eum cum
 „ suis convenit. Hildis mox patrem accessit, ac He-
 „ dini nomine culpam deprecabatur: interea, sui qua-
 „ si dissimilis, adjiciens, Hedinum ad pugnam paratum,
 „ Hognioque infestissimum esse. Hognius filiae parum
 „ blandè respondit. Quæ ad Hedinum reversa, Hogni-
 „ um omnes pacis conditiones respuere dixit, atque ut ad
 „ pugnam se pararet, rogavit. Uterque igitur confli-
 „ ctui se accingunt, atque in insulam escensione factâ a-
 „ cies instruunt. Tunc Hedinus Hognium socerum su-
 „ um allocutus, delicti veniam petiit, aurique copiam
 „ in satisfactionem ei obtulit. Hognius respondit: Ni-
 „ mis tardè ista, si modò seriò loquaris, obtulisti; nunc
 „ enim Dainsleifum, vaginâ extraxi, gladium à nanis
 „ fabrefactum: qui quoties nudus apparuerit, hominem
 inter-

interficit, secando non hebescit, nec unquam vulnus „
 nisi insanabile objecto infligit. Gladio, inquit Hedinus „
 non victoriâ gloriaris, quem bonum dixerô, si Domi- „
 no suo faverit. Posthâc pugnam orsi sunt, quæ *Hiad-* „
ningorum (Hedinianorum) *cædes* dicitur, totoque illo „
 die conflixerunt. Cum vespersceret, Regum uterque „
 naves petebat, Hildis vero cæsum cadavera noctu „
 visitans singula eorum incantamentis resuscitavit. Se- „
 quente luce Reges pugnae locum repetentes, unâ cum „
 iis, qui præteritâ die ceciderant, denuò conflixerunt. „
 Et sic pugna ista quotidiè continuabatur: viris „
 qui cecidere, armis quæ ac scutis, quæ in cam- „
 po, ubi conflixerant, strata jacuere, noctu in lapi- „
 des conversis, illucescente vero die cæsis evigilan- „
 tibus, ac ad arma, usum suum tunc recuperantia, re- „
 deuntibus. Carminibus traditur, *Hiadningos* (*Hedini-* „
anos eorumque hostes) hac ratione Deorum crepusculum „
 (*extremum mundi diem*) expectaturos esse.

Olafi Tryggvini vitæ, quæ Codice Regio, Flatey-
 ensi vulgò dicto, continetur, proluxa satis *de Hognio & He-*
dino Relatio inseritur, quæ à fabulis incipiens ita sese habet:
 Tractus à Thanai in orientem protensus, Asia sive Asi-
 anorum terra, populi autem qui eum incoluerunt, Asi-
 ani dicebantur. Metropolis regionis, Asgardus, sacrifi-
 cius incluta erat. Rex terræ Odinus Niordum Freyrem-
 que flamines seu sacrificos ibidem constituit. Niordi filia
 Freya erat, quæ Odino adhærens concubina illius fuit.
 Haud procul ab Odini aulâ saxum quoddam inhabitârunt
 viri, quibus hæc erant nomina: Alfriggus, Dvalinus, Berlin-
 gus, Grer. Hi fabrilium artium adeo periti fuere, ut quic-

quid vellent fabricarent. Ejus generis homines *Dverg*, seu *Nani* appellabantur, atque illo tempore, magisquam hominibus commiscebantur. Freya sui seculi speciosissima femina erat, Odinoque tenerè amata; hæc solitariam domum inhabitavit, venustè actam firmiter constructam, ut eâ invitâ, modò janua clauderetur, nemo intrare posset. Fortè Freya die quodam ad nanorum saxum expatiata, id apertum offendit: ubi insigni aureo monili conspecto, illius habendi cupidine flagrans, auro, argento, aliisque rebus pretiosis istud licitabatur. Nani haud minore ejus amore accensi, abunde sibi aurum resque tales suppetere, singulosque suam partem (communiter enim possidebant) non nisi concubitu ipsius vendituros responderunt. Consentit Freya, ac postquam singulis singulas noctes dedisset, monile, prostitutæ pudicitiae mercedem, domum deportavit. De his cum Lokius, Farbautii ex Laufeya filius (vir astutus, novorum semper curiosus scrutator, omniumque ad Odinum rumorum assiduus delator, ac eo nomine omnibus exosus) Odinum certiozem fecisset, is monile collo Freyæ detrahere, sibi que tradere illum jussit; id quod hic astu magicæque arte præstitit. Freya ut ablatum monile evigilans deprehendit, Odino svafore surreptum rata, eum accessit, sibi que reddi postulavit. Is monile, turpi per eam mercede emptum, gratis se redditurum negavit. Postulare igitur, ut duos potentissimos Reges, quorum singulis viginti Reges parerent, ita inter se committeret, ut continuè belligerantes mortem non oppeterent, sed cæsi mox ad vitam redeuntes prælium cœtenuis sine intermissione renovarent, quoad homo Christi-

anus,

anus, congregari cum eis ausus, singulos veris non vanis ictibus feriendo, fatali pugnae finem imponeret. Accepit conditionem Freya ac itaque carum sibi monile recepit.

His in memoratâ *Relatione* sequentia subiunguntur: Halfdano Daniae Regi, qui sedem suam Roschildae habuit, Hvedna uxor binos filios peperit, Hognium & Haco-nem. Halfdanum, ætate gravem, Sorlius pirata Norvegus, Erlingi Uplandorum in Norvegiâ Regis (qui elapsis à morte Frodii Pacifici XXIII. annis floruisse hic dicitur) filius, præstantissimæ navis, quâ is eatenus vehi solitus erat, possidendæ cupidine ductus, in Dania occidit. Mox cognito filium illius Hognium, è piraticâ reducem, ad Odinseyam cum classe excubare, eò quoque suam dirigit, illumque de paternâ cæde certiore faciens, satisfactionem offert, ad arbitrium illius exigendam, societatem insuper, arctissimo ac inviolabili fœdere stabilendam. Hognius paternæ necis vindictam sitiens, omnes pacis condiciones respuebat. Prælium itaque committitur, acriterque non sine utriusque partis clade geritur. Inter alios Hacon, Hognii frater, Sorlii manu occubuit: Erlingus quoque Sorlii pater cum Hognio dimicans vitam amisit. Postremo Hognius cum Sorlio arma conseruit, eumque tandem ad ultimam defatigationem redactum, cum occidere posset, sanari curavit, oblatamque antea fraternitatem & fœdus cum eo iniit.

Paulo aliter ipsius *Sorlii vita* hæc enarrat: nempe Halfdanum, quem *Brane Alumnium* cognominat, non Daniae sed Sveciæ Regem facit, eumque à Sorlio interfectum tradit, non solâ navigii illius possidendi cupiditate,

sed in ultionem magis patruī sui Agnaris, quem Halfdanus antea regno & vitā spoliaverat, Hognius, patris cæde auditā, in Norvegiā trajecisse perhibetur, quæ siturus Sorlium, patremque in eo ulturus. Comperto autem eum abesse, vindictam in necessarios ejus vertens, genitori illius Erlingo bellum intulit, eumque cum filio Sigvaldo, Sorlii fratre, tandem occidit. Interea Sorlius, in Sveciam profectus, Sigmundo, Halfdani filiorum alteri, pro paternā cæde satisfactionem obtulit. Quam ille respiciens Sorliam armatā manu impetit; verum ipse occiditur. Nec multo post Hognius ē Norvegiā redux supervenit, ac singulari certamine cum Sorlio congressus est. Dubia victoria erat, cum Hognius abjecto gladio in Sorlium irrueret: qui, postquam diu æquali virtute colluctati essent, dum puteum quendam, sibi objectum, transsilire conaretur, cecidit, supinusque incidentem in se Hognium excepit. Is itaque hac ratione victor factus Sorlio pepercit, abrogatisque mox odiis, arctissimum cum eo amicitiae fœdus pepigit.

Sorlium postea in Norvegiā regnasse, senemque obivisse, memorata illius vita tradit, additque (quod falsissimum est) filium illius fuisse Sigurdum Hringum, Ragnaris Lodbrochis patrem. Hognio quoque ex Ingibierge, Sorlii sorore, natos esse memorat Hildem cognomento Gracilem & Halfdanum Munificum, qui tempore Haraldi Hilditannis in Angliā regnaverit.

Majorem hic fidem meretur ante memorata *de Hognio & Hedino Relatio*, quæ Hognium in matrimonio habuisse perhibet Hervorem, filiam Hiorvardi, filii Heidreki Ulfhami, quæ ei Hildem (*Gracilis* cognomen non addi-

additur) pepererit, virginem prudentiâ & rarâ formæ venustate insignem.

Sorlium à piratis in oriente occisum eadem *Relatio* tradit: quod ut Hognio innotuit, is sine morâ ad focii necem vindicandam in orientem profectus, perpetuo victoriarum cursu tantum profecit, ut complura regna sibi subjiceret. Viginti Reges illius imperium agnovisse memorantur: eorum, credo, generis, qui minorum gentium passim priscis temporibus extitere. Addit tamen *Relationis*, quam sequimur, auctor, Hognium facinoribus suis tam celebrem evasisse, ut nomen illius Parisiis pariter atque in Finnmarkia, interjectoque amplissimo terrarum spatio notissimum fuerit.

Pergit sæpius memoratæ *Relationis* auctor hunc in modum: Hiarandii Serclandiæ Regis filius erat Hedinus, qui corporis staturâ, fortitudine ac agilitate ceteris præstiterit; atque à juventute piraticis sese exercitiis assuefecit. Eâ ratione viginti Reges (Regulos puta, vel minoris momenti toparchas) suo imperio subdidit, hiemesque, piraticâ intermissâ, in Serclandia transegit.

Serclandiæ nomine heic indigitari videtur, non Africa, ut sæpè alias: nec Assyria, uti in vetustissima Bibliorum versione Islandicâ, quæ vulgò *Stiorn* vocatur: sed Tartaria. Nam *Rolfi Pedestris vita* hunc Hedinum ad insulam, Tartariæ & Russiæ interjacentem, & ab eo *Hedinseyam* i. e. *Hedini insulam* dictam, cum Daniam peteret, appulisse memorat, atque in assertionis suæ fidem *Hedningorum historiam* (cujus hæc *Relatio* fragmentum esse videtur) adducit.

Hedinus aliquando suorum nonnullis comitatus, a-
nimi

nimi gratiâ silvam accessit. Cumque comitibus relictis ulterius exspatiaretur, in feminam speciosam incidit, sellæ insidentem; quæ Gondulem sese appellari dixit. Ei Hedinus gestorum suorum Iliadem recensuit, tandemque anparem sibi alium Regem pernosceret, interrogavit? Illa Hognium Daniæ Regem ei nihilo inferiorem esse respondit. Is alium sibi æquiparari succensens, Hogninæ virtutis se experimenta facturum dixit. Nec multo post navem, trecentis instructam viris, conscendens, ventis vela dedit. Integer annus navigando consumtus est, antequam in Daniam veniretur. Hognius, audito Hedini adventu, eum ad epulas invitavit: quibus dum assiderent, Hognius tam longi itineris causam sciscitabatur. Respondit Hedinus, ideo sese peregrinationem istam suscepisse, ut quantum Hognius armis aliisque corporis exercitiis valeret, experiri posset. Hinc artium exercitiorumque specimina ambo edidere, tantâ utrinque dexteritate, ut pares omnino viderentur. Mox bonorum omnium societatem ineuntes fraterno nexu se invicem obligarunt.

Posthæc cum Hognius, expeditionem piraticam suscipiens, Hedino regni administrationem commisisset, accidit ut is in silvam venatum profectus, eandem ac in Serclandiâ viderat feminam, sed forma nunc augustiore sedentem ibidem deprehenderet. Hæc ei sitienti cornu succis in amentiam oblivionemque mixtis repletum porrexit: eoque epotô, quæsit, dictisne suis omnia respondissent, Hognio tali deprehenso, qualem illa prædicaverat? Hedinus nil præter verum dixisse eam regessit: Hognium enim omnibus exercitiis sibi æqualem fuisse; se
ita-

itaque acillum mutuam societatem tanquam paresinisse. Imò verò, respondit illa, maximè impares estis: Hognius enim conjugem splendidis natalibus ortam habet, tu vero cælebs es. Disparilitas ista, regessit Hedinus, componi facile potest, cum sit Hognio filia egregia, nomine Hildis, quam simul ac expetam imperaturum me scio, ac ea ratione conjuge inferiorem illo non futurum. Ea petitionem illam nuptiarum humile quid sapere dixit, raptum autem fortibus viris competere, quò majori facinore cumulatum, eò etiam illustriorem, ingenioque heroico digniorem; nihil itaque illustrius ad fortitudinem ejus commendandam, ac quam omnis ab Hognio metus expers sit declarandum excogitari posse, quam si raptâ filiâ matrem etiam occidat, idque haut usitato mortis genere, sed navigii è sicco in mare deducendi carinæ eam subiciendo, quo in duas partes dissecta memorabilem mortem oppetat. Omnes Hedini sensus, omnem intellectum potius turbaverat: itaque alienatâ à recti cognitione mente, id duntaxat probavit, quod rationis compos turpissimum sceleratissimumque judicasset. Igitur in aulam reverfus suis mandavit, ut navem ad domuitionem appararent: omnibusque ad navigationem instructis, Reginam cum Hilde abduxit. Quærenti Hildi, quid ei in animo esset? propositum aperuit. Illa vi nullâ opus esse respondit; simul enim ac patri voluntatem aperiat, se obtenturum. Quod si id dedignetur, sequere rapere malit, posse tamen patri reconciliari: matre vero occisâ nullo modo. Ut inexorabilem vidit, nec illos homines præstò, qui ei jam truculento vultu terribili, sese opponerent, auxiliumque matri ac sibi ferrent, sui com-

potem non esse clamitabat, lamentataque, tum illud quod præ oculis versabatur malum, tum etiam dirarum, quam subsequitur animo præfagiebat, vim nefandam. Sed ne sic quidem eum à furioso proposito dimovit. Regina itaque crudeli, ut antedictum est, nece perimitur. Quo peracto Hedinus, antequam abiret, à satellitibus digressus, in notam silvam se contulit; ubi Gondulem sellæ, ut antea, insidentem vidit, agnitamque familiariter salutavit, ac ovanti similis, quæ hortatu ejus gesserat, distinctè exposuit. Illa cum magno assensu cuncta collaudasset, idem ei cornu quod antea exhauriendum obtulit. Qui aridas fauces liquore perluere gestiens illud mox acceptum bibit, statimque à potione somno oppressus gremio ejus caput inclinavit. Verum illa dormienti se subducens, hanc formulam pronunciabat: Nunc te & Hognium, cum universis vestris copiis comitibusque, postulatis Odini adimplendis consecro. Evigilans mox Hedinus abscedentis Gondulis speciem, tunc demum nigram & horrendam conspexit. Exinde ad se rediens, sceleris magnitudinem justâ judicii lance perpendit, conscientiaque stimulis actus abitum protinus maturabat, in remotissimas profecturus regiones, ubi talia scelera ab ignaris sibi exprobrari nequirent. Navim itaque sine morâ conscendit, Hildeque secum assumptâ secundis ventis flantibus in altum provehitur.

Exiguo tempore à discessu Hedini, Hognius domum rediit: ubi omnia luctu sædata deprehendens, Reginam crudeli morte sublatam, filiamque raptam, ac unâ cum præstantissimo, quod pater Halldanus olim possederat, navigio avectam mox comperit. Itaque haud secus

acpar erat commotus, è vestigio Hedinum persequitur, tantam ventorum indulgentiam nactus, ut in eum portum per singulas vespervas deferretur, unde Hedinus summo ejus diei mane solvisset. Tandem die quodam Hedino anteeunti adversus ventus obstitit, qui Hognio in eodem cursu ita profuit, ut adversarium sub insula *Ha* (*Hacym* rectius *Edda* vocat, & Orcadum unam indigitat) assequeretur. Eum prior Hedinus allocutus, ingens, inquit, scelus in te commissi, qui uxorem tuam crudeli morte innocentem necavi, filiam rapui, naviumque tuarum præstantissimam inter prædam spoliaque avexi. Non tamen ista propriâ malitiâ à me perpetrata esse existimabis: nec nisi malarum furiarum instinctu, occultaque Parcarum vi victo ac sinistris fati condemnato. Flagitiorum itaque veniam abs te spero, istis, quæ tibi ipsi placuerint, conditionibus imperandam. Filiam cum nave primò restitutam, deinde in remotissimas terras me recipiam, nec in Septentrionem post hæc unquam redibo, aut tuo me conspectui offeram. Adhæc Hognius respondit: Si nuptum filiam petiisses, eam tibi dedissem; quam etsi rapuisses, componi res potuisset, amicitiaque redintegrari. Nunc autem cum immani supplicio Reginam tam sceleratè affeceris, omnem compositionis pacisque spem amputatam scito, arma cape, experiemurque quoniam nostrum grandiores ictus infligere valeat. Quandoquidem, respondit Hedinus, pugnare decrevisti, cum solo me solus pugna; neque enim meis periculis eos involvere æquum est, qui nihil in culpâ scelereque meo communicaverunt. Id cum Hognius approbaturus videretur, milites ab u-

traque parte pro se quisque pugnam poscebant, haud se otiosos spectatores ducibus suis futuros vociferantes, sed ut fortes & strenuos milites deceret, eorum vitam suis periculis propugnaturus. Tum Hedinus: non ultra, inquit, pacis condiciones offeram, nec praelium detrectabo; educatisque in insulam copiis, pugnam suos fortiter pro singulorum virtute & alacritate capeffere iussit. Hognius ira offensusque memoria incitator vehementiorque fuit. Hedinus agilis magis, nec graviorum ictuum parcius. Pro vero affirmatur (ait *Relationis* hujus auctor) diris hisce (puta, quibus Hedinus & Hognius à Gondule devoti fuere) tantam efficaciam immanemque vim insitam fuisse, ut quamvis pugnatore umbilicotenus à capite summo se mutuis ictibus discinderent, tamen mox velut redivivi surgerent, praeliumque sine ullâ intermissione renovarent. Hildis autem è colle quodam pugnam sedens spectabat. Addit memoratæ *Relationis* auctor, fatalem hunc ac horrendum conflictum quatuordecim annorum decadibus & tribus insuper annis (i. e. centum quadraginta tribus annis) durasse: nempe (utidem ait) ad primum usque Olafi Tryggvini Norvegiæ Regis annum; cum scilicet memoratus Rex ad dictam insulam *Ha* navem appelleret, ibique pernoctaret. Accidit enim, ut aulicorum illius unus, Ivar Liomius nomine, noctu in insulam solus escendens, obvium haberet virum sanguine madentem vultuque subtristi. Qui nomen rogatus, Hedinum Hiarandii filium sese appellari Serclandiæque ortum debere respondit. Scito autem addidit, viros, qui in hac insula noctu hætenus disparuere (disparuerant vero non pauci, quorum exitum aut

aut abitionis rationem nemo noverat) meis & Hognii Hafdani filii consiliis hominum consortio exemptos esse. Nobis enim nostrisque militibus tanta immanium factorum acerbitas, Odino directore, supervenit, ut noctu diuque nobis adinvicem pugnandum sit. Quæ calamitas per multas hominum ætates jamtum duravit, durabitque donec Christianus quidam homo singulos nostrum gladio feriat, tum demum ad fatalem pugnam haud resurrekturos. Nunc ut pugnae locum mecum adeas à te peto, quippe quem bene Christianum esse scio, Regisque tui fortunâ ac auspiciis fretum, calamitatibus nostris finem facturum non dubito. Ceterum observari à te velim, ne me Hognio priorem occidas. Neque enim illi debellando tua sufficiet dextra, nisi, me eocum arma conferente, illum à tergo simul adoriaris gladioque impetas: ego autem post reliquos occisos cervicem tibi facilis præbebo. Annuit Hedinus petitis Ivar, pugnaeque locum accedens, Hognium primò, ceu monitus erat, occidit: hinc pugnatorum reliquos neci dedit; tandemque Hedinum adortus, eum ultimò obtruncavit, atque hac ratione immani fatalique pugnae finem imposuit. Hactenus dicta Relatio; cui ut & iis, quæ de Hognio & Hedino *Edda* tradit, fabulæ multum inesse quivis videt, Nobis autem quæ veteres hac de re in literas retulerunt, sive vera, sive falsa, hoc loco commemoranda fuere.

Ad prædictam de Hognio & Hedino Relationem quod attinet, illa secum malè cohæret, ubi memoratos homines in Odini Asgardia adhuc commorantis tempora (quæ Christi nativitatem LXX. ad minimum annis, secundum nostrum calculum, præcessere) refert: mox

Erlingum, Sorlii, qui cum Hognio pugnavit, patrem, XXIII. annis post obitum Frodii Pacifici (quem circa annum Christi XXXV. decessisse statuimus) floruisse memorat: ac consequenter Hognium &, qui ei coævus erat, Hedinum vergente seculo I. vixisse innuit: hinc Hognium in matrimonio habuisse, tradit Hervorem, Heidreki Ulfhami neptem: cujus amita, dictique Hedreki filia Hildis, Haraldi Grandævi, decimo tertio gradu à Frodio Pacifico descendens, uxor erat, uti ex Tabulâ genealogicâ pag. 216. superius exhibitâ videri potest; quâ ratione Hervor illiusque maritus Hognius, ac qui contra eum dimicavit Hedinus, Halfdano Diserto coævi fuere, ac itaque circa seculi à nato Christo VI. medium vixere: tandem memorata Relatio fatali isti pugnae finem impositum esse perhibet primo Olafi Tryggvini anno, qui Christi DCCCCXCV. erat, cum scilicet CXLIII. annis stetisset; quo ipso pugnae illius initium in seculo IX. medium refertur. Male, inquam, omnia ista secum invicem concordant, ut de Christiani hominis (quem pugnae finem facturum Odinus voluisse memoratur) mentione, quasi ante Christum natum factâ vel ineptissime fictâ, nihil dicam. Monachorum in Olafi Tryggvini meritissimas aliàs laudes profusa sed inficeta sollicitudo reliquis illius gestis hæc assuisse videtur. De cetero Relationem hanc de vero primitus defuntam esse credibile est. Et Saxonem veriora de his sodalibus percepisse apparet: nisi eum fabulosas nostratiumque similes relationes ad credibilem magis narrationem heic, uti aliàs, reduxisse velimus; certe ubi Hognium Jutiæ Regulis accenset, præ memoratâ *Relatione* fidem meretur. Neque enim ille
in

in universalium Daniæ Regum catalogo locum invenit. Potuit autem, licet Regulus, armis valere, eâque ratione alios minoris momenti toparchas, memoratæ Relationis auctori Reges creditos, sibi subiectos habuisse. Quod autem Saxo Hognii & Hédini ætatem, in Frodii sibi III. nobis Primi (qui circa Christianæ æræ initia regnavit) tempora refert, in eo non parum hallucinatus est. Etenim Heidreki Ulfhami, neptisque illius Heravoris, Hognii uxoris, ætas satis monstrat, infelices hosce amicos non seculo Christi primo, sed sexto vixisse, coævos, uti nuper dictum, Halfdano Diserto, & Frodio VI. quorum & ultimo fortè militârunt; id quod Saxonem ad alterum illum Frodium imprudentem traxisse credi poterit. Certè Hognium Hrolfo Krakio tempore inferiorem fuisse, *Sorlii Robusti vita* non obscure innuit, ubi eum cum Erlingo Sorlii patre bellum gerentem, gladio *Sigrlioni* dicto, qui Hrolfi Krakii olim fuerit, pugnassee refert. Atque hæc sunt, quæ de Hognio & Hedino dicenda fuere.

F I N I S.



IN



IN SERIE REGUM DANIÆ Emendanda & Addenda.

Salve iterum Lector.

Secundas cogitationes primis ut plurimum maturiores esse, vulgò dicitur. Id mihi accidisse fateor. Etenim dum liber hicce meus sub typographi prælo, variis intervenientibus moræ causis, longum sudat, & ego plagulas cunctanter absolutas, mihiqve ab amico singulatim missas, denuò perlego, obveniunt passim illa, quæ suppleri posse, imò debere videntur: sed & occurrunt nonnulla, quæ, partim meâ, partim amanuensis culpâ, eo modo sese habent, ut emendationem requirant. Hinc nata sunt Analecta hæcce, quæ operi in lucem properanti nunc subnecto. Tuum erit, Benevole Lector, hallucinationibus nostris excusandis facilem te præbere: cum probè noveris, nos homines, quotqvot sumus, erroribus obnoxios esse, nec nisi eorum paucitate ad perfectionis opinionem niti. Vale. Scripti Stangelandiæ in Districtus Stafangriensis insulâ Karmtâ, Nonis Januar. Anno Christi MDCCII.

Pag.

Pag. 12. lin. 9. post: *Historia Liasvatnensium*, adde: *Tostii* (illius, ut videtur, qui cum Haraldo Strenuo, Norvegiæ Rege, anno Christi MLXVI. in Angliâ cæsus est) *historiam* allegat Biornus de Skardza in suis de Gronlandia Collectaneis, quæ apud me manu scripta asservantur. De *Sæmundi* &c.

Pag. 23. lin. 24. pro: *octodecim*, lege: *tredecim*.

Pag. ead. lin. 25. pro: *DCCCXXXV*, lege: *DCCCXL*.

Pag. ead. lin. 27. pro: *CLX*, lege: *CLV*.

Pag. 24. lin. 9. pro: *CXXXVIII*, lege: *CXXV*.

Pag. 25. lin. 23. lege: cum tamen Bardus circa annum demum salutis DCCCXL. uti mox dictum, natus tradatur.

Pag. 27. lin. 29. pro: *DCCCCLXI*, lege: *DCCCCL*.

Pag. 28. lin. 1. pro: *LXXXI*, lege: *XCVI*.

Pag. 32. lin. 12. post: *convenire soleant*, adde: Accedit aliarum historiarum consensus, *Fridthiofi* nempe *Vægeti* Thorsteini filii, ac *Gotrici & Hroffi* Ditarum: quarum prior dictum Fridthiofum Ingibjorgem, Belii Regis filiam, uxorem duxisse, & fratres illius Helgium & Halfdanum vitâ vel regno privasse tradit: quæ singula nomina in Thorsteini vitâ recensentur; posterior Cap. III. Fridthiofi memorati filium nepotesque ac eorum gesta exhibet, nec minus tempus quo vixerunt monstrat, *Sveciæ* Regum cum iis synchronismos adferendo. Plura sunt, quæ Thorsteinum verè existisse patefaciunt. Ceterum illa, quæ de monstr. gig. habitu &c.

Pag. 36. lin. 5. lege: confirmavit Amplissimus vir Nicolaus Toldorpius, Reginus in supremâ Rationum Curia Assessor & apud List, & Mandal. Quæstor, &c.

Pag. 50, lin. 12. lege: nec nisi vera in Haldi Regis & Olafi Tryggvini vitis de eo referri, certò persvad. p.

Pag. ead. lin. 26. post: *commemoravi*, adde: In confinio Bergensis & Stafangriensis Districtuum pharus extat vel specula, *Flokevaren* (aliàs *Ryevaren*) etiamnum dicta. Accolæ nominis originem penitus ignorant: verum *Originum Islandic. liber* speculam illam à Flokio, Islandiam quæsituro, erectam esse testatur. Innumera &c.

Pag. 63, lin. 2. lege: nosque in processu operis, unum aut alterum, bono cum Deo, clarius detegemus.

Pag. 64. lin. 1. pro *Bravicum*, lege: Bravallense.

Pag. 72. lin. 17. pro: *tot seculorum millenariis*, lege: tot annorum millenariis.

Pag. 75. lin. 2. lege: et si quid antiquissimos poëtas de rebus, quæ monumentis hisce Gotlandicis continentur, numeris suis complexos esse velimus, istud jam Saxonis quidem temp. interijt.

Pag. eadem lin. 8. lege: rem acu tetigisti. Quid autem facilius &c.

Pag. 81, lin. 13. post: *exutus fuerit*, adde: Vera heic scripsisse Eiricum *Loccenius* testatur, qui in præfatione ad Historiam suam Svecicam dictam illius quærelam adfert, tandemque concludit: *Hoc quod historicus* (Eiricus) *candidè profitetur, ipsa re comperi, postquam annales regni hujus, quotquot adhuc exstant, replicare cepi.* Hæc si ad posterorum notitiam perventura Johannes Gothus credidisset, minimè tot Reges ipse flux, è pr. cerebro.

Pag. 86. lin. 4. post: *Intia convenit*. adde: Id quod & *Fragmentum historicum* de Ivare Vidfadmio ac bello Bravallensi, ulterius adstruit, ubi Ivarem ex Sveciâ in Reidgothi-

thiam cum classe profecturum, portum qvendam Sialandiae intranfitu subiiffe tradit: indeqve solventem, austrum verius in Reidgothiam (*fudr til Reidgotalandz*) navigationis cursum direxiffe: mox inde reverfium, domumqve in Sveciam perrecturum, ex austro (*funnan*) venientem, Sialandico littori proras advertiffe; qvæ fatis oftendunt, ex Sveciâ in Reidgothiam euntibus Sialandiam prætereundam, qvòd Smalandiæ nullo modo applicari potest. Divifio qvoqve hæreditatis regn.

Pag. 87. lin. 4. post: *Silfraskallium*, infere: *ac cum eo aliquoties conflixit, femper victor: tandemqve Regem illum occidit. Postea in interiora Jutiae &c.*

Pag. 99. lin. 18. lege: qvave occasione primi illi incolæ in feptentrionem irruerint.

Pag. 100. lin. 24. post: *habitus est*. adde: Etenim Afæ, illorum, qvi ante eos his in terris habitârunt, famam peffimè traduxerunt, & apud posteros despectam esse voluerunt: gigantes eos dictitantes, qvi Diis bella inferre gestirent. Itaqve fi quis postea ex antiqviorib. indig. &c.

Pag. 102. lin. 13. lege: à devicti patruclibus bello petitus.

Pag. ead. lin. 22. lege: Hinc factum est, ut Islandi, sinceri antiqviti præc.

Pag. 106. lin. 8. post: *consilium cepit*. adde: Graduum, inqvam, numerus cum temporum ratione optimè heic convenit. Etenim ab Odino ad Haraldum Pulchricomun, primum Norvegiæ monarcham, qvi circa annum Christi DCCCLIII. natus est, nongentorum ferè annorum decursû, XXVII. generationes numerantur. Idem

Haraldus à Niordo, Odini socio, per XXVIII. gradus descendit. Sic inter Haraldi posteros Augustissimus Rex noster Fridericus IV. eminet, octingentis paulo plus annis dicto Rege junior, atqve ab eo per XXVI. generationes gloriosissimum stemma ducens.

At Edda, inqvies, &c.

Pag. 110. lin. ult. pro: *Vodinum*, lege: Bodonem.

Pag. 113. lin. 4. lege: Eam circa LXXum ante Christi nativitatem annum contigisse n. dix.

Pag. 117. lin. 18. lege: nos tamen eum vetustissimis temporibus in Asiâ vixisse, cultumqve solis ibi fundasse putamus: quem, unâ cum nominis illius notitiâ, alius quidam longè serius has in terras invexisse videtur, addito fortè mendacio &c.

Pag. 118. lin. 17. lege: quod & *Sturlaugi Laboriosi vita* (si modò ei hæc in re fides habenda) confirmat.

Pag. 126. lin. 10. dele vocem *circiter*, & lege: qui Odino coævus erat.

Pag. 128. lin. 22. lege: ea conveniunt, quæ de Odino illo, suisqve comitibus prædicantur.

Pag. 148. lin. 5. lege: in quorum majestatem personamqve, mediante, uti antea dictum, nominum illorum assumptione, Odinus Upsalensis illiusqve socii invaserunt.

Pag. 179. lin. 24. lege: Boringiam & Gotlandiam infedisse. Exinde Gothos, duce Bericone.

Pag. 220. lin. 23. post: *extructus legitur*, adde: Alterius *Snorrius Sturlaus* meminit in vitâ Jorundi & Eirici Sveciæ Regum, qui Gudlaugo Halogiæ Regi, ab iis
sus-

suspenso, in Straumseyensi Daniæ promontorio exci-
tatus est. Istiusmodi superba gent. her. monum.

Pag. 244. lin. 16. lege: Nam Sveciam *Svipjod* nomi-
navit, de gentili suo nomine *Svipjir*, quod *Scytham* vel
Scythicum denotat; Scythia enim, unde profectus erat,
eorum lingvâ *Svipjod mikla* vel *Svipjod kallda*, id est *Sve-*
cia seu *Scythia magna* vel *frigida* vocabatur. Ipse, conge-
stis hinc inde &c.

Pag. 247. lin. 14. post: *didici præfuisse*. lege: Ceterum O-
dinum in Regum Daniæ genealogiâ consulto præterisse,
atque in illius locum Danum, tanquam primum Daniæ
Regem, Regumque antesignanum ac vetustissimum re-
gni eponymum, ideo substituisse Saxo videtur, ne ex
tam venenato germine Clarissimæ gentis rectores pullu-
lassè dicerentur: uti libro I. Cap. VII. pag. 66. superius
à nobis dictum est. Id quod ex composito convenisse
videtur inter eum & Svenonem Aggonis, qui Skioldum
quidem, ex nostratium mente, primum Danorum Re-
gem facit, at Odini nomen quasi studiosè reticet: ob alla-
tam, ut videtur, causam; cum tamen illa generis basis
haud magis serenissimorum Daniæ Principum gloriæ
officere possit, quam aliarum quarumcunque nobilissi-
marum gentium rectoribus, quorum stemmata ab illo
idololatriæ hyperaspistâ, aut aliis ex gentilissimo heroibus
deducuntur.

Humlium, non magis quam primum Saxonis Da-
num, genuinis Daniæ Regibus accensendum reor, &c.

Pag. 252. lin. 28. lege: Ita enim verba illius jacent,
ut Odini cultum atque in Sveciâ habitationem, Haddin-
gi tempore cœpisse voluerit.

Pag. 262. lin. 4. lege: Angantyrus parentes, secundum post Christum natum seculo vixisse. Valde igitur metuo, ne dicti Arngrimi patris nomen, heic corruptum sit, & uxoris illius progenitorum nonnulli &c.

Pag. ead. lin. 14. lege: quæ proavo ejus, cognomini, secundum Verelii mentem, assignanda erant.

Pag. 266. lin. 22. lege: (*Cognatum fortè dicere voluit: Et prisca lingua cognati fratres appellantur; quod etiamnum Islandis in usu est. Ceterum Skioldus & Ingvisfreys simul non regnarunt: sed terminos istos inter Skioldum & Niordum Ingvisfreys patrem constitutos fuisse apparet.*)

Pag. 267. lin. 27. post: *interpolatum & corruptum*; adde: Frodii mortis genus non minus quam Saxo fabulose Edda refert, narratione tamen, ut videtur ex vero desumpta; nempe: Frodium ad convivium in Sveciam à Fiolnere invitatum perhibet, ibique duas ancillas, quarum nomina Fenia & Menia, magnitudine roboreque ingentes, emisse. Accidisse autem, ut circa hoc tempus bini molares lapides in Daniâ invenirentur, ob gravitatem suam hominum vulgo intractabiles, eâ vero naturâ occultâve virtute præditi, ut quicquid præcineretur tererent. His versandis dictas ancillas Frodium adhibuisse, imperasseque ut aurum & pacis commoda, molendo sibi acquirerent, atque adeo acerbe eas exercuisse, ut quietis somnive tempus ulterius non haberent, quam interstitium, quo cuculus inter bina cantamina taceret. Inde irritatas, molendo hostes accersivisse, qui, piratarum Rege Mytingo duce, noctu supervenientes, Frodium occiderint. Mytingum inde magna auctum prædâ ancillas quoque abstulisse, injuncto

cto mox ut salis copiam commolerent : id cum aliquantum fecissent, interrogasse eas, an & ulterius molendum esset? cumque perseverare juberentur, usque dum navigia illius, mole gravata, undis mergerentur, in molendi opere perstitisse.

Fabula pro interpretantium ingenio varias explanationes admittere potest. Ego Frodii cum Fiolnere amicitiam Svecis noxiam fuisse puto, impetrasseque ab eo Frodium aliquid, quo vires gentis postea fractæ sint. Mox oppressam gentem, in ditionem ejus concessisse, illudque per feminas istas significari : per nimios autem labores, magna gravamina, quo securitatem & opes sibi pollicitus fuerit. Hinc Svecos ad rebellandum concitatos, Myssingum sibi ducem præfecisse, qui Frodium ex improvise oppresserit : indeque victoriâ in tyrannidem versâ, avaræ superbæque imperitaverit, atque ideo vita simul & regno a Svecis exutus fuerit. Conjecturæ ansam Saxo præbet, qui Sveciam sub imperium Frodii redactam Ericumque ibi Regem constitutum tradit.

Frodio Hiarnium poëtam &c.

Pag. 279. lin. 17. ante: *Conspicuum credo*, inserte: Adjungemus etiam Starcadi, qui Haconi militavit, stemma, ex *Gotrics historia & Originibus Norvegiæ* inter se collatis desumptum.

5. Nor.
6. Raumus.
7. Alfus vel Finnalfus.
8. Alfildis.
9. Storvircus.
10. Starcadus.

Con-

Conspicuum credo, tum ex *Ec.* tum ex his seriebus evadit, historiam *Ec.*

Pag. 281. lin. 1. lege: quâ ratione Odinum illum & Frógerum tredecim Regum tempore vixisse statuit, id est, secundum *Svaningii* calculum DCLXX. annis, tot enim circiter inter initium regni Hadingi & mortem Frodii hujus, secundum illius supputationem, interfluxerunt.

Pag. ead. lin. 28. post: *diversum fuisse innuunt*, adde: filium nempe Afnundi (quem *Berserorum interfectorem* & *Gnodensem* promiscue cognominant) ac Brynhildis, Hertryggi Russiæ Regis filiæ. Imò Starcadum istum, qui Armodum occidit, à Starcado Olij interfectore alienum esse manifestum reddunt. Etenim qui secundum *Eigilis Unimani* & *Nornagesti* vitas Armodo necem intulit, eadem Nornagesti vitâ testante, ipse est Starcadus, qui Gandalfi filiis, Sigurdi Hringi Daniæ Regis affinibus, contra Giucungos, Germanos bellatores, militavit; quem & Bravallensi prælio interfuisse constat, quadringentis circiter, si nos in calculo non fallimur, annis post occisum à priore Starcado Olum. Quod autem hic Starcadus Fenningo, insulâ Norvegiæ, oriundus in memoratâ Nornagesti vitâ dicitur, confusio est, & ad priorem illum Starcadum pertinet. Olonem Vegetum Saxo scelestâ Starc. m. int. refert *Ec.*

Pag. 282. lin. 10. lege: cædes vero à Starcado illata Olio huic nostro, Fridleifi III. filio, qui Saxonis Olavus Fridleifi II. filius esse videtur. Aliàs Olafum, quem nostrates *Ec.*

Pag. 285. lin. 18. post: *justo brevior*, adde: Etenim filia

filia illius Hlif Eyvindum Austmannum peperisse ibi dicitur, cujus filius, Helgius Macer, Islandiam postea inter alios occupavit, quadringentis plus annis post mortem Ingialdi: quibus implendis quatuor generationes nequiquam sufficiunt.

Post Ingialdum Halfdanus fr. &c.

Pag. 288. lin. 10. post: *responderet*, adde: Interea Valdar Munificus, Hroaris (quem Helgio fratri suam Daniæ partem vendidisse diximus) filius, partem regni sibi asseruisse videtur: minorennem scilicet patruеле ejus Hrolfo. Hic ille est Valdar, quem Angantyrus, Reidgothiæ seu Jutiæ Reguli, Heidreki Ulfhami, Jutiæ item Reguli, patris tempore, Danis (puta, parti illorum) imperasse tradit carmen vetustum, quod ex *Historiæ Hervoriane* exemplari Regio in membranâ (in editione enim Svecicâ omissum est) superius libro II. Cap. I. pag. 93. adduximus. Et tempora bene conveniunt: etenim Haraldus Grandævus, dicti Valdaris filius, Hildem, memorati Angantyrus neptem, filiamque Heidreki Ulfhami, in matrimonio habuit; prout ex genealogiis, libri hujus Cap. I. pagg. 215. 216. adductis patet: ut Angantyr & Valdar hac ratione coævi esse facile potuerint. Ad Valdaris ditionem quod attinet, eam in Scaniâ fuisse, ex eo colligimus, quod Haraldus Grandævus, filius illius, nepotesque Halfdanus Disertus & Gudrodus ibi rerum potiti sint, hæreditariâ, absque dubio, successionē innixi.

Hrolfi Krakii historiæ partem aliquam assecutus vid. Saxo. &c.

Pag. 302. lin. 9. post: *satis docent*. adde: *Wylacum* aliàs, *Woden*

Rrr

deni

deni filium, *Johannes Bromton* pag. m. 776. ubi de Merciorum Regibus agit, exhibet, eumque genuisse scribit *Wermundum*, patrem *Offæ*, patris *Dengelteni*, à quo Merciorum Rex *Offa*, qui anno Christi DCCLVII. regnare cœpit, per XII. generationes descenderit. Isthæc nomina cum Saxonis *Vigleto*, *Vermundo*, *Uffone* & *Dano* II. collata, parum discrepant. *Qvin* & *Matthæus Paris* initio Vitæ *Offæ* Regis *Uuarmundum Occidentalium Anglorum Regem* celebrat, cujus filius *Offa* usque ad trigesimum ætatis annum mutus desesque fuerit, postea vero, patre cum proceribus de regni hæreditate consultante, loquelam derepente nactus, satis ab illo tempore facundiæ habuerit, atq; in egregium evaserit virum. Historiam illam, sed pluribus commentis auctam, fabulatorem quendam à Dania in Angliam traduxisse existimat *Langhornius* Aniqvit. Albion. Append. pag. 29. Nos contrarium putamus: nempe hanc narrationem ex Angliâ in Daniam transiisse. Constat quidem *Matthæum* Saxone juniorem esse: verum ille prædictam historiam autè vetustiori se libro hausit, aut seniorum per antiquiores sibi iterum traditâ relatione didicit; ut quicquid horum credamus, eadè ad Saxonis notitiam æquè pervenire, atque ab eo, operis sui amplificandi studiosissimo, Daniæ Regibus applicari potuerit; nisi quis statuere malit, memoratam relationem, antiquissimis temporibus in plures nationes sparsam, forte etiam inetris celebratam fuisse: singulasque earum Saxonis & *Matthæi* ævo rem apud se gestam voluisse, haud secus ac de *Hagbardo* & *Signe* inter Septentrionis gentes contenditur.

In *Rórici* & *Vigleti* memoratorum temp. Saxo &c.
Pag.

Pag. 380. lin. 8. post: *Scania Regulos*, adde: Halfdano illi Diserto, præter regnum, quod in Scania tenuit, Northumbriam quoque, Angliæ provinciam, paruisse, ex iis, quæ de Sigurdi Hringi expeditione in Angliam inferius dicemus, patebit; cuius possessionem an armis, vel alio modo adeptus sit, parum constat; jus in eam hæreditarium habuisse, genus illius à Hroare Northumbriæ Rege deductum, satis evincit. Gudrodus, Halfdani frater, Ingialdi Astuti Sveciæ Regis filiam &c.

Pag. 311. lin. 6. lege: Hrærecus Slaungvanbaugius & frater ejus Helgius Acutus, Halfdani III. filii, Lethrense ditionem tenuerunt: hæditario, ut videtur, jure. Postquam autem Ivar Sveciam devicerat, Helgius filiam ejus Audurem (ab immensis, quæ demum accesserant, opibus, *Præ divitem* vel *Profunde Divitem* postea dictam) ambivit. Is & suum &c.


Pag. 313. lin. 11. post: *objicere potuerit*, adde: Haraldus præter Daniæ regnum, Sveciam quoque rexit: amplissimæ ditionis dominus; quippe qui singulos Daniæ Sveciæque Regulos ad obsequium sui ac tributa pendenda adegit. Angliæ quoque partem illam, quam proavus illius Halfdanus Disertus avusque Ivar Vidfadinus possederant, (Northumbriam fuisse patet ex allato nuper *Histor. Herbor.* loco, ut & iis, quæ ex *Olafi Tryggvini vita* inferius in Sigurdo Hringo allegabimus) sibi subjecit, eique Reges ac Comites tributarios præfecit.

In Haraldi hujus genere recensendo Saxo &c.

Pag. 316. lin. 16. post: *provocasse*, adde: Olonemque Haraldi ex sorore nepotem dictos fratres occidisse, ac in

victoriæ præmium virginis (Esa vocabatur) nuntias obtinuisse *Saxo* libro VII. pag. m. 141. perhibet.

Pag. ead. lin. 27. post: *æqualem fuisse innuit*, adde: Qvod & Ivaris Vidfadmii & Ingialdi Astuti synchronismum superius à nobis propositum, ulterius confirmat. Genealogico schemate res clarior evadet, qvod ex Saxone & nostratibus mixtim conflatum ita erit:



Ab hoc Haraldo Hilditanne &c.

Pag. 319. lin. 27. post: *dignitate conspicuum*. lege: Rognvaldum quidem, alias Radbardum dictum, insignem heroem, Hringo militasse tradit vetustum illud de pugna Bravallensi *Fragmentum*, qvod nuper allegavimus: sed de genere illius nihil adfert; nec nostri ullum Regnaldum inter Sigurdi Hringi consanguineos recensent. Interea si nostras antiquitates heic cum Saxone conferamus, Regnaldum istum, vel Rognvaldum, Hringi vel patruelem vel amicum fuisse satis tuto colligitur. Genealogiæ series hæc erit:

Radbar-

Radbardus Ruffiæ Rex, pofterior
Auduris Prædivitis maritus.

Randver.

Anonymus vel

Anonyma.

Sigurdus

Regnaldus

Hringus.

Ruthenus.

Anteqvam ab Haraldo Hilditanne difcedamus, de
sobole illius ac nepotibus nonnulla funt dicenda. Et
primo quidem memorandus venit filius illius Eyfteinus,
cognomento *Ilhradus*, id eft *Aftutus*, quem *Hervoris Hi-
ftoria* poft patrem Haraldum in Sveciâ regnaſſe, tandem-
que à Ragnaris Lodbrochis filii occifum eſſe tradit. Ey-
fteinum iſtum Sveciâ Regum non tacet *Ragnaris Lodbro-
chis vita*, inferius à nobis alleganda, fed eum fimiliter à
Lodbrochidis occifum refert. *Belium* alicubi cognomi-
natum legi. De progenie illius nihil ſcimus: nec quâ
ratione ad Sveciâ imperium pervenerit ſatis liquet. Ete-
nim Haraldo Hilditanni Sigurdum Hringum immediatè
ſucceſſiſſe conſtat: cui Eyfteinus, quantum apparet,
ſceptrum extorquere haud potuit. Poſt eum itaque re-
gnaſſe ſtatuumdum, volente Ragnare Lodbroche, Sigur-
di Hringi ſucceſſore, tributarium forſitan Ragnari, cete-
ra juris abſoluti, nec ultra obnoxium. Certè Ragna-
rem & Eyfteinum arcto ſeſe amicitia nexu invicem co-
luiffe, in prædictâ *Ragnaris Vita* traditur. Nos Haral-
dum Hilditannem, patrem illius, natum ſtatuiſſe anno
Chriſti DLXXXV. CL. annorum cum obiret fuiſſe
memoratur, anno Chriſti, ſecundum noſtrum calculum,

Rrr 3

DCC-

DCCXXXV. Sequitur inde admodum senem fuisse Haraldum cum Eysteinum progeneraret. Centum & quindecim annorum fuisse ponimus. Quod ne exemplo careat, in Hordiâ, Norvegiæ provinciâ, parœcia *Skauenevigen* / rusticus quidam ante XL. circiter annos, ex uxore sua filium centenarius suscepit, cum quo exinde triginta annis vixit: prout ista sacerdos parœciæ, in quâ natus est, & alii fide digni viri mihi retulerunt. Natus itaque erit Eysteinus anno Christi DCC. occisus à Ragnaris Lodbrochis filiis anno Christi DCC. LXXIII. ætatis suæ LXXIII. vivo adhuc Ragnare, qui eo occiso, Sveciæ regnum sibi pleno jure asseruisse videtur. Sigurdum Angvioculum, Ragnaris filiorum natum minimum, triennem cum occideretur Eysteinus, fuisse, in *Ragnaris Lodbrochis vitâ* perhibetur, id quod cum nostro hocce calculo benè convenit. Hilditannis filiorum alter avi nomen & cognomen gessit, Hrærecus Slaungvanbaugius dictus. Illius *Originum Island. liber* meminit, ac genuisse ait Thorolfum Voganesum, patrem Vemundi Ordlokari, cujus filius Valgardus Hrafnun progeneravit, Stultum per antiphrasin dictum, ac inter præcipuos Islandicæ gentis conditores vulgò numeratum. Tertium Hilditannis filium *Biornus de Scardza* in suis de Gronlandia Collectaneis (quæ MStâ possideo) Solgium nominat, eumque progenuisse scribit Hrolfum de Ani, patrem Biorni, patris Eyvindi Aufmanni, cujus filius Helgius Macer inter primos Islandiæ incolæ recensetur. Tabella hanc nepotum seriem monstrare ex re erit:

Haral-

Haraldus Hilditann,
Daniæ Rex.

Hrærecus Slaungvanbaugius.	Solgius.
Thorolfus Voganefus.	Hrolfus de Ani.
Vemundus Ordlokar.	Biornus.
Valgardus.	Eyvindus Aufmannus.
Hrafnus Stultus, Islandiæ aboriginum unus.	Helgius Macer, inter pri- mos Islandiæ incolæ.

Brevior forte iusto genealogia hæcce cuidam videbitur: sed faciliè credi potest, Hilditannem binos istos filios jam senem procreâsse; eorumque deinde posteros parentibus suis quadragenariis circiter natos esse; id quod absurdi nihil infert.

Post Haraldum Hilditannem Sigurdus Hringus regnavit, &c.

Pag. 320. lin. 7. lege: Sigurdus Hringus in matrimonio habuit Alfildem, cujus stemma in *Originibus Norveg.* tale recensetur. Pater illius Gandulfus Altheimorum (tractus in Norvegiâ inter Gothalbiam & Raumalbiam) Rex, idem, ut videtur, cum illo, qui *Gandal Senex* dicitur apud *Saxonem* libro VIII. p. m. 144. ubi Haraldus Hilditannis athletæ enumerantur. Gandalfus pater erat Alfgeir, filius Alfi Senis vel Grandævi, Alheimorum Regis. Alfus hic Grandævus ipse est Finnalfus, Noris, Norvegiæ Eponymi, nepos. Verùm temporis
in.

intervallum, quod inter Norem & dictam Alfhildem intercedit, longe plures generationes requirit. Exstat aliàs diversus ab hoc Alfus, Senex itidem dictus, Noris trinepos, Finnalsique abnepos, cujus superius Cap. IV. pagg. 260. 261. mentio facta est. Ejus proneptem si Alfhildem statuere vellemus, plures quidem gradus lucraremur, sed ne sic quidem tempori sufficientes; cum illa, hac ratione, non nisi per novem generationes à Nore descenderet, magno in progenitorum serie hiatu, Alfhildis Sigurdo Hringo Ragnarem Lødbrochem, celeberrimum postea Regem, peperit. Notabilem &c.

Pag. 322. lin. 27. post: *Stultus dictus est*, adde:

Notabilis inquam hic locus est; qui & Chronologiæ nostræ haud leviter succurrit; Anglicam quoque historiam valde illustrat, ac ab eâ magnum lumen vicissim mutuatur. Occidentalium Saxonum Rex, cujus hic fit mentio, Inas est, qui anno Christi DCLXXXIX. Occidentalium Saxonum regnum & supremam in Anglia monarchiam adeptus, anno DCCXXVII. relicto imperio, Romam se contulit, ibique monachus obiit. Inæ hujus frater *Simeoni Dunelmensi* in gestis Regum Anglorum ad ann. DCCCXLIX. *Ingild* dicitur, cujus filius *Eoppa* Affam, *Affa* Alhmundum, *Alhmundus* Egberhtum; *Egberhtus* Ethelwlfum, *Ethelwlfus* Elfredum Anglorum Regem genuere. Quem heic Dunelmensis Ingildum, nostrates Ingialdum vocant, *Ailredus*, Rievallensis Abbas, *Ingles*: Eoppam, nobis Ubbium, *Eppam*: Affam, nobis Eavam, *Effam* nominat, Genealog. Reg. Angl. pag. m. 350. ubi eandem Elfredi stemmatographiam exhibet. Elfredus itaque anno Christi DCCCXLIX.

XLIX. natus Ingialdi trinepos est: Sigurdi Hringi, qui cum Ingialdo pugnavit, trinepos similiter est Haraldus Pulchricomus, Norvegiæ Rex, quadriennio post Elfredi nativitatem in lucem editus: quæ secum invicem optimè conveniunt. Ingialdum Inæ fratri supervixisse credimus; nec multi anni requiruntur, ut ad Sigurdi Hringi tempora pervenire potuerit, quem anno DCCXXXV. regnare cœpisse ponimus. Anglica hæc Sigurdi Hringi expeditio, subactioque Northumbriæ, jure nitebatur, à majoribus ad eum derivato. Etenim Haraldus Hilditann, cui memoratus Hringus successit, *illam partem Angliæ, quam Halldanus Disertus & postea Ivar Rex possederant, sibi subiecit*; testante id Fragmento historiæ Haraldi, (quod de pugna Bravallensi aliquoties allegavimus) his verbis: *Hann lagdi undir sik þann blut Englandz er att þafdi Halldan Snialli oc sidan Ivar Konungr.* Partem illam Angliæ Northumbriam fuisse, ex hoc Olafi Tryggvini historia loco discimus. Northumbriam quoque Ivari Vidfadmio paruisse ex *Hervoris historiâ* clarum est, cujus verba pag. 310. superius adduximus. Ubi & ulterius observari meretur, dictum Ivarem *Occidentalem Saxoniam* præterea rexisse: per quam si West-Saxonum in Angliâ imperium Hervoris historiæ auctor intellexit (id quod ex verborum illius contextu apparet) Ivari, eâ ratione, supremum illius dominium competeat, Regesque, quos ejus tempore Occidentalibus Saxonibus præfuisse Anglorum historici tradunt, non nisi illius beneficiarii fuere: id quod tamen aliis ulterius discutiendum relinquimus. Ad Halldanum Disertum quod attinet, illi in Northumbriam hæreditarium jus fuit, quippe pronepoti Hroaris, quem regnum istud

conjugio acqvisivisse superius Cap. VI. pag. 287. dictum est. Quod si Ivar Vidfadmus Northumbriæ regno, successionis jure ad se à patre devoluto, Occidentalem Saxoniam armis adjecerit, consistere possunt quæ de supremo illius in regnum istud dominio Hervoris historia innuit. Ceterum quicquid illius sit, satis hinc apparet, nonnullos Anglo-Saxonum Reges, certè eos, qui Northumbriam tenuerunt, memoratorum Daniæ Regum va-
fol

Sigurdi Hringi tempore celebres in Germaniâ erant Gunnar & Hognius, Giukii filii, sororisque eorum Gudrunæ maritus Sigurdus Fasnericida. Hringus ætate provecior ad Gunnarem & Hognium (Giucungos antiquitas communi nomine vocavit) legatos misit, qui iis aut tributa imperarent aut bellum denuntiarent. Tributi solutionem abnuentibus, dies certamini in confinio regni condicitur. Nec multo post acri in Holsatiâ prælio concertatur. Giucungis Sigurdus Fasnericida, affinis eorum, auxilia præstitit. Sigurdi Hringi partes Gandalfi filii, uxoris illius fratres, sustinuerunt; in quorum comitatu Starcadus eminebat, insignis bellator: cui Sigurdus Fasnericida hoc congressu binos dentes excussit. Nec multo post Hringi exercitus in fugam conversus Giucungis victoriam reliquit. Hæc *Nornagestus*, qui rebus hisce interfuisse perhibetur, Olafo Tryggvino, Norvegiæ Regi, circa annum Christi DCCCCXCVIII. narravit, trecentorum circiter annorum ætate, si *vita ejus* fides, tunc completâ.

Ex hoc Sigurdo Hringo Saxo binos hom. fecit; &c.

Pag. 324. lin. 26. post: *plane diversus est.* adde: ut & ipse

ipse Starcadus, Armodi interfector, ab eo, qui Olum occidit, penitus alienus; quemadmodum ad pag. 281. superius dictum est. De Hethâ obiter monendum &c.

Pag. 333. lin. 5. lege: ac itaque Sigurdo Hringo, filioque illius Ragnare Lodbroke temp. inf. erat.

Pag. eadem lin. 14. lege: infra Ragnarem Lodbrochem, Sigurdi Hringi filium, collocandus est.

Pag. 335. lin. ult. post: *utrique referunt*. adde:

Opportunè heic commemoranda venit cygnea illa cantio, quæ Brynhildi Budlinæ in *Semundi Edda* adscribitur. Ibi Brynhildis, rogum ascensura, de mariti sui Gunnaris cognatorumque illius fatis vaticinatur, atque de Svanhilde, Sigurdi filia, hæc addit:

Hana muno bita Bicca rad,
þviat Jormunreccr oparft lifir,
þa er aull farin ætt Sigurdar,
eru Gudrunar græti at fleiri. *i. e.*

Hanc (Svanhildem) Bicconis consilia mordebunt: Jormunrecus enim in aliorum damnum vivit. Tunc universa Sigurdi progenies deleta est: suntque eo plures Gudrunæ (Giukinæ, Sigurdi uxoris) calamitates. Confirmantur hisce illa, quæ de Sigurdo Fasnericidâ necessariisque illius, tanquam ejusdem seculi hominibus proximè præcedenti Capite dicta sunt. Verum longe supra seculum VIII. eos evehere, ac ita nostrum de iis, eorumque æquali Sigurdo Hringo, calculum evertere videtur Jormunrecus vel Ermanaricus. Etenim si Svanhildis illa, ab eo enecata, Sigurdi Fasnericidæ filia fuit, illius & dictorum ejus æqualium ætas, non in seculum VIII. uti &c. pag. 336. lin. 3.

Pag. 342. lin. 22. post: *Jornandi præponderare debe-*

At. adde: Assertioni huic nihil officere valet Brynhildis Budlinæ carmen, nuper ad pag. 335. à nobis adductum. Etenim responderi ad id potest idem, ac ad Volundi Odami superius pag. 340. responsum est: nempe, longè post Brynhildem vixisse eum, qui ultima hæc, ut credi voluit, illius verba, carmini suo inseruit: ac itaque non satis constare, utrum dictus poëta ipsissima Brynhildis verba nobis exhibuerit, an vero sua, quæ eam protulisse aut credidit, aut credi saltem voluit. Imò, quod majus contra dictum carmen robur habet, illud penitus effectum esse, ex eo patet, quod vaticinia contineat de futuris, & quidem remotis rebus, quarum Brynhildis gnara esse vix potuit, quippe omni, ut credimus, fatidico spiritu destituta. Nil igitur memoratum carmen Svanhildis generi probando inservit, nec consequenter nostrum de Fasnericidæ, Sigurdi Hringi, aut aliorum illius æqualium, ætate calculum turbare valet. Quod si quis omnino credere velit &c.

Pag. 343. lin. 9. lege: contra eum pugnasse, superius ad pag. 322. dictum est: idque auctoritate *Nornagesti*, qui conflictui isti interfuisse se asseruit, rei que gestæ feriem Olaso Tryggvino Norvegiæ Regi retulit circa annum Christi DCCCCXCVIII. ipse tunc trecentos, ut in *vita* illius traditur, annos natus, id quod nostræ de Sigurdi Fasnericidæ, Sigurdi Hringi & Giucungorum ætate assertioni non parum suffragatur. Quod si quis ulterius Svanhildis sororem &c.

Pag. 347. lin. 22. lege: Sigurdi nomen puero inditum: qui, ut inferius dicetur, post mortuum patrem, Daniam insularem &c.

Pag.

Pag. 383. lin. 22. lege: qvem Jormunreco vel Ermanarico cœvum fuisse, ac sponsæ illius sororem duxisse tradunt.

Pag. 384. lin. 5. lege: et post qvatuor secula alter ejusdem nominis vir Aslaugem duxisset, Sigurdo Fasnericidâ & Brynhilde Budlinâ similiter natam: id qvod de hoc ultimo tot verusta testimonia, magnam partem superius à nobis adducta, fatis evincunt; inter qvæ luculentissimum est, qvôd ipsius *Ragnaris Lodbrochis vita* perhibet, narrando distinctè, qvomodo memorata Aslaug, Sigurdi Fasnericidæ & Brynhildis memoratæ filia, postutriusque parentis interitum, à nutritio suo & materteræ marito Heimere in Norvegiâ triennis sit devecta. Unde magis adhuc elucescit *voðeða* carminis superius ad pag. 335. à nobis adducti, qvo Brynhildis prædixisse fertur, aut verius (uti nos ad pag. 342. rationibus innixi statuimus) fingitur, omnem Sigurdi Fasnericidæ progeniem cum Svanhilde, illius & Gudrunæ Giukinæ filiâ, interituram; id qvod illa verè dicere non potuit, superstitæ suâ & Sigurdi filia Aslauge, qvæ paternum stemma feliciter postea propagavit, potentissimarum, vel hodie, familiarum mater. Nec si quis crediderit, Brynhildem sobolem suam reliqvæ, quam ex Gudruna Sigurdus susceperat, proli (cui omnia infansta cupiebat) annumerare noluisse, prædicto carmini illâ conjecturâ fides fatis conciliatur, ohea qvæ de Jormunreco & Svanhildis interitu inibi habentur. Ceterum de Aslaugis genere scrupulum movere poterit, qvôd in *Semundi Eddâ*, cujus variæ Odæ Sigurdi Fasnericidæ & Brynhildis prolixam mentionem faciunt, nihil de hac eorum filiâ Aslauge, nihil de Ragna-

re Lodbroche occurrat. Verum responderi potest, ingentem in omnibus Sæmundi Eddæ exemplaribus lacunam extare, ac deesse omnia, quæ à primo Sigurdi & Brynhildis congressu usque ad Sigurdi interitum, absque dubio, olim inibi habebantur; quæ Ragnaris Lodbrochis vitæ auctorem (qui ex Eddicis hisce odis permulta, uti ex collatione liquet, in suum opus transtulit) ad manum habuisse, atque inde, quæ de Aslaugis genere tradit, exscripsisse indubium est. Nobis itaque primus Ragnar Lodbroch erit &c.

Pag. 385. lin. 3. post: *posterorum series*, adde: quam superius ad pag. 319. adduximus, cum genealogiis &c.

Pag. 387. lin. 16. lege: 7. Raumus; 8. Finnalfus, alias Alfus Grandævus; 9. Svanus R.

Pag. 388. lin. 3. lege: superius lib. II. Cap. IV. pag. 126. & lib. III. Cap. IV. pag. 261. sententiam nostram dix.

Pag. 394. lin. 11. lege: nos Regulum tantum, imò, tempore, quo Regenarius Gallias infestavit, non nisi piratam fuisse, inferius, ubi de posterioribus Jutiæ Regulis agemus, monstrabimus.



Errata Typographica sic corrigantur.

<i>Pag.</i>	<i>lin.</i>	<i>pro</i>	<i>lege</i>
13.	18.	petinet.	pertinet.
28.	26.	crebro.	cerebro.
ead.	30.	furerfit.	superfit.
42.	8.	commiffisse.	commiffisse.
50.	ult.	vulgò.	vulgò.
53.	19.	comitibusqve.	comitibusqve.
59.	4.	contextui.	contextui.
ead.	5.	contemum.	contemfi.
60.	26.	noftoss.	noftros.
67.	16.	Cimbrium.	Cimbricum.
68.	29.	Dace.	Duce.
70.	13.	præerea.	præterea.
76.	13.	merropoli.	metropoli.
93.	2.	rythmo.	rhythmo.
ead.	25.	referrimus.	referimus.
94.	5.	Vitaland.	Vitalund.
ead.	26.	intefantium.	infefantium.
95.	13.	Fryggjar.	Friggiar.
ead.	16.bis.	Fryggæ.	Friggæ.
101.	10.	difficulter.	difficulter.
ead.	penult.	appeterent.	oppeterent.
107.	28.	partrem.	patrem.
110.	13.	qvæ hunc.	qvæ nunc.
ead.	25.	nobit.	nobis.
117.	23.	En æfir : fetiaz.	En æfir fetiaz.

<i>Pag.</i>	<i>lin.</i>	<i>pro</i>	<i>lege</i>
120.	25.	mitetur.	mitretur?
125.	16.	genalogiæ.	genealogiæ.
128.	17.	septententrionis.	septentrionis.
135.	28.	et snyz.	er snyz.
137.	23.	qvædam.	quasdam.
138.	12.	muudac.	mundac.
144.	13.	sito.	sito.
154.	18.	Vidichindus, Priscus.	Vidichindus Priscus.
161.	3.	primum.	primam.
164.	8.	folis.	foli.
184.	24.	oriundos.	oriundas.
188.	16.	pro-	pro
194.	1.	singlas.	singulas.
217.	ult.	Aun.	Aunius.
220.	penult.	incuria.	injuria.
221.	18.	singularum.	singulorum.
226.	16.	pag. 216.	pag. 217.
ead.	25.	pag. 105.	pag. 106.
239.	14.	Hilditann.	Hilditannem.
ead.	24.	Hilditanni.	Hilditannis.
247.	1.	Regium.	Regum.
253.	19.	perperit.	peperit.
254.	9.	perperisse.	peperisse.
255.	21.	Frodi.	Frodii.
263.	15.	falsi.	falso.
269.	11.	origibus.	originibus.
272.	3.	fermo.	sermo.
ead.	20.	post correxit	adde punctum(.)
247.	25.	finem.	fines.

<i>Pag.</i>	<i>lin.</i>	<i>pro</i>	<i>lege.</i>
278.	15.	qvo is.	qvod is.
279.	1.	216.	217.
283.	17.	Rege.	Regem.
299.	4.	interiritu.	interitu.
ead.	19.	ofborrinn.	ofborinn.
316.	14.	Hialum.	Hiallum.
322.	8.	regum.	regnum.
326.	19.	nomini.	nomine.
335.	16.	posunt.	possunt.
336.	penult.	Aslaugis.	Aslaug.
337.	1.	Aslaugis.	Aslaug.
339.	18.	Ginguncorum.	Gungincorum.
348.	10.	vicendo.	vincendo.
349.	ult.	esse.	esset.
350.	16.	pepegisse.	pepigisse.
364.	9.	nno.	uno.
ead.	23.	facta.	fata.
366.	5.	Biorno.	Biornus.
371.	24.	Oafus.	Olafus.
384.	2.	343.	342.
389.	17.	dirigendis.	digerendis.
427.	26.	15.	115.
428.	18.	huc.	hac.
457.	24.	ufurpatore.	ufurpatori.
476.	ult.	igenio.	ingenio.
477.	3.	deso ndit.	despondit.
482.	3.	qvæ fiturus.	qvæsiturus.
484.	6.	ei.	eo.
491.	17.	Hrolfi.	Hrolfi.

Pag.	lin.	pro	lege.
507.	18.	Gandulfus.	Gandulfus.
511.	9.	Opportunè.	Oportunè.

Præter hæc aliquot locis, sed paucissimis, factum est, ut voces, quæ disjungendæ erant, conjungantur: in verborum quoque ac sententiarum interpunctionibus aliquando erratum est: semelque aut iterum in fine periodi pro puncto comma perperam ponitur. Ceterum ista Lectorem, modo Latina lingvæ gnarum, nil remorari possunt; nec sensum quicquam turbat, sicuti in principio vocis non emphaticæ, quæ minusculis literis tota scribi debuit, majuscula compareat.

Pag. 212. lin. 8. pro: Hroaris He'gii filii, lege: Hroaris Halfdani filii.



